



BIBLIOTECA NAZ.
Vittorio Emanuele III


XXVI

B

16

NAPOLI





GEORGII
GENTII
SPECULUM
POLITICUM,

Sive
AMOE NV M SORTIS
HVMANÆ
THEATRUM.

Cum Notis illustratum.





ZIPSIÆ,
Apud JOH. CHRIST. KANIZ.



6 7 3.





BENEVOLE LECTOR,



Abeshic fortis humana
Theatrum, speculum Re-
rum & Principum, religio-
rum & pauperum mores &
facilem juventam, atq; dis-
si- em senectam; Imò dubiam & pericu-
losam vite totius generis humani a'eam;
ejusque certam & salutarem inter res
perditas a'eatores, benè & sapienter re-
genda artem. Autor, qui id condidit,
vir longè gravissimus fuit; gente Persa,
patriam Cyropolim habuit: eruditio-
ne seculi sui facile princeps: Variæ &
longinquæ peregrinationis gloria nulli

(S) 2 secun-

Benevole Lectori.

secundus : longa ætate & vere Nestorea illo ævo primus : illustre ancipitis fortunæ exemplum. Ipse hoc Rosarium suæ mortalitatis immortale Monumentum posuit ; in quo perenne quoddam Rosarum genus omni posteritati plantavit : quod nulla cœli & soli felicitas : sed divina fœcundi ingenii protulit ubertas : cæteris rosis per omnia dispar , fragrantia atque virtute longè nobilius. Hoc tamen hæ Apollinares rosæ cum ipsis hortensibus commune habent, quod frutice suo decerpæ etiam quam maxime fragrent. Quo ipso accensis possessorum animis , jucundissimo commercio pretium sui magis commendant ; dolorem jacturæ , si qua forte incidat , exasperant. In aliis sui desiderium atq; amorem acrius inflamment : neglectum vero atque contemptum sui , negato suavissimarum deliciarum fructu , acerrime vindicant. Tu itaque , si fragrantem desideraveris ; ex hoc auctoris nostri Rosario eas avida manu decerpas : quas si manibus ver-
sando

Benevolo Lectori.

fando attriveris : suavius spirant, imo circumferentem eas, suavissime fragrantem reddunt. Assiduo enim attritu illis, tanquam rubentibus victimis, succus & sanguis suus exhauritur, quo ingenii nostri siccitas irrigari potest : Purpurascete harum colore formam nostram commendamus : suavissimo odore insipientiam emendamus. Tu Rosarium hoc, dulcissimum animi delictum accipe, & mirare infandas Naturæ dotes, purpureum, verum, vivumque colorem, & suavissimum odorem, virtutibus suis pollentes. Æstima fecundum Autoris ingenium, dignum profecto, si viveret : qui fidelis operarius in Servatoris nostri vineam conduceretur. Me vero transplantatorem non habes, quem spectes ; nisi forte benignius interpretari lubeat, me præter hortulanorum mortem, Rosarium patens omnibus atque commune fecisse. Hoc si laudaveris, profecto non me, sed te ipsum laudaveris : Ego enim jam ab

Benevolo Lectori.

aliquot retro annis in ipso Rosario nativo versatus, veluti sator, hic tibi saltem per traducem transplantarum exhibui, cujus me primum florem decerpisse merito suspicari possis. Quin à te precibus contendere debeo, ut scilicet tenuem hunc nostrum transplantandi laborem & cultum non aspernari, & transplantatas nostras Rosas cum nativis, quas non plane omnes odorando absumsimus, boni consulere digneris. A nobis quidem, ut decuit, allaboratum fuit; usus sum gravissimorum virorum in Oriente institutione, ex quorum disciplina ea hausi, quæ huic auctori illustrando forent: quicum non tantum in Perside, patriæ suæ solo, sed in India, Arabia, & Turcia ubique longe sit celeberrimus & desideratissimus, ex quo omnis ætas variæ fortunæ exempla petere, & in omnem vitæ usum feliciter transferte solet: quo clarissimum hoc Persidis suæ Sidus, quod totum Orientem fulgore suo illustrat, tandem Occidenti

Benevo'o Lectori.

cidenti nostro quoque affulgeret, discussis externi cœli nubeculis, veram ejus mentem tibi aperire, & sicubi non defungi interpretatione sola licet, admotis Illustrium virorum faculis, notulisinquam appositis, obscuriora illustrare placuit; & quod boni ducis officium est, illustrationis faciem vestigiis tuis præferre: ne scilicet, mentis pedem per tenebras forte impingendo, ruinam metuens, Rosario nondum viso, per nota vestigia retrocederes: vel offensus nimis in Rosario spinis, tenerrimam mentis aciem vulnerares, atque salebrarum tædio vel ipsas plane rosas contemneres atque rejiceres, satius omnino existimans, ipsis Rosarum deliciis carere, quam mentis aciem spinosis salebrarum obscuritatibus obtundere, & gravius vulnerare. Quam nostram opellam si gratam tibi fuisse intellexero, spes est fore, ut hæc Persicæ Rosæ nostro consilio & curâ brevi quoque in Germanico & Gallico eloquentiæ horto pulcherri-

Benèvole Lectori.

me efflorescant , alioquin periculum
equidem est , ne externum illud Ro-
sarum genus , cum peculiarem genium
habeat , atque singularem quoque cul-
torem requirat , alieno studio cultum ,
à nativo suo vigore & stirpe multum
degeneret , imò prorsus pereat : Spes
itidem est , ut tibi quoque auctoris no-
stri *Aurea Pomà* degustanda demus.
Scripsit enim ille duos libros , Alte-
rum hoc *Rosarium* quod tibi hic prodi-
dimus : Alterum *Pomarium* quod decem
capita complexum , mera quoque sapi-
entia , historiis , & gravissimis , supra
quam dici potest , constat sententiis.
Primum agit de *Iustitia & Iusto mun-
di Regimine* ; quomodo populus à Prin-
cipe sit fovendus , & Numen divi-
num venerandum. *Alterum de Be-
neficentia & Liberalitate* , ut quicum-
que dives illud intentâ curâ legerit ; De-
um merito celebret. *Tertium de Ai-
more , Temulentia & Insania* : non ta-
men , qua agitati humana , sed Nu-
mine quodam correpti , divina spiramus ,
atque persequimur. *Quartum*

Benevolo Lectori.

*de Humilitate. Quintum de Constantia
& animi Tranquillitate, in Providen-
tia divina per omnia suavissime acqui-
escentis. Sextum Continentia & illo-
rum, qui eam colunt, Laudes effatur.
Septimum Disciplinam, virtutem &
bonos mores docet. Octavum Laudes
pro beneficiis Numini dicis. Nonum
de Pœnitentia & pietatis studio: Deci-
mum de Precibus, & necessariis ad vi-
tam humanam differis. Hoc vero, mi
Lector, potissimum te ignorare nolim,
ipsum autorem plerisque, quæ dicit,
præfuisse, aut interfuisse. Sed cum e-
venerint nonnulla viris minus illustri-
bus, illorum nomina consulto præte-
riisse. Nèque vero ideo minoris fidei
habenda ea sunt, quam si obscurorum
nomina celebrasset. Illustrium certe
virorum, Regum, Principum, atque
Sapientissimorum nomina memoria
prosequitur laudabili. Autoris utrum-
que opus per universum Orientem o-
mnibus Regibus, Principibus atque Ma-
gnatib. est longe carissimum: quod cer-
tatim*

Benevole Lectori.

ratim laudibus ad cœlum ferunt; & aureis plerumque literis, atque insignibus imaginibus ad luxum usque exornant. Ego id nactus fatus feliciori, variorum & gravissimorum vitorum commentariis illustratum, iisque manu mea vel descriptis, vel intenta cura collatis, hic tibi genuinas ejus Rosas exhibui, easque, ut majori earum fragrantia afficereris, in Latio campo ordine suo explicavi. Si rem gratam fecerimus, Rosarium ingredi, Rosas carpe, & bono cum Deo iis frui: mihi vero, qui Tutamorem inductus, has tibi exhibeo, amoris & benevolentiae fragrantiam aspirare perge: Vale mi Lector & fave.

Dab. in hortis Dn: Doct: Verulani quib. Anstons quondam conjugem & bibliothecam omnibus Orientalibus libris instructissimam habet.

Calend: Octob: Anno cxi 3 13c lv.

GEORGIUS GENTIUS.

IN NOMINE DEI,
MISERICORDIS,
MISERATORIS.

Aus Deo incomparabili & excel-
so : illi obsequi , causa est unionis ,
(cum eo ;) illum laudare , benefi-
cium (in nos) augere. Quivis spiri-
tus , qui descendit , vitam extendit , cum
ascendit , corpus reficit. Geminum itaque in
unoquoque spiritu beneficium ; & pro quo-
que beneficio dicendæ sunt grates.

Dist : Ex manu linguaque cujusnam prove-
niat ,

Ut debitas illi laudes exprimat ?

Colite & obsequium præstare , o posteri Da-
vidis , laudantes ; pauci enim sunt servi mei
sedulo laudantes.

Servo hoc satius est , ut sui defectûs

Deprecationem ad aulam divinam ferat :

Alioquin dignas Numine laudes ,

Nemo habere potest.

Imber misericordiæ illius infinitæ inundavit
universa. Epulum beneficentiæ illius profusæ
apparatum est ubique. Cortinam , honoris
fervorum ob turpe flagitium non rumpit. Ne-
que quotidianam vitæ sustentationem ob ne-
farium crimen præcidit.

O benefice Deus , qui ex thesauro recon-
dito ,

Ignicolis & simulacrorum cultoribus vitæ sustentationem præstas.

Amicos quinam destituas,

Tu, qui hostium curam geris?

Stratori subsolano dixit, ut Sinaragdinum lectum lterneret. Nutrici vernæ nubî imperavit, ut herbas & filias (suas,) in terræ incunabulis educaret. Arbores æquinoctiali habitu, viridi foliorum toga circumquaque amicit. Et surculis ramorum verni temporis adventu, pileum ex floribus confectum super caput imposuit. Succus arundinis illius potentiâ sacharum factum est præstantissimum. Dactyli nucleus ipsius curâ procera palma evasit.

Nubes, ventus, luna, sol & cœlum occupantur;

Ut tu (ô homo) panem acquiras, eumque non ingratus comedas.

Omnia tui causâ perpetuo agitantur motu, & imperata faciunt;

Æquitatis itaque ratio minime fert, ut tu imperium excutias.

Habetur traditio creaturarum excellentissimi, rerum gemmæ, mortalium misericordiæ, humani generis perfectissimi, temporum cursus consummatoris, Muhammedis Mustaphæ, misericordia & pax sit super ipso.

Dist: Intercessoris, verendi, Vatis, liberalis, Distributoris, potentis, ridentis & signiferi.

Dist: Quid mœstitiæ gentis muro, si tui instar columnen habeat?

Quid

Quid paveſcat maris undas ille, cujus
Nauclerus eſt Noachus?

Carm. Perfectione ſua ſummum penetravit.

Deniſſimas tenebras lumine ſuo diſ-
cuſſit.

Omnibus dotibus pulcher fuit.

Vota pro ipſo ipſiusque familia faci-
te.

QUOvis tempore, cum quis fervorum pecca-
torum, temporis (male tranſacti) pertæ-
ſus, converſionis manum ſuſceptionis ſpe ad
aulam Dei maximi & excelli tulerit; Deus ve-
ro maximus ipſum (primo) non reſpexerit;
denuo flagitet: ſi denuo (illum) Deus forte
averſatus fuerit: tertio luctu & gemitu excla-
met. (Tandem) Deum laudatum & excelſum
dicturum: ô Angeli mei! pudet me equidem
ſervi mei; ſed præter me Dominum habet
nullum. Crimina ipſi certo ignovi, precibus-
que ſuſceptis, neceſſaria ipſi ſubminiſtravi.
Me enim pudet tantarum precum, tantorum-
que ſervi mei gemituum.

Diſt: Contemplant benevolentiam & beni-
gnitatem Dei.

*Crimina admittit ſervus, Deum vero pu-
det.*

Aſſidui templi * majeſtatis illius cultores
egeſtatem cultus fateantur, (dicentes:) Non
coluimus te, ô Deus, cultu tuo vero. Deſcri-
bentes ſplendorem pulchritudinis illius attoni-
ti queruntur: Non cognovimus te, ô Deus,
vera cognitione tua.

Ver : Si quis me laudes rogaverit ipsius ,
 Quid excors de signi experte dixerit ?
 Amatores victimæ facti sunt rei amatæ
 Atqui à victimis vox redit nulla.

Cordatorum quidam , divina contemplaturus , capite in togam demisso , oraculorum pelago¹ immersus erat. Emergenti familiarium quidam jocabundus ait. Ex horto illo , in quo fuisti , nobis quid grati muneris tulisti ? Respondit ille , mihi quidem consilium erat , rosarum fruticem^m cum contigero , sinum rosis implebo , munus , amicis : (sed) me ad fruticem delatum fragrantissimus rosarum odor adeo ebrium reddidit , ut sinus ex manu mea dilapsus fuerit.

O lusciniæ , verum amorem ex pyrallideⁿ discas.

Hujus enim exustæ , quanquam anima discedat , vox tamen redit nulla.

Ostentatores^o isti , in flagrantissimo illius desiderio , sunt sine notitia :

Cui enim notitia facta fuit , ab eo notitia nulla redit.

Ali : O tu sublimior cogitatione , judicio , opinione , & imaginatione !

Omnia majoribus dicta audivimus & legimus.

Confessus^p est finitus , metam tetigit vita :

Atque res ita se habet , ut nos in descriptionis tui restiterimus limine.

Hæc

*Hac est memoria virtutum regis Mu-
hammedanorum, regnum illius sit
aeternum.*

Bona equidem Sadi memoria, consentien-
te gentium ore celebrata, bonaque dicto-
rum illius fama, quæ totum terrarum orbi
pervasit, quodque pergratum oraculorum il-
lius calamus, sacchari & instar mortales, in
deliciis habent, chartasque dictorum illius
perinde ac aureas literas circumferunt, non
magnæ equidem illius scientiæ & facun-
diæ tribui potest: sed orbis terrarum domino,
temporum cursus polo, successori Salonio-
nis, adjutori fidelium, regi regum maximo,
curatori excelso, Musaffer eddin Abubekero
filio Sadi, filii Sengi, unibræ summi Numi-
nis in terra, ô magne Deus benevolus illi esto,
ipsumque benevolum reddito, ille enim (me
Sadum) clementiæ oculo respexit, bene-
volentia inusitatâ cumulavit, verumque amo-
rem demonstravit. Hinc populus universus
cum magnates, tum plebs in amorem ipsius
flectuntur. *Homines enim regum suorum mori-
bus vitæque institutis adrepere solent.*

Car: Ex illo tempore, quo tu me inopem
respicis,

Monumenta mea ipso sole sunt clario-
ra.

Quamvis omnia vitia in hoc sint servo.
*Quodvis tamen vitium, quod regi placet,
virtus est.*

Aliquantum terræ odoriferæ in balneo
quodam die.

Pertigit ex manu dilecti in manum meam.

Illi dixi, tu aut muscus aut Ambra es:

Ex tuo enim odore cor accendente sum e-
brius.

Respondit: Ego terra sum vilis;

Sed aliquandiu cum rosa consortium ha-
bui.

Virtusque sodalis in me penetravit.

Alioquin ego terra sum tantum, quod
sum,

Magne Deus, fideles bea vitæ ipsius longi-
tudine:

Et gemina merita bonorum operum, virtu-
tisque ipsius.

Extolle magnitudinem amicorum ipsius,
judiciumque.

Et prosterne hostes inimicosque ipsius.

Audi nos, magne Deus, per illud, quod in
Korano sacrorum dictorum legitur.

O Deus noster, securam præsta illius regio-
nem, servaque prolem ipsius (Sadum.).

Car: Orbis certe beatus fuit ipsius beneficio.

Diuturna sit ejus Majestas.

Eumque adjuvet Deus auxilii signis.

Adolescat eodem modo furculus illius,
cujus ipse est radix.

*Bonæ enim herbæ in terra ex seminis na-
scentur præstantia.*

Altissimus sanctissimusque ille Deus, puros
Schirasi limites justorum judicum gravitate,
sapientumque beneficorum diligentia ad ex-
tremum

P R Æ F A T I O.

9
mum usque resurrectionis diem in pace & tranquillitate conservatos præster.

An nescis, in peregrino orbe,

Quare per aliquod tempus sim moratus?

Discessi propter iniquitatem Turcarum;
quia vidi;

Orbem tumultibus implicitum, capillitii
Æthiopum instar.

Omnes hominum erant progenies; verum
luporum instar cruenti.

Intra urbem cives erant, ut angeli, moribus
optimi.

Extra vero erat (Turcarum) exercitus, leo-
num instar ferocium.

(Ex peregrino orbe) reversus, provinciam
vidi liberatam,

Tigresque tigrinos mores exuisse;

Talis erat primi temporis facies, quam vidi,

Orbis scilicet turbis, tumultibus, atque an-
gustis obrutus erat.

Talis, felix scilicet, fuit tempore æquissimi
regis,

Optimi Principis Abubekeri filii Sadi, filii
regis Sengi.

Persarum regno nullum miseriarum est pe-
riculum:

Quamdiu tui instar, umbra Dei, in fastigio
illius fuerit.

Hoc quidem tempore nemo in toto terra-
rum orbe monstraverit,

Similem aulæ tuæ, benevolentiae tranquil-
latisque portum.

Num est, inopum animos fovere; laudare,

Nostrum ; Dei vero conditoris universi , tibi ea reddere.

O Magne Deus , à motuum tempestate Persarum regnum defendas :

Quamdiu ipsa terra ventusque durabunt.

Causa conscribendi libri.

QUadam nocte præteriti temporis memoriam revocavi :

Vitæque male transactæ dispendium cum indignatione devoravi.

Saxumque ^a habitaculi cordis lacrymarum adamante ^b perforavi.

Hosque versus conditioni meæ convenientes effudi.

Quovis momento unus vitæ abijt spiritus. Illud dum inspicio , non multum restitit.

O te (socordem !) cujus jam quinquaginta (ætatis anni) sunt elapsi , etiamnum somno gravem !

Utinam istos quinque supremos vitæ dies probe intelligeres.

Pudor illi, qui abiit , opusque non perfecit, Discessus tympanum percusserunt , sarcinam nec composuit.

Suavis Somnus in discessus aurora , Retinet peditem ex itinere.

Quicumque venit, novam fabricam struxit : Abiit ille , fabricamque alteri construxit.

Alter ille , similia huic vanitatis molimina agitavit :

Illam vero fabricam ad finē perduxit nemo.

Soda-

Sodalem instabilem amicum ne adſciſce :
Amicitia indignus eſt fallaciſſimus hic
mundus.

Cum bonis malisque pariter ſit morien-
dum ;

Beatus eſt ille , qui bonitatis palmam ^d re-
portavit.

Viaticum vitæ (æternæ) in ſepulchrum
tuum præmitte :

Mortuo enim tibi nemo feret : tute ipſe
præmitte.

Vita (ut) nix eſt, ſolque Auguſti (æſtuans).

Pauxillum reliquit ; tibi tamen Domino
etiamnum ſocordia & inertia blan-
ditur ?

Heus tu , qui manu vacuâ forum adiſti ;

Metuo , ut plenum referas * ſtrophium.

Quicumque ſegetem ſuam comederit , dum
adhuc in herba eſt ;

Meſſis tempore ſpicilegio contentus eſſe
cogitur.

Conſilium Sadi attentis animi auribus ac-
cipe :

Via ita ſe habet, tu te virum præſta, & vade.

Hoc probe conſiderato, ex re eſſe vidi ; ut in
loco ſolitario conſiderem, ſinuque meo à mor-
ralium conſortio contracto , tabulas inanium
dictorum delerem , poſthacque nihil amplius
male aut procaciter dicerem.

Ver : Elinguis in angulo aliquo deſidens, ſur-
dus atque mutus ,

Præſtat illi ; cujus lingua eſt effrænſ.

Solitudinem itaque colui , donec tandem

quidam amicorum ; qui sodalis in Meccano itinere mecum eodem vectus camelo , inque hospitio mihi contubernalis ; antiquo & ulitato more fores ingressus , quantis jocos facetiisque (blanditus) ipsum illecebrarum lectum contraverit , (frustra tamen confabulationem molitus :) nullum enim verbum respondi , ne caput quidem cultus divini gratiâ genibus finnixum extuli : quo ille accensus me aspicit & ait ;

Nunc dum dicendi datur copia ;

Dicito , ô frater , favore & benevolentia :

Crastino enim die , cum sati satelles te accesserit ,

Invitus linguam contrahes .

Quidam sodalium meorum illum , status mei recenter ita mutati , certiozem fecit , inquiens . : hic homo consilium cepit singulare , vitamque solitariam sibi proposuit , vitæ scilicet reliquias in hoc terrarum orbe , procul à mortalium consortio , Deum colendo exacturus , silentiumque culturus . Tu quoque si potes , animum collige , solitudinisque viam & instituta amplectere . Quo audito inquit ; Magnum testor Deum , nostrumque antiquum consortium & amicitiam , me non acquieturum , nec pedem hinc moturum , nisi more ulitato consuetudineque ex solito verbum fecerit . Amicos enim offendere , mera est socordia . Sacramenti quoque , (si quod dixerit ,) piaculum facile est .

Rectitudinis enim tramiti adversum , conditorumque judicio contrarium est ,

Ut Ali^h ensis lateat in vagina (reconditus,)

Et

Et (facunda) Sadi lingua palato hæreat af-
fixa.

Lingua in ore, ô Cordate, quid est?

Clavis est portæ thesauri artificis

Clausa si porta fuerit, quid sciverit alius,

Utrum gemmarius, an vilium lapillorum
mercator intus sit?

Et si coram cordato silentium (magna) sit
virtus:

Necessitatis tamen tempore, verbis certare
præstat.

Duæ enim res (causam) turbandi & confun-
dendi animi præbeat: *Tacere tempore loquen-*
di, & loqui tempore tacendi.

Ut rem paucis complectar, linguam ab il-
lius colloquio (diutius) continere non potui;
vultumque à confabulatione illius avertere,
benevolum haut duxi: facilis enim sodalis,
verusque erat amicus.

Ver: Quod si potens sive bellicosus es, con-
tendas cum illo,

Cujus aut prorsus non indiges ope, aut
quem effugere possis.

Invitus itaque locutus, animumque recreatu-
ri foras prodimus, tempore verno, cun fractâ
jam hyberni frigoris vehementiâ, florescen-
tium rosarum statio adesset.

Ver: Viridi foliorum indusio amictæ erant
arbores;

Perinde ut festis diebus divitum habi-
tus splendidus esse solet.

Primus erat Ardebehishti Schelaliaui
mensis dies:

Luscinia loquax cellis arborum ramis insidebat.

In purpurascentibus rosis ex rore cadentes (guttæ) margaritarum instar splendebant;

Perinde ut sudor in malis formosi aestuantis.

Eadem illa nocte in cuiusdam amici horto præter spem & opinionem pernoctandum fuit. Hortus ille (bellis pratis) erat jucundus: Arboribusque, miris animi illecebris, densus. Tu equidem (florum varietate & splendore) dixisses, viridis vitri fragmentis solum illius stratum esse, Plejadumque nodulos sive tinnabula ex arborum fastigiis suspensa, (tantâ fructuum copiâ arborum rami gravati erant.)

Hortus, cuius rivorum aqua saluberrima, sive Nectar erat.

Pomarium, cuius avium concentus dulcissimam carminum modulationem æquabat.

Hortus omnium colorum floribus refertus.

Pomarium omnis generis fructibus plenum.

Ventus sub umbra arborum illius

Straverat tapetum omnis coloris.

Postridie, cum revertendi propositum restandi opinionem superasset, vidi sodalem meum antiquum, qui sinum rosis, myrto, hyacintho, ocymo impletum constrinxerat, sic urbem repetere constituerat. Ego illi dixi: Rosarum, quas fert hortus, ut nosti, ea est ratio, ut non durent,

durent, neque ipsa florecentis Rosarii statio est diuturna. Sapientum vero hoc est oraculum; Rei instabili animum applicare turpe. Quo audito, infit ille, quid itaque agendum? respondi, ego potens quidem sum, ut studiosis, aliquod animi delictum; doctis variae eruditionis complementum; ROSARII scilicet librum conscribere possim: in cuius certe folia ne sævus quidem autumnus ventus funestam manum injecerit; neque temporum vices vernas illius delicias in sterilem hybernæque nuditatem mutaverint.

Quorsum & cui bono est tibi rosa explicata & ampla?

Ex ROSARIO meo unum modo carpas foliolum.

Rosa enim quinque aut sex tantum durat dies:

Hoc vero ROSARIUM semper floridum pulchrumque erit.

Mox ubi hæc fui locutus, sinu Rosas effudit, sinumque meum prehendit inquires: *Liberalis, quicquid promittit, præstat.* Unum atque alterum caput per istos aliquot dies præter spem, in chartam conjecta fuerunt. Caput scilicet unum, de conversandi decoro & elegantia: (Alterum vero) de colloquendi modestia & civilitate; stylo oratoribus utili, qui & scriptorum elegantiam ornare possit. Ut rem paucis absolvam; rosarum etiamnum reliquæ extabant, cum liber noster Rosarium, ad finem perductus esset. Tum autem vere perfectus erit, cum gratus acceptusque fuerit
in

in aula regis : qui in hoc orbe mortalium est
refugium , conditoris umbra , benevolentiae
divinae splendor & radius , temporis antrona si-
ve sustentamentum , religionis refugium , cœ-
litus firmatus , victricis potentiae lacertus , gen-
tis illustris lumen , hominum pulchritudo , fi-
dei Muhammedanae delictum , Sadius filius
Principis maximi : regis regum summi , gen-
tium imperatoris , Arabicorum barbarorumque
regum patroni , terræ marisque Domini , regni
Salomonici hæredis , religionis ocelli , Deus
optimus maximus utriusque potentiam sem-
per conservet , extrema ipsorum bene vertat ;
(Tum inquam vere perfectus erit ,) si obtutu
benevolentiae magnatibus innatae , illum lege-
re dignetur .

Quod si regia benevolentia illum exorna-
verit ,

Perinde ut domus picturarum ! Chinenſis ,
effigierumque liber.^m Ersengi , celeberrim-
us erit .

Spes est , fore , ut frontem obrepente tædio
nequaquam contrahat : .

Quia Rosarium minime est locus angus-
tiam creans . . .

Imprimis cum egregia illius præfatio no-
mine Sadi filii Sengi sit insignis : .

*Celebratio Magni Principis , religio-
nis delicti , Abubekeri Abunafri .*

P Ræterea sponsa meditationis meae caput
ob deformitatem non effert : .

Vul-

Vultumque spei omnis egenum, ob verecundiam in pedis superficiem defixū, nec tollit: Neque in formosarum agminae formam & splendorem ostentare potest; nisi tū temporis, cum amplexus ornamento eam exornaverit Princeps magnus, sapiens justus, cœlitus firmatus, hostium victor, solii regii columen, dux administrandi regni prudentissimus, pauperum refugium, peregrinorum portus, sustentator æstimatorque doctorum, amator piorum, delictum gentis Persicæ, robur regni, princeps procerum, decus potentiae atque religionis, adiutor fidei Muhammedanæ & Muhammedanorum. fiducia regum atque principum, Abubekkerus filius Abu Nasri: Deus vitam illius pro roget, potentiam illius extollat, animum illius illustret & præmia (vitæ) illius geminet: est enim per totum terrarum orbem divitum laudatissimus, atque virtutum omnium sive bonorum morum compendium.

Ver: Quicumque sub illius benevolentiae opisque est umbra;

Crimen illius obsequium est, hostisque illi amicus est.

Cæteris omnibus ministris, servisque certa incumbunt ministeriorum onera: quod si illis præstandis, negligentiae atque ignaviae blanditiis illecti defuerint, omnino reddendæ officii rationi correptionibusque subjiciuntur; excepta religiosorum gente, cui [aulicæ molis experti] incumbit, magnatum beneficia gratiis, bonis recordationibus, piisque votis, precibusque prosequi: hocque officium rectius fit in occulto

oculto & absentia, quam in propatulo & præsentia : hoc enim adulationi & blanditiis est proximum, illud vero ab ostentatione & simulatione alienum, & certius exauditur.

Dorsum orbis cœlestis contortum, præ lætitia fuit erectum,

Quando tui instar temporum matri natus est filius.

Singulare Dei munus est, quando benevolentia conditoris universi,

Singularem præfecerit servum communi mortalium rei.

Æternam sibi acquisivit gloriam, qui bonum sibi suscitavit nomen.

Illo enim defuncto, bona memoria nomen ipsius immortale præstat.

Parum refert, te laudaverint, an non laudarent sapientes :

Vultus enim formosus non indiget ornatrice
(ⁿ aut purpurisso.)

*Excusatio officii parcius præstiti,
causaque deletæ solitudinis.*

Quod frequentandæ Magnatis aulæ officio deesse & solitudinis secessum præferre cœperim, ratio in hoc est posita. Quod sapientes Indorum magnæ Busurschumhuri ° virtuti objecerunt ; nullum aliud in illo vitium damnantes, nisi quod sermone tardus esset, siue multum cunctaretur, auditoremque diu attendere oporteret, ut verborum illius argumentum caperet. Busurschumhur hoc audito
ait

ait: *Meditari, quid dicturus sim, praestat, quam
ut postea penitentiae, quare hoc dixerim, tedia
concoquam*

Verborum momenta sciens expertusque se-
nex,

Primum meditatatur; deinde verbum loqui-
tur.

Inconsiderate verbum ne effundito:

Bene dicito: etsi tarde dixeris, nihil refert.

Considerato primum, dein dicito.

Sermonemque finias, antequam quisquam
dicat, ohe jam satis est.

Oratione homo praestantior est mutis ani-
mantibus.

Animal praestantius est te, nisi bonum dixe-
ris:

Præcipue vero in conspectu procerum prin-
cipis, ad quem cordati frequentes confluunt,
cum sapientissimorum sit centrum: quibus
praesentibus, si sermone profuso me virum
praestitero, procacitatis & impudentiae crimen
admisero, levisque pretii merces. Principi tu-
tero; vilisque petra in gemmariorum foro, ne
hordeaceum quidem valet granum. Faxque
Soli splendenti apposita nihil luminis fundit,
altissimaque turris Elvendi⁹ montis radici
(adstrueta,) humilis cernitur.

Quicumque caput ambitu ostentationeque
extollit;

Hostis undequaque in illum impetum facit

Atque seipsum in proprium caput præcipi-
tem dat;

Sadus autem, qui jam cecidit, liber est,

Nemo

Nemo enim cum illo, qui cecidit, bellum gerere velit.

Primum meditatio, postea verba:

Fundamentum enim muro præmittitur.

Ego flores quidem compono, sed non in horto.

Formosus quoque sum; sed non in Cananæa.

Sapientem rogarunt Locmannum, dicentes: sapientiam unde didicisti? Respondit: A cæcis, qui nisi solum tactu exploraverint, pedem non ponunt. *Primum de exitu, quam de ingressu cogitato.*

Primum virum te esse probato, deinde uxorem ducito.

Et si acer sit (cum gallo) in certamine gallus: Quomodo tamen feriat accipitrem ferreis uncis armatum.

Felis Leo est in capiende mure.

Sed mus est in certamine tigris.

Amplis vero subnixus magnatum virtutibus, qui humilium vitia tegere solent, atque in regendis minorum nævis nullum studium ponunt. paucula quædam via breviori, ex rebus rarioribus, memoria dignis, gravibus sententiis, historiis, carminibus, priscorumque regum institutis, hoc libro contraximus, aliquamque pretiosæ vitæ partem huic insumsimus. Causa componendi libri hujus ROSARII hæc fuit, Deus vero maximus opem ferat.

Multos annos restabit hic codex, hocque scriptum,

Postquam (putrefacti) corporis nostri quivis pul-

pulvisculus in locum suum fuerit missus.

Studium hoc est, ut nostri in hoc orbe aliquod exret monumentum.

Hoc enim corpus nostrum perennare posse minimè video.

Atque utinam quondam cordatus aliquis misericordiâ motus,

Miserorum rem memoriamque piis precibus bonisque ominibus prosequatur.

Exquisitum diligentiae studium in componendo libro, limandisque illius capitibus; styli brevitatem imprimis affectavit, adeo, ut Rosarium hoc splendidissimum, hortusque admirabilis, periunde ac paradifus octo portis fuerit constitutus, folius brevitatis studio, ne studiosis, obrepente tædio, parum lubentibus perlegatur.

Caput Primum DE MORIBUS REGUM.

Caput Secundum DE MORIBUS RELIGIOSORUM.

Caput Tertium DE TEMPERANTIAE PRÆSTANTIA.

Caput Quartum DE SILENTII COMMODIS.

Caput Quintum DE AMORE ET JUVENTUTE.

Caput Sextum DE IMBECILLITATE ET SENECTUTE.

Caput Septimum DE DISCIPLINARUM INSTITUTIONE.

Caput Octavum DE CONVERSANDI VIRTUTIBUS.

Tem-

Tempus, quo conscriptum est
ROSARIUM.

Illo tempore, quando mihi otium esset,
 A fuga vatis annus sexcentessimus quin-
 quagesimus sextus erat.

Studium nostrum fuit bona consilia tra-
 dere, quæ diximus.

Te Deo commisimus, atque discessimus.



RO-
 CAP DE VESTIB

R O S A R I ²³ I

CAPUT PRIMUM

De Moribus Regum;

H I S T O R I A.

Regem quendam fuisse, audiui, qui captivum interficere, signum dederat; miser ille, salutis spe egenus, lingua, quam callebat, regem conviciis proscindere cœpit: prout dici solet.

Quicumque manum ab anima eluit;

Quicquid in animo habet, effundit.

Cum quis desperaverit, lingua illius tumescit:

Perinde ac felis superata canem infestat.

Duris temporibus, cum non reliquus fuerit
fugæ locus,

Manusprehendit aciem acuti acinacis.

Regi, quid ille dixisset, roganti, quidam purpuratorum, ingenio comis atque benignus inquit: O Rex, dixit miser ille: Paradisus est illorum, qui iræ moderantur, & mortalibus ignoscunt: (Quibus verborum velis, tuum, O Rex, miserationis portum, magna liberationis spe adnavigat.) Rex hoc audito, misericordiâ motus, imperatam illi necem remisit. Purpuratus alius priori infensus, insit: Nostri equidem generis viros non decet, præsentem regem, aliud, quam verum dicere. Hic homo Regem
foedissi-

scdissimo convicio proscidit. Quo dicto Rex mire accensus inquit : Mihi mendacium illius vero, quod tu dixisti, longe gratius fuit : ipsius enim studium fuit, ut beneficium faceret ; tuum vero, ut exitium festinaret. Atque hæc sapientum est sententia : *Mendacium beneficium faciens, melius est vero, exitium parienti.*

Si Rex (continuo) faciat, quicquid aliquis dicit ;

Væ illi, si præter bonum aliud dixerit.

Arcus astivarii (regis) Feriduni ita inscriptum fuit :

Mundus, ô frater, relictat nemini ;

Animum in mundi conditore figas, sat est.

Ne inanis opibus hujus mundi, iisque incumbas :

Multos enim tibi pares aluit atque peremit.

Cum anima studeat transire illibata ;

Quid interit, moriaris in folio, an in solo ?

Historia : Quidam ex regibus Chorasanae, Regem Machmudem, filium Sebuctegini, post excessum illius, annis centum, hoc modo in somnis vidit : Consumpto toto corpore in pulveremque verso, oculos in oculis suis versando circumspiciebat. Sapientes universi, desperatâ somnii illius interpretatione, obtinuerunt, excepto quodam religioso, qui id expedivit, inquiens : Nunc demum contemplatur, regnum suum in aliorum manibus esse.

O quan-

O quantos & quam famosos humo condiderunt!

Quorum, quod in hoc orbe fuerint, nullum vestigium restitit.

Atque hoc decrepitum cadaver, quod terrâ condiderunt,

Terra ita est depasta, ut ossa illius residua sint nulla.

Immortale est laudatum Nuschirvâni nomen;

Quanquam multum temporis sit elapsum, ex quo Nuschirvanus obiit.

Quisquis es, benefacito, vitamque usuram censeto,

Antequam mœsta hæc oriatur vox: Ille non amplius superstes est.

Historia. Regis cujusdam, audivi, filium fuisse staturâ parvum, aspectu miserabilem, cæteris ipsius fratribus corpore proceris, formâque præstantibus. Aliquando pater vultu forte tetrico illum est intuitus, filius ingenio sagax id animadvertens ait: O Pater, *Homuncio ingenio præditus præstat inscio giganti*. Neque mole grandius, pretio potius. Ovis munda est, elephas sordidus.

Minimus montium hujus orbis est Sion:

Qui tamen maximus est apud Deum, potentiâ & dignitate.

Audivistine quid sapiens macilentus

Quodam die rudi obeso dixerit?

Equus Arabicus quamvis sit tenuis,

Talis tamen est, ut asinorum cohorti præset.

B

Pater

Pater (verbis illius) arrisit, primores collaudarunt, fratres vero acerrimo odio accensum sunt.

Quamdiu vir verbum non fecerit ;
Inertia virtusque illius sepulta sunt :
Quemvis saltum ne existimes vacuum :
Fieri potest , ut in eo tigris lateat.

Audivi sub idem tempus , acrem hostem in regem insurrexisse , educto utrinque exercitu , qui princeps , equum suum in campum egerit , filius ille fuit , exclamans :

Ego minime is sum , cujus in certamine tergum videas.

Is equidem sum , cujus caput pulvere cruoreque respersum in solo videas.

Bellum quicumque movet , suo sanguine ludit.

Atque qui certaminis die elabitur , exercitus sanguine ludit.

Hoc dicto hostilem equitem invadit , confectisque aliquot viris fortibus , ad patrem reversus ; terramque osculatus inquit :

Heus tu , cui corpus meum miserabile est visum :

Ne in corporis mole sitam putes virtutem.

Equus corpore tenuis ; expeditus est :

In certamine , non vero bos pinguefactus.

Narrant : hostilem equitem numerosum , hos pauciores ; jamque fugæ intentos fuisse , quos filius à flagitio retinuit , militarique voce his verbis ad prælium animavit : Me sequimini o viri , & fortiter pugnate ; ne muliebrem habitum gestare videamini. Acceusi his verbis juvenum

venum animi ; une impetu in hostem irruunt universi , fortiterque superant. Rex (victoris) filii caput vultumque osculatus , eumque amplexus , indies impensius amare cœpit ; ita ut eum suo tempore, sibi regni curatorem adjunxerit. Accensi (novis ipsius honoribus) fratres venenum cibo miscuere ; soror autem dolo per fenestram perspecto, signum datura valvas concussit: filius ingenio sagax dolum (protinus) agnovit, cibo itaque abstinuit dicens : *Fieri minimè debet, ut moriantur cordati , ignavique ipsorum locum occupent.*

Nemo mortalium sub noctuæ patrocinium concesserit ,

Etsi ^daquila in orbe terrarum non extiterit.

Patri dolum scelusque fratrum indicarunt , qui accersitis aures probè obtorsit , flagitante severitatem scelerum flagitio ; singulisque per regnum quædam viveudi loca adscripsit , ut moreretur simultas , discordiaque vanesceret. Sapientum enim est sententia. *Decem pauperes uni stragulo indormiunt ; duos vero reges unum regnum capere nequit.*

— *Medium panem si vir Dei comederit ,*

Mediam illius partem pauperibus distribuit.

Rex vero integrum regnum si occupaverit.

Alterius denuo occupandi consilia agit.

Historia : Arabicorum latronum cohors , in montis cujusdam jugo , sede sibi condita , commeantium mercatorum transitum intercluserat : Incolis provinciarum fraude ipsorum territis , superatoque regis exercitu , co-

rem provexerant, ut ex montis jugo certum paraverint refugium, imo præsidium, tutumque satis propugnaculum construxerint. Rectores provinciarum in tempore latrociniiis damnisque illorum occurrendum rati, consilium capiunt, dicentes: Hæc latronum pestis, si cœpto modo aliquandiu substitute-rit, sedibus istis postea moveri & pelli nequibit.

Arbor, quæ recens radicem egerit,

Robore viri unius loco eruitur.

Si illam per aliquod temporis spatium ita reliqueris,

Ne curru quidem radicibus suis avulseris.

Fontis principium obstruitur operculo;

Vndis vero cum intumuerit, ne elephante quidem transiri potest.

Concors hæc Rectorum fuit sententia, exploratorem mittendum, per quem irruipendi oportunitatem cognoscerent, quam ipsis quodam tempore dedere prædones, gentem quandam, speluncâ vacuâ relictâ, aggressi. Aliquot itaque viros fortitudine claros, militiam doctos misere, qui se per montis abrupta occulerent; (& ex insidiis prorepentes in cautos opprimerent.) Prædones itinere fessi, spoliis graves, sub noctem reversi, arma prædamque posuerunt; hostium princeps, qui illos oppressit, somnus fuit: nocte enim concubia, (cum latrones altum sterterent,)

Et perinde ut Solis orbis tenebris obscuratus vanescit;

Et

Et immani Jonas piscis haustu quondam
vëratus abiit.

(Ipsi quoque ceu veterno quodam obruti abiissent.) Viri ecce fortes ex insidiis prorumpentes, manibus singulorum revinctis, proximo die universos ad regem traxerunt, qui cunctos interficiendi signum dedit. Forte inter prædones fuit juvenis quidam, qui primum juventæ suæ florem nuper ingressus, lacteam barbæ lanuginem jam modo emiserat. Purpuratorum quidam regium solium deosculatus, intercessionis vultu humi posito, infit: puer iste, ut latrones ex vitæ humanæ vinea fructum nondum comedit, neque juventutis suæ primitias degustavit, spes mea, benevolentia virtuteque regis subnixa, hæc est, ut hunc puerum supplicio absolutum, huic servo tuo beneficii nomine præstare velis. Rex his verbis, sublimi suo judicio minimè probatis, accensus inquit.

Documenta bonorum non admittit, quicumque stirpe est pravus.

Moribus vilem imbuere, nucem globo est imponere.

Horum stirpem atque familiam succidere, radicem atque originem evellere præstat. Ignem enim extinguere, scintillam relinquere: Serpentem trucidare, pullum vero servare, prudentum non est.

Nubes etsi vitæ aquam pluerint;

Nunquam tamen ex salicis ramo fructum comederis.

Cum homine vili tempus ne absumseris;

Ex arundine enim sylvestri saccharum nunquam comederis.

Purpuratus regis hanc sententiam audivit, invidus probavit, exquisitumque regis iudicium laudavit, dicens : illud, quod rex, cujus regnum sit diuturnum, in medium protulit, verissimum est : verum enimvero, si ex familiari pravorum consortio, pravitatis scabiem contraxisset, unus illorum extitisset. At hic servus tuus spe alitur summâ, consortio piorum bonos mores imbibiturum, prudentumque virtutes amplexurum ; adhuc enim puer est, pravaque prædandi consuetudo & turpissimum pervicaciæ vitium naturam ipsius nondum subegit. Præterea ex traditione patet : Neminem mortalium nasci, nisi in Muhammedanæ religionis vestigiis ; parentes vero prolem postea Judæorum, aut Christianorum, aut ignicolarum sacris imbuunt.

Improbiorum consortio arrepsit Lothi conjux ;

Ideoque domesticum illius vaticinandi munus periit.

Canis Dormitatorum in spelunca, aliquot dies

Bonorum vestigia secutus, homo evasit.

Hæc purpurati dicta quidam regis amici precibus ita adjuverunt, ut rex illi supplicium ex animo remiserit dicens : tibi quidem puerum concessi, quamvis consultum minimè duxerim.

Nostine, quid dixerit pater Salus Rustemo Athletæ ?

Nul-

Nullum hostem miserum atque inopem existimare decet.

Sæpe vidimus aquam ex origine modici fontis.

Intumescentem illico, Camelum onere gravem rapuisse.

Ut rem paucis complectar, purpuratus puerum domum deducens, benevolè & splendide educavit, moderatorem doctrinâ bonisque moribus imbuendo præfecit, qui decorum auditoris, responsorisque promptitudinem, cæterasque virtutes, ministerio regio requisitas, ita docuit, ut inter cæteros suos æquales delicio fuerit. Aliquando forte purpuratus bonos ipsius mores, atque virtutes nonnihil regi laudavit, inquit: Sapientum documenta in illo fructum protulerunt, pristinaque naturæ illius socordia subacta est. Quo rex audito, subridens inquit:

Tandem lupi pullus lupus evadit;

Et si inter homines fuerit educatus.

17

Tracto aliquot annorum spatio, ejusdem loci miles juveni adrepsit, fide conjurationeque inter se factâ, oportunitatem captans, purpuratum cum duobus filiis trucidavit, incredibilemque prædam auferens, latronum speluncam, patriam scilicet sedem repetiit, rebellisque evasit. Rex hoc audito, attonitus manum dentibus rodens, inquit:

Bonum acinacem ex pravo ferro quomodo quis fecerit?

Vilis, documentis, ô Sapiens, non fit nobilis.

Pluvia, in cujus naturæ bonitate nullum est
discrimen,

In vinea florem producit, in sterili solo spi-
nam.

Sterile solum hyacinthi florem haud edide-
rit,

In illo ne feminis laborisque impendia pro-
digas :

Pravis benefacere, perinde se habet,

Ac male facere viris bonis.

Historia : Prætoris cujusdam in ^f Uglumi-
schi aula vidi filium, qui ætate puerili, inge-
nium, intellectum, judicium & prudentiam,
laude monstrabat majorem: illoque etiamnum
puero, magnitudinis indicia in fronte ipsius
re lucebant.

In capite illius, ob singulare ingenii acu-
men, splendebat magnitudinis astrum.

Tandem, ut breviter defungar, gratissimum
regis evasit delictum, propter formæ pulchri-
tudinem, præclaras virtutes & singularem pru-
dentiam: perinde ut sapientū habet sententia:

Divitiæ in virtute, non auro consistunt :

*Magnitudoque in ingenio, non in amorum nu-
mero.*

Æquales hac ipsius fortunâ, novercalibus
stimulis acti, affectis innoxio criminibus, ma-
gno quidem nisu; sed tamen frustra illi cædem
moliti fuerunt.

Hostis quidnam effecerit? si amicus verus
amicus fuerit.

Regi, quæ acerrimi odii causa foret, roganti,
respondit: Sub umbra potentiæ regię, uni-
versos

versos quidem mihi benevolos reddidi, exceptis æmulis, quorum non satiabitur livor, nisi dignitatis meæ interitu. Diuturna sit potentia & majestas regia.

Potens quidem sum, neminem mortalium offendere :

Invido autem quid faciam ? qui ipse gravissimâ livoris peste vexatur.

Moritor, ô invidе; ut livoris miseriam effigere possis.

Hanc enim pestem non, nisi obitu, expugnare potes:

Viles atque improbi anxiiis votis expectant

Adversa magnatum fata & interitum.

Sed si vespertilionis oculus non viderit,

Quid criminis splendido corpori Solis ?

Verum si fatearis, mille ejusmodi oculos

Cæcosefle præstat, quam Solem obscurum.

Historia : Quendam Persarum regem ferunt, iniquitatis manum in subditorum bona extendisse, injuriis, omnisque generis vexationibus illos exagitasse. Subditi iniquis illius artibus fessi, huc illuc dilapsi ; atrocissimisque illius vexationibus & ludibriis agitati, desertis plane avitis sedibus, peregrinas sedes quærere cœperunt. Imminuto subditorum numero, imminutus regni census, ærarium inops & vacuum ; hostes vero acres undique eum adorti.

Quicumque auxiliatorem calamitoso tempore desiderat ;

Pacis tempore liberalitate & clementiâ certet.

Servum annulum aure gestantem, ni benigne tractaveris, elabitur.

Benevolentiam fac, benevolentiam, inquam; ut tibi liber etiam servus existat.

Quodam die in consortio regis, in Thesauro Regum, hîstoria illa legebatur. Quomodo scilicet regum potentissimus Suhacus regno dejectus; Feridunus vero ad regni fastigium evectus fuerit. Purpuratus regem rogavit, inquit: Feridunus neque ærarium, neque regnum, neque servos habuit; quonam modo regno potitus? Rex respondit: Perinde ut audivisti, populus obfirmato animo ad illum confluit, adeoque fortiter est connisus, ut regnum obtinuerit. Purpuratus infit: Cum populi concursus, regni causa sit; tu itaque populum malis artibus quorsum fatigas & dissipas? nisi fortassis regnandi studio careas.

Regem populum suum ipsâ animâ nutrire præstat:

Quia Rex populi beneficio regnat.

Tum rex rogat: Quænam causa est, militum subditorumque (ad Regem) concursus? Purpuratus respondet: In Rege requiritur æquitas, ut mortales ad illum confluant: atque clementia, ut sub potentiâ illius umbra tranquilli securique agant. At vero in te desideratur utraque.

Iniquus regnare nequit;

Perinde ac lupo oves pascere nescit.

Rex,

Rex, qui iniquitatis instituta introduxerit,
Ipse regni sui fundamentum proruat.

Regi purpurati optime monentis consilium
ingratum fuit: hinc vinculis oneratum in car-
cetem præcipitavit. Non multo post patrue-
les, in regem sumto bello insurgunt, pugnam-
que conferturi, militem colligunt, patriumque
regnum repetunt. Quibus populus, iniquissi-
mis (regis sui) artibus dudum fessus atque
pertæsus, imo dilapsus, sese junxit, adeoque
fortiter opem tulit; ut regnum iniquitati illius
creptum fuerit.

Si quis Rex iniquitatem in subditos licitam
duxerit;

Amicus illius adversis temporibus acerrimus
hostis erit.

Cum subditis pacem colito, ab hostiumque
bello securus esto:

Æquo enim regi subditus ipse miles est.

Historia: Rex quidam cum imperito puero
navim conscenderat: puer mari nunquam vi-
so, tempestatis, casuumque maris ignarus,
plorare & vociferari coepit, omnibus membris
horrido tremore percussis. Trepidantis cla-
mores ut sisterent, multum quidem, sed fru-
stra blanditi sunt. Quo ipso regis animus mi-
re turbatus; nemo enim inconditis illius cla-
moribus silentium imponere poterat. Forte
sapiens quidam eadem vehebatur navi, qui in-
fit: si imperaveris, ô Rex, ego hunc quidem
silentem effecero. Respondet rex: Hoc ma-
ximum mihi futurum est officium. Sapiens
haud cunctatus, puerum in mare præcipitem

dari jubet, maris undis aliquoties obrutum, capillis prehensum, navim versus rapuere. Puer repente ambabus manibus in navis gubernaculum ruit, in navimque (alacriter) enissus, angulum quendam petiit, summumque (omnium cum admiratione,) silentium præstitit. Rex, cui hoc gratissimum erat officium, quodnam illud naturæ sit arcanum, rogat? Sapiens inquit: Primum, quid sit undis rapi & opprimi, non erat expertus; adeoque salutis pretium nesciebat. Ille enim salutis pretium æstimaverit, qui miseris jactatus fuerit.

O Satur, tibi hordeaceus panis non est gratus:

Meum vero delictum est, quod tuum est fastidium.

Paradisi virginibus Purgatorium est Infernus;

Contra infernales roga, utrum illis Purgatorium non sit Paradisus.

Discrimen est inter eum, qui delictum habet in amplexu;

Et inter eum, qui utroque oculo in foribus circumspiciens, illud expectat.

Historia: ^h Hormusum gestandæ coronæ autorem rogarunt, quid criminis in patris tui purpuratisprehendisti, quod eos carceri inclulisti? Respondit ille, nullum quidem enorme in illis crimen deprehendi; nisi quod mei formidinem in animis illorum viderim immensam, meisque verbis fidem incorruptam atque fiduciam haud habere. Metui itaque, ne perniciem ex me metuentes, mihi molirentur

tur exitium. Proinde rem ex sapientum egi
consilio, qui docent :

Illum time, qui te timet, ô sapiens.

Et si cum ejusmodi censenis bellum gerere pos-
sis.

Nonne vides selem, cum desperaverit,

Quomodo tigris oculum ungulis eruat?

Serpens pastoris pedem ideo ferit,

Quia metuit, ne sibi faxo caput conte-

rat.

Historia. Quidam regum Arabicorum in
extrema senectâ morbo conflictans, omnem
jam vitæ spem exuerat: Præter opinionem,
ecce eques foribus ingressus, nunciat; tale ca-
stellum potentiâ regis subjecimus, hostes fer-
vitutem, equites, illiusque loci incolæ omnes,
imperii obsequia susceperunt. Rex, audito
hoc nuncio, altè ingemiscens ait: Hic nuncius
equidem meus minime, sed hostium meorum
est; regni scilicet hæredum.

Spe ampliandi regni, metam, ah! attigit
pretiosissima vita;

Utinam quod meum in corde est deside-
rium, foribus ingrederetur!

Spes (expugnaudi castelli,) diu animo agi-
tata, jam tandem successit; sed cui bo-
no?

Cum spes superet nulla, vitam redire trans-
actam.

Discessus tympanum i fati manus pulsavit:

O duo lumina mea, capiti vale dicite,

O manus vola, ô cubite, ô lacerte,

Singuli, singulis mutuum vale dicite.

Mihi jam quasi lapso, (fatum) hostium scilicet deliderium

Est certum. Vos, ô Amici, (tumulum meum) invisite.

Tempus mihi, blandiente socordiâ, est transactum :

Ego (alterius orbis supplicia) non cavi ; sed cavete vos, à me moniti.)

Historia : Integrum annum in templo Damasceno, ad caput sepulchri vatis Iohannis^k, pax sit super illo, confedi. Quidam regum Arabicorum, divini humanique juris immemor, eoque nomine famosus, vatis forte tumulum visitaturus ingreditur, precibusque fufis, necessaria flagitat.

Pauper & dives hujus terræ sunt servi :

Atque ditiores quo sunt, eo magis illâ egent.

Inde vultu in me converso, inquit : Propter grande illud religiosorum pietatis studium, verumque cum Deo commercium, tu bonis votis, omnibusque connitaris, mihi que adstas ; acerrimi enim hostis metu, inquires est animus. Respondi ego : *Subdito debili te misere-ricordem præstato, ne ab atroci hoste exagiteris.*

Robusti lacertis, ungularumque vi,

Nefas est, manum miseri impotentis torquere.

Metuat ille, qui lapsis non ignoverit :

Pede si lapsus fuerit, nemo manum illius prehendet.

Quicumque corruptum pravitatis semen sparserit, bonosque fructus speraverit ;

Inge-

Ingenium frustra vanis moliminibus con-
coquit & inania consiliorum monstra
captat.

Surdum fingere desine, populoque justitiam
administra :

Nisi enim justitiam adminitraveris, justiti-
æ, ecce, adest dies.

Posteri Adami, inter se sunt mutua mem-
bra ;

Quia, teste naturâ, ex una conditi sunt ma-
teria.

Si membrum unum calamitate pressum
tempus traxerit ;

Reliqua neque membra acquiescere pos-
sunt.

Tu si aliorum malis non indolueris ;

Minime mereris, ut te hominem dixerint.

Historia : Religiosus quidam Bagdadi incla-
rescere cœpit, precibus, votisque apud Deum
mire potens, à ¹ Hoschaso Josepho vocatus,
itaque compellatus fuit: O Religiose, pro me
vota precesque fundito. Religiosus inquit : O
magne Deus, animam ipsius auferto. Jose-
phus inquit : O bone Deus ! quænam hæc
sunt, quæ pro me fecisti, vota? Respondet Re-
ligiosus : Hæc bona sunt vota pro te, & omni-
bus Muhammedanis.

O tu potens, invalidos exagitans :

Quam diu tandem tuum iniquitatis forum
calidum erit ?

Cuinam tibi bono illud rerum arbitrium,
regimenque orbis ?

Præstat tibi mori, quam mortales exagitare.
Histo-

Historia : Quidam Regum, iniquitate famosus, religiosum quendam rogavit: Interpretatis, cultusque divini officia, quodnam est præstantissimum? Respondit ille: Tibi somnus medio quidem die; ut illo temporis spatiolo mortales non exagites.

Iniquum quendam ipso meridie vidi dormientem:

Dixi ego; iniquus iste humani generis pe-
stis est; fomno iraque oppressum esse
fatius est.

Cujuscunque somnus vigiliis præstat;
Illi pariter mori melius est, quam male vi-
vere.

Historia : Regem quendam fuisse, audiui,
qui integras noctes epulando, potando, cæte-
risque cuticulæ lenociniis traducebat, & in
medio ebrietatis æstu ita accinere solebat:

Mihi in hoc terrarum orbe, hoc uno mo-
mento nihil est jucundius:

Neque de bono, neque de malo sollicitus;
neque ullius rei dolore afficior.

Pauper quidam nudus, foris in horrido frigore
jacens, audito hoc Regis carmine, in-
fit:

O tu, qui potentiâ in hoc orbe non habes
parem:

Ponamus, (te eo felicitatis evectum,) ut
de te nihil sis sollicitus; sed nonne de no-
bis miseris sollicitus eris?

Regi hæc pauperis verba grata fuerunt, illi-
que crumenam mille aureis plenam, è sene-
stra protendens, inquit: O Religiose, sinum
aperias.

aperias. Respondet ille : sinum quinam aperiam , cum vestem non habeam ? Rex misero hominis statu , majori dolore & misericordiâ affectus , præter aureos & togam addidit , miseroque (foris præstolanti) misit. Religiosus, illo auro per breve temporis spatium absumto, atque profuso , rediit.

Numi in religiosorum manu locum stabilem non habent ;

Nec patientia in animo amantis , neque aqua in cribro.

Rediit autem tempore intempestivo , quando Regi illi vacare non licebat. Regi hominis statum indicarunt , qui vultu ad indignationem adseverato , ne hominem quidem est intuitus. Proinde viri , sapientiâ rerumque usu clari , dixerunt : Cavendum esse à vehementia & furore Regum. Plerumque enim animus illorum gravissimis regni dstringitur negotiis , adeoque importunitatem vulgi tolerare nequeunt.

Illicitum fit illi beneficium Regis ;

Qui oportunitatem ejus captare nescit.

Orationis oportunitatem nisi præsentem videris ,

Tu , inanibus nugis , ne te hordeaceum oratorem præstes.

Rex itaque inquit : Ejicite impudentem prodigumque mendicum istum , qui tantum beneficium , tam modico temporis spatio , decoxit. An nescit ille, ^m Sacræ ædis ærarium , buccellam esse pauperibus ; non vero epulas Diaboli sodalibus ?

Si quis stolidus ipso meridie cereum accenderit,

Illico videbis, obscura nocte lampadi ipsius defuturum oleum.

Quidam ex purpuratis Regis, qui consilio meliora docere solebat, inquit: Mihi, ô Rex, consultum esse videtur, simili hominum generi, vitæ necessaria, præscripto tempore, parcius subministrare; ne suppeditata vitæ sustentandæ prodigant. Illud vero, quod miserum vexandum, foribusque extrudendum imperasti, magnatum virtuti reclamationat: Hominem scilicet beneficiis liberalitateque ad bonam spem erigere: mox rursus spe omni succisa, animi dolore afficere.

Liberalitatis portam aperire vix decet:

Cum vero aperta jam fuerit, illam severitate occludere dedecet.

Nemo viderit sitibundos Meccæ peregrinatores,

Ad aquæ falsæ ripam confluere.

Ubique fons fuerit dulcis;

Homines, volucres & formicæ illuc concurrunt.

Avis in illum pervolat locum, ubi pabulum fuerit:

Locum non petit, ubi pabulum deficit.

Historia: Quidam Regum priscorum, regni subditos negligebat; militem vero tenaciter atque penuriâ quâdam alebat. Cum vero accerrimus quidam hostis, contra Regem bellum sumeret; omnes fugâ dilapsi sunt.

Quicumque stipendia, ut rem (sibi) nimis
caram,

caram, equiti subtrahit :

Tum equiti, nimis carum videtur, (pro eo) manum ferro admove.

Quidam ex illis, qui officio suo defuerant, mecum amicitiam colebat : quem itaque ; ut fugitivum, corripui, inquit : Contemptus, inglorius, vilis atque vecors est, qui ob leve momentum, à veteri domino defecerit, fasque tot per annos beneficiorum, animo oblitteraverit. Respondit ille : Si tibi (facti mei rationem) dixero, excusatum me habebis. Fas numquid est, ut equus meus sine hordeo contabescat, ephippiique stragulum in pignore putrescat ? Quicumque Princeps stipendium equiti per avaritiam subtraxerit, pro ipso animæ liberalitatem ostendere non oportet.

Forti militi aurum dato, ut caput discrimini exponat :

Aurum nisi dederis, te deserto, ad alium transferit.

Vir fortis si satur fuerit, generoso impetu (in hostem) irrumpit :

Si vero inani fuerit ventre, fugam alacriter capeffit.

Historia : Purpuratorum quidam, munere suo dejectus, religiosorum consortio sese adjunxit : quorum laudatâ conversatione penitus occupatus fuit, illique (tot miseriis, tantæque rerum mole fello,) gratum fuit animi otium. Post aliquod temporis spatium, Rex illi denuo propensus, regimen mandat ; Sed ille hisce verbis abnuit : *Præstat me dignitate*
motum

motum (otio frui,) quam cuncta regendi onere districtum esse.

Quicumque vitato mortalium consortio,
solitariam vitam instituerint;

Dentes canis, malignorumque hominum
ora obstruxerunt:

Procacia scripta lacerarunt, vituperandique
calamum fregerunt:

Manum, linguamque Zoilorum effugerunt.

Rex inquit: Nobis, omni prorsus modo, vir
quidam sublimi præditus ingenio, opus est:
qui Regni molem feliciter sustinere possit. Pur-
puratus respondit: *Viri regimini paris, præcla-
roque judicio præditi index est hic, quod se huic
oneri subicere nolit.*

Aquila^a omnium avium ideo censetur præ-
stantissima;

Quoniam vescitur ossibus, cæteraque ani-
mantia non dilaniat.

Parabola: ° Atram Auriculam rogarunt, te
quidnam adeo delinivit, quod tibi leonis con-
sortium sumferis, illique, mirâ officiorum
promptitudine blandiaris? Respondit: Ut præ-
dæ illius reliquiis vescar, ab hostiumque trucu-
lencia tuta sub illius potentia umbra vitam
transigam. Ad hæc dixerunt: Cum sub pa-
trocinii illius umbram concesseris, beneficia-
que illius extuleris, quid non propius leonem
accedis; ut te lectissimorum consortio inserat,
teque ex præstantioribus ministris habeat?
Respondit (illa): Hoc tuum si sequar consi-
lium, propiusque accessero; ne unum quidem
momentum à furore illius secura ero.

Igni-

Ignicola etsi centum annos ignem accenderit ;

Si unum momentum in ignem inciderit, ille cultorem suum exurit.

Accidere solet, ut purpuratus Regis , aurum quandoque acquirat : fieri quoque solet , ut & caput quandoque perdat. Hinc sapientes dixere: Magna prudentiâ cavendum ab inconstanti Regum ingenio. Quandoque enim, dicta salute, ira accenduntur : quandoque vero contumeliis mire capiuntur , ut togam atque munera præstent. Sapientesque dixerunt: Multi lepores Purpuratis virtus ; sapientibus vitium est.

Tu (morum gravitate) authoritati & honori tuo studeas.

Jocos & facetias purpuratis relinquant.

Historia : Quidam sodalium adversa temporum fata mihi questus, inquit: Res mihi est tenuis , expensæ multæ ob numerosam familiam ; adeo , ut grave illud paupertatis onus sustinere nequeam. Animus aliam adire terram subinde suadet , ut qualicunque modo vitam transigam , mortalibusque vitæ meæ genus, amplum, an miserum sit, ne innotescat.

(In orbe peregrino) multi obdormiverunt inedia vexati ; nemoque , qui fuerint , scivit.

Multi quoque animam efflarunt , quos nemo luxit.

Rursus tamen inimicorum ludibriis retineor, qui me absentem sint illuluri; meque ob familiæ onera, sive expensarū causa discedentem,

tem, inhumanum atque vecordem sint exag-
gitaturi, dicentes :

Hem impudentem illum ! qui nunquam
Videbit felicitatis faciem.

Cuticulæ delicias legit sibi ;

Conjugem , prolemque paupertate pressos
deserit.

Egoque scientiæ Arithmethicæ , prout con-
stat, nonnihil peritus; si itaque vestræ dignita-
tis studio, aliquod tenue munus mihi assignari
possit , quo animum curis festum colligere li-
ceat; quamdiu certe superstes ero, tantum be-
neficio laudibus satis evehere nequeam. Re-
spondi ego: Mi Sodalis: Regis negotium, duos
(contrarios) apices habet ; Panis spem, vitæ-
que discrimen. Sapientum vero consilio re-
nititur : Illâ panis spe illectum , vitam discri-
mini dare.

Nemo pauperis tugurium adit ,

Dicens ; soli vineæque censum dato.

Tuque aut miseriæ & paupertati fuescere
& contentus (forte tuâ) vivere discas ;

Aut gulam corvo exponas.

Sodalis respondit ; Hæc, quæ tu dixisti, ver-
ba, conditioni atque petitioni meæ sunt ad-
versa. Nonne audivisti , quod dicere solent ?
Quicumque fraudes committere suevit, manus
illius trepidat.

Rectitudo amorem divinum conciliat ;

Egoque vidi neminem , qui in rectitudinis
viâ perierit.

Sapientisque dixere : Quatuor sunt morta-
lium genera , quæ contra quatuor acerrimo
laccuntur.

laceffuntur odio. Prædo contra regem : fur contra vigilem : luxuriosus contra cenforem : fcortum contra prætotem. Illi vero , quibus conftat rationum fuarum probitas , quorfum rationem reddere trepidant ?

In actionibus tuis gloriofus ne efto : fi vis,
Ut te munere moto , anguftum hoftis illu-
dendi habeat campum.

Tu purus efto , ô frater , neminemque pa-
vefcas :

*Lotores enim veftes impuras faxo allidere fo-
lent.*

Adhæc ego respondi: Ad conditionem tuam non inſcite alludere videtur illa vulpeculæ hiſtoria ; quam fugâ feſtinam , ſubinde lapſan-tem atque reſurgentem viderunt : Quidam il- lam allocutus, rogavit: Quidnam ſcleris tan- ti pavoris cauſa eſt? Vulpecula reſpondit : Au- divi ego aucupes in agris capturos camelum, ad ſervilia officia cogendum. Ad quæ illi per ludibrium dicunt: O inſipiens vulpecula: ca- meli enim tecum quænam comparatio? aut tua, cum illo, quænam ſimilitudo? Vulpecu- la inquit: taceto , nam ſi de induſtria forte di- xerint inimici , hæc (vulpecula) camelus eſt, illoque nomine capiar, quis de me liberanda ſolicitus erit? ut ſcilicet in actionum mearum rationes & veritatem inquirent. Atque ante- quam Theriaca petatur Bagdado , homo ſer- pente iſtus , extinctus fuerit. Tua equidem , ut novi , mi ſodalis , ea eſt virtus atque recti- tudo, ſed inſidiatores in occulto latent , accu- ſatoresque in angulo deſident. Quamvis hæc
morum

morum tuorum sit integritas, illi tamen contrarium deferunt; quorum (pertinacissimo nisu) tu correptioni Regis subjiceris, atque sic in regios stimulos ruis. Quisnam isto rerum tuarum articulo verbum facere aufit? Proinde hoc mihi consultum esse videtur, ut continentiae thesaurum diligenter colas, itudque dominandi studium rejicias. Sapientes enim dixerunt:

In mari bona quidem sunt infinita:

Sed tu salutem si desideraveris, eam in litore queras.

Sodalis his verbis meis commotus, iraque plane accensus, aspera oratione, stimulisque plena, me hunc in modum, aggressus ait: Hoc quodnam est ingenium? quale judicium? quanam intellectus, atque prudentia? Verissima Sapientum est sententia, cujus effatum hoc est: *Amici carcere conclusis succurrunt; in convivio atque epulis, inimici etiam omnes, amici esse videntur.*

Amicum ne arbitrator illum, qui in epulis, felicique tempore,

Magnas sodalitii voces, fraternitatisque popismata jactat,

Amicum nosco illum, qui amici manum prehendat.

Tempore infelici, desperatisque rebus.

Vidi ego sodalem, oratione mea turbatum, consilium meum, invitis auribus obmurmurantem audire. Proinde Proregem, tribunalis scilicet Principem, antiquæ, quæ inter nos intercesserat, familiaritatis obtentu accessi, sodalisque

hisque statum commendavi ; ut illum levi muneri præfecerint. Quo per aliquot dies administrato, ingenii illius comitatem perspexerunt, regiminis dexteritatem probarunt, indeque altiori munere ornatus fuit. Eoque modo astrum felicitatis illius magis inclarescere cœpit ; ut laudem, & summum, ex animi sententia, fastigium contigerit, regisque delictum evaserit, adeo, ut mortales digitis illum monstrarent, procuresque spem & fiduciam in illo ponerent. Egoque hac status illius prosperitate lætans, dixi :

Auspicia si rebus tuis statim non annuerint, ne sis sollicitus, animumque curis turbato :

Ipse enim vitæ fons in densissimis est tenebris.

O tu miseriæ frater nequaquam tristator ; Deus enim misericors beneficia plurima recondita habet.

Ne iniquitate temporum mœstus sedeas :
Patientia enim.

Amara quamvis sit, fructus tamen dulces edit.

Illo florente, mihi forte cum aliquot sodalibus Meccam adire contigit. Peractis Meccæ pietatis officiis, mihi redeunti duorum dierum itinere obviam venit. Tristem video hominem, religiosorum habitu indutum. (Novitatis avidus) rogo, quæ ista sit rerum facies? Respondet ille : perinde ut tu pridem monueras, aulicum illud hominum genus, æmulum, mihi que insensum, res novas me moliri

criminati sunt. Rex in cognoscenda rei veritate nullum inquirendi fecit studium, Sodales antiqui, amici benigni in vero dicendo silentiam fecere, pristinumque amicitiae vinculum, commerciumque exuerunt.

Si quis fato suo dignitatis fastigio ceciderit,

Orbis universus pedem capiti illius imponit.

Si vero manum ejus potentiae, felicitatisque culmen viderint amplexam;

Laudantes per manus pectori imponunt.

Ut rem paucis absolvam, vario cruciatuum genere exagitatum; hac tandem hebdomada, qua salvus Meccae peregrinatorum nunciatus est reditus, gravissimis vinculis exolverunt; facultates vero meas, hereditatis jure à majoribus quoque acceptas, fisco adscripserunt. Ego illi respondi: Tum temporis, quando hæc ita eventura tibi, præmonui, consilium meum non admisisti: Regum scilicet negotia, perinde se habent, ut itinera maritima; quæ quæstus, discriminisque sunt plenissima: maximas aut divitias acquiris; aut inter maris tempestates, aulæve scenas & lenocinia peris.

Aut aurum utraque manu exportaverit (salvus) mercator in littus:

Aut illum, uno die, unda mortuum in littus ejecerit.

Consultum minime ratus, dicto ulterius animi ipsius vulnera exacerbare, salque aspergere; quin hisce duobus versibus rem omnem complexus, dixi;

Num-

Numquid ignoras te jam vidisse compedes
pedibus injectos,

Cum viri consilium auribus admittere no-
lueris?

Alia vice, si aculeum sustinere non pote-
ris,

Ne Scorpionis foramini digitum immit-
tas.

Historia: Aliquot viri meo consortio sueti
singularem pietatis habebant speciem: hinc
primorum quidam de illis optime sentiens,
certam vivendi stipem adscripsit: forte qui-
dam illorum facinus patravit minus religio-
sum, quo corrupta est bona magnatis senten-
tia, solitumque ablatum est beneficium: Quod
ego sodalibus quocunque modo recuperatu-
rus, Magnatem ipsum adire constitui: janitor
me aditu prohibens, contumeliis infestat; sed
hominem facile excusatum habui, ob ratio-
nem, quam sapientes afferunt, dicentes:

Magnatis, Purpurati, Regisque fores,

Sine duce (intrandi studio) ne frustra ober-
res.

Canis atque janitor, si externum invene-
rint;

Hic supremam thoracis oram, ille pallii
imam captat.

Illico ubi familiares Magnatis, me adesse re-
sciverunt, me incredibili benevolentia intro-
duxerunt mihiq; supremum locum adsigna-
runt: ego vero humilitatis causa inferiori con-
fedi loco, inquit:

Sinas me, quia servus sum, miser;

Ut in fervorum ordine confideam.

Magnas inquit : Vah , Vah ! horum vetborum
quænam est sententia ?

Si tu in capite , oculoque meo confede-
ris ;

Lepores tuos lubens toleravero : tu enim es
vere lepidus.

Rem ut paucis complectar , confedi , omni-
que generis sermones lepide sum exorsus ;
ut tandem historiâ lapsus sodalium in me-
dium tractâ , ita (rem ipsorum promovere)
occœperim.

Quid criminis vidit Dominus , qui tot be-
neficia contulit ;

Quod servum animo averſo contemnere
cœperit ?

Soli Deo propria est majestas & munificen-
tia :

Qui crimina cernit , victumque ex solito
subministrat.

Præfecto grata hæc mea fuit oratio , jussit-
que , ut sodalibus , more pridem solito , vitæ
necessaria promptissime præstarent , quamque
per aliquot dies , abrupto stipendio , subierant
angustiam , liberalitate pensarent. Ego gratis
benevolentia illius actis , solum humiliter
osculatus , importunitatis veniam petii , & sub
discessum , hæc verba dixi :

Cum 9 templum Meccanum mortalium
preces audiat , ideo ex remotis provinciis
Illud visum adeunt per multa milliaria.

Te Magnatem decet , nobis pares ferre pau-
peres :

Nemo

Nemo enim lapidem in arborem jactat sterilem.

Historia : Regis cujusdam filius , immensis hæreditate paternâ potitus est divitiis , apertâ munificentia manu , dona liberalissime dedit , infinita munera equiti , subditoque præstitit.

Nil grâti odoris spirat patina ligni Alois plena :

Igni (Aloeu) imponas ; ut Ambræ instar odorem, spiret.

Magnitudinem si ambiveris , munera dato.

Granum enim ni sparseris , minime crescit.

Vecors imprudensque quidam purpuratus regem monere cœpit , inquiens : Majores tui istas divitias magno labore acquisiverunt, usibusque seposuerunt necessariis. Proinde tu quoque manum à liberalitatis studio contineas : A fronte enim insperati casus , à tergo imminent hostes : turpeque sit , si necessitatis tempore inopiâ opprimaris.

Si universo populo thesaurum distribueris ,

Cuius patrifamilias vix ternarius cesserit.

Quidni à quovis hordeacei grani instar argentum accipis ,

Ut singulis tibi diebus thesaurus nascatur ?

Accensus his purpurati verbis Regis filius , qui , haud probato ipsius consilio , inquit : Æternus magnusque ille Deus , me hujus Regui regem constituit , ut comedam & distribuam : minime vero custos sum , qui æs defodiam atque conservem.

Carun interfectus est, quia quadraginta habuit domos ære plenas.

Nuschirvanus non obiit, quia bonum (munificentia) nomen posteris reliquit.

Historia: Narrant historiae; justo Nuschirvano in venatus campo, prædam à suis assatam fuisse; deficiente forte sale, servum in proximam villam miserunt, qui sal afferret: Monenti Nuschirvano, ut sal pretio emeret, ne malus mos inde natus, (luxuriante iniquitate,) villam vastaret; inquiunt ministri: Ex re adeo parvi momenti, quid damni surgere potest? Nuschirvanus respondet: *Iniquitatis initia in hoc orbe primum fuerunt exigua, quæ à posteris paulatim aucta, in tantum adolevere, (ut totum terrarum orbem opprefferint.)*

Si Rex ex subditi horto unum pomum comederit;

Servi ipsius arborem ipsam eruerint.

Si Rex quinque ovorum iniquitatem licitam duxerit;

Continuo milites ejus mille gallinas veru fixerint.

Non restat iniquus iniqui temporis autor;
Restat vero æternum super illo dirissima execratio.

Historia: Iniquum quendam fuisse audiui quæstorem, qui subditorum penates vertebat, ut ærarium regis expleret, ignarus hujus Sapientum sententia: Quicumque altissimum Deum offendit, ut unius hominis animum sibi devinciat; Deus altissimus hominem illum contra istam accendit, & exstimulat, ut
illius

illius stirpem ex temporum memoria deleat.

Grassantis incendii flamma non facit in ru-
ta sylvestri ,

Quod fumus gemitusque animi oppressi.

Facete dicere solent : Omnium animalium
Princeps est Leo , infimus est Asinus , nihilo-
minus concordi prudentium sententia , Asinus ,
qui onera bajulat, Leoni homines dilaceranti
præstat.

Miser asinus etsi quidem rudis ,

Propter tamen farcinas , quas bajulat, certe
venerandus.

Boves asinique onera bajulantes ,

Præstantiores sunt hominibus , qui morta-
les misere divexant.

Regi illius scelera detestandique mores ex
parte innotuerunt ; ille itaque hominem in
quæstionem rapuit , varioque tormentorum
genere extinxit.

Amor principis non conciliatur,

Nisi subditorum animos devinxeris.

Si vis , ut Magnus ille Deus tui misereat-
tur ,

Tu Dei creaturis benefacito.

Quidam illorum, qui præter fas dirissime ab
illo exagitatus erat , interfectum præteriens ,
inquit :

Non quivis , qui potens est , magistratum-
que gerit.

In dominatione , mortalium opes impune
vorat.

Fieri potest, ut quis gutture os grande de-
glutiat :

Verum id ventrem dilacerat, cum circa umbilicum obstructum adhæserit.

Historia : Narrant historię, militem quendam dirum humani generis vexatorem, religiosi cujusdam caput saxo lacerasse. Religiosus cum injuriam ulcisci nullo modo posset, saxum asservavit; donec Rex militi graviter infensus, vincula injecit: Tum religiosus ingressus, militis caput eodem saxo percussit. Militi, quisnam tu, & isto saxo caput meum quare percussistis roganti, respondet: Ego religiosus ille sum, illudque saxum illud est saxum, quo tali anno mihi caput lacerasti. Infit miles: sed tot per annos ubinam latuisti? Respondet Religiosus: Dignitatis & potentię tuę metu retentus fui: jam vero; ubi te carceri vidi inclusum, occasione serviendum esse duxi.

Hominem indignum, potentem si videris; Sapientes illi aditipulandum esse consultum duxêre.

Nisi lacerantem ungulā habueris acutam; Improborum contentionibus abstinere, satius erit.

Quicumque cum chalybeo lacerto manum conseruerit;

Argenteum suum brachium lædit.

Patiens esto, donec manum illius tempora ligaverint:

Tum ex amicorum lubitu, cerebrum ipsi extrahas.

Historia : Quidam Regum atrocissimo morbo conflictabatur, cujus certe morbi meminisse horridum parumque decorum. Sapientes

Græco-

Græcorum consentiente ore, dixerunt: Huic morbo remedium esse nullum, nisi fel hominis, qui certis indiciis insignis foret. Regis jussu quærunr, rusticique cujusdam filium illis sapientum indiciis insignem inveniunt. Rex accersitos pueri parentes auro, infinitisque muneribus ita corrumpit, ut lubenti animo, filii cædem concesserint. Sacer Ecclesiæ Judex sententiam tulit: Per religionem, fas & licitum esse, conservandæ sanitati Principis, subditum cedere. Carnifex ecce, dum ictum minitatur; filius, oculis in cælum levatis, ridere cœpit. Quo viso, Rex rogat: Quænam tibi hoc in rerum articulo, est ridendi materies, locusve? Respondet filius: Filii refugium, sue-tæque filiis mollitiei receptaculum sunt ipsi parentes. Causarum controversias ad (sacrum) Ecclesiæ judicem ferunt mortales. A regibus vero jus & fas requirunt. Res autem nunc mea eo devenit; ut pater & mater per avaritiam, mundi delinimentis illecti, (exuto omni humanitatis jure) me jugulandum tradiderint. Judex cædem meam (servandæ valetudini Regis,) jure divino licitam esse, sententiâ pronunciaverit. Rex vero ipse, salutem suam in cæde mea videt. Adeo, ut præter Altissimum Deum, nullum refugium habeam.

A quo factæ mihi à te injuriæ opem, solatiumque petam?

Te judice, factæ mihi à te injuriæ, à teipso justitiam flagito.

Rex motus his pueri verbis indoluit, oculisque lacrymarum flumine persusis, inquit: Me

mori præstat, quam innocentis sanguinem effundere. Hinc pueri caput, oculosque osculatus, eumque amplexus, muneribus infinitis cumulatam liberalissime dimisit. Narrant quoque: Regem illa ipsa hebdomada ab atrocissimo morbo convaluisse.

Recenti etiamnum memoria teneo illum
versum,

Quem elephantis rector in Nili ripa (quondam) dixit.

Quod si nesciveris; quæ formica tuo sub pede sit ratio:

Eadem plane est, quæ tua sub pede elephantis.

Historia: Quidam mancipiorum f Omeri filii Leisi fuga elapsus; ab insectantium manu correptus, denuoque reductus fuit. Prorex illi infensus, (Regem) signis in eadem illius concitavit; ut scilicet cæteris mancipiis exemplo foret; ne simile auderent flagitium. Mancipium, coram Omero capite humi posito, inquit:

Quicquid capiti meo acciderit, si tibi lubuerit, fas erit:

Mancipium enim quomodo contenderit; cum domini sit iudicium?

Cum vero domesticus ædium harum sim alumnus: nolim profecto, ut in extremo resurrectionis die, propter cruorem meum ad supplicium rapiaris. Si hunc servum tuum trucidare omnino volueris, tum saltem aliquâ sacri juris specie, nonineque interficias: ne in extremo iudicio supplicio afficiaris. Rex inquit:

quit : Quænam est illa juris species ? Respon-
det ille : Mihi permittas primo Proregem in-
terficiam , deinde vindictæ illius de me sup-
plicium sumas , ut me jure interfecisse dicaris.
Rex ridens Proregi inquit : quid tibi videtur ?
Prorex inquit : ô Rex per patris tui manes ho-
minem istum sceleratû dimittas , ne me ipsum
etiam suppliciis illaqueet : quippe mei mali
autor mihi sum ipse eo , quod consilium Sa-
pientum nullo in pretio habui , qui docent :

Cum t funditore si prælium commiseris ,

Proprium caput vecordiâ vulneras.

Tu si sagittam in hostem miseris ;

Caveas , sagittæ illius ictum expectes.

Historia : Rex Sûsorum , scribarum præfe-
ctum habuit ingenio comem , virtutisque
præclarum , qui præsentis officiis , absentes
bonis sermonibus , omnibusque colebat. For-
te rege præsentem aliquando (leviter) peccavit ,
qui illum proinde , bonis injustè ablatiis , tor-
mentisque subijci imperavit. Prætores Regis
(custodiæ viri) additi , accepta florenti ipsi pa-
lam ferebant beneficia , seque pari reddendô-
rum officiorum jure teneri , agnoscebant. Pro-
inde benigne & humaniter habuerunt , ipsum-
que duriter tractare , injuriis afficere , nefas du-
xerunt.

Amicitiam cum inimico si volueris , tum
quovis tempore cum ille te ,

Absentem injuriis laceraverit , præsentem
laudibus extollas.

*Contumelia certè ex maligni vituperatoris ore
profuit :*

Si verbum illius amarum nolueris, os ejus dulcedine oblinas.

Æris autem, quod Rex ab illò flagitavit, partem dedit: ob reliquum, cum non solvendo esset, in carcere retentus fuit: Quidam vicinorum Principum, illi occultas sequentis argumenti misit literas. Loci tui Principes magnitudinis tuæ pretium nesciverunt, inhumaniterque te tractarunt. Quod si celsus iste animus, cujus extrema magnus, ille Deus; tempora beet, huc concedendi munus fecerit; in honorandis virtutibus illius, majori virtute certabitur. Quippe regni hujus Primores magno illius videndi studio flagrant, literarumque responsum avidissime expectant. Scribarum Præfectus, lectis literis, discrimen animo versans, breve, quemadmodum consultum videbatur, responsum, literarum tergo inscripsit, (hominemque) dimisit. Quidam ex regiis ministris negotium resciscens, Regi indicat inquires: Ille scribarum Præfectus, quem tu in carcerem conjecisti, cum vicinis Principibus literarum commercium habet. Quo Rex accensus, in rei veritatem inquiri jubet. Comprehenso itaque cursore literarum latore, Regi (sequentis argumenti) literas recitarunt. Bona procerum opinio major est servi virtute, laudatamque illam operam, quam in suscipiendo me, obtulerunt, propter sequentem rationem accipere nequeo. Sum enim (antiquus) hujus aulæ alumnus, propterque leve momentum, ab alienato (infectoque) animo, in beneficentiæ suæ patronum, obsequii datæque fidei religionem

gionem violare, grande nefas est; prout dixerunt:

Illi, qui tibi quovis momento nova beneficia præstat,

Ignoscas; si tibi per longum vitæ spatium semel injuriam fecerit.

Regi gratum fuit recte beneque censentis iudicium, muneribus togaque præstitis, injuriæ illi factæ veniam petiit, inquiring: Peccavi equidem, quod te innocentem indignis modis exagitavi. Respondet ille: ô Rex hic servus tuus (quicquid patratum fuerit) in te nullum crimen videt; quin fato & summi Numinis voluntate factum id fuisse video, quod malis me percellere voluit: præstatque per te, (quam alios) mihi injuriam fieri: ut qui me multis à longo tempore affeceris beneficiis, exprobandique facultatem habeas.

Si populus tibi damnum fecerit, ne dolore afficiaris:

A populo enim nec beneficium, neque damnum nascitur.

A Deo esse scito, inimici adversationem, atque amicum.

Utriusque enim animus in illius est potestate.

Sagitta, quamvis palam quidem ex arcu (missa) procedat;

Sapientes tamen ejus autorem sagittarium spectant.

Historia: Regum Arabiorum quidam tribunalis ministris imperavit, cujusdam viri stipendium geminarent, ut diligentissimi aulæ ministri, ad omnia imperia attentissimi; cæteris,

Iniquus his ipsius verbis accensus, fronte contracta, virum nullo humanitatis officio coluit. Tandem nocte quadam, incendium (forte) in culina ortum, lignile invalit, omnia bona illius vastavit, illumque ex molli lecto in calidos cineres posuit. Tum temporis cordatus forte iniquum præteriens, apud amicos suam infelicitatem deplorantem, itaque dicentem audivit: Nescio equidem, incendium illud quo modo in ædibus meis ortum fuerit. Respondit cordatus: *Ex fumo miserorum ingementium.*

Caveas gemitus animorum vulneratorum:
Gemitus enim animi vulnerati, tandem certo penetrant, (teque evertunt.)

Dum potes, ne unius quidem animum dolore afficias:

Unum enim oppressi suspirium orbem terrarum vertere potest.

¶ Cosrois corona inscriptum fuit.

Quid multi anni, quid vita longa?

Mortales enim in hoc terrarum orbe, vestigiis pedum capita nostra calcabunt.

Perinde ut Regnum ex longa regnantium serie ad nos pervenit;

Ita etiam ex manu nostrâ in aliorum manus transire debet.

Historia: Quidam artis Athleticæ summum attigerat fastigium, præclaraque trecenta sexaginta artis illius exempla noverat, singulisque diebus novum artis genus ostendebat.

Atle-

Iniquus his ipsius verbis accensus, fronte contracta, virum nullo humanitatis officio coluit. Tandem nocte quadam, incendium (forte) in culina ortum, lignile invaluit, omnia bona illius vastavit, illumque ex molli lecto in calidos cineres posuit. Tum temporis cordatus forte iniquum præteriens, apud amicos suam infelicitatem deplorantem, itaque dicentem audivit: Nescio equidem, incendium illud quo modo in ædibus meis ortum fuerit. Respondit cordatus: *Ex fumo miserorum ingementium.*

Caveas gemitus animorum vulneratorum:
Gemitus enim animi vulnerati, tandem certo penetrant, (teque evertunt.)

Dum potes, ne unius quidem animum dolore afficias:

Unum enim oppressi suspirium orbem terrarum vertere potest.

¶ Cosrois corona inscriptum fuit.

Quid multi anni, quid vita longa?

Mortales enim in hoc terrarum orbe, vestigia pedum capita nostra calcabunt.

Perinde ut Regnum ex longa regnantium serie ad nos pervenit;

Ita etiam ex manu nostrâ in aliorum manus transire debet.

Historia: Quidam artis Athleticæ summum attigerat fastigium, præclaraque trecenta sexaginta artis illius exempla noverat, singulisque diebus novum artis genus ostendebat.

Athe-

Athleta cujusdam discipuli pulchritudine atque amore illectus, puerum illum trecenta quinquaginta novem artis docuit genera, uno sibi reservato. Puer ad summum artis fastigium, justumque corporis robur perfectus, neminem sibi parem habuit, qui cum illo in arenam descendere auderet. Proinde gloria fastusque superbus, Regem convenit, inquit: Magister meus me præstantior ætate atque disciplina; cæterum ego robore ipso minime sum inferior, arteque omnino illi par. Regi hic juvenis fastus, morumque superbia ingrata fuit: proinde certamen (contentionis arbitrum) decernit. Stato igitur loco amplissimo, præsentibus Regni purpuratis, juvenis perinde ac gravis vino² Elephas, singulari quodam fastu & robore superbus incessit, ut ferreum montem loco proruturus videretur. Magister haud ignarus, juvenem se robore corporis esse longe superiorem, ideoque ignoto illo artis genere, sibi soli reservato, juvenem invasit; quod juvenis celatum sibi, nullo prorsus modo eludere potuit. Juvenem itaque ambabus manibus humo levatum capiti imposuit, indeque solo allisit, magno conclamantis populi applausu. Rex magistrum toga, & muneribus; Juvenem vero injuria & contumeliis affecit: quod scilicet sese magistro suo, ut parem opposuerit, & nihil præstiterit. Respondit juvenis: ô Rex, magister non vi atque robore; sed uno illo artis Athleticæ genere, mihi semper celato, hodie me superavit. Magister ait: propter ejusmodi diem, mihi hoc servavi artis genus, sapien-

sapientum consilio doctus; qui inquit: *Amico, ne tantum roboris dederis, ut, si inimicus fiat, te superare possit.*

Nonne audivisti, quid dixerit ille, qui in alumno suo ingratitudinem atque contumelias expertus fuit?

Aut promissorum fides in hoc terrarum orbe nulla unquam fuit;

Aut nemo eam hoc tempore præstat.

Nemo ex me sagittæ jaciendæ artem didicit;

Quin me postremo sagittæ scopum fecerit.

Historia: Religiosus quidam contemptis mundi delinimentis, in campi cujusdam angulo defederat; forte Rex quidam illac transiit. Religiosus autem isto studio, quod continentia est, rebus mundanis abstinens, caput non extulit, Regemque nullo prorsus officiorum genere coluit. Rex autem, per usitatam regibus impotentiam, ira accensus, ait: Illud hominum genus, laceris pannosisque vestibus indutum, simile est bestiis. Frorex religioso ait: Orbis terrarum Rex te præterit, quidni coluisti officiis, bonorumque morum jus & fas exhibuisti? Religiosus inquit: Regi dicito; Officiorum spem ponas in illo, qui beneficii spem in te posuerit: Prætetea scias quoque: Reges esse, ut subditos custodiant: non subditos, ut Regibus obediant.

Rex pastor est pauperum;

Et si subditorum felicitas potentia illius la-
certo subsistat.

Grege

Grege non est propter pastorem :

Quin pastor est , ut gregi seruiat.

Hodie unum videris felicem atque potentem :

Alterum vero animi dolore , angustisq[ue] vulneratum.

Tu paucos etiamnum dies patiens esto , ut exedat

Terra medullam capitis meditabundi.

Regis subditique discrimen tollitur ;

Cum fatum inevitabile irruerit.

Si quis mortuorum sepulchra aperuerit ,

Divitem à paupere haud discreverit.

Rex cui hæc religiosi verba armata & penetrantia esse videbantur , inquit : A me aliquid petas. Respondit ille : Hoc à te peto , ne ultra mihi molestiam facias. Rex inquit : Igitur bonum aliquod mihi dato consilium. Religiosus ait :

Nunc dum opes in manu habes , sape & (felicitatem) tibi para (æternam.)

Hæc enim potentia & opes ex manu in manus (præcipiti casu) ruunt.

Historia : Quidam purpuratorum ^a Suelnum Ægyptium adiit , ipsiusque vota & bona omina expetiit , inquit : Noctes diesque Regiis distringor negotiis , bene quidem de Rege spero ; sed tamen supplicium metuo. Suelnun lacrymis effusus , inquit : Si ego Deum altissimum adeo metuerem , ut tu Regem , unus iustorum forem.

Si beneficii & supplicii spes abesset ,

Religiosorum pes in ipso cælo foret.

Atque

Atque si purpuratus Deum ita metueret,
prout Regem, Angelus foret.

Historia: Rex quidam hominem innocen-
tem interficere imperaverat. Miser inquit: ô
Rex, illâ, qua in me flagras irâ, ne tibi ipsi in-
juriam feceris. Rogat Rex: Quo modo istuc?
Respondet alter: *Supplicium illud uno mecum
finit momento: illud vero flagitium tibi restat
æternum.*

Vitæ spatium, perinde ut (prætervolans)
deserti ventus, transit:

Amarum, dulce, turpe, pulchrumque præ-
terit.

*Opinatur iniquus, quod nobis injuriam fece-
rit:*

*Sed in cervice ipsius illa restat æterna; in nobis
finit.*

Regi hæc innocentis monitio perutilis est
visa: proin cædem illi ex animo remisit, &
veniam petiit.

Historia: Purpurati Nuschirvani de gravi
quodam Regni negotio consultabant; quivis
itaque pro ingenio & sapientia sua sententiam
dicebat: ipse quoque Rex pariter, ut purpura-
ti, suam promebat opinionem. Busurschum-
hurus in Regis ivit sententiam. Clam à pur-
puratis rogatus, quare Regis sententiam, ut
præstantiorem, cæteris omnibus prætulerit;
Sapiens respondit: Ea de causa, quia incertus
& anceps est rerum eventus: omniumque con-
silia in arbitrio divino sunt; prospere, an se-
cus sint eventura. Proinde sententiæ Regis
subscribere tutius est: ut rebus improspere ce-
denti-

dentibus, obsequii causa ab ira ipsius immunes simus.

In diversam à Rege niti sententiam,
Proprio cruore manus est polluere.

Si Rex ipso meridie forte dixerit, nox est;

Respondendum est: Imo, hem lunam! hem ple-
jades!

Historia: Impostor quidam crines suos perinde ut^b sacra^a Alis progenies^c revinctos habebat, se sacrum mentiens. Atque in comitatu Meccam religionis causa visentium, urbem ingressus, se Meccâ, peractis pietatis officiis, reversum fingeat. Regi carmen obtulit, cuius etiam se autorem jactavit. Quidam ex purpuratis Regis, eodem anno facta expeditione reversus, inquit: Ego hominem istum, in victimarum festo^d Basræ vidi, quonam modo Meccana veneratione insignis erit. Alius quidam ait: Pater ipsius^e Melatiæ Christianus fuit, quomodo itaque sacræ stirpis decora acquisiverit? Carmenque ipsius in libro^f Divan Envari reperitur: quomodo iste illius autor erit? Rex jussit, ut hominem pulsarent atque ejicerent, quorsum enim tot mendacia? Respondit ille, ô Rex orbis terrarum, aliud dicam verbum, quod ni verum fuerit, quovis, quod imperaveris, supplicio dignus ero. Regi quodnam illud sit roganti. Respondit ille:

Peregrinus si (tibi) lac acidum attulerit;

Duæ ejus mensuræ aqua sunt, una lactis.

Si ex servo inconditum quid audiveris, ne
offendaris:

Orbem

Orbem enim pererrans mendacia plurima dicit.

Rex in risum effusus, inquit: Hoc verbo per totum vitæ spatium nihil verius dixisti; ipsique, quæ petiit, præstari jussit.

Historia: Purpuratum quendam subditos summâ clementiâ tractasse, omniumque commodis studuisse ferunt. Qui forte Rege indignante in carcerem fuit conjectus; sed universi in liberationem ejus (alacriter) connisi: ipsi adjuncti enim (custodes) in suppliciis illum leniter tractarunt, cæteri vero proceres (insignes) ipsius virtutes Regi laudarunt; adeo, ut Rex ipsi ex animo crimen remiserit. Cordatus quidam rei gestæ certior factus, inquit:

Vt amicorum animum tibi devincias.

Vel patris hortum vendere præstat.

Ut amicis cibum appares.

Omnia ædium utensilia vel accendendo foco comburere præstat.

Tu inimico quoque benefacito:

Satius enim est, canis os buccella obstruere.

Historia: Quidam filiorum d Haruni Reschidis patrem suum accessit, bili accensus, inquit: Ejusmodi prætoris filius calumnias in matrem meam jaciendo, me injuria affecit. Harunus convocatis Regni proceribus, inquit: Quodnam dignum hujus injuriæ supplicium? Alius interficiendum esse, signum dedit: Alius elinguandum: Alius bonis ademptis in exilium ejiciendum. Harunus inquit: O filii mi, benignitatis est, ipsi ignoscere. Quod si facere

facere nequis, tu itidem matrem ipsius contumeliâ afficias; sed caveas, ne vindicandi studium, justitiæ limites transgrediatur; alioquin nobis nefas merito attribuetur.

Non vir est ille, iudice Sapiente,

Qui cum furibundo elephante prælium
committere possit,

Vir ille est ex vero,

Qui accensus irâ vana non dixerit.

Quendam moribus inconditus injuriâ affect:

Toleravit ille, & extrema tua fausta sunt,
dixit:

Peior sum eo, quod (de me) vis dicere:

Certus equidem sum, te mea vitia me ipso
non rectius nosse.

Historia: Quondam cum magnatibus navim conscenderam, (nobisque navigantibus) à tergo forte navicula undis oppressa fuit; duoque germani in gurgitem lapsi, (in præsentissimo vitæ periculo versabantur.) Quidam magnatum nautæ ait: Eruas utrumque germanum, ut tibi centum denarios conferam. Nauta, alterum dum eripit; alter haustus mari perijt. Quo viso inquiebam: Huic certe non supervivendum erat, ideoque fato ereptio ejus fuit postposita. Nauta ridens infit: Istud dictum verosimile equidem esse videtur. Præterea mihi quoque hunc primo eripere animus erat; ea de causa, quod ille quondam me in deserto itinere fessum atque relictum camelo alligaverit, (& in hospitium devexerit.) Ab altero vero infans quondam
probe

probe scutica pulsatus fui. Respondi ego: Justus equidem est magnus ille Deus; qui enim bene egerit, sibi egerit: qui male fecerit, sibi fecerit.

Dum potes, nullius animum vulnera:

In hoc enim (mundi) itinere multæ sunt spinæ.

Miseri inopis malis obstetricator atque subvenito,

Quia tibi etiam mala suboriri possunt.

Historia: Duo fuerunt fratres, alter Regi ministerium faciebat; alter vero improbo manuum labore victum sibi quærebat. Aliquando forte dives pauperi ait: Quorsum tu non etiam Regi inservis, ut grave illud laborandi onus effugias? Respondit alter: Sed tu quorsum non manibus potius laboras, ut illam servitutis vilitatem effugias? Sapientes enim dixerunt: *Proprio pane vesci & sedere melius est; quam aureo cingulo accinctum, servitio adstare.*

Manu ferventem subigere præstat calcem,
Quam eâ pectori impositâ, coram domino consistere.

Vita pretiosa his exeditur curis,
Quid comedam æstate, quid induam hyeme?

O venter ignave uno pane contentus esto;

Ne tergum in (aliorum) servitio incurves.

Historia: Quidam Nuschirvano æquitate celeberrimo nuncium tulit, inquiens: Deus optimus maximus, talem hostem tuum è medio sustulit. Nuschirvanus ait: numquid numquid

audivisti, Deum me relicturum superstitem?

Mihi hostis obitus non est lætandi materies;

Quia nostra etiam vita non est perpetua.

Historia: Sapientum nonnulli in Cosrois aula de quodam diserebant negotio; silenti Busurschumhuro, dixerunt: Tu quidni in hac controversia tuam etiam dicis sententiam? Respondit ille: Consiliarii similes sunt Medicis, qui non nisi morbo conflictantibus medicamentum præbent. Atqui cum videam iudicium vestrum rectitudinis tramite subnixum; verba facere nulla sapientia fuerit.

Si res sine mea cesserit opera;

Meum non est, verba ingerere.

Si vero cæcum, puteumque videro propinquos,

Atque conticuero; nefas erit.

Historia: Harunus Reschides Ægypti Regno potitus, ait: Propter illam nefandi criminis socordiam, quod Ægypti Rex per factum se Deum venditaverit, nulli nisi mancipiorum vilissimo regnum hoc donabo. Habebat igitur Æthiopem quendam nomine Huseibum, quem Ægypti imperio dignum duxit. Narrant ingenio & iudicio adeo stolidum (& bardum) eum fuisse, ut Ægypti agricultoribus ita querentibus; circa Nili ripam gossypium seminavimus; sed intempestivâ pluvia (vel Nilo intempestive redundante) omne periit. Responderit: Seminauda erat lana, ne periret. Cordatus quidam hoc audito, inquit:

Si divitiæ ex scientiæ ratione contingerent;

Nemo

Nemo homine infcio egenior foret.

Deus vero rudibus tantas divitias præstat ;

Vt centum Sapientes ad illud obstupescant.

*Divitiæ & potentia non acquiruntur rerum
peritia :*

*(Nulla certe arte ,) nisi divino Numine sur-
gunt.*

In hoc terrarum orbe hoc accidit fere ,

*Vt rudis honoretur ; Sapiens vero contemna-
tur :*

*Vt Chemicus (anxio studio aurum quærens ,)
mærore & animi dolore intereat ,*

*Rudis vero in deserto (præter spem & opinio-
nem) thesaurum inveniat.*

Historia : Regi cuidam servam Sinensem at-
tulerant ; Rex ebrietate gravis , cum illa rem
habere voluit ; sed renixa est filia. Quo ipso
Rex accusus , eam cuidam ex mancipiis na-
tione Æthiopi dedit ; cuius supremum labrum
ultra nasum erat retortum ; inferius ad thorā-
cis oram usque propendebat , vultu equidem
adeo deformis , ut ipsa etiam i Sachra (prodi-
giosâ deformitate ipsis quoque furiis terribi-
lis ,) ad aspectum ipsius horresceret ; ipsius-
que^k axillæ periade , ut infernalis ille picis
fons foetebant.

Dixeris equidem , ad extremum usque judi-
cium , hunc deformitatis ,

Perinde ut Josephum , pulchritudinis exem-
plum esse.

Homo erat aspectus adeo deformis ;

Ut deformitas ejus verbis describi ne-
queat.

D

Pixque

Pixque axillarum ipsius, ô bone magne-
que Deus!

Ita fœtebat, ut cadaver mense Augusto,
(quando Sol maxime fervet.)

Æthiops eodem forte tempore, libidine a-
ctus, stimulante lascivia, infanoque amore
subactus, illibatam puellam vitiavit. Postri-
die Rex puellam quæsit; sed non invenit.
Regi per ebrietatem gesta narrarunt: qui mi-
re accensus Æthiopem puellamque, manibus
pedibusque probe ligatos, ex castelli tecto in
fossam præcipitari iussit. Quidam purpura-
torum ingenio comis, moribusque benignus,
vultu humi posito intercessit, inquires: Æ-
thiops utique insons est; cæteri enim ministri
omnes, muneribus beneficiisque Regis assue-
ti, (accepta nunquam reddere solent.) Rex
purpurato ait: Si niger per unam noctem so-
cietatis ipsius commercio abstinuisset, quid
(peccatum) fuisset. Purpuratus respondit:
Nonne audivisti, ô Rex, illud, quod dici so-
let?

Siti ustus si clarum fontem invenerit;

Noli opinari, illum de periculo ex furente
elephanto sollicitum esse,

1 Hypocrita fame stimulatus, si solus fuerit:
domi, quæ omnium deliciarum sit plea-
na,

Ratio minime admittit, ipsum jejunii re-
ligione (à comedendo) retentum iri.

Regi gratæ fuerunt purpurati facetiæ, pro-
inde dixit: nigrum tibi dono dedi; sed de
puella quid facturus sim, dubito. Purpuratus
respon-

respondit : Eam nigro donato ; quia mediam illius partem jam coniecit : reliqua pars quoque illius merito esse debet.

Illum amicitia dignum minime duxeris ,
Qui sordidum locum frequentaverit.
Sitibundi enim animus non expetit aquam
dulcem ;

Quam foetidum aliquod os inde hauriens
reliquerit (infectam.)

Quomodo itaque in Regis manum denuo
redeat

Malum aureum , quod in sordes cecide-
rit ?

Sitibundi enim animus quomodo deside-
raverit aquam

Ex urceo , ex quo os hauserit dira scabie
sordidum atque erosum ?

Historia : Alexandrum Magnum rogarunt :
Orientem & Occidentem quomodo tu cepi-
sti , cum prisca Reges ærariis , regnis , ætate ,
exercituque te longe superiores , eos subigere
non potuerint ? Respondit ille : Cujusvis re-
gni , quod ductu auspiciisque divinis occupavi ,
*subditos minime offendi , Regumque nomina bona
semper memoria colui.*

Prudentes illum minime magnum vocant ,

Qui magnorum nomina contemptu sædat.

Hæc omnia nihil sunt , cum prætereant ;

*Fortuna , regnum , imperium , retitum atque
jussum.*

Bonam defunctorum memoriam religiose colito ;

Vt tui etiam bona memoria superet æterna.

R O S A R I I

CAPUT SECUNDUM

De Moribus Religiosorum.

H I S T O R I A.

Dixitum quispiam religiosum quendam rogavit, inquiens: Quid tu de religiosi illius statu dixeris, quem cæteri omnes certatim vituperant? Respondit ille: Quantum ad externum illius vitæ genus; scelus video nullum. Quantum ad internum; occultorum sum nescius.

Quemcunque in religioso habitu conspexeris,

Religiosum scito, bonumque virum censeo:

Si nesciveris, quid in animo ipsius reconditum fuerit:

Cerealis, quidham intra ædes negotii habet?

Historia: Quendam Meccæ vidi religiosum, qui capite in templi Meccani limine posito, ingemiscens dicebat: O Condonator maxime! O misericordissime! tu rectissime nosti, quid ab iniquissimo & stolidissimo homine, te dignum proficisci possit.

Deprecationem imperfecti cultus affero;

Obsequio enim meo confidere nequeo.

Im-

Improbi à criminibus resipiscunt :

Deum noscentes imperfecti cultus veniam implorant :

Servi obsequii mercedem requirunt :

Mercatores mercium pretium :

Ego vero mancipium spem, non obsequium attuli ;

Mendicusque, non mercator adveni.

Fac mihi itaque, quod dignum est te :

Noli mihi facere, quod dignum est me.

*Sive me trucidaveris ; sive crimina ignoveris :
hem vultum caputque meum limini impostum ;*

*Mihi enim mancipio nullum est imperium ;
tu quicquid imperaveris ; id exequi lubet.*

*In foribus templi Meccani quendam vidi
pauperem,*

Qui acerbissime plorans dicebat :

Non dicam ego, meum suscipe obsequium ;

Sed remissionis calamo crimina mea dele.

Historia : a Abd Elkadir Chilanensis in templi Meccani vestibulo, vultu minutis lapidibus imposito, dicebat : O Magne Deus, mihi crimina mea ignoscas : Si vero supplicio dignus omnino fuero, me in resurrectionis die cæcum suscitato ; ne me in conspectu piorum pudor subeat.

Mœsto vultu solo imposito dicebam :

Quavis aurora, cum flabat ventus :

O Magne Deus, Tui nunquam obliviscor :

Numquid tu etiam servi (tui) memineris ?

Historia : Fur quidam religiosi cujusdam æ-

diculam irrepsit, omnia accuratissime scrutatus, nihil invenit: hinc animi dolores contraxit: Religioso furem adesse suboluit, stragulum itaque, cui incumbibat, in viam, qua furi transeundum erat, projecit: ne scilicet animo mœstus discederet.

*Audivi ego, viros divina vestigia terentes,
Ne hostium quidem suorum animos affligere.*

*Tibi vero, quando gradus iste contigerit,
Qui amicis tuis adversus, prælia moves?*

Amor^b cordatorum in præsentia & absentia semper est idem. Non ita se habent illi, ut absentis crimina censeant: præsentis vero adulantes victima esse velint.

Sed (recordes) coram in præsentia agno mansueti sunt similes:

Clam in absentia lupo homines voranti.

Quicumque aliorum crimina tibi desert & enarrat;

Ille sine dubio crimina sua aliis deferre studet.

Historia: Peregrinatores aliquot peregrinationem unanimi sententia susceperunt, paria miseriæ felicitatisque fata subituri: Ego me illorum consortio jungere volui; sed recusarunt illi. Ego dixi: *A magnatum benevolentia virtutibusque alienum est, vultum à pauperum consortio declinare, illisque beneficium negare.* Ego equidem ipse hoc fatis capio & perspicio: me alacrem focium viris servitio; non vero oneri esse oportere.

Si ipse equo quidem vectus non fuero;

Equorum tamen vestrorum stragula feram.

Quidam

Quidam illorum inſit : illo, quem audiviſti, ſermone animum cruciare atque affligere noli. Per hoſce enim dies fur quidam religioſorum ſpecie accedens, ſe noſtro ingeſſit conſortio.

Quid ſciverint mortales, quis lateat in habitu?

Scriba enim novit ſolus, quid contineatur in literis.

Ex eo, quod religioſorum ſtatus ubique eſt probatus;

Haud male de ipſo opinati, eum itineris ſuſcepere comitem.

Maniſteſtus religioſorum ſtatus & habitus, eſt rude pallium:

Hocque ſufficere debet, ut dignoſcantur mortalibus.

Bonis operibus certa, & quicquid lubuerit, geſta.

Nihil intereſt, capiti coronam imponas, an (pauper mendicitatis) notam humero aſſuas.

Innocentia & pietas non conſiſtit in veteri pannofaque veſte:

Vere innocens eſto, bombycinamque geſtato.

Pietas eſt; mundum, libidinem atque affectuum illecebras deferere:

Pietas illa non eſt; habitum tantum deferere.

Armatura virum requirit fortem;

Ignavus enim cuinam bono arma geſſerit?

Paucis ut rem abſolvam, quodam die ad noſtem uſque iter facientibus, ſub urbis cujuſ-

dam muris pernoctare nobis contingit : tam perditissimus fur ille , sodalis gutturnium hoc obtentu accipit , vado ut sordes diluam , sed furtum commissurus , abiit.

Ecce religiosum illum ! qui religiosi pallium gestabat ;

Sacrum templi Meccani & velamen asino tegmen fecerat.

Mox ubi se religiosorum conspectui subduxerat , urbis murum conscendens , arculam gemmarum abstulit. Illucescente die sceleratissimus ille magnam viæ partem emensus evaserat , insciis atque innoxiiis comitibus , altum etiamnum indormientibus. Matutino tempore (cives furti famam commoti ,) nos omnes in urbem deductos in carcerem conjiciunt ; ex illo tempore , aliorum consortium vitandum duximus , vitæque solitariæ instituta amplexi sumus. Animi enim tranquillitas in solitudine consistit.

Si unus ex gente quadam scelus patraverit ;

Tum ejus gentis neque parvo , neque magno honorem haberi solet.

Nonne vides , ut unus bos , quod alienam avenam depascendo peccavit ,

Faciat , ut totius pagi boves vapulando id luant ?

Ad hæc respondi ego : Grates Deo incomparabili & maximo , quod religiosorum beneficiis non sum destitutus , quamvis ipsorum exclusus sim consortio , maximum tamen ex hac historia cepi fructum , mihiq; similibus per totum vitæ tempus documento & exemplo esse poterit.

Per

*Per unum hominem in consortio inconditum ,
Offenduntur animi prudentum maxime.*

*Si cisterna rosarum aqua fuerit plena ,
Vnusque canis illapsus fuerit , eam sordibus
inficit.*

Historia : Religiosus quidam à Rege epulo exceptus fuit. Cum mensæ accumberent ; minus , quam pro solitis ventriculi stimulis . comedit. Cum vero precibus assurgerent , illas more suo fudit longiores , ut scilicet mortales de se maximam pietatis opinionem conciperent.

Vereor equidem , ô d'erro , ut ad Meccanum templum pertingas :

Hæc enim via , qua tu insistis , in Turciam ducit.

Religiosus domum reversus mensam , ut comedat , postulat : filium habebat ingenio præclarum ; qui inquit : Mi pater ; in epulis Regiis numquid comedisti ? Respondit : Illis quidem præsentibus , nihil quicquam comedi , quod naturæ necessitati sufficere possit : Quo audito filius ait : proinde & preces iterato , quia nihil feceris , quod prodesse & æstinari debeat.

*O te ignavum , qui virtutes super manus vola
expositas ; (palam omnibus ostentas :)*

*Vitia vero sub axilla complexus (occulta fa-
res.)*

Quid tandem mercaberis , ô superbe , (plus-
quam nimis tuo pietatis colori confise ,)

In tremendo illo desperationis die ære ad-
alterino ?

Historia : Non immemor sum , me in puerili ætate divino cultui deditum , noctu surrexisse , vigiliâs egisse , pietatem atque continentiam magno ardore coluisse . Quadam forte nocte , præsentem patre consedi , oculos dormiturus nunquam clausi , sacrumque Coranum sinu complexus legebam , familia circum nos dormiente . Inter hæc patri meo dixi : Horum ne unus quidem caput tollit , ut preces fundat ; ita equidem altum dormiunt , uti mortuos merito dixeris . Ad hæc mihi Pater ita respondit : *O cara patris tui anima , longe satius erat , te quoque dormire , quam mortalium crimina perstringere .*

Inanis pietatis ostentator præter se religiosum videt neminem ;

Quia oculos magnæ de se opinionis tegmine captos habet .

Si illi vero oculum Deum cernentem concesserint ;

Neminem seipso miserabiliorem viderit .

Historia : Magnatem quendam in sodalitiis quodam laudabant , virtutesque illius magnifice extollebant . Ille vero (ad laudes sui) elevato capite ait : Ego sum ille , quem novi ipse .

Satis me vituperasti , ô tu , qui virtutes meas enarras .

Status meus externus ita quidem habet ; sed intima mea non vidiisti .

Corpus quidem meum in conspectu mortalium esse videtur venustum ;

Sed ego ob internas sordes caput erigere nequeo .

Pavo-

Pavonem ob admirabilem formam & pulchritudinem, quam habet,

Mortales mirantur laudantque omnes; sed ipse,

Subeunte pudore, ob pedum deformitatem seipsum despicit.

Historia: Quidam piorum montis Libani, cujus celebre per Arabiam nomen, & miracula famolissima erant, templum Damascenum (preces fufurus) ingressus, in ora cisternæ Calceariæ, cum manus pedesque ablueret, pede forte labascente in cisternam illapsus, ægerime evasit. Precibus actis familiarium quidam inquit: mihi nata modo dubitatio animum sollicitat. Venerandus senex illam promere jubet. Alter inquit: Memini ego, te mari Africano pedibus ne madefactis quidem inambulasse: hodie vero in tam brevi aqua, cujus altitudo vix modum staturæ humanæ æquaverit, parum abfuit, quin oppressus fueris: illud quodnam est arcanum? Senex meditabundus, caput in togam demittens, post longas demum cogitationes, extulit, dicens: Nonne audivisti, Dominum universi, Muhammedem Mustapham, Deus illi sit propitius, dixisse? Mihi cum Deo certum est tempus, quo neque Angelum, Deo proximum, mihi adesse fas erit: neque vatem aliquem, mortalibus à Deo missum. Non vero, tibi semper tempus illud esse, dixit: certum illi fuit tempus, prout ipse imperat: quo ne Gabrielem & Michaellem quidem convenisset: aliud vero, quod cum e Hafasa & Sineba tranſigebat. Status piorum

Deo fruendum in revelatione & occultatione
consistit. Revelatur & occultatur.

*Aspectum (dum) ostendis, denuoque recon-
dis;*

Tui pretium, amoris nostri incendium auges.

Intueor deliciam meum sine ductu & alic-
nis auspiciis;

Mihique status quidam contingit, ut viam
perdere soleam.

Ignem inflammat, denuoque aquam asper-
gens extinguit:

Proinde me modo flammis ardentem, mo-
do undis submersum videris.

Quidam rogavit illum, qui filium amiserat:

O clara stirpe oriunde, & senex sapientissi-
me,

Ex Ægypto odorem induisti illius subodora-
tus es:

Quomodo in puteo Cananeo illum non
vidisti?

Respondit ille: status noster est fulmen co-
ruscans:

Quod uno momento surgit, altero perit.

Quandoque in altissimo cœlo confideo;

Mox ne proprii quidem pedis faciem vi-
deo.

Si religiosus in eodem semper statu persi-
steret;

Desiderium utriusque mundi præcideret.

Historia: In templo^h Baalbeccano pro con-
cione verba faciebam, in coetu animis perin-
de ut glacies indurato, cordeque mortuo; qui
mundi

mundi imagine illecebrisque illectus, viam ad meliora ducentem nondum ingressus erat. Videbam verba mea nihil proficere, meumque pietatis ardorem in humidum ipsorum lignum nihil penetrare. Obrepente itaque tædio captus ingemui; quod alios meliora, frustra docerem.ⁱ Speculumque cæcorum foro exponerem. Orationis proinde flumen sistere placuit; (sed tamen me continui:) cum orationem exorsus, verborum series atque catena longior esset; in hujus scilicet Oraculi expositione: Nos viciniore illi sumus, quam arteriæ. Tandem in oratione eo proventus, dicebam:

Amicus me ipso mihi est propior:

Hoc vero admirabilius est; quod ego ab illo sum longinquus.

Sed quid agam, cuiam hoc dici potest;

Ipsium in amplexu meo, me vero ab illo longinquum esse?

Ego horum verborum Nectare ebrius,

Poculi etiamnum reliquias manu mea tenebam:

Cum ecce viator quidam forte cœtum præteriens, quem ultima orationis meæ verba inflammaverant, altissima voce lætans ita acclamat, ut ductu auspiciisque illius, cæteri quoque omnes in applausum strepitumque soluti fuerint, cœtusque iufimi manibus adstrepuerint: Quo viso ita exclamo, *O laudatissime Deus, illi, qui longinqui sunt, Deum norunt, vereque sunt præsentēs: Præsentēs vero sine intellectu sunt, vereque longinqui.*

Auditor, si dictorum mentem affecutus
non fuerit ;

Ne animi ingenique vires ab oratore pe-
tas.

Campum desiderii tui amplum afferas ;

Ut orator orationis pilam liberius vibrare
possit.

Historia : Nocte quadam in Meccano deser-
to nimis fessus vigiliis, iter ulterius promo-
vere non potui ; capite itaque humi posito,
camelario, me missum facias, dixi.

Miseri peditis pes quantumnam ambula-
verit ?

Cum robustus camelus itineris fatigetur
molestiis.

Corpus obesum attenuatum antequam
fuerit ;

Attenuatus quidam moleitiâ extinctus
erit.

Camelarius respondit : ô frater ; In conspe-
ctu est sanctus ille locus ; à tergo vero latro-
nes. Si perrexeris, evadis : periisti, si obdor-
miveris.

*Dulce quidem est sub^k Megilana arbore in de-
serti itinere decumbere*

*Itineris nocte ; sed vita discrimini exponenda
erit.*

Historia : Ad maris litus quendam vidi reli-
giosum, à tigri (adeo graviter) vulneratum,
ut nullo medicamine sanari potuerit. Vulne-
ris dolore etsi longo tempore fatigaretur ; sin-
gulis tamen momentis Deum maximum lau-
dibus efferebat, dicens : *Grates maximo Deo,*
quod

quod miseria; non vero flagitiis labore.

Si miserum me mactandum dederit Amicus
ille carus;

Cave dixeris illo momento, animus mor-
tem subire tritatur.

Quin dixerō : quodnam misero servo sce-
lus patratum fuerit?

Quō ille per me animo offensus fuit; hic
mihi moeror erit.

Historia : Religiosus quidam fortunæ angustis pressus, ex amici cuiusdam ædibus stragulum surripuit; iudex, illi manum præcidi iussit : straguli dominus intercessit, inquiring; ego illi stragulum licitum pronunciavi. Iudex infit : Tua quidem intercessione ego sacræ legis autoritatem minime violavero. Respondit alter : Recte quidem dicis; verum quicunque ex sacratis paupertati bonis aliquid surriperit, ipsi haud necesse est, manum præcidere : Pauper enim religiosus nihil ipse tenet, neque ipse ulla re tenetur. Præterea religiosi quidquid habent, id levamentum est egenis. Iudex puniendi consilium omittens, (ad furem conversus) inquit : numquid hic vastus terrarum orbis fuit tibi angustus, quod furtum in domo tam cari amici commiseris? Respondit alter : Nonne audivisti, domine mi, quod dicere solent, adagium? Domum amicorum everras; fores vero inimicorum ne pulses.

Egestate cum fueris pressus, ne rebus desperatis corpus (curis) absumas :

Quin hostibus cuticulam; amicis vero pelliceam vestem detrahas.

Histo-

Historia: Quidam Regum religioso ait: numquid te memoria mei quandoque laceſcere ſolet? Religioſus, imo inquit: ſed tum temporis, cum Dei oblivifcor.

Ubique oberrat ipſe, quem Deus limine ſuo dimovit:

Illum vero, quem ipſe iuvitat, nullius ad limen adreptare facit.

Historia: Quidam piorum, in ſomnis Regem quendam vidit in Paradifo; religioſum vero in Inferno: rogavit itaque, quæ cauſa ſit, huius in Paradifo ita elevati ſplendoris; illius vero in Inferno ſortis adeo depreſſæ, nobis contrarium plane opinatis reſponderunt: *Rex iſte religioſorum amore in Paradifo eſt: religioſus vero ob amorem & conſortium Regum in Inferno agit.*

Tuæ rei quid conſert pauperum penula, læceræ veſtes, palliumque pannofum?

Quin improbis actionibus abſtinetò:

Haud opus eſt, ut¹ mitram geſtes ex pelle ovilla;

Animo, virtuteque religioſus eſto, mitramque regiam geſtato.

Historia: Pedes quidam capite pedibusque inteſtis, cum (Meccam religionis cauſa peregrinantium) comitatu ex urbe^m Cuſa prodiit, nobiſque itineris ſocius, lætus atque exultans iter faciebat, inquiens:

Camelo nec vehor; nec muli inſtar onere premor;

Subditi.

Subditi neque sum dominus ; neque Regis
servus :

Nec divitiarum curam , nec egestatis mor-
rorem habeo :

Spiritum liber traho , sicque vitam (beatus)
transigo.

Quidam camelo vectus illi ait : O religiose,
quo tendis ? revertitor , miseriam enim peribis :
ille nihil auscultans , pedem in desertum po-
suit , itaque perrexit. Quando Mahmudis
Palmam contigimus , dives ille (præter o-
mnem spem & opinionem) fato concessit ; reli-
giosus morientis pulvinari forte adstans ait ;
Nos miseria & egestate non extincti sumus : tu
vero camelo molliter vectus obiisti.

Quidam totam noctem ægrotum defle-
vit ;

Illucescente die ille obiit , ægrotus vero
evasit.

O sodalis , multi celeres extinguuntur e-
qui :

Claudicans vero asinus hospitium salvus
contingit.

Sæpe accidere solet , ut fanos humo con-
dant ;

Vulneribus vero affecti (feliciter) evadant.

Historia : Regum quidam Religiosum ac-
cerfivit. Religiosus medicamentum sumere
animo statuit , ut fractis medicamine corporis
viribus , meliorem pietatis suæ apud Regem
& opinionem & famam contraheret. Tra-
dant , ipsum forte venum haussisse , & extin-
ctum fuisse.

Illum,

Illum, quem pineæ nucis instar totum opī-
nabar medullam,

Inanibus tantum folliculis constare vidi,
perinde ut cæpam.

Religiosi, qui vultum in creaturis figunt,

Tergo Orienti obverso preces fundunt.

Servum, qui Deum sibi vindicaverit,

Decet, ut præter Deum noverit nemi-
nem.

Historia : In Cilicia prædones mercatorum
comitatum aggressi, bona infinita abstule-
runt : mercatores in ploratum fletumque so-
luti, Deum Vatemque testati, ut prædones
crepta sibi bona restituerent ; sed frustra, cum
precibus nihil promoverent.

Prædo conscientia ater si modo superave-
rit,

Nihil mercatorum fletus curaverit.

Sapientissimus in eodem comitatu fuit Loc-
mannus ; quidam comitum illi ait : Tu hos
sapientiæ dictis & bonis documentis meliora
doceas ; fortassis meliora docti, a facultatum
nostrarum parte abstinuerint : miserandum
equidem, tantas divitias amittere. Locman-
nus respondet ; miserandum profecto, in illos
(nebulones vel unum) Sapientiæ verbum ef-
fundere.

Quod ferrum ferrugine fuerit corrosus ;

A ferrugine nulla lima expurgari potest.

Hominem conscientia atrum monere quid
refert ?

Ferreus enim clavus in saxa nequaquam
penetrat.

Tem.

Tempore felici miseros invise :

Pauperis enim animum demulcere

Et benevole tractare, mala avertit.

Si mendicus à te cum fletu aliquid petierit ;

Dato : alioquin iniquus ferociter tibi eripit.

Historia : Quamvis me infinitum venerandus ille senex ^o Schemes Eddin Abu Elferetsch filius Schusi hortatus sit, ut rejectis Musicæ illecebris, vitæ solitariae instituta amplecterer, & in abdito viverem ; prævalescente tamen juventutis flore, tumescentibusque libidinis undis miser, rejecto præceptoris consilio, in contrarium raptus, Musicæ, cantilenarumque lenociniis, mortaliumque consortio deliniri cœpi : & quotiescunque senis memor eram consilii, dicere mecum solebam :

Judex si nobiscum manus comploserit modulando ;)

Atque Censor si ipse vinum hauserit; ebriis facile ignoverit.

Donec tandem nocte quadam in gentis cujusdam consortium incidi, inter illosque quendam vidi Cantorem :

Dixeris equidem animæ vena ex incondito plectri illius sono rumpetur.

Longe ingrator sonus ille erat, quam si quis feralem istum nuncium tulerit: Pater tuus mortuus est.

Auditores modo aures digitis obstruebant ; modo labio impositis silentium innuebant.

Expe.

92 DE MORIBUS RELIGIOS.

Expetitur quidem vox cantorum, cum dulcis est :

Tu vero talis es Cantor, si obticueris; bene feceris.

Nemo mortalium tuo quidem afficitur cantu.

Quin si abieris, silentio facto (lætabuntur omnes.)

Cum ille cantum ordiretur fidibus canens, Patrifamilias diximus: per Deum (immortalem !)

Argentum vivum auribus meis indas ; ne audiam :

Aut fores aperias, ut hinc foras profugiam.

Ut rem paucis complectar, amicorum gratia, quibus me accomodavi, noctem illam tæditorum plenam ad lucem usque protraxi.

Sacer & præco intempestive exclamavit, Ne scius, quantum noctis elapsum esset.

Noctis longitudinem palpebras meas rogato :

Ne unum quidem momentum oculi mei dormiverunt.

Illucescente die grates acturus, pileum capiti detractum, aureumque cingulo exemptum, coram Cantore deposui, ipsumque amplexus, magnis gratibus cumulavi. Sodales meam hanc in cantorem benevolentiam, solito meo mori viderunt contrariam, mihi que tributa ingenii levitate, occulte illudere cœperunt. Quidam illorum linguæ procacitatem ostentans, me corripere cœpit, inquit : Factum istud

istud tuum à prudentum foro alienum est :
quod scilicet angustum illud seniorum pal-
lium ejusmodi Musico dedisti , qui per totum
vitæ tempus ne assem quidem in manu sua
habuerit , neque teruncium * tympano suo
exceperit.

Talis erat Musicus, Deus illum ab hac bea-
ta aula procul dimoveat !

Nemo illum bis in uno loco lubens vide-
rit.

Profecto quando vox ejus ex ore prodi-
bat ;

Mortalibus pili in corpore horrescebant.

Ipsa 9 avis æstivario imposita vocem illius
inconditam horrens avolabat :

Nostrum nobis auferebat ingenium sibi-
que gulam laniabat.

Respondi ego illi : Satius est, ut convitiantis
linguæ procacitatē temperes : mihi enim ejus
rei arcanum (& facti mei ratio probe) con-
stant. Infit socius : tu ejus momentum (no-
bis) indices , ut pariter nos omnes illi studia
nostra demonstremus, nostraque ludibria pœ-
nitentiâ eluamus. Dixi ego : Iisdem certe au-
spiciis , quibus Venerabilis ille senex , ista
cantilenarum lenocinia deferenda mihi ali-
quoties præscripsit ; acriter seduloque , sed
frustra , monuit : hesternæ nocte fausta fors ,
benigniorque fortuna in hoc hospitio , viam
mihi monstravit , ut , hujus cantoris scilicet
beneficio , posthac Musicæ , consortiique hu-
mani deliramenti abstinere proposuerim.

Suavis

94. DE MORIBUS RELIGIOS.

Suavis vox ex palato, ore, labioque dulci
(profecta),

Sive Musica arte temperetur, sive non, ani-
mum dumulcet.

Si vero cantica seu soni r Ufschack, Safa-
han, atque Haschas,

Ex absurda cantatoris gula profluxerint,
ingrata erunt.

Historia: Sapientem rogarunt Locmannum,
virtutem unde hausisti? Respondit ille, ex vi-
tiosis: Quicquid enim in ipsorum actionibus
displicebat ingenio meo, illud vitavi.

Ne inter facetias & ludicra unum quidem
dixerint verbum;

Quin prudens inde sibi virtutis exemplum
sumat.

Rudi vero si centum sapientiæ capita præ-
legerint;

In auribus ejus jocus & lusus erunt.

Historia: Religiosum quendam fuisse tra-
dunt, qui per noctem decem librarum pondo-
cibum assumebat, Coranumque totum ad
auroram usque orando finiebat. Cordatus
quidam id audiens, inquit: Si dimidium co-
mederet panem & obdormiret; longe præ-
stantior esset.

Ventrem cibo vacuum habeas;

Ut ejus beneficio Sapientiæ lumen cernas.

Vacuus Sapientiâ ea es de causa,

Quia cibo ad nasum usque es oppletus.

Historia: Benignitas divina homini cuidam
in scelerum aviis perduto illustrationis faciem
prætulit, adeo, ut in vere piorum circulum
ductus,

ductus, beato religiosorum consortio, illorumque suspiriorum veritate, pravi ipsius mores in virtutes versi sint, manum à libidine & mundi delinimentis contraxerit, perstringentium vero procacitatem adauxerit: qui hominem, ut olim, ex pravo usitato vitæ genere æstimabant, nullam plane integritati & pietatis illius studio fidem habentes.

Pœnitentiæ beneficio divinum subterfugitur supplicium:

Convitiantium vero procacitas subterfuginequit.

Perstringentium probrorum contumeliarumque impatiens, ordinis sui seniore accendens, queritur. *Senior in lacrymas ruens, inquit: Quibusnam hanc benignitatem Dei laudibus æquaveris, quod scilicet mortalium de te opinione es melior?*

Quotiesnam dixeris? Hostes, æmulique Vitia mihi misero falso affingunt.

Sive in cædem tuam surrexerint;

Sive tibi male ominantes confederint;

Tu bonus esto, malumque te dixerint mortales;

Præstat: quam si malus sis, & te bonum opinati fuerint.

Me vero inspicias, quem opinantur omnes

Perfectum; ego autem revera sum imperfectio ipsa.

Si illa, quæ dico, præstarem;

Virtutibus splenderem, religiosusque forem.

Ego certe vicinis meis sum occultus:

Magnus

Maguus vero Deus arcana manifesta que
mea novit.

Fores quidem occlusi mortalium oculis,
Ne vitia mea (cernentes) divulgent:
Sed fores claudere, quid refert? cum Om-
niscius ille

Et occulta & manifesta sciat.

Historia: Venerabili cuidam seniori lamen-
tatus dixi: Ejusmodi homo de me lasciviæ te-
stimonium dedit. Respondit ille: *Tu virtute
& morum innocentia illum pudore afficias.*

Tu alacer in bona recto tramite contendas;
ne malevoli

Ullius in te vitii deprehendant materiam.

Si aptus panduræ fuerit sonus;

Quorsum à cantore (discipuli) auris intor-
quebitur?

Historia: Quendam ex Damascenis roga-
runt senioribus; Quid est Deum nosse, vere-
que religiosum esse? Respondit ille: Olim in
hoc terrarum orbe quædam fuit gens, specie
habituque dissoluta, animo vero virtutibus-
que composita & exquisita. Nunc temporis
vero gens est, specie habituque externo, ut pa-
ret, pia & religiosa; sed interna sunt dissoluta
& misera.

Cum quovis momento animus tuus (mun-
di illecebris inquires,) hinc inde ober-
ret:

Solus et si confederis; otium tamen nullum
habes.

Sive opes, dignitatem, agros, mercesve ha-
bueris:

Animus

Animus si in Deo fixus fuerit ; otium habes.

Historia : Non immemor sum , nos quondam cum viatoribus totam noctem iter facientes , matutino tempore juxta sylvam aliquam recubuisse. Nobis decumbentibus ecce quidam amore captus , itineris nostri comes , alta voce exclamans , deserta petiit ; & ne unum quidem momentum requievit. Illucescente die , reduci dico : Quæ hæc est rerum tuarum facies ? Respondit ille : *Luscinias in arboribus vidi concinentes : perdices in montibus : ranas in aquis : feras in sylvis : Inhumanum itaque ratus , omnibus Dei laudes celebrantibus , me ignaviæ somno sepultum esse.*

Hæsterna nocte avis quædam ad auroram usque canebat ;

Quæ mihi ingenium , patientiam , moderationem & judicium eripuit.

Cujusdam integerrimi amici

Vox mea aurem forte contigerat ,

Qui inquit : Minime fide capior illa ,

Te avium cantu adeo delinitum fuisse.

Respondi ego : *Indignum (hercle) est humana sorte ;*

Vt avis Numini dicat laudes : ego vero (homo) sileam.

Historia : Quodam tempore in Meccano itinere , aliquot cordatos juvenes , itineris socios comitesque habui ; quandoque alta voce cantabant , versibusque unum illum Deum celebrabant. Forte in itinere vir quidam devotus fuit ; qui ordinem religiosorum , pauper-

tatem subeuntium detestabatur; ignarus equidem horum auxilii in Deum studii. Tandem ita ad familiam Jachia filii filiorum Helalis pervecti sumus, cum ecce puer quidam niger ex Arabum gente prodiit, itaque cantare coepit; ut ipsas ex aëre aves alliceret: vidi & ego devoti illius camelum gaudio effusum, qui devoto (humi) dejecto avia petiit. Quo viso, devoto dixi: *Suavis vox ipsa penetrat & permovet animantia, numquid & te quoque permovebit?*

Nosline, quid mihi dixerit illa matutina lusciniæ?

Tu cujus generis homo es; quod amoris es expertus?

Camelus Arabis carmine, gaudio lætitiæque (oberrat):

Tu si gaudio carueris; perversæ naturæ bestia eris.

Camelus cum amore sit captus, lætitiæque subsultet:

Quod si homo ejus expertus fuerit; penitus asinus erit.

Plantibus enim per prata ventis,

Moventur arboris rami; non duræ petrae.

Quicquid in hoc universo vides, magni Dei laudes orans atque gestiens accinit:

Sed animus ille hanc caput mentem, qui aures habet.

Non lusciniæ in rosis illius tantum laudes decantat:

Quin spina quævis, in dicendis laudibus ejus, linguae officium præstat.

Histo-

Historia: Quidam Regum suprema vitæ tempora agens, cum nullum haberet successorem; velut testamento hanc ultimam voluntatem, voce proceribus suis ita expressit: *Me defuncto, qui sequenti die primus urbem ingressus fuerit, illi regium diadema imponite, regnumque tradite.* Accidit forte, ut, qui princeps urbem ingrederetur, mendicus esset; qui totum vitæ tempus mendicando hinc inde buccellas collegerat, ex inveteratisque panis vestes sibi consuerat. Regni proceres atque purpurati Regis, ultimam ipsius voluntatem executuri, illi regnum ærariaque jure attribuerunt. Pauper aliquandiu arbiter rerum, regio jure nomineque fuit, donec tandem aliqui procerum imperium ipsius excusserunt, vicinique Reges in bellum surrexerunt, atque conferendæ pugnae aciem instruxerunt. Paucis ut rem absolvam: Miles civisque rebus novis ita fuit turbatus, ut regni pars imperii illius arbitrio erepta fuerit. Pauper hac tempestate mire perculsus, (inter spem & metum anceps fluctuabat;) donec tandem veterum sodalium quidam, paupertatis illi olim socius, ex itinere revertitur; qui huic in fastigio regni viso, inquit: Grates Deo incomparabili & maximo, qui præclaræ fortunæ tuæ præsidium, magnæque potentiaæ dux & autor fuit; cujus auspiciis rosa tua spinis, spinaque pedi tuo exempta est, cum scilicet celsum illud regni fastigium (feliciter) conscendisti. *Quippe post fortunæ angustias, lata quies.*

Flos modo amplissime floret, modo marcescit;

Arbor modo nuda, modo foliis vestita apparet.

Respondit ille; O frater, tu me solatio ad patientiam (ut lugentes potius) erigas : hic enim locus minime beatus est ; ut adeo magnifice mihi gratuleris. *Tum temporis, quando tu me vidisti, unius panis sollicitudine ; nunc vero totius orbis curis exedor.*

*Facultates si non habuerimus, miseri sumus ;
Si habuerimus, illarum amore curisve exedimur.*

Nullum hujus mundi gravius atrocisque supplicium esse potest ;

Quam quod mortalium animi acerbitatibus dilacerantur, opes si habuerint, siue iis caruerint.

*Si magna expetiveris, nihil expetere velis,
Præter temperantiam, quæ potentia est insuperabilis.*

Dives et si aurum (largo) sinu effuderit ;

Ipsius meritum nimium suspicere noli.

Ex magnis enim viris audiri sæpius :

Pauperis patientiam, divitis liberalitati præstare.

Si * Bihramus unum onagrum assaverit, pauperibusque (totum) distribuerit ;

Ne unum quidem locustæ pedem, quem
* formica tulit, æquaverit.

Historia : Quidam amicum quendam habebat, ministeriis tribunalis operam dantem : cum per aliquod forte temporis spatium illum videre haud contigisset ; quidam inquit : Istum virum ex longo non vidisti tempore ? Respondit

dit alter : Ipsum videre nolo. Forte quidam ex familiaribus illius præsens rogat: Quidnam patravit ille, quod eum videre fastidias? Respondit alter: Nihil equidem admisit; sed tribunalis amicum tempore quodam videre licet, cum munere dejectus fuerit.

*Ad dignitatem evecti, cum sunt arbitri rerum;
Familiarium notitiam exuere solent.*

Tempore vero infelici, munereque dejecti,

Animi dolores amicis (cum gemitu) exponunt.

Historia: ⁊ Abu Hurura quotidie invisere per officium solebat * Mustapham, cui Deus propitius esse velit. Mustapha quodam die illi dixit: O Abu Hurura, me raro invisas, ut amor augeat: Quotidie scilicet ne venias; ut amoris nostri vinculum arctius coeat.

Facete cordato cuidam dixere: ejus pulchritudinis, qua pollet Sol, nunquam aliquem amore captum audivimus. Respondit ille: Causa hæc est: Quia quotidie illum videre licet; nisi hyberno fortassis tempore, ubi nubibus tectus mortalibus in deliciis esse solet.

Hominem invisere, vitium quidem non est;

Sed tamen non tantum, ut, sufficit; dicant.

Quod si te correxeris ipsum;

*Aliorum correctionem & correptionem audire
haud opus est.*

Historia: Ex consortio amici Damasceni natus mihi est animi dolor, & perturbatio; proinde Hirosolymitana petens deserta, cum feris societatem contraxi; donec tandem in * Francorum vincula incidens, in Tripolitana fossa

humum cum Hebræis aggerere coactus fui. In faciendo portandoque luto hæsi, usque dum quidam primorum Haleppensium, qui cum olim quædam mihi intercesserat familiaritas, illac transiens, me agnitum ita est allocutus: Quænam hæc, ô Mufladdine, rerum tuarum est facies? & quonam vitam modo transigis? Respondi ego:

Mortalium consortium fugiens, montana campestrisque petii;

Vt, præterquam Dei, nullius commercium haberem.

Tu æstimato, quænam hoc momento rerum mearum facies esse possit;

Dum inter cohortem non hominum vivere, & lutum aggerere oportet.

Cum amicis vinculis oneratum esse,

Præstat; quam cum externis in horto (liberum versari.)

Misertus infelicitatis meæ, decem aureis me ex Francorum vinculis in libertatem asseruit, secumque Haleppum duxit. Dives ille filiam, quam (forte) unicam habebat, mihi matrimonio junxit, dote centum aureorum addita. Temporis tractu filia pravis moribus tineta, animo pertinax, imperii intolerans, linguæ procacitatem exerere, vitæque meæ dulcedinem exasperare cœpit, prout ajunt:

Mulier prava in ædibus viri boni,

In hoc quidem mundo illi Tartarus est:

Caveas à mala conjuge, caveas?

Serva nos, ô Domine, ab (istius) ignis infernalis supplicio.

Ali-

Aliquando linguæ proterviam in exprobeanda mihi pauperie ostentabat, inquires : Nonne tu ille es, quem pater meus decem aureis Francorum vinculis exemit ? Respondi ego : *Imo, decem aureis me servitute liberavit : 2 centum vero aureis me tibi mancipium vendidit.*

Audivi ego, quendam divitem ovem

Liberasse ex faucibus unguibusque lupi :

Eadem vero nocte cultrum in gulam illius adegit ;

Oviculæ autem anima ex illo ita ingemuit ;

Me quidem tu lupi unguis eripuisti ;

Sed, prout video, tu mihi ipse tandem lupus factus es.

Historia : Regum quidam quendam rogavit religiosum : Augusta tibi quomodo transiguntur tempora ? Respondit ille : Noctem integram petitionibus ; autoram votis precibusque ; diem vero totum impensarum curis absumo. Rex imperavit, ut illi, adscriptis vitæ redditibus, grave illud nutriendæ familiæ onus, adimerent.

O tu, qui familiæ vinculis es oneratus,

Noli posthac libertatis opinionem capere.

Cura prolis, panis, vestitus, & opum,

Te retinet ab Angelici mundi contemplatione.

Toto quidem die hoc magno studio mihi propono,

Ut tempore nocturno cultui divino invigilem :

Nocturno tempore cum preces exordior,

Hæc me cura vellicat : Crastino die proles
mea quid comedet ?

Historia : Quidam ex Damascenis , singula-
rem severioris vitæ sanctimoniam professus,
multos per annos cultui divino in sylva invigi-
labat, arborumque folia comedebat. Ejus loci
Rex hominem visendi causa accedit ; visoque
ait: Si tibi consultum videtur, tui causa in urbe
locum aliquem apparabimus, ut ingens illud
religionis studium tibi facilius cedat, aliique
ex beato tuo commercio fructum capiant,
tuoque exemplo ad bona opera accendantur.
Religioso Regis dicto haud annuente, primo-
res inquirunt: Conservandæ Regis gratiæ con-
sultum hoc est, ut per aliquot dies in urbem
commigrēs, locumque experiaris ; postea si
forte pretiosa tibi tempora commercio homi-
num instituti à te diversi fuerint turbata ; huc
redire integrum erit. Narrant: Religiosum
in urbem commigrasse, Regemque hortum, in
quo præcipuum habebat palatium, religiosi
causa apparasse; locum equidem, qui animum
trahebat, spiritumque reficiebat.

Rubescébant rosæ hortensis illius palatii,
perinde ut formosorum genæ ;

Atque ipsius flores, perinde ut delicatulo-
rum cincinnati.

Memoratæ rosæ ex bacchanalis metu fri-
goris,

Similes erant infantibus recens natis, nutri-
cis lacte nondum resectis :

Arborum rami floribus ornati purpureis ;

Perin-

Perinde ac si fixus in viridi arbore rutilus
ignis reluxisset.

Rex religioso misit puellam virginem, forma
præstantem :

Erat vultu, perinde ut lunæ corpus, splen-
dida, religiosi laqueus.

Angelicâ formâ, ornatu pavonis,

Qua equidem conspecta, ad nullum mode-
ramen redigi poterat,

Religiosorum corpus, patientiæ habenis.

Eodem modo post virginem misit servum,

Forma incomparabilem, facetiis exquisi-
tum.

Exanimabantur mortales circa ipsum siti-
bundi.

Ipse erat pincerna, poculum monstrabat ;
sed potum non præbebat.

Oculi aspectantium ipsius non satiabantur
intuitu :

Perinde ut aquâ Euphratis non satiatur ia-
tercute laborans.

Religiosus suavis buccellis vesci, splendi-
dis vestibus indui, recentium fructuum, odo-
riferorumque deliciis & illecebris capi, pueri
puellæque formam intueri, iisque deliniri
cœpit: ex oraculi fide, quod ediderunt Sapien-
tes: (*Cincinmus formosorum, ingeni est compes;*
(*dolosusque*) *alacerrimæ avis laqueus.*

Tui quidem amore animum, religionem,
omnemque prodegi scientiam :

Ego vere avis sum alacris; tu vero (dolosus)
mihi hodie laqueus.

Ut paucis rem complectar; omnis denique

temporis & beatæ tranquillitatis ipsius gloria turpissime periit, perinde ut (Sapientes) dicere solent:

Quisquis fuerit jurisperitorum, doctorum, religiosorum,

Concionatorumque mire facundorum:

Si vilissimo huic mundo animum applicuerit;

Perinde ut muscæ pes melli, semper mundo affixus hæret.

Quodam forte tempore, Rex religiosum videre voluit, atque vidit, exuta priitina forma, aliam rerum speciem induisse, rubescentem, atque nitentem, corpore obesum, sericoque pulvinari innixum, puerumque Angelica quadam pulchritudine flabello ex pavonis plumis confecto, capiti ipsius adsistentem, (auram impellere.) Rex prosperis religiosi rebus lætus, omnis generis sermones miscuit, donec hæc tandem verba protulerit: Ego in hoc terrarum orbe hanc utramque gentem amo unice; Sapientes & religiosos. Sapiens quidam purpuratus, rerum usu per orbem exercitus, tum forte præsens inquit: *Amicitia fas, ô Rex, hoc est, ut utrique genti benefacias: Sapientibus aurum dato, ut studio Sapientiæ (alacris) incumbant: religiosi vero nihil dato, ut religiosi permaneant.*

Religioso non convenit argentum, nec aurum:

Quod si acceperit; tu alium tibi religiosum queras.

Ille, qui veris pollet virtutibus, unicum in Deo posuit studium;

Sine

Sine sacro illo pane , buccellisque collectis
religiosus est.

Digitus formosæ , atque ima auricula aspi-
cientis animum capiens ;

Sine inauribus , annuloque ex erano pul-
chra sunt.

Religioso bonis moribus felicique iudicio
dicas ;

Ne panem illum sacrum bucellasque men-
dicatas admittat.

Virgini formâ præclaræ , vultuque nitenti

Dicas : ne pigmenta ; fucos , annulumque
ex erano adhibeat.

Rem aliquam dum habeo , illamque tamen
expeto ,

Si me religiosum non dixerint ; fas equidem
erit.

Historia : Narratæ hæc præsens alludit hi-
storia : Rex quidam gravi & inopino casu per-
cussus , iussit : Si res ex voto successerit meo ;
tantum aureorum religiosis dilargiar. Rebus
ex animi sententia cedentibus , voti fides ex
promissi religione liberanda erat. Præcipuo-
rum itaque ministrorum cuidam loculum au-
reis plenum tradit , religiosis dilargiendum.
Narrant : juvenem animo ingenioque præ-
stantem ; post totius diei errores , sub noctem
reversum , aureosque deosculatum , coram
Rege deposuisse , dicentem : Religiosos inveni
nullos. Rex iussit : Hæc quænam est fabula ?
ego enim certus sum , in hac urbe vel quadrin-
gentos esse religiosos. Minister respondit :
Rex orbis terrarum qui religiosus est , aurum non

accipit : qui vero accipit, religiosus non est. Rex ad hæc subridens, amicis ait : Ego quantum huic religioso mortalium generi, Deum colenti bene cupio & adstipulor : tantum impudens ille, inimicitiae stimulis illud infestat & detestatur ; & jure quidem :

Religioso enim, qui argentum aurumque accepit,

Illo tibi religiosiorem quæras.

Historia : Quendam sapientem rogarunt præstantissimum, dicentes : Quid tibi videtur de sacramento religiosi panis ? Respondit ille : Si illum comederint, ut animo composito alacrius tanto, divino cultui invigilare possint, licitus est ; Si vero in cohortes sese redegerint panis gratia, (ut eum strenue comedant,) illicitus est.

Panem, ut in abdito vivant, Deumque colant, accipiunt.

Cordati : non vero in abdito vivunt, Deumque colunt, ut panem comedant.

Historia : Religiosus quidam in locum quandam pervenerat, ubi hospes ingenio comis, doctiores facundioresque in suo habebat consortio : quivis illorum, more facietis ingeniis recepto, lepidum jocosumque quid dicebat. Religioso iter per deserta emenso, itinere inediaque fesso, quidam illorum haud illepide inquit : Tuum quoque est, aliquid in medium proferre. Religiosus inquit ; Mea, ut aliorum, non est scientia neque facundia : præterea neque literis operam dedi ; proinde uno versu
mecum

mecum contenti estote. Avidi hortantur omnes, proferret. Ille vero ita inquit :

Ego fame stimulatus, in mensæ conspectu
(perinde me habeo,)

Ut (vegetus & cupidus) juvenis in porta
balnei feminarum.

Arridentibus universis, mensam illi apposuerunt, hospes inquit : O Amice paulisper expectato; servi enim minutal frixum apparant. Religiosus levato capite, inquit :

Ferculum minutim concisum frixumque,
ne mihi apponatur, dicito ;

Mihi enim itinere & inedia fracto siccus
panis caro frixa est.

Historia : Benevolus quidam amicus senecionem quendam consulit, inquires : Quid agendum mihi, mortalium crebro accessu quam maxime fesso; pretiosissima quippe mihi accessu suo turbant, eripiuntque tempora ? Respondit senecio : * *Pauperibus, qui te accesserint, mutuū dato: à ditioribus vero aliquid petito.*

Si mendicus Muhammedani exercitus dux fuerit ;

Infidelis mendicantium metu in Sinas profugerit.

Historia : Jureconsultus quidam patri suo ait: In me nihil quidquam penetrant animum delinientia Sacerdotum verba & præcepta: causa est hæc; quia haud video in illis actiones dictis ipsorum convenientes.

*Mundum mortalibus deserendum præscribunt:
Ipsi vero argentum & frumenti acervos accumulant.*

110 DE MORIBUS RELIGIOS.

Sapiens, qui nihil, nisi hordeacea fecerit verba;

Verba etsi pro concione fecerit, in neminem tamen penetrant.

Sapiens est ille, qui non fecerit malum:

Non ille, qui populum multa bona docet; ipse vero non facit.

Sapiens, qui animi libidinem cuticulamque curat,

Ipse jam periit; viam cuiusdam monstraverit;

Respondit pater: O fili, non decet propter vanam aliquam tantum opinionem, a bona Sacerdotum disciplina & doctrina in pravitatis præcipitia ruere; Sapientisque perditos censere: innocentisque vitæ Sapientem quærendo, sapientiæ fructibus destitui. Tu mihi similis esse videris cæco illi, qui nocte quadam in lutum prolapsus, exclamavit: O Muhammedani, facem meis præferre vestigiis: Vulgatæ femina pudicitiae, clamoribus auditis, iussit: Tu, qui ipsam non vides facem, facem prælucente, quid te visurum putas? Sacerdotum concio, (o fili,) perinde se habet, ut officina mercatorum; hic nisi æs dederis, merces non acciperis: illuc vero, nisi benevolentiae studium tuleris, Sapientiæ decus & felicitatem non retuleris.

Verba Sapientis animi auribus accipito:

Etsi facta ipsius dictis non fuerint consona.

Futile est illud, quod Sapientiæ ostentator dicit:

Ret-

Dormientem dormiens quandonam exper-
gefecerit ?

*Virum benignis auribus admittere oportet,
Et si muro fuerit inscriptum, virtutis exem-
plum.*

Historia : Cordatus quidam, deserto religio-
forum consortio, ex monasterio in Acade-
miam venit ; fidemque, quam religiosorum
consortio dederat, fregit, (eos deserendo.)

Ego illi dixi : Inter Sapientem religiosum-
que quodnam est discrimen,
Quod religiosis desertis, hoc sapientum
genus prætuleris ?

Respondit : *Religiosus, vix proprium corpus
undis eripere potest :*

*Sapiens vero operam dat, ut alios quoque un-
dis oppressos, discrimini eripiat.*

Historia : Quidam in prima via ebrius ob-
dormiverat, excussis per ebrietatem sanæ
mentis habenis. Forte religiosus illac præte-
riens, fœdum illius statum (detestatus) aspe-
xit : Juvenis levato capite, ait : *Si peccatorem
(religiosi & boni) prætereant ; benevole præter-
eunt.*

*Si videris peccatorem,
Obtegas crimina, benignusque esto.*

Hæus tu ! qui recordiam meam vituperas,

Quidni benevolus me præteris ?

*Vultum tuum, ô religiose, à lapso ne aver-
tas ;*

Crimen ignoscendo, ipsum benigne respicias.

Si ego in actioribus meis non fuero civilis ;

Tu

112 DE MORIBUS RELIGIOS.

Tu tamen me, ut civiles solent, prætereas.

Historia: Perditorum gens religiosi cujusdam pietatem inficiari, probrosis sermonibus exagitare, irreligiosiusque vexare cœperunt. Religiosus ordinis senioreni conveniens, ejusmodi sibi injuriam factam esse, queritur. Senex inquit: *O fili mi, religiosorum toga & benevolentia & patientia est habitus. Quicumque in hoc vestitu injurias non toleraverit; ordinis sui religionem mentitur; togaque illi est illicita.*

Vastum profundumque mare unius saxi projectu turbatur minime:

Sapiens, qui injuria accenditur, vadosa etiamnum est aqua.

Si tibi damnum acciderit, tolerato:

Quia crimina (aliis) ignoscendo, crimina eluis tua.

O frater, postremo cum in pulverem verti debeas;

Antea pulvis esto, quam in pulverem vertaris.

Apologus: Hanc audias historiam; * Bagdadi.

Inter vexillum & tapetum, natum est jurgium.

Vexillum itineris pulvere, stapedisque molestia fessum,

Tapeto quasi indignans ait:

Ego & tu, uterque unius domini ministri;

Servi sumus unius regiae aulae.

Ego à servitio ne unum quidem respiro momentum;

Tempore

Tempore enim opportuno, importunove
sum in itinere :

Tu ne molestiam quidem expertus, nec ur-
bium oppugnationes ;

Neque desertum, nec turbinem, neque
pulverem :

Pes meus in expeditione est princeps ;

Quorsum tu itaque mihi splendore & ho-
nore præstas ?

Tu versaris inter pueros, Lunæ instar vultu
formosos ;

Interque puellas Jasmini instar fragrantēs :

Ego vero in serviles ministrorum incidi ma-
nus ;

In itinere vinculis oneror, perpetuisque
ventorum flabris agitor.

Respondit tapetum : *Ego caput meum * li-
mini impono ;*

Haud tuo exemplo caput ad astra levo.

Quicumque enim vana gloria caput effert ;

Capiti suo præcipitium exitiumque fastu
festinat.

Historia : Cordatus quidem athletam vidit,
robores singularem, animo turbidum, lymphatum,
oreque spumantem ; proinde rogavit :
quæ ista sit hominis species ? Quidam respon-
dit : iste homo N. N. illum injuria affecit.
Cordatus hoc audito inquit : *O perditissimum vi-
lissimumque hominem, qui mille librarum pondo
saxum sustinuerit, unumque verbulum sustinere
nequit.*

Fortitudinis gloriam, virtutisque ostenta-
tionem linquas,

O igna-

O ignava vecorsque anima ; inter (te) virum feminamve discrimen quodnam ?

Dum potes, alterius os tibi demulceas ;
Virtus illa & fortitudo haudquaquam est,
quod alterius ori pugnum infligas.

Etsi quis cum elephante frontem conferere possit ;

Vir tamen est nullus, nisi humanitatem habuerit.

Mortalium fabrica constat ex humo :

Si quis humanus haud fuerit, nec homo erit.

Historia : Virum quendam magnum de vere amicorū consuluerunt virtutibus. Respondit : Minimus est ille, qui amici desiderium suis prætulit negotiis. Sapientes enim dixerunt : *Frater, qui sua quærit commoda, neque frater, neque propinquus est.*

Itineris comes ; qui festinat, tibi minime est comes ;

Proinde animum in nemine figas, nisi qui in te animum fixerit.

In propinquo si religio & pietas non fuerit ;
Cum illo amicitiam incidere, quam propinquitatis jus colere, præstat.

Haud immemor sum ; quendam Sapientiæ ostentatorem, dicti versus argumento obniscum, dixisse : Maximus, Altissimusque Deus in Corano amicitiam rumpere vetat ; propinquorumque amicitiam & caritatem commendat : tibi vero dicta oraculo huic prorsus reclamant. Respondi ego : Erras : quinimo oraculo maxime suffragantur ; Altissimus enim Deus ita ait : Si tibi (parentes tui) institerint,
ut

ut mihi * socium adjungas, quem tu nescis; ne illis obtemperaveris.

Mille propinqui, qui à Deo alieni fuerint;
Victima sunt uni externo; qui Deo propinquus fuerit.

Historia: Vir quidam decrepitus, ingenio comis Bagdadi,

Filiam suam cuidam calceario uxorem dedit.

Homuncio ille saxeo corde illam ita momordit,

Ut filiae labra (largo) manarent sanguine.

Proximo die pater illam ita vidit lacertam;

Generum itaque adit & rogat:

O. Homuncio è sterquilinio orte! qualisnam est dens ille?

Quorsum labra illius dilaceras, non enim est corium?

Per ludibrium hæc quidem non dixi verba:

Tu lepores linguas, tibi que solida & vera legas.

Pravi mores, si naturam obsederint;

Non nisi fato expelli possunt.

Historia: Jurisconsultus quidam filiam habuit maxime deformem: quanquam proposita essent, magnus nuptialium apparatus, dosque præclara; nemo tamen matrimonium ejus ambiit.

Fædi sunt panni auro intertexti, argentoque distincti;

Si sponsa deformis, iis vestita fuerit.

Rem ut paucis absolvam, necessitate urgente,

te, eam cæco cuidam matrimonio sociarunt. Scriptores tradunt: eodem anno ex Insula Serendib^a Medicum quendam venisse, qui cæcis visum restituebat. Jurisconsultum rogant: Quidni genero tuo oculorum usum quoque reddis? Respondit ille: *Metuo, ne videns filiam meam repudiet.*

Maritum conjugis deformis cæcum esse præstat.

Historia: Quidam Regum pauperem religiosorum gentem vultu tristi aspiciebat. Vnus illorum ingenio sagax, id sentiens, inquit: *O Rex, nos in hoc terrarum orbe milite tibi sumus inferiores, vitæ iucunditate superiores, morte pauci, resurrectione meliores.*

Et si Rex regna expugnans, omnia ex arbitrio agat;

Pauper vero panis penuria laboret:

Illo tamen momento, cum moriendum est huic, & illi;

Nihil præter feræ fascias ex hoc mundo esse ferre possunt.

Si sarcinas colligere, ex hoc mundoque discedere studes;

Tum magis tibi expedit mendicandi fors, quam regnandi onus.

Externa religiosi facies, est tunica ex veteribus pannis confuta, rudeque pallium;

Vera autem hæc est: ut Spiritu sit vivus, affectibus mortuus.

Nequaquam illa; ut à mortalium confortio seclusus, se religiosum jactet;

Qui,

ii, si forte contra animi ipsius sententiam
aliquid fecerint, in bellum ruat.

ex monte deorsum volvatur saxum mo-
lare ;

iens ille minime est, qui de via saxo ruen-
ti cesserit.

ituta religionum hæc sunt: Deum invo-
grates agere, colere, obtemperare, libera-
paucis contentum esse, Deum unum sta-
re, confidere, illi rem omnem remittere,
ntemque esse. Quicumque hisce virtuti-
colluerit, vere religiosus est: etsi magni-
(divitum) toga indutus (incedat.) Vani-
us autem sine precibus, Veneris manci-
i, illecebrarum sectator, qui dies ad no-
usque luxu libidineque, noctes vero ad
usque ignaviæ somno transegerit; qui
ederit, quicquid in buccam venerit; per-
s est, etsi rude (religionum) pallium,
atis insigne, gestaverit.

*te (ex cordem), cujus anima pietatis est vacua:
orpus vero religioso habitu ornatum, pieta-
tem simulat.*

elamen * septem coloribus distinctum, fo-
ribus tuis ne obtendas.

u, qui intra ædes storeas, seu vilia stragula
tenes.

istoria: Vidi ego aliquot fictilia recentibus
rosis plena,

uper tecto quodam, gramine alligata.

Dixi ego: Quodnam est istud vile gramen,
Quod in rosarum ordinem etiam concess-
rit?

Gramen

te, eam cœco cuidam matrimonio sociarunt. Scriptores tradunt: eodem anno ex Insula Serendib^a Medicum quendam venisse, qui cœcis visum restituebat. Jurisconsultum rogaverunt: Quidni genero tuo oculorum usum quoque reddis? Respondit ille: *Motuo, ne videns filiam meam repudiet.*

Maritum conjugis deformis cœcum esse præstat.

Historia: Quidam Regum pauperem religiosorum gentem vultu tristi aspiciebat. Vnus illorum ingenio sagax, id sentiens, inquit: *O Rex, nos in hoc terrarum orbe milite tibi sumus inferiores, vitæ jucunditate superiores, morte pares, resurrectione meliores.*

Etli Rex regna expugnans, omnia ex arbitrio agat;

Pauper vero panis penuria laboret:

Illo tamen momento, cum moriendum est huic, & illi;

Nihil præter feræ fascias ex hoc mundo efferre possunt.

Si sarcinas colligere, ex hoc mundoque discedere studes;

Tum magis tibi expedit mendicandi fors, quam regnandi onus.

Externa religiosi facies, est tunica ex veteribus pannis confuta, rudeque pallium;

Vera autem hæc est: ut Spiritu sit vivus, affectibus mortuus.

Nequaquam illa; ut à mortalium consortio seclusus, se religiosum jactet;

Qui,

Qui, si forte contra animi ipsius sententiam
aliquid fecerint, in bellum ruat.

Si ex monte deorsum volvatur saxum mo-
lare ;

Sciens ille minime est, qui de via saxo ruen-
ti cesserit.

Instituta religiosorum hæc sunt: Deum invo-
care, grates agere, colere, obtemperare, libera-
lem, paucis contentum esse, Deum unum sta-
tuere, confidere, illi rem omnem remittere,
patientemque esse. Quicumque hisce virtuti-
bus polluerit, vere religiosus est: et si magni-
fica (divitum) toga indutus (incedat.) Vani-
loquus autem sine precibus, Veneris manci-
pium, illecebrarum sectator, qui dies ad no-
ctem usque luxu libidineque, noctes vero ad
diem usque ignaviæ somno transegerit; qui
comederit, quicquid in buccam venerit; per-
ditus est, et si rude (religiosorum) pallium,
pietatis insigne, gestaverit.

*O te (excordem),) cuius anima pietatis est vacua:
Corpus vero religioso habitu ornatum, pieta-
tem simulat.*

Velamen * septem coloribus distinctum, so-
ribus tuis ne obtendas.

Tu, qui intra ædes storeas, seu vilia stragula
tenes.

Historia: Vidi ego aliquot fictilia recentibus
rosis plena,

Super tecto quodam, gramine alligata.

Dixi ego: Quodnam est istud vile gramen,

Quod in rosarum ordinem etiam concesserit?

Gramen

Gramen lacrymis fufis, mihi, taceto, dixit:
Sodalitium benevolentiae non oblivifci folet,
Etfi ego quidem non ea fim pulchritudine, co-
lore, atque odore;

Nonne fum tamen ex eodem, quo rofa eft,
 horto?

Ego fum fervus Domini illius munificen-
 tiſſimi,

Antiqua ipſius benevolentia enutritus.

Sive ego fim iners, five artifex,

Benevolentiam à Domino ſpero;

Quamvis etiam, non afferam merces,

Neque obſequii opes habeam.

Ipſe enim desperatis ſervi rebus remedium
 novit;

Dum nemo mortalium illis mederi poteſt.

Moris eſt, ut domini, qui mancipiis liber-
 tatem reddunt;

Senioribus (ex iis) libertatem præſtent.

O Domine, qui hunc orbem creaturis ex-
 ornafſti;

Tu quoque huic ſeni tuo mancipio liberta-
 tem præſta.

O Sade, templi benevolentiae viam in-
 greditor:

O Vir Dei, viam Dei ingreditor.

Infelix eſt ille, qui caput ſuum deflexerit

* *Ab his foribus; alias enim fores non invene-
 rit.*

Historia: Sapientem quendam rogarunt,
 utranam (virtutum harum) fortitudo, an li-
 beralitas, præſtet? Reſpondit ille: *Qui libera-*
litatem habuerit, fortitudine minime eget.

Inſcri-

*Inscriptum fuit tumulo * Bahrami Curi :
 Manus liberalis robusto lacerto præstat.
 Non restitit † Chatemtajus, verum in æternum
 Restabit magnum illius nomen, benevolentia
 & liberalitate famosum.
 Divitiarum quinquagesimas dato : nam luxu-
 riantes vitis ramos,
 Vinitor si succiderit ; plures uvas reddit. :*



ROSA-

R O S A R I I

CAPUT TERTIUM

De Temperantia Præstantia.

H I S T O R I A.

MEndicus quidam Africanus inter Ha-
leppenses mercatores confidens, inſit:
O (benevoli &) divites Domini, ſi
apud vos locum haberet æquitas, apud nos
temperantia; jam pridem mendicandi mos ex
hoc orbe exularet.

O temperantia, tu me divitem redde:

Præter te enim opes ſunt nullæ.

Patientiæ angulus à Locmanno fuit ele-
ctus:

*Quicumque patientia caret, etiam Sapientiam
nullam habet.*

Historia: In Ægypto duo fuere principis fi-
lii, alter Sapientiæ; divitiarum alter ſtudio in-
tentus; ille ſui ævi lumen, hic Ægypti prin-
ceps evaſit: Princeps opibus dives, doctum ſu-
percilioſis oculis per contemptum intuitus:
inſit: Ego regnandi fatigium conſcendi; tu
vero etiamnum in priſtina pauperie hæres?
Reſpondit alter: O frater, meum eſt, Creato-
ris maximi benevolentiam laudibus cumula-
re; quia hæreditatem vatum inveni, id eſt, Sa-
pientiam.

pietiam : tu vero Pharaonis & Hamanis , id est, regnum Ægypti.

Ego illa sum formica , quam pedibus conculcant ;

Non sum apis , cujus aculeo mortales ingemiscant.

Quomodonam (justas Deo) pro hac benevolentia reddam grates ,

Quod scilicet robur mortales laceffens non habeo ?

Historia : Quendam audiui religiosum , fortunæ angustiis pressum ; qui veteres pannos consuebat , suumque animum hoc carmine placabat :

Sicco pane contenti sumus, vestituque vilis ;

Onus enim propriæ miseriæ præstat , exprobrationi mortalium.

Quidam illi ait : Quid desides ? In ista enim urbe vir quidam est natura benignus, qui universis promiscue beneficia præstat , lumbos enim ad servitium piorum accinxit ; desideriisque animorum promptissimus adest : quod si egestatis conscius fuerit tuæ , piorum benevolentiam demereri , sibi muneris magni loco ducet. Pauper inquit : *Taceto ; Egestate mori præstat, quam necessitatem ulli exponere. Perinde ut ajunt :*

Inveteratos pannos præstat consuere, & patientiæ angulum colere ;

Quam vestitus causa ditibus libellum supplicem scribere.

Idem profecto est ac Tartari cruciatus subire ,

Vicini ope Paradisum irreptare.

Historia: Quidam Regum Persarum exquisitissimum Mustaphæ, pax sit super ipso, ministerio misit medicum, qui transacto aliquot annorum in Arabia spatio, nemine operam suam implorante, medicamenta quærente, quodam die vaturn adiit dominum, querens: Me certe huc medicandi causa miserunt primores, atque ad hæc usque tempora operam meam nemo æstimavit, ut scilicet munus mihi servo incumbens exequi potuerim. Vates ait: *Hæc huic genti vivendi est ratio; non, nisi stomacho latrante, comedunt; atque etiamnum pruriente, manum à cibo retrahunt. Medicus inquit: Hæc est unica bonæ valetudinis causa; proin solum osculatus, discessit.*

Sapiens tum temporis verba facere,

Cibore manum admoveere cæptat;

Cum ex silentio damnum,

Ex abstinentia mors imminuerit.

Proin dubio procul verba ejus Sapientia erunt,

Ipsiusque comedere sanitatis fructum feret.

Historia: Quidam sæpissime relapsus erat, mox novis vitæ criminibus, vitiisque poenitentiam profligabat: ut tandem venerandus quidam senex illum ita affatus, dixerit: *Novi equidem, multum comedendi consuetudinem apud te invaluisse; animæ vero vinculum, poenitentia scilicet, capillo est tenuius; atque prout tu saginas affectus, vel catenam ruperint; accidetque, ut te aliquando evertant & perdant.*

Quidam lupi enutriebat catulum:

Enu-

Enutritus ipsum dominum dilaniavit.

Historia : In annalibus a Ardeschiri Bābega-
ni memoriæ proditum est, illum rogasse me-
dicum Arabem, quantum cibi capiendum sit
uno die? Medicum respondisse: Centum
drachmas sufficere. Cui ille oblocutus, ait:
Tantillum quid roboris homini præstare po-
test? Medicus reddit: *Ille cibi quantitas te satis
bajulabit: si vero illam excesseris, tu cibi bajulus
eris.*

Car: *Comedendum est, ut vivamus, summoque
Numini laudes dicamus:*

*Tu vero arbitraris, nos ideo vivere, ut co-
medamus.*

Historia: Duo religiosi Horasanenses con-
tracto inter se societatis commercio (ad
utramque fortunam parati,) peregrinationem
fufcipiebant; unus corpore debilis, alternis
diebus cibum semel capiebat: alter robustus,
quotidie ter comedebat. Fato ad urbis alicu-
jus portam pervenerunt, ubi afflicto miseris
tentatæ proditiōis crimine, capti uterque in
carcerem conjiciuntur, foribus calce oblitis.
Post duarum hebdomadarum spatium, ipsos
criminis infantes fuisse cognoscitur; foribus
apertis robustum extinctum, debilem vero su-
perstitem deprehendunt. Hinc nata mortali-
bus admirandi materies, quam sapiens qui-
dam discussit, inquiens: Si res è contrario ac-
cidisset, admirandi materiem præstitisset. Ille,
*quia maximus fuit belluo, inediæ impar occubuit:
hic vero ex solito abstinens, inediam sustinuit, fe-
liciterque evasit.*

Cum modicum comedere cuiquam institutum fuerit,

Si inedia eum forte presserit; facilius feret.

Si vero cuticulam curaverit profuse & laute;

Rebus angustis inedia perit.

Historia: Sapiens quidam filium suum ab ingluviē cohibuit, inquiens: *Multum comedere mortalibus marbos adfert.* Respondet filius: *Inedia pater, perimit; o nonne audivisti, quod facietioribus dici solet? Satiētia mori satius esse, quam inēdām sufferre.* Pater inquit: *Tu mediā insitas viam, Deus enim imperavit maximus: Comedite & bibite; sed non profundite.*

Ne comedas tantum, ut vomitu cibum denūo rejicias:

Neque etiā tantillum, ut corpore inedia fracto, anima discedat.

Quamvis in corporea hac mole cibus sit delictum,

Modum si tamen excesserit; molestiam parit.

Saccharum rosatum, si nimium comederis; noxam adfert:

Si vero siccum parce comederis panem; saccharum rosatum erit.

Historia: Quendam morbo affectum rogant: *Quid animus expetit tuus?* Respondit ille: *Illud expetit, ut animus meus nihil expetat.*

Stomacho oppleto ventreque nascitur morbus,

Cui nec præsentissima profunt remedia.

Historia: Apud lanionem quendam in urbe
^b *Wafita religiosi aliquantum æris alieni contraxe-*

traxerant : lanio suum quotidie flagitans , miseris acerbis indignisque verbis laniabat. Religiosi probris illius graviter vexati , (de solvendo maxime solliciti erant ; sed in præsens) nihil, nisi (injurias fortiter) tolerare poterant. Hinc cordatus quidam ex illis inquit : *Facilius erat , spe cibi affectus ; quam lanionem spe pecunie nutrire.*

Magnatum beneficia relinquere satius est ;

Quam janitorum injurias devorare.

In desiderio carnis occumbere præstat ;

Quam iniquas lanionum exactiones tolerare.

Historia : Viro cuidam liberali in Tatarico certamine graviter vulnerato, quidam inquit : Est mercator quidam, qui unguentum habet præsentissimum ; fieri potest, ut fortasse tibi flagitanti nonnihil largiatur. Narrant : mercatorem illum avaritia fuisse famosissimum.

Ita ut ; si panis loco in mensa habuisset Solem ;

Nemo ad extremum usque judicium clarum in hoc mundo videret diem.

Vir liberalis inquit : Si unguentum illud expetivero ; dederit, aut negaverit : Si dederit ; profuerit, aut non profuerit. Quovis modo ab ejusmodi viro aliquid petisse venenum sit acerrimum.

Quicquid precibus à villis impetraveris ,

Corpore quidem auctus ; animo vero imminueseris.

Sapientes enim dixerunt : ponamus , vitæ aquam vendi oculorum lacrymis, id est, honoris prostitutione ; sapiens eam haudqua-

quam comparaverit. *Præstat enim gloriose interire; quam vitam misere trahere.*

Colocyntidem * ex manu viri probi & benevoli si comederis,

Præstat; quam si dulce (sive saccharum) ex manu viri virulenti & vultu torvo.

Historia: Sapiens quidam numerosam habebat familiam, redditus paucos; rerum angustiis actus, divitum cuidam, de quo optime sentiebat, rem exposuit; qui petitione illius offensus, mendicandi prostitutionem in viro honesto turpissimam ducebat.

Novercante fortuna, tristis flebilique vultu carum amicum

Ne adeas; quia ipsius etiam voluptatem exacerbatur.

Necessitatem alicui expositurus, lato ridenti- que vultu adeas:

Nequaquam enim male succedit negotium viri, qui est late frontis.

Narrant: Divitem redditus ejus nonnihil adauxisse; honoris vero, quo ipsum prosequi solebat, plurimum detraxisse. Post dierum itaque aliquot spatium, cum solitum non expectaretur amorem, infit:

Malus est ille cibus, quem necessitatis tempore acquiris:

Olla quidem bullis; sed honor decoquitur.

Panis meus augetur; honor meus minuitur:

Præstat omnino egenum esse, quam mendicandi vilis tolerare.

Historia: Religioso fortunæ angustiis presso aliquis infit: Vir quidam est longe ditissimus,
 si

si egestatis tuæ certior factus fuerit; spes equidem est, fore, ut ille in explenda egestate tuâ minime cunctetur. Respondet alter: Ego non novi hominem. Cui inquit ille: Ego tibi dux ero. Prehensa itaque illius manu, religiosum in ædes ipsius perduxit. Religiosus hominem vidit, labiis demissis, vultu tristem, altumque silentem. Visa hominis specie, retrocedit: dux retrocedentem, quid agis, rogat? Respondet alter: Ego donum ipsius, tristi illius vultui donavi.

Necessitatem viro vultu tristi ne exponas:

A pravo enim ingenio illius dolore afficeris.

Si animi curas atque dolorem cuiuspiam exponere lubet;

Exponas tali; à cuius læto ingenio mox beneficium sentias.

Historia: Alexandria annus admodum extitit ficans, ut patientiæ habenis ex mortaliū arbitrio elapsis, obstructisque cœli foribus creaturarum clamores ob annonam ad æthera usque ferrentur.

Non reliquum fuit animal, non fera, avis, piscis, nec formica;

Cujus clamor propter inediam æthera non subierit.

Mirum equidem, fumum suspiriaque animorum clamantium, non coaluisse

In nubem; lacrymasque oculis fluentes, non versas in imbrem.

Anno illo ita calamitoso, homo quispiam nequissimus erat, flagitiis & sceleribus coopertus, (Deus ab amicis istum longe dimo-

veat,) ut qui in describendo eo verbum fecerit, bonorum morum limites transgredi videatur, præsertim præsentibus magnatibus. Illud vero per ignaviam prorsus omittere, fas haud erit; ne aliqui scriptoris inopi id tribuant ingenio, proinde rem duobus complexus sum versibus, ut scilicet brevis dictio rem magnam complectatur, unusque manipulus maximæ molis sit indicium.

Scythæ, si monstrum hoc hominis interemerit;

Scytham vicissim ad supplicium rapere, nefas erit.

Quamdiunam fuerit perinde ut pons Bagdadensis,

Sub quo aqua, super quo homines ruunt?

Ita quidem homo erat, cujus ex parte descriptionem audivisti, longe ditissimus; qui pauperibus argentum aurumque subministrabat, peregrinisque mensam apparabat. Nonnulli religiosorum, paupertate inediaque fessi, epulas illius ambiebant; mecum vero super ea re consultantibus, prorsus reclamavi, inquiens:

Non comedit leo canis reliquias;

Et si inedia intra speluncam intereundum sit.

Corpus inediæ inopiæque (potius) committas;

Quam manum, abjectum hominem stipendi poscendo porrigas.

Et si quis facultatibus opibusque fuerit Feridunus;

Tu

Tu tamen, si sine virtute fuerit; illum minime virum censeto.

Pannum variis coloribus distinctum; vestemque sericam inertem imponere.

Est Cyaneum colorem & aurum obryzum parieti inducere.

Historia: Chatemtajum rogarunt: Nunc quid in hoc terrarum orbe te aliquem vidisti, aut audivisti animo nobiliorem? Respondit ille; Quodam die quadraginta camelos victimas dedi. Egoque cum primoribus Arabibus in campestem aliquem locum proclii, hominem quendam vidi spinas colligentem, qui spinarum cumulum coacervaverat, cui dixi; Tu quare non properas ad Chatemtaji ædes, universus enim populus ad epulas illius confluit? Ille respondit mihi;

Quicumque parem labore suo acquisitum comederit;

Chatemtaji exprobrationes non tulerit.

Ego hominem illum me ipso cordatiorem & liberaliorem vidi.

Historia: Vates Moses, super quo pax sit; quendam vidit pauperem, qui propter nuditatem corporis seipsum in arena condiderat. Pauper Mosem affatus, ait: O Moses, tu ora mihi altissimum Deum, ut ille mihi vitæ necessaria subministrare velit: egestate enim extinguor. Moses pro homine oravit, ut Deus illi facultates dederit. Moses post aliquot dies à cultu divino reversus, hominem vidit captum, magna populi frequentia cinctum; rogavit proinde, quid rei sit? Responderunt illi: vi-

num hausisse, rixas movisse, hominem interemisse; jamque ad fumendum de ipso supplicium turbam confluxisse.

Inops felis si alas haberet;

Passeris genus ex orbe tolleret.

Fieri solet, ut miser atque contemptus, si potens evaserit;

Surgat, miserorumque manus obtorqueat.

Moses, super quo pax sit, sapientiam Conditoris universi agnovit, temeritatisque suæ veniam imploravit, hocque oraculum est effatus: *Si Deus amplas divitias servis suis dedisset, alter alteri in hoc orbe insultaret.*

O tumide, quidnam te in discrimen præcipitavit,

Ut interieris? *Vtinam formica non subrolaret!*

Abiectus, si dignitatem, argentum, aurumque obtinuerit;

Caput ejus colaphum omnino ambit.

Istud adagium nonne sapientum quidam protulit?

Longe satius esse formicæ, si alis destituta fuerit.

Pater ille (Deus) multum quidem mellis habet;

Sed filius per se satis calore fervet.

Ille, qui te potentem non fecit,

Te ipso res tuas rectius movit.

Historia: Quendam ex Arabibus, qui per avia incertis sedibus vagantur, in circulo gemmariorum^d Basræ ita narrantem audivi: Mihi quondam in deserto viâ aberranti, penuria

ria

ria victus fuit gravissima : proinde inedia fessus animum paravi morti : Sed præter spem & opinionem sacculum inveni, margaritis plenum ; immemor nunquam ero lætitiæ, gaudiique recentissime nati ; opinatus quippe, tostum esse triticum. Sed mox ; margaritas esse comperto, pristinus animi dolor, primus mortis horror denuo subortus fuit.

In deserto arido, solitudinisque arena
Sitibundi in ore, quid juvat gemma ? quid
juvat concha margaritifera ?

*Vir sine comœatu, si inedia fuerit fractus ;
In cingulo aurum, æ testam habeat, quid refert ?*

Historia : Arabs quidam in deserto nimia siti accensus ita ajebat :

Utinam ante obitum meum,
Uno die desiderii mei compos fiam !
Desiderium meum est fluvius, cujus undæ
genua mea pulsant :

Ut ingrediens * utrem meum impleam.

Historia : Eodem modo in vastissimo deserto viator quidam via erravit, corporis viribus, viaticoque deficientibus, æs quidem in cingulo, sed frustra tenebat : Miser multum oberravit, viam vero in salutis portum non inveniens, inedia extinctus fuit. Homines quidam fato in illum inciderunt ; æs ante faciem illius positum, hæcque verba solo inscripta viderunt :

Aurum, quod teneas, etsi totum fuerit obry-
zum,

Vir sine viatico; animi desiderium haud expleverit.

In deserto pauperi Solis calore adusto

Coctum rapum argento non signato præstat.

Historia: Nunquam iniquis temporum fatis ingemueram, neque ex calorum cursu vultum contraxeram; nisi quodam forte tempore, cum nudis pedibus incederem, neque tantum æris haberem, ut calceos emerem: Cusen- se templum animo tristis ingressus, quendam vidi sine pedibus; quo viso laudes gratæque divinæ dixi benevolentiae, & pedum meorum nuditatem æquo animo sustinui.

Gallina assa in conspectu viri saturi

*Vilior est * cartami folio in prandio;*

Pauperi vero & inopi, qui facultates non habet,

Coctum rapum gallina assa est.

Historia: Quidam Regum cum aliquot præcipuis ministris suis, in venandi campo, hyberno tempore ab aula cultisque locis longius forte recesserat, in vesperscente die, ad- cuius rustici conspexerunt tuguriolum. Rex inquit: Illuc concedamus, ne frigus nos male urat. Purpuratorum quidam ait: Fastigio regio indignum est, in pauperis rustici tuguriolo umbram quærere; quin hic figamus tentorium, ignemque accendamus. Rusticus rei gestæ certior factus, parata fereula adornans, Regi detulit, solumque deosculatus, in- fit: Majestas regia, in casulam meam conce- dendo, imminuta haudquaquam fuisset; Sed noluerunt, ut rustici status celsior evaderet.

Regi.

Regi hæc tam opportuna rustici verba grata fuere, eademque nocte in casam ipsius concesserunt. Postridie Rex illum toga aliisque muneribus donavit. Audivi rusticum, prehensso Regis stapede, aliquot passus securum, ita dixisse:

Potentia splendorque Regis nihil quidquam imminuta sunt

Eo, quod benigne respexit hospitium casulae rusticanae.

Rustici autem pilei apex Solem attigisse videtur;

Postquam tu Rex umbram in caput illius effudisti.

Historia: Horribilem quendam narrant mendicum, amplas satis divitias tenuisse. Quidam vero Regum illi dixit: Tu immensis divitiis locuples esse videris, meque grave negotium premit; si me opum tuarum partem sustentaveris, mutuo scilicet data; cum Regni vectigalia allata fuerint, tibi restituetur. Respondit ille: Indignum majestate fuerit tua, qui orbis terrarum es dominus, potentiae tuae manum meis mendici opibus foedare; quas ego granatim congeffi. Respondit Rex: Noli tu sollicitus esse; ego enim æs illud daturus sum Scythis: Atqui foeda foedis conveniunt.

Dicentibus, calcem subactam esse impuram,

Respondimus: nos (hiantes) latrinae rimas eâ oblituros.

Quamvis aqua putei hominis Christiani sit impura;

Si eluturi mortuum sumus Judæum; quid refert?

Audivi mendicum Regis imperio acriter ob-
natum, argumentis rem suam propugnare, &
impudentius agere cœpisse. Quo Rex accen-
sus jussit, ut imperatam æris summam vi &
vexatione extorquerent.

Res si benevolentia & comitate non suc-
cesserit;

Tandem in crudelitatem vertatur (benevo-
lentiæ) necesse est.

Qui sui non misereatur ipse;

Alii ejus ne misereantur, æquum erit.

Historia: Quendam vidi mercatorem, qui
centum quinquaginta camelos mercibus onu-
stos, quadraginta servos, ministrosque habe-
bat: Quadam nocte in Insula e Kisch me in
hospitium suum deductam, totam per noctem
stolidis sermonibus fatigavit, inquirens: Illum
in Turcia mercibus administrandis habeo so-
cium. Hanc aurum in India. Istud est syn-
graphum, quo illius loci debitor mihi debi-
tam profitetur. Atque hujus rei vir iste spon-
sor est. Modo dicebat: Animus Alexandriam
cogitat, propter cœli clementiam. Modo, mu-
tato rursus animo, subjiciebat: Alexandriam
non propero, ob maris mediterranei discrimi-
na: Hinc, ô Sade, aliud præterea iter medi-
tor, quo peracto, vitæ reliquias in angulo ali-
quo tranquillus exigam, relicta prorsus mer-
catorum tessera. Ego, quodnam illud esset ro-
gavi iter? Respondit ille: Parthicum sulphur
deferam in Sinas; illic enim immensi pretii
esse

esse comperi : Fictilia Sinensia in Græciam :
 Ex Græcia pannum auro distinctum in In-
 diam : Chalybem Indicum Haleppum : Ha-
 leppensia vitra in Arabiam Felicem : Varii
 coloris telas ex Arabia Felici in Persidem :
 Post hæc relictis negotiandi oneribus in offi-
 cina quadam desidebo ; tot stolidæ effutiebat
 consilia ut tandem ipse muliebri garrulitate
 fessus , me ita sit affatus : Tu quoque , Sade ,
 audita visaque tibi nobis enarra. Ego respon-
 di :

Hocne audivisti in campo f Gurenfi

Viatorum ducem , camelo delapsum

Dixisse ? *Angustum avarumque mundani
 hominis oculum*

Aut continentia , aut sepulchri humus opple.

Historia : Quendam opulentum fuisse audi-
 vi, avaritia, perinde ut Chatemtajus liberali-
 tate, famosum, qui divitiis quidem affluebat ;
 sed avaritiæ vitium ingenium ipsius adeo foe-
 de subegerat, ut ne unum quidem panem li-
 berandæ animæ impendisset: ipsam Abu Hu-
 riræ selem ne buccella quidem placasset : ne-
 que cani dormitorum in spelunca os projecis-
 set : Ut rem absolvam paucis: Nemo unquam
 ædes ipsius viderat apertas, mensamve appa-
 ratam.

Pauperes præter cibi illius odorem nihil
 quicquam percipiebant :

Neque (propriæ) gallinæ, nisi pranso ipso
 micæ sublegebant.

Audivi ipsum mari mediterraneo Ægyptum
 petiisse, animo, ut Pharaonem (quondam)
 infla-

inflatum, donec tandem testibus sacris literis maris undæ ipsum hauserint. Mox enim suborta tempestate navis agitari cœpit, (ipseque horrescere,) perinde ut verum est illud verbum:

Tristi naturæ tuæ, quid agat animus, ut non ex scelerum conscientia pœnam metuat?

Aquilo non quovis tempore navi aspirat.

Supplices manus ad cœlum tendere, magnosque, sed inutiles clamores edere cœpit, prout dixit Deus altissimus: Et cum veherentur navi, præcabantur Deum. &c.

Servo necessitate perculso, quid refert, supplices manus

Tendere ad Deum pietatis causa, benefaciendi vero tempore eas? sinu condere?

Auro argentoque (inopibus) benefacito,

Tibi ipsi quoque beneficia inde carpito.

Scito has ades te defuncto superaturas;

Sive laterem ex auro, sive laterem ex argento statuas.

Tradunt scriptores, divitem illum in Ægypto propinquos habuisse pauperes, qui residuo divitiarum illius ditati sunt. (Auditaque clade & calamitate) vestes dilacerarunt, novas vero ex præstanti serico lana intertexto:† & Pelusiaco varii coloris panno pararunt: Ego eadem hebdomada quendam illorum vidi velocissimo equo incedentem, quem puer forma præstanti sequebatur, quo viso, metum ita cogitari cœpi:

Ah! si defunctus denuo reverteretur

Ad

Ad propinquos familiamque suam ;
 Reddere hæreditatem acerbius esset
 Hæredibus , quam mortem propinqui fer-
 re.

Propter amicitiam olim cum ipso contra-
 ctam, manicam ipsius prehendi, & dixi :

*Fruere, ô bonis prædite moribus, vir bone ;
 Vilissimus enim ille opes congeffit , nec iis fructus
 sustinuit.*

Historia : Corpore debili piscatori immensæ
 molis piscis in hamum inciderat , cumque pi-
 scem extrahere non posset , piscis piscatorem
 viribus superans, hamo crepto , evalit.

Abiit puer, ut aquam fluvialem afferret ;
 Aqua fluvialis intumuit, puerumque abstu-
 lit.

Hamum semper piscem afferre solebat ,
 Nunc piscis evalit , hamumque abstulit.

Reliqui piscatores hominis sortem miserati,
 vecordiam illi exprobrarunt , dicentes : Ejus-
 modi piscis in hamum tuum incidit ; tu vero
 illum retinere non potuisti. Respondit pesca-
 tor : O fratres , quid agam ? piscis mihi quip-
 pe prædæ non fuit , quia fatalis illi dies non-
 dum adfuit.

Piscator recalcitrante fortuna in ipso fluvio
 Tigri non ceperit piscem :

Atque piscis sine fato , ne in ficto quidem
 moritur.

Historia : Quidam sine manibus pedibus-
 que millepedam interfecit ; cordatus quidam
 illac forte præteritus infit : Laudatissime
 Deus , mille quidem pedibus , quos tenebat,
 immi-

imminens fatum, ab homine manibus pedibusque truncato, evitare non potuit.

Si à tergo irruerit hostis animum auferens;

Fatum ligat pedem hominis currentis.

Illo momento cum hostis ingruerit densus,

Arcus^f Ciameus tendi nequit.

Historia: Stolidum quendam vidi obesum, toga indutum pretiosa, equo Arabico insidentem, Ægyptiacis fasciis capite revinctum.

Quidam inquit: O Sade, quomodo videtur tibi pannus iste aureus, insignibus notabilis, huic stupido animali impositus? Respondi ego: Similis est sordidæ scripturæ, aureis literis exarata.

Similis equidem est mortalibus asinus ille;

Ut^g) vitulus ille corpore, voceque bovina præditus.

Homini simile esse hoc animal dici nequit:

Nisi vestitu, pileo & externa hominis specie;

Perspice omnes ipsius vestes, res & facultates

Nihil equidem licitum esse inveneris, nisi sanguinem ejus.

Nobilis etsi forte assis pauper fuerit; noli tamen ideo opinari,

Celsum ipsius gradum pauperem, imminutumque esse.

Etsi argenteum limen aureis clavis affixerit.

Iudæus; noli opinari, nobilem cordatumque fore.

Historia: Prædo quidam dixit mendico:

Nonne

Nonne pudet te, propter tantillum, grani instar, argenti, manum cuivis recordi præbere porrectam? Respondit ille:

Manum præbere porrectam propter argenti granum,

Præstat; quam ut eam propter assem semissemque præcident.

Historia: Athletam quendam iniquis temporum fati, edacis gulæ amplitudine, fortunæque angustis fessum ferunt; qui patri proinde miseriam exposuit, itinerisque suscipiendi veniam petiit, inquit: Iter mihi proposui, lacertorum robore desiderii sinum fortassis explevero.

Præstantia & ars inania sunt vocabula; nisi in forum producantur:

Aloen * igni imponunt, muscumque terunt.

Respondit pater: vanum atque impotentem conatum istum, ô fili, animo expellas, continentiaque pedem intra sinum contrahas; magni enim viri dixerunt: Amplitudo & divitiæ non acquiruntur annitendo: Inanis honorum via est, luctari.

Nemo amplitudinis sinum vi arripere potest:

Nisus inanis est, periude ut collyrium cæci oculis illitum.

Si in cuiusque capilli apice ducentas habueris artes.

Ars equidem frustra fuerit, si fors iniqua erit. Robustus novercante fortuna quidnam fecerit?

Fors

Fortunæ vis corporis robori præstat.

Filius inquit: Mi pater, peregrinationis com-
moda sunt quamplurima: Animus recreatur:
multa utilia hauriuntur: admiranda cernun-
tur: stupenda audiuntur: urbes regionesque
spectantur: cum amicis colloquia habentur:
honores & mores acquiruntur: divitiæ quæ-
stusque augentur: sodales cognoscuntur; tem-
porumque vices probantur; perinde ut dixe-
runt religiosi:

Quamdiu in officina Penatibusque hæse-
ris;

Nunquam, ô insipiens, vir evaseris.

Mundum obeas atque perlustres

Prius, quam tibi ex hoc mundo migran-
dum erit.

Pater inquit: O fili, eo, quo dixisti modo,
peregrinationis comoda sunt quamplurima:
Sed quinque mortalium generibus peregrinari
concessum est. Primo, *Mercatori*; qui ære fa-
cultatibusque instructus, pueros, & puellas
forma præclaras, ministrosque expeditos ha-
beat, ut quovis die, in nova urbe; quavis no-
cte, in novo loco; quovisque momento in lu-
xuriantibus campis, ex mundanis opibus ani-
mi desiderium expleat.

*Dives nec in monte, nec campo, neque deserto
peregrinus est;*

*Quocunque iverit, tentorium figit, lectumque
sternit.*

*Ille vero, qui desiderium mundanum, (opes sci-
licet) consequi nequit;*

Etiam

Etiam domi & in patria peregrinus est, atque ignotus.

Deinde, *Sapienti*; quem propter sermonis suavitatem, eloquentiæ vim, elegantiaque momentum, quocunque iverit, omni officiorum genere colunt.

Corpus viri Sapientis, perinde ut aurum obryzum est;

Quocunque iverit, momentum pretiumque ejus norunt.

*Rudis vero divitis filius similis est * coriaceæ Regis monetæ;*

Quæ in aliena provincia nihil valet.

Tertio, *Formoso*; ut cordatorum animi, in consortium illius tracti, colloquia ipsius sibi lucro ducant, ipsique servire munus putent; viri enim magni dixerunt: *Pauxillum pulchritudinis multo auro præstat. Vultusque formosus unguentum est animis ægritudine sauciis, clavisque foribus occlusis.*

Formosus quocunque iverit, honorem & benevolentiam experitur;

Et si pater materque ipsum irati domo exturbaverint.

Pennam † pavonis inter Corani videns folia,

Dixi: Dignitas hæc gradu tuo altior est.

Respondit illa mihi: Quicunque formosus fuerit;

Quocunque pedem posuerit, nemo illi obstitit.

In filio si obsequium pulchritudoque fuerint;

Nihil

Nihil metuendum est, etsi pater ejus fuerit
pertæsus.

Ipse unio est, dicas, ne intra concham la-
teat;

Unio enim singularis quemlibet emtorem
habet.

Quarto, *Suavi cantori*; qui cantus suavitatem
rumentium aquarum cursum, aviumque vola-
rum sistere possit: hujus enim virtutis munere
mortalium animos aucupatur, cordatioresque
consortium illius ambiunt.

Auditus meus suavi deditus est sono;

Quisnam ille est, qui duarum chordarum
panduram tangat?

O quantum blanditur vox mollis atque a-
cuta

Auribus virorum, sub auroram vinum po-
tantium.

Vox suavis vultui formoso præstat;

*Forma enim delitium est corporis, vox vero ro-
bur spiritus.*

Quinto, *Artifici*; qui lacertorum virtute vi-
ctum amictumque acquirat, ne honorem pa-
nis causa profligare cogatur; perinde ut dixere
prudentes:

Si in peregrinum orbem ex patria discesserit;

Inopiam miseriamque non videt cerdo:

*Si vero in peregrina loca inciderit ex Regno
suo,*

Famelicus jacet, h' Nimrofi Rex.

Hæ, quas descripsi virtutes, in peregrinatio-
ne, animum quietum, vitam vero facilem,
commodamque reddunt. Cui vero ex his
omni-

omnibus nulla pars contigerit, inani captus opinione, in peregrinum orbem discedit: (mortuusque si fuerit;) nemo memoriam vestigiaque ipsius commemorat.

In quemcunque iratus cœlorum cursus insurgit;

In contrarium, quam nititur, illi omnia tempora vertunt.

Columbum, qui nidum suum denuo videre non debet;

Fata in escam, laqueumque trahunt.

Respondit filius: Mi pater, quomodo sapientum refragabor sententiæ, qui ajunt: Opes etsi divino munere mortalibus sint distributæ; causæ tamen acquirendarum tractandæ sunt: malaque etsi sint destinata; irruentium tamen tempestates & occasiones sunt declinandæ.

Opes etsi sine dubio contingant;

Ingenium tamen docet, illas à magnatibus querere.

Etsi sine fato moriatur nemo;

Tu tamen vipera os accedere noli.

Illo enim, quo corporis robore polleo, cum horrendo elephante congredi; cumque ferocissimo leone pugnam conferere possum. Consultum equidem est, ut iter suscipiam, quia posthac paupertatis onus ultra tolerare nequeo.

Vir fortis si ex patriis Penatibus discesserit;

Quid tristabitur? quivis enim locus illi patria erit.

Quivis

*Quivis locuples noctu suam repetit aulam ;
Pauper vero ubi à nocte oppressus fuerit , ibi
aulam suam invenit.*

Hæc dixit , atque faustum omen desideravit,
patrique valedicens , discessit ; sub discessum
hæc illum dixisse audiverunt :

*Artifex , si fortuna illi ex voto non blandita
fuerit ;*

*Abeat in locum quendam , ubi nomen ipsius
nesciunt.*

Donec tandem ad aquæ cujusdam ripam
pervenit, quæ rapidissimo cursu continua saxa
volvebat , strepitumque ad * milliare usque
edebat.

Formidabilis adeo aqua , ut anates in illa
non fuerint tutæ ;

Minima ejus unda molarem ex ripa rapiens
volvebat.

Ubi aliquam hominum vidit frequentiam ,
quorum quivis dato unius aureoli naulo pon-
tonem conscenderat , itinerisque sarcinas col-
ligatas habebat : juvenis cum naulo non esset
solvendo , (nautas) laudabat , atque obtesta-
batur, adeo , ut tandem lacrymas etiam fun-
dere cœperit ; Sed illi nullam humanitatis of-
ficinam præstantes , inquirunt :

Sine auro neminem cogere potes ;

Si vero aurum habueris ; nulla vi opus erit.

Nauta humani juris immemor , ridens iude
averfus, inquit :

Aurum si non habueris ; robore mare tran-
sire nequis.

Decem hominum robur si (hic) habueris ;
quid

quid refert? unius hominis aurum tantum adfer.

Juvenis ignominia hac acriter accensus, vindictæ avidissimus injuriam istam ulcisci studet. Cum navis jam soluta esset, alta voce (ita) exclamat: Si hoc, quem getto, habitu, contentus fueris; illum tibi dare haud pœnitebit. Nauta lucri avidus, navim mox retro vertit.

Avartitia Sapientis occæeat oculum;

Ipsaque habendi libido, avem piscemque in laqueum trahit.

Mox ubi juvenis manus, nautæ barbam atque collareprehendere potuit, illum (intrepidus) navî extractum, ferociter prostravit. Nautæ focius è navî, opem laturus, advolat; sed mox, ubi juvenis robur atque atrocitatem vidit, fugam capeffit; consultum itaque rati, cum illo pacisci, ipsi naulum liberaliter remiserunt.

Si pugnae tempestatem videris; moderatus esto:

Animi enim facilitas certaminis portam claudit.

Facilem te præsta, ubicunque pertinaciam videris;

Ensis enim acutus molle sericum non secat.

Linguae suavitute, gratia, & benevolentia,

Ipsam elephantem uno pilo ducere potes.

Committâ crimina ut expiarent, sese ante pedes ejus prostraverunt, simulatâque conscientia aliquot oscula capiti, vultuique ipsius inpresserunt, juveneque in navim deducto, discesserunt: donec tandem in columnam quandam inciderunt, quæ ex Græcorum ædificiis

ficiis in aqua restiterat, tum nauta infit: Navis in summo versatur discrimine, quidam vestrum, qui ætatis flore, animi magnitudine, corporisque robore cæteris præstat, in hanc columnam eniti debet, qui navis restim teneat, ut nos navim reparemus. Juvenis juvenili animi magnitudine, qua tumebat, offensa animi similitudinem nihil veritus, Sapientumque sententiam haud secutus est, qui docent: *Cujuscunque animum offenderis semel, etsi postea centum illi beneficia contuleris; à vindicta unius illius injuriæ securus esse nolito. Sagitta quidem eximitur vulnere; sed acceptæ injuriæ memoria in animo altissime residet.*

*Quam bene monuit * Bechtaschus Chilia-schum!*

Si hostem exacerbaveris; securus ne esto.

Securus esse nolito, in animi dolores incidet.

Si te autore animus alicujus offensus fuerit.

Lapidem in arcis murum ne projicias;

Fieri quippe potest, ut ex arce lapis quoque ruat.

Interea temporis, dum hic navis restim brachio suo implicat, columnamque conscendit; nauta restim è manu illius (ferociter) eripit, navimque impellit. Miser ille veluti fulmine aliquo percussus in columna (destitutus) hæsit: per biddum grave supplicium, miseriam, sustinuit, in ediamque toleravit. Tertio die juvenis à somno oppressus, præceps in aquam ruit. Post noctem diemque ripam (natando) contigit, (ita confectus,) ut supremum jam-jam reddere videretur spiritum, arborum fo-
lia

lia vorare, herbarum radices eruere coepit; quibus nonnihil refectus, per avia oberravit, ut tandem sitibundus, famelicus, & moribundus ad puteum quendam pervenerit. Gentem circa puteum vidit collectam, quæ aquæ haustum teruncio bibebat: juvenis teruncio destitutus, aquam expetebat, negabant. Violentam itaque manum protendens, bibere institit, (obniventibus vero hominibus) non potuit, hinc aliquot illorum ferocissime prostravit, illi vero numero superiores juvenem crudeliter pulsarunt & vulnerarunt.

*Culices, si plures fuerint, elephantem pun-
gunt;*

*Quamvis animal sit ferocissimum & violentis-
simum.*

Parvæ formicæ si consenserint;

Ferocissimi leonis cutem lacerant.

Necessitate itaque, ægritudine, & vulnere fessus, viatorum comitatum assecutus, cum illis perrexit. Sub noctem inciderunt in locum quendam prædonibus infestum, trepidos comitum vidit animos, pavore tremoreque jam jam moribundos. Quos proinde ita est affatus: Nolite metuere, in medio enim vestrum ego sum, qui unus viris quinquaginta satis resistere possum, cæteri quoque juvenes suppetias ferant. His gloriolis ipsius verbis erecti comitum animi, mireque consortio illius hilares, ipsum cibo potuque refecerunt. juvenis stomachus, (longa inedia) inflammatus pruriebat, proinde ex incredibili stomachi pruritu aliquot buccellas comedit, aliquotque a-

quæ haustus potavit, quibus malignus stomachi illius spiritus placatus, juvenisque somno sopitus, obdormivit. Eodem in comitatu forte senex quidam, vitæ subactæ, mundumque expertus, inquit : O Socii, ego hunc custodem vestrum multum equidem vereor, imo magis, quam prædones ipsos, documento illius historiæ, quam referunt: Arabem quendam fuisse, qui cum aliquantum æris accumulasset, noctu i Lurianorum metu, solus in ædibus suis somnum non capiebat. Quendam itaque amicorum sibi adjunxit, ut scilicet solitudinis formidinem aspectu ipsius exueret. Ille per aliquot noctes in consortio ipsius fuit, donec conscius æris, id ipsum abstulit, atque discessit. Postridie Arabem viderunt spoliatum, lacrymantem, quid rei sit, rogantur? Numquid latro tibi fortassis surripuit pecuniam? Respondit ille : *Nequaquam latro; sed ipse custos abstulit.*

Nunquam à serpente confedi securus,

Ex quo scivi pravam illius morem.

(Serpentis veneno) pejus est venenum dentis inimici ;

Qui in mortalium conspectu amicus apparet.

Quid scitis, ô socii mei? Annon juvenis ille sit ex latronum numero, qui per altutiam comitatum nostrum irepserit, ut opportunitate captata, socios suos certiores faciat? Consultum equidem video, ut hominem relinquamus dormientem, & discedamus. Hoc senis consilium gratum fuit juvenibus, athletamque pavesce-

pavescere cœperunt. Sarcinis itaque collectis, juvenem reliquerunt dormientem, qui tum demum se solum esse animadvertit, cum Sol humeros ipsius pertringeret. Capite levato viatores discessisse videns, multum equidem oberravit: sed viam in salutis portum perdúcere haud potuit, sitibundus itaque, & famelicus, vultu humi posito, animoque ad mortem parato dixit:

*Quis ille est, qui mecum confabuletur, dum
flavescentes habenis impositis discessere cameli?
Peregrino quippe nemo, nisi peregrinus, socius
erit.*

Peregrinos exagitaverit ille;

Qui ipse peregrinus parum fuerit.

Hæc dum loquitur; Regis ecce filius feræ vestigia secutus, à comitatu suo longius recessit, capiti ipsius adsistens, hæc verba audivit. Hominis formam intuitus, eam vitidam quidem; sed statum ejus miserum deprehendit, rogavit proinde: Tu cujas es? Et in hunc locum, quo fato delatus es? Nonnihil eorum, quæ miser passus, exposuit. Regis filius misericordia motus, toga beneficiisque collatis, fidum illi ducem adjunxit; quo duce, in patriam urbem reversus est. Pater, viso filio, lætus pro incolumitate ejus grates (Deo) agit. Eadem (forte) nocte, quæ passus erat in navi, injuriam (scilicet, à nauta, rusticisque factam, comitatus inhumanitatem patri enarravit. Ad quæ pater: O fili, nonne te abiturientem monui: *Fortem inopum manum esse ligatam, leonibusque ungulas fractas?*

Quam bene dixit inops gladiator ille !

*Vnum auri granum, virium quinquaginta-
bris pondo præstat.*

Filius inquit : Nili, ô pater, molestiam equi-
dem subieris ; opes non acquisiveris : Atque
animam nili discrimini dederis ; hostem non
superaveris : Granum nili in incertum spar-
seris ; mensem non messueris. Noane vides
tantillo malorum, quod sustinui, quantas opes
retulerim ? per illosque apum punctus, quorum
tædia devoravi, quantum mellis reportave-
rim ?

Quamvis præter bona à Deo concessa, ne-
mo quid comedere possit ;

Non tamen in illis acquirendis pigritiam
monstrare decet.

Vrinator si crocodili victum veritus fuerit ;

*Pretiosam margaritam nunquam acquisive-
rit.*

*Inferior mola lapis * immotus (& iners) ja-
cet, **

Atque ideo gravissimam molem sustinet.

In speluncæ fundo (deses) quid comederit
ferocissimus leo ?

Accipiterque decrepitus vires unde acquisi-
verit ?

Tu si intra domum tuam prædam habere
volueris ;

Manus pedesque tui araneæ imitar sint.

Respondit pater : Fili mi, hac quidem vice
fata benigniora tibi suppetias tulerunt, virtu-
teque viam monstrante, rosa tua ex spina, spi-
naque tua ex pede protracta fuit. Quia opi-
bus

bus potens in te incidit, qui tui misertus hæc tibi dono dedit, miseramque fortunam tuam, cum esset expiscatus, beatiorem eam reddidit. Hoc autem raro contingere solet, atque de raro iudicium formari nequit: (id est, rem raram nemo sibi certo spondere potest.)

Venator vulpem non semper (ex venatu) affert:

Accidere enim solet, ut aliquando tigris illum dilaniet.

Perinde ut quidam Regum Persarum pretiosam in anulo sculpturam habens, aliquando forte reficiendi animi causa, cum aliquot carioribus ministris, in jucundum Cyropolis campum prodiit, & imperavit, ut annulum globo famosi cujusdam conditorii affigerent, quique sagittam per anuli foramen trajiceret; annulum præmium haberet. Tum temporis quadringenti periti forte aderant sagittarii, Regis ministri, qui sagittam miserunt; sed illorum tetigit nemo. Quidam forte puer ex diversorii tecto, in omnia promiscue loca per ludum sagittas temere mittens, (benigniori usus fortuna) subfolano ictum dirigente, per anulum sagittam trajecit: unde illi annulum jure adjudicarunt, infinitaque præterea munera contulerunt. Puér exinde sagittam, arcumque igni exussit: rogatus, quare idipsum faceret, respondit: *ut prima ista (artis) gloria semper vivat.*

Quandoque accidere solet, ut viri etiam prudentissimi

Rectum non succedat consilium.

Quandoque fieri solet, ut & nescius puer,

Hand intentus, sagitta scopum feriat.

Hittoria: Religiosum quendam vidi, qui in spelunca sedem sibi fixerat, foresque à mortaliū consortio sibi præcluserat, neque Reges, neque principes hili æstimabat.

Quicumque sibi mendicandi portam aperuerit;

Ad mortem usque semper indigus erit.

Avaritiam desere, atque regnato:

Cervix enim avaritiæ expers, altissime surgit.

Quidam Regum istius loci ad illum ministros milit, qui dicerent: Spem in benevolis venerandi viri virtutibus posuimus, ut panem salemque in nostro convivu comedere velit. Venerandus annuit, quandoquidem vates exemplo suo docuit; non spernere convivum. Proximo die Rex præstitum officium excusaturus, religiosum adiit: religiosus assurgens, & Regem amplexus, quæsitis officiis coluit. Post discessum Regis, quidam amicorum rogat religiosum, inquit: Tautus in Regem officiorum cultus præter morem tuum est, quid itaque arcani in eo? Resoondit ille: Nonne audivisti, quod dicere solent?

In cujuscunque convivu fueris,

Necessum est, ut in illius servitium assurgas.

Auris esse potest, ut per totum vitæ spatium

Tympani, cymbali, tibiæque sonum non audiat.

Visus durat, etsi hortus non varias ediderit delicias:

Sine

ine rosa, floreque Nasiræo viget olfactus.
Atque pulvinar etsi plumis non fuerit reple-
tum;

Somnus tamen capitur, supposito capiti
faxy.

Siquè defuerit amica tecum cubans;

Tua te manus amplecti potest.

*Sed venter iste ignavus tot intestinorum volu-
minibus intortus,*

(Vacuus) ringitur, & nihilo placari nescit.



R O S A R I I

CAPUT QUARTUM

De Taciturnitatis Commodis.

H I S T O R I A.

CUIdam amicorum dixi: *Taciturnitas hac de causa apud me pretium locumque invenit; quia ut plurimum in sermone & bona & mala differuntur, inimicorumque studium non nisi mala captat.* Respondit ille mihi: O frater, inimico satius est, ne bonum videat.

Virtus in inimicitiae oculo maximum est vitium:

Rosa quidem est Sacerdos; verum inimicorum oculo spina est.

Inimicus non præterierit virum pium,

Quin ipsi tanquam mendacissimo & improbissimo illudat.

Lux orbem terrarum illustrans; Sol rotundus,

Fædus est in oculo cæci respertilionis.

Historia: Quidam mercator, damno millenariorum facto, filio suo inquit: Hanc jacturam ulli dicere caveas. Filius respondit: Mi pater, recte equidem imperas, egoque id nemini dicam; verum hujus silentii utilitatem mihi exponas velim, ut sciam, quid sit negotia

tia celare. Pater inquit : Ne miseria nostra sit gemina : *Prima scilicet , æris jactura ; altera vero inimicorum illuso.*

Inimicis propriam ne dixeris miseriam :

Illi enim , (quasi commiserantes ,) Deus avertat malum , verbis precantur ; inter ea (clam secum) factum gaudent.

Historia : Præclari ingenii juvenis in studiis atque virtutibus egregie profecerat , naturaque præditus erat adeo rarâ , ut quodam forte tempore inter studiosos confidens , ne unum quidem verbum mutiret. Pater inquit : Fili mi , tu quoque eorum , quæ nosti , quidam aliquid in medium profers ? Respondit ille : Metuo , ne postea me rogaverint , quæ nescio , meque pudor subeat.

Hocne audivisti , quendam religiosum applicuisse

Ferramentis calcei sui aliquot clavos ?

Sinum ejus prehendit quidam prætor , (dicens :)

Veni , muloque meo ferramenta applicato.

Tibi nihil locuto nemo negotium facessit :

Si vero locutus fueris ; dicta probes (necesse est.)

Historia : Cuidam magni nominis eruditum cum homine profano controversia incidit : eruditus hominem argumentis nondum aggressus , clypeo projecto , quod ajunt , fugam capessit : Quidam illi inquit : Tu ea , quæ præstas scientia , virtute , præstantia & sapientia , quare non istis telis profanum petisti ? Respondit

ille : Scientia mea Coranus est , traditiones ;
graviaque patrum dicta ; iste vero his fidem
habet nullam , neque mihi auscultat ; ego au-
tem cui bono falsæ & impiæ ipsius religioni
aures præbeam ?

Quemcunque Corano, atque traditionibus
superare non poteris ;

Illi non respondendo, satis responsum erit.

Historia : Galenus rudi quodam homine vi-
so, qui manu sapientis collari injecta, sapien-
tem indignissime tractabat, ait : *Hic si sapiens
foret ; res ejus cum insipiente non eo pervenisset.*

*Inter duos sapientes neque simultas , neque cer-
tamen oritur ;*

*Neque sapiens homini vili atque (socordi) ob-
nititur.*

Insipiens si aspera dixerit ;

*Sapiens dulcedine singulari animum ejus pla-
cat.*

*Duo sapientes ne capillum quidem disrum-
punt :*

Atque eodem modo res se habet. inter per-
tinacem & mitem.

Si vero uterque fuerit insipiens ;

Et ferream catenam habeant ; eam tamen
rumpunt :

Quidam moribus inconditus alium igno-
minia affecit ,

Patienter sustinuit alter, inquiens : & tu, cu-
jus felicia sint extrema !

Pejor sane sum eo , quod tu vis dicere :

*Illud equidem scia , te non perinde ut me , mea
vitia nosse.*

Histo-

Historia : ^a Sahbanum Wajelum eloquentia dixerunt incomparabilem : qui et si per annum integrum pro concione verba faceret ; verbum nullum bis dicebat : Sed si res ipsa eadem forte postularet verba , alia oratione circuibat : hæcque una est virtus , quæ ad virtutes familiarium Regi pertinet.

Verbum et si animum devinciat , dulceque sit ,

Mereaturque , ut certitudinis splendorisque loco dicatur :

Si semel tamen dixeris ; dictum ne repetas.

Dulcia enim semel comedisse , satis est.

Historia : Sapientem quendam audiui ita dicentem : *Nemo propriam fatetur socordiam , nisi qui , alio loquente , orationeque nondum finita , orationem orditur.*

Oratio suos habet fines , ô Sapiens :

Tu orationem alienæ orationi ne misceas.

Virtute , judicio , ingenioque præditus ,

Verbum non fecerit , nisi silentium viderit.

Historia : Nonnulli fervorum Regis Mahmudis rogarunt Hufinum ^b Meimendinum , dicentes : Hodie , quid tibi Rex de hoc dixit negotio ? Dixit alter : inter vos res nulla occulta manet. Responderunt illi : Tu regni prorex es , atque tibi quod dixerit , nobis haud dicere solet , neque consultum ducit : Alter inquit : *Ea nempe fiducia , qua me nulli quicquam dicere novit : vos itaque quorsum rogatis ?*

Non quævis dixerit sapiens , quæ sciverit ;

Neque docet eliminando Regis arcana de proprio capite ludere.

Historia: In emendis aliquibus ædibus ancipitis eram consilii; quidam Judæus infit: Ego ex vetustis hujus vici sum incolis, harum ædium, quales ipsæ sint, descriptionem à me petas, tu emere eas ne dubita, vitium equidem habent nullum: Respondi ego, Imo hercle, præter te vicinum.

Ædes, quæ tui instar habent vicinum, Decem drachmas argenti adulterini valent.

At ista spe animus est erigendus;

Te quondam defuncto mille drachmis eas æstimatum iri.

Historia: Quidam Poetarum latronum adiit principem, laudibusque eum celebravit. Sed jussit ille, ut poetam vestibus spoliatum villa extruderent: canes poetam à tergo lacerassunt, ille saxum humo tollere nititur; sed terram glacie induratum deprehendit. Fessus itaque miseria, inquit: *O vaserrimos hujus loci homines! canes solverunt; saxa vero ligarunt.* Latronum princeps his salibus de fenestra auditis, infit: O Sapiens, aliquid à me postula. Respondit ille: Propriam vestem postulo; si benefacere lubet.

Homo ab homine beneficia sperare solet:

Mihi vero in te nulla boni est spes, modo & malum mihi non feceris.

Gratus nobis erit à tua benevolentia discessus. Latronum princeps hominis misertus, vestem illi restitit, & pelliceam togam addi jubet.

jubet, ipseque aliquot argenti drachmas (munificenter) dedit.

Historia : Astrologus quidam domum suam ingressus, hominem peregrinum cum uxore sua sedentem apprehendit, ignominiarum flammis vomere, calumnias jacere cœpit, adeo ut jurgia & contentiones natæ fuerint. Cordatus quidam rei gestæ certior factus, inquit :

Tu, quinam sciveris, quæ sunt in orbe cœlesti ;

Cum domi tuæ, quis sit, ignores ?

Historia : Præco quidam gravi & incondita voce, seipsum mira vocis dulcedine præditum opinabatur, adeoque intenta voce inutiliter declamabat. Tu si declamantem audivisses ; dixisses equidem, picæ vocem vocis ipsius, tantum fuisse ; vel hoc oraculum, vocum absurdissima est vox alini, ipsius nomine descendisse.

Quando præco ille asinorum pater rudebat,

Vocem edebat, quæ munitissimam

Persarum arcem Istechar destruebat.

Vici incolæ, dignitatis causâ, quam sustinebat, molestiam ejus tolerabant, ipsumque offendere haud consultum arbitrabantur. Donec quidam præconum loci illius, occultis inimiciæ stimulis ipsi infensus, eum visum ivit & dixit : In somnis te vidi, Deus bene vertat. Alter quid viderit rogat ? Respondit ille : Vidi te mira vocis suavitate præditum, mortalesque cantu tuo delinitos. Præco parumper

rumper cunctatus, ait: O quam salutare hoc est, quod vidisti, somnium! me enim meæ admonuisti inertiae, constat quippe vocem meam esse ingratam, cantumque meum hominibus gravem. Finem igitur feci, ne posthac amplius, nisi voce submissa, declamem.

Grave mihi est consortium amicorum,

Qui praeuos mihi mores, virtutem esse praedicant:

Qui vitia mea virtutis & perfectionis nomine cernunt, (atque commendant;)

Spinamque meam, rosam & Iasminum monstrant.

Hostis enim ille est impudens atque frontis perfrictæ;

Quamdiu mea mihi non ostenderit vitia.

Historia: Quidam in sacrario^d Sincheriano gratis alta voce preces praebat, voce inquam, quæ insuavitate sua auditorum aures raderet: eoque nomine hominem fastidirent. Sacrarii-que dominus erat princeps, æquitate bonisque moribus insignis, hominis animum haud turbaturus, inquit: Bone vir, hujus sacrarii vetustiores sunt praecones, quorum quivis quinque denariorum mercedem habet: tibi vero decem denarios dabo, ut in alium locum commigres. Consensit ille, & abiit. Post aliquod temporis spatium ad principem reversus, ait: O Domine, tu equidem rebus meis male consulisti, qui me ex hoc loco decem denariis abegeris. Illo in loco, quo secessi, viginti denarios offerunt, ut alium in locum concedam; sed conditionem non accipio. Princeps arri-
dens,

dens, inquit: viginti denarios accipere caveas; ipsi quippe quinquaginta denarios tibi lubentes dabunt.

Nemo ligone tam gravi stridore ex marmore raserit pulverem;

Quam sonus vocis tuæ admodum ingratae radit mortalium animos.

Historia: Quidam voce admodum ingrata præditus, Coranum alta voce recitabat: cordatis quidam illac præteriens, inquit: Tu quot mensibus quantum mercedis habes? Respondit ille: Mercedis quidem nihil. Instat alter: Quorsum itaque te tantis molestiis fatigas? Dixit, Dei causa. Alter ait: Dei causa ne adeo (operose) recitato.

Si tu hoc modo Coranum legeris;

Voluptatem Muhammedanorum extinxeris.

R O S A R I I

CAPUT QUINTUM

De Amore & Juventute.

H I S T O R I A.

Proregem Hasanum Meimendinum rogarunt (inquirentes :) Rex Mahmudus tot præstantissimæ formæ pueros habet, ut quivis naturæ miraculum & sæculi delictum esse videatur : qui igitur sit, ut neminem illorum tanto studio & amore prosequatur, quanto Ajasum, forma non adeo insignem ? Respondit ille : Quicquid in animum penetraverit, oculis pulchrum esse videtur.

Ver : Cuicumque Rex fautor fuerit benignus,

Et si omnia mala patraverit ; tamen placebit.

Illum vero, quem Rex ipse rejecerit,

Nemo ex tota aula amice tractaverit.

Si quis enim infesto vultu (aliquem) aspexerit ;

Tum vel ipsa pulchritudo Josephi deformis erit.

Sin benigno obtutu aspexerit cacodæmonem ;

Tum

Tum ut Angelus Deo carissimus apparebit.

Historia : Narrant, quendam magnatem habuisse ancillam forma præclaram, quam ille amore honesto prosequeretur: Cuidam forte amicorum aliquando dixit : O si ancilla hæc tanta pulchritudine & præstantia formæ, procacis linguæ & malorum morum vitio non laboraret ! Respondit alter : O frater, amicitiam dum fateris ; servitii spem exuas: Amantis enim & amatæ beneficio, Domini & ancillæ nomen tollitur.

Dominus cum mancipio forma præstanti,
Si lusum & risum instituerit ;

Ne mirum videatur, si perinde ac Dominus
se molle & tenerum (præstiterit) ;

Dominus vero mancipii iustar ejus molli-
tiem tulerit.

Ver : Mancipium aquam ferat, & cespitem
faciat :

Mancipium enim mollius habitum
(dominum) verberat.

Historia : Quendam vidi religiosum alicujus puellæ amore deliuitum ; occulti vero ipsius amores tandem in apertum & publicum eruperunt. adeo, ut miras exagitationes experiretur & animi dolorem contraheret ; nec tamen amorem intermitteret, quin ita diceret :

Manum à tuo sinu (O amica) non contraho ;

Etsi me acuto acinace (frustillatim) concideris :

Præter

Præter te enim nullum habeo refugium atque præsidium :

Atque ad te, si confugiendum est, refugio.

Aliquando hominem corripui, inquit : Tuo præclaro ingenio quid accidit, quod fœdissima libido illud superavit? Aliquandiu ille meditatus, tandem ita respondit :

Quocunque amoris Rex pertigerit ;
 Illi ingens severæ pietatis robur resistere nequit.

Incorruptus quomodo nam vixerit miser,
 Qui ad collum usque in (vitiorum) lutum est prolapsus ?

Historia : Quidam alicujus amore ita captus fuit, ut judicio perduto mortem subire paratus esset : sed celsus desiderii illius locus periculosus erat, imo præsentissimum vitæ naufragii quædam charybdis : Minime buccella, quæ ipsius palato apparata ulla ratione esset : nec avicula, quæ in ipsius laqueum incidere posset.

Si in oculo delicii (tui) tuum non æstinetur aurum ;

Tum aurum, an humum habeas, tua nihil quidem refert.

Amici eum admonuerunt, dicentes : Hoc tuo vano consilio, quod nunquam bene succedere potest, abstinere : quia multi alii hujus vani, quod tu agitas, consilii mancipia sunt, & vinculis in eadem servitute detenti tabescunt. Ille ad hæc alte ingemiscens, ait :

Amicis dicito : Me ne monetote ;

Quia

Quia res mea omnis ipsius remissa est * arbitrio.

Viri fortes robore & virtute

Hostes interficiunt; formosæ vero amicos.

Amoris lex hoc minime fert, ut mortis metu
animum à formosæ amore deflectas.

Tu, qui vitæ tuæ amore, amore mori nolis;

Vanos & mendaces amores jactas.

Si amica potiri fata negent;

Tum amicitiae lex in desiderio ipsius mortem
subire jubet.

Surgam, quandoquidem præter hoc unum
consilium nullum superat aliud:

Inimici omnes sive me gladio, sive me sagitta
petant.

Si per fatum licet, manicam ejus prehendam;

Sin minus, abibo & super limine ejus expirabo.

Amici ipsius, quibus illius status curæ erat;
magna ipsius infelicissimi fati miseratione &
dolore tangebantur; eum sedulo monebant:
(obnitenti) quoque vincula, sed frustra injiciebant.

O infandam miseriam! cum Medicus aloem
præscripserit;

Ipsæ vero cupidus affectus sacharum expectat.

An audivisti, quod amata quædam clam

Impotentius amanti dixerit?

Quandiu tui ipse rationem habueris;

Apud te meæ, quænam ratio esse possit?

Regis filia, quæ celsum aspectus ipsius desiderium

derium erat, in hunc modum narrant: Juvenis aliquis in campi hujus fronte frequens cernitur, elegantis ingenii, linguæ suavis, egregios sermones, & (perquam) admiranda plane dicta ex illo audimus. Prout res docet & colligere licet: cerebrum ipsius amoris curis; cor vero Veneris incendio laborat: quia amore correptus esse videtur. Filia cognovit, illum sui amore captum, istumque miseriæ pulverem se autorem commotum esse; equum igitur juvenem versus impellit: Juvenis cum videret, Regis filiam ad se equum dirigere, profusis lacrymis, inquit:

Illa, quæ me trucidaverat, denuo tandem ad me venit:

Apparet sane, animam ejus trucidatæ sui miseratione tactum fuisse.

Quamvis cum (Regis filia) inusitata comitate alloqueretur & rogaret: Cujas es? Et quodnam tibi nomen? Et quam calles artem? Juvenis tamen amoris pelago demersus, imo amoris impetu impotens sui, ne unum quidem verbulum proferre potuit.

Et si tu septem Corani partes memoria recensere possis:

Amore si fueris captus, ne Alphabetum quidem noveris.

Institit Regis filia: Quare non mecum colloqueris, cum & ego sum ex religiosorum ordine, imo religiosorum mancipium. Tandem virtute oblata per amatam, conversandi & colloquendi copiam, ipse ex mediis amoris fluctibus

etibus ipsum stimulantibus caput exierit, inquiens :

Prodigium est, data tua praesentia, meam praesentiam existere posse.

Teque loquente mihi verbum superare posse.

Hæc dixit, atque lætus alta voce exclamans, animam Deo reddidit.

Ne mirum videatur aliquem in foribus tentorii amicæ extinctum esse :

Quin admirationem moveat vivus, quomodo inde animam salvus eripere possit.

Historia : Discipulus quidam singulari corporis pulchritudine pollebat; adeo, ut præceptor stimulante affectu, & impotentia humana, pulchritudine ipsius delinitus fuerit; & quidem adeo, ut frequenter hæc verba usurparet :

Adeo tibi operam do, ô divina pulchritudine prædite !

Ut ne mei ipsius quidem memoria mihi in mentem veniat.

A tuo aspectu non possum oculum dimovere ;

Etsi ex adverso videam sagittam me petentem.

Aliquando filius inquit : Quantum tu quidem meo Moraliū studio & lectioni graviter al-laboras, velim, ut meos quoque affectus morales diligenter observes : si quid fortassis in moribus meis ingratum videris ; quod mihi vel (per ætatem) maxime placeat, id mihi indices,

dices, ut emendationi ejus operam dare possim. Respondit Magister: Hoc, ô fili, alium quempiam rogato; illo enim intuitu, quo te ego respicio, nihil, nisi virtutem, video.

Inimici oculo, qui utinam sit effossus!

Virtus vitium esse videtur.

Si vero unam habueris virtutem, & vitia septuaginta;

Amicus, non, nisi unam illam videt virtutem.

Historia: Memor sum, quadam nocte, cameram meam amicam fores meas ingressam; qua visa, impotens mei, loco (impetu tanto) profilui, ut manicâ fax mea fuerit extincta.

Noctu venit quasi in somnis illa imago, quæ vultu suo nocturnas tenebras illustrat:

Mirum mihi hoc fortunæ meæ munus esse videtur, undenam mihi tanta oriatur felicitas?

Confedit illa, atque me perstringere cœpit, inquiens: Quare tu, me visa, facem tuam extinxisti? Respondi ego: Quia visus est mihi venisse Sol. Atque faceti dicere solent:

Si vir aliquis insulsus candelæ lucem obfuscet;

Surgas, illumque in medio consecu trucidés:

Si vero sacchari instar dulce ridens, suave fuerit labium;

Ejus manicam prehendas, candelamque extinguas.

Historia: Quidam amicam suam per longum

gum temporis spatium non viderat ; visæ ait :
Ubinam es, tanto tui tenemur desiderio ? Re-
spondit illa : *Desiderium præstat fastidio.*

Tarda adveniisti , ô vaga imago ;

Neque statim suum tuum ex manu dimi-
timus.

Delicium, quod per intervalla viderint raro ;

Non minus munus erit , quam si illud ad
satietatem sæpe viderint.

Delicium, quod cum sodalibus venerit, affli-
ctum venit : quia sine sodalium invidia & ad-
verso iis studio, accessus ille fieri nequit.

Dum venis cum sodalibus , ut me invisas ;

Etsi quidem veneris in pace (amicus ;) hostis
tamen ad bellum movendum venis.

Si quando amica cum sodalibus commer-
cium instituerit ;

Parum aberit , quin me æmulandi studium
interemerit.

Ridens illa respondit , Ego , ô Sade, sodali-
tii sum candela :

Quid mea refert, si pyrausta seipsam ambu-
stam peremerit.

Historia : Memor sum , me aliquando olim
cum amica perinde ut duo amygdala in uno
cortice consortium habuisse ; præter spem
omnem iter mihi suscipiendum incidit. Ali-
quanto post reversum me corripere cœpit , in-
quiens : Tanto temporis spatio quare non mi-
listi cursores ? Respondi ego : Calamitosum
mihi videbatur , cursoris animum & oculum
tuo aspectu & pulchritudine refici ; me vero
illo destitui.

H

O an-

O antique amice dicas ; ne (quis) verbis
mihi amoris poenitentiam imponat :

Quia (ab amore ejus) relipiscere non pos-
sum , licet ipse gladio instet.

Invidia o me subit , si te quis ad satietatem
usque aspiciat.

Rursus dico : Ita tamen non est ; nemo enim
ejus aspectu satiari potest.

Historia : Studiosum quendam honesto ali-
cujus amore captum vidi , cui solo ipsius col-
loquio frui satis erat. Hinc (mortalium) in-
credibiles exagitationes ferebat , & immensam
tolerantiam ostendebat. Aliquando ipsum
monere coepi , inquam : Scio equidem , te hu-
jus amore non quidem ad libidinem captum
esse ; neque amoris (tui) fundamento aliquam
turpitudinis vilitatem subesse : Utut tamen
est , celso doctorum fastigio minime conve-
nit , seipsum reddere suspectum ; atque incon-
ditorum hominum exagitationes sustinere.
Respondit ille : O Amice , corceptionis ma-
num à tempestatis meae sinu contrahas ; quia
saepius eandem rem , quam tu mihi proponis ,
solicito consilio sum meditatus. Sed depre-
hendi , facilius esse , propter ipsam tolerare
exagitationes , quam ipsam prorsus carere. Sa-
pientes vero dixerunt : Animum cruciatui ex-
ponere facilius est , quam oculum à contem-
platione ipsius retrahere.

Ille , qui sine illa (amica) vivere nequit ;

Si etiam affligerit , tolerare debet.

Quicumque animum delicio applicuerit ;

Barbam alterius manus commilit.

Quo-

Quodam die illi dixi : Ab amica abstine.

Aliquoties ab eo tempore me dicti pœnituit :

Sed amicus ab amica minime abstinet :

Ego itaque animum ipsius voluntati conformavi :

Sive me benevolentia quadam ad se invitaverit ;

Sive me severa objurgatione extruserit , id liberum illi est.

Historia : In primo juventutis meæ flore , prout fieri solet , & tibi constat , caput & amoris consilia cum adolescentula quadam præclara conferebam ; quia voce ad miraculum usque suavissima pollebat , & forma quadam incredibili , perinde ac plenilunium splendebat.

Efflorescentes ipsius genas intueatur , * quicumque vitæ aquam haurire velit :

Sacchareum ipsius labium aspiciat , quicumque Saccharum comedere cupit.

Præter omnem expectationem in ea vidi contra (ipsius) morem actionem quandam mihi haud probatam : quapropter finem ab illa contraxi , atque amoris illius lapillum fregi , inquit :

Abi , & quodcunque tibi visum fuerit age.

Notrum consilium cum non sequaris , proprium exequaris consilium.

Audiavi illam abeuntem dixisse :

Vespertilio etsi ad Solis fulgorem non compareat ;

Fulgoris pretium in Sole ideo non minuitur.

Hæc dixit, & iter ingressa discessit; ipsius vero animi dolor atque tristitia in me quoque penetravit.

Commercii occasionem perdidisti; sed ignorat homo

Pretium jucundioris vitæ miseris nunquam exercitus.

Heus! redi, & me interfice: quia coram te mori

Præstat, quam te discedente sine te vitam trahere.

Sed auspice atque duce Deo denuo reversa fuit, mutata Davidica voce, & deperdita Josephica pulchritudine: genæ ipsius perinde ut malum Cydonium rugis obsessæ erant, atque splendor incomparabilis pulchritudinis ejus obscuratus erat: sperabat illa, me eam amplexurum esse; sed ego in angulum deflectens, dico:

Illo tempore, quo tibi jucundæ juventutis flos esset;

Aspicientem te à tuo aspectu repellebas.

Hodie denuo reverteris, ut amicitiam cum illo redintegres.

Dum * Fetha & Samma apposuisti.

Teneri veris tui folium jam flavit;

Ollam ne admoveas; quia ignis meus refrixit.

Quousque exultas & fastum ostentas,

Et elapsi anni potentiam (in te) contemplaris?

Abeas ad aliquem, qui te desideret;

Molli-

Mollitiemque ostentes illi, qui tui emptor
existat.

Viride gramen in horto dixerunt pulchrum
est,

At mentem (hanc) capit ille, qui hoc di-
ctum pronunciavit.

Vernantem juventæ ætatem

Animus amantium magis expetit.

Hortus tuus est porri satum;

Quo magis evulseris, luxuriat magis.

Tu ante annum discessisti (formosa) ut cer-
vus (amabilis),

Hoc anno rediisti ut (terribilis) pardus.

Sadus tenerum amat juventæ florem;

Non amat hirtas in corpore fetas.

Si (pauillum) temporis expectaveris, &
pilos produxeris;

Tum illa formæ venustas perierit.

Utinam mihi sit imperium in animam, quod
tibi est in pilos! Non finerem, ut illa æternum
ex corpore exiret.

Rogavi ego inquires: tui vultus pulchritu-
dini quid evenit,

Quod formiculae Lunæ faciem occupave-
rint?

Subridens inquit: Nescio quid meo evenie-
rit vultui:

Nisi, quod (amissæ) pulchritudinis luctu
pullam induerit barbæ vestem.

Historia: Advenam quendam Bagdadensium Arabum genti insertum rogarunt, in-
quientes: Quid tibi videtur de formosis puel-
lis? Respondit ille: Nihil boni inest ipsis:

Quamdiu aliqua eorum pulchella est, morosam se præbet; & cum adoleverit, benigna evadit: Id est: Quamdiu pulchræ & gratæ sunt, morosas se præstant; cum vero ætate forma defloruerit, benignas se exhibent & amicitiam ostendunt.

Puella, quamdiu fuerit formosa,
Verbis est acerba, moribus superba.

Rugis nascentibus cum adoleverit, & pulchritudo perperita fuerit;

Cum hominibus (familiarius) conversari,
& benevolentiam ambire cœpat.

Historia: Sapientem quendam rogarunt dicentes: Si quis cum puella formosissima in conclavi solus desideat, fores clausas teneat, rivales dormiant, affectus stimulet, atque libido æstuet, perinde ut Arabs ait: Dactylus maturuit, neque hortulanus (quo minus carpatur) prohibet: Numquid putas, religiosa pietatis conscientia ipsum incorruptum fore? Respondet alter: Et si ille à formosa puella incorruptus manserit; à maledicentium tamen calumniis non incorruptus erit.

Quamvis quidem homo liber sit à malo affectu;

Non tamen à maligna suspicantium calumnia liber erit.

Homo quidem propriam obire provinciam potest;

Sed (protervam) mortalium linguam compescere non potest.

Historia: Plittacus cum corvo eadem concluderant cavea, plittacus ex horrido ipsius corvi

corvi aspectu mire discruciatuſ, inquit: Quisnam hic fœdus eſt vultuſ? Quænam hæc eſt forma triſtiſ? Quiſnam eſt iſte deteſtabiliſ aſpectuſ? Quinam mores iſti incompoſiti? O *corve, utinam inter me & te Orientiſ & Occidentis ſpatium interpoſitum eſſet!

Matutino tempore, qui vultu tuo viſo ſurrexerit,

Aurora beati illiuſ diei, ipſi veſper erit.

Infelix aliquiſ (& deformiſ) qualiſ tu, tuo conveniebat conſortio:

Verum enimvero tui inſtar (deformiſ) in hoc orbe ubinam fuerit?

At vero mirabiliuſ hoc eſt, corvum ipſiuſ pſittaci conſortio mire offeſſum, ſortemque ſuam deteſtatum, acerbiffimam fatorum iniquitatem inculafſe, & comploſiſ præ dolore unguibuſ ita ingemuiffe: Quænam hæc eſt fati iniquitaſ? Quænam iſta fortunæ aſperitaſ? Et quænam hæc inſtabileſ temporum meorum viciſ? Proſecto dignitati meæ hoc congruebat, ut cum corvo aliquo ſuper vineæ pariete exultanſ incederem.

Religioſo tantum ſupplicii & carceriſ ſatiſ eſt,

Quod inter nebulonum cohortem vivat.

O (bone Deus!) quodnam (tam ſonticum) admifi nefas, quod me fatum hoc (tam diro) affecit ſupplicio? dum me conſortem huic tam ſtolido, ſuperbo, ignobili, atque garrulo (pſittaco) hoc malo vinculoꝝ ſupplicio coercuit.

Nemo ad parietem illum conceſſerit,

Ubi imaginem tuam depinxerint.

Si tibi in Paradiso fuerit locus ;

Tum alii (te fugientes) Tartarum subiit
malint.

Hanc similitudinem ideo adduxi , ut discas :
Quantum scilicet Sapiens insipientem fugere
solet ; centies tanto insipiens (& rudis) Sapien-
tem horret.

Religiosus quidam in nebulonum confor-
tio fuit ;

Inter ipsos pulchellus Belchenfis (religioso)
inquit :

Si tu propter nos offenderis , tristis ne con-
sideas ?

Quia tu in consortio nostro nobis quoque
molestus es.

Inter societatem, quæ ut rosa & hyacinthus
se mutuo est complexa ,

Tu ut aridum lignum succrevisse videris ;

Perinde ut ventus aliquis adversus , atque
frigus ingratum ;

Quin ut nix consedisti ; & ut glacies, indu-
ratus non liquefcis.

Historia : Sodalem quendam habebam, cum
quo multos annos iter feceram , panem & sa-
lem comederam, atque incomparabile amici-
tiæ jus (utrinque) sanctum erat. Tandem ille
propter exiguum lucellum animum meum
offendere sultavit ; amicitiaque soluta fuit.
Nihilominus utrinque tamen tacitus quidam
animorum amor & conciliatio fuit ; quia au-
diveram , quodam die (hos) duos versus meos
in sodalitie quodam recitados fuisse.

Imago .

Imago mea dum advenerit dulci risu (effusa,

Plus salis indit vulneri animorum vulnera-
torum.

Utinam cincinni illius extremitas in ma-
num meam incideret ;

Perinde ut liberalium sinus in manum pau-
perum.

Nonnulli amicorum , non quidem hac suavi
verborum Venere inducti ; sed singulari natu-
ræ probitate propensi benignius testimonium
(atque iudicium) ferebant ; (inter quos ille
laudes nostras) egregie prædicaverat , atque
pristinæ amicitiae jacturam conquestus de-
ploraverat, suamque culpam passus erat : unde
collegi , illum sua sponte in meam amicitiam
propendere, proinde hos versus illi misi, eam-
que cum illo denuo redintegravi.

An non inter nos sanctum erat fidei & ami-
citiae jus ?

Tu offendisti, & malum amorem ostendisti.

Uno momento ab hoc mundo animum ad
tui amorem adjaxi ;

Nescius, te mutaturum ita subito animum.

Adhuc tamen, si amicitiae animum habeas ;
redi :

Longe carior eris, quam antea fuisti.

Historia : Quidam mulierem forma habebat
admodum præclaram, qua defunctâ, mulieris
mater, decrepita anus, propter rationem * do-
tis in ædibus illius remansit, vir propter con-
tubernium decrepitæ (socrus) mire discrucia-
batur animo : propter dotem tamen, illius

confortium nullâ ratione effugere poterat. Quidam amicorum in matrimonio vivens inquit illi : Qua ratione agis post ereptam tibi adeo caram amicam ? Respondit alter ille : Non aspicere uxorem (meam,) non usque adeo arduum est, quam aspicere ipsius matrem.

Rosa decerpta est, spinaque remansit :

Thesaurum abstulerunt, serpens * relictus est.

Oculo ipsum hastæ spiculum adversum aspicere præstat ;

Quam vultum inimicorum intueri.

Oportet mille amicorum amicitias rescindi ;

Ne unum inimicum tuum videas.

Historia : Memor sum, me in juventute quondam plateam quandam præterisse, & puellam præclara forma præstantem conspexisse mense Augusto ferventissimo, cum nocturnus ejus ventus æstuans salivam in ore desiccaret : diurnus ossium medullam excoqueret. Per imbecillitatem humanam, (im-mensum) Solis æstum sustinere haud potui : quare ad parietis cujusdam umbram refugi, avide circumspiciens, annon quispiam vires meas æstu mensis Augusti fractas resciceret, & frigida meum (sitis) incendium resligneret. Præter omnem spem ex tenebroso ædium splendorum atrio pulchritudinem quandam oriri video, cujus formæ elegantiam nulla linguæ eloquentia effari possit : perinde ac si in obscura nocte aurora prodiret ; aut vitæ * aqua ex Cimmeriis tenebris surgeret ; poculum aqua

aqua nivali impletum manu tenebat, saccharo indito & vino eliquato temperatum. Nescio utrum aqua rosacea illud odoratum reddiderit; an vero aliquot guttas ex vultus sui rosa instillaverit. Ego ut paucis defungar, potum ex blanda illius manu acceptum hausi: atque præteritæ tædiosæ vitæ memoriam deposui.

O beatam atque felicem sortem illius oculi,

Qui in ejus vultum unoquoque mane incidit!

Ebrius vino evigilare solet ad mediam noctem:

Ebrius vero pincernæ pulchritudine extremi demum judicii mane.

Historia: Quodam anno Mahmudus Rex Chorsemæ cum Chitæ Rege proprii commodi causa pacem fecit: Ingressus ego templum Caschgeranum, quendam vidi puerum pulchritudine mira præditum, & singulari forma præstantem, adeo ut de eo dictum fuerit:

Magister tuus te festivos mores, & amores docuit:

Exagitationem, mollitiem, pertinaciam & iniquitatem docuit.

Ego nullum hominem ista forma, pulchritudine, statura & gestibus

Vidi; sed istos molles & blandos mores a sene didicerat.

Præfationem Syntaxeos Semachscherianæ manibus tenebat, atque legebat: Saraba Sei-

don Amran, *Seidus verberavit Amrum*: Accusativus patiens erat Amrus. Ego vero agebam: O fili, Chorsema * atque Chitæa pacem iniverunt; num Seidus atque Amrus bellum foveant æternum? Quo audito, ridens patriam meam rogat. Respondi ego; esse Cyropolim. Ille inquit: Ex Sadi dictis quid habes? Ego contra:

Amore correptus fui alicujus discipuli Syntaxin discantis; (sed) invadebat ille iratus.

Me, perinde ut Seidus in (Syntactico) certamine Amrum:

(Superbus) finum contrahens * caput non elevabat, (ut aliquem respiceret;)

Sed num respiciat alios, qui sit superbus?

Puer inquit: pleraque ipsius carmina hoc nostro loco lingua Persica circumferuntur; quasi illa recitaveris, facilius intelligentur nobis: *Loquitur hominibus ad captum suum.*

Ingenium tuum ex quo syntaxi sese applicavit,

Intellectus nostri ratio ex mente nostra plane periit.

Sed heus tu! in cujus laqueo amatoris animus prædæ est;

Nobis tecum, sed tibi cum Seido atque Amro res est.

Mane cum consilium ineundi itineris esset certum, quidam nostrorum comitum illi forte dixit: Ite est Sadius. Vidi itaque puerum præcipiti cursu advolantem, miris officiis humanum, atque nostrum discessum; cum vale-

valediceremus, ægerime ferentem, atque ita dicentem: Tot per dies quidam dixisti, Ego sum (Sadus?) ut, quo gratus erga magnatum adventum judicaret, eos omnibus officiis & servitiis colerem. Ego vero respondi:

Te quidem presente non prodit vox ista,
Ego sum.

Respondit ille: Quid si in hoc loco acquiescas,

Ut te autore aliquid proficiamus?

Respondi: Non possum, hujus historiæ,
quam vidi, auctoritate motus.

Magnatem aliquem inter montes sedem fixisse vidi;

Qui paucis contentus, mundo (rejectione) in spelunca (sedebat.)

Quidni, inquam, in urbem migras,

Ut onus animi tandem liberior resolves?

Respondit ille: Ibi plurimæ formosæ & pulchræ sunt:

Et cum lutum est plurimum, elephantique quoque labascunt.

Hæc verbâ dixi, osculoque capiti vultuique mutuo fixo, valediximus.

Osculari vultum amici quid juvat,

Arque eodem momento ipsi valedicere?

Sodalibus valedixit facie pomum,

Altera vultus parte rubrum, altera pallidum referens.

Nisi inter valedicendum ipso moriar discessus die præ dolore;

Ne me exitimetis in amore æquum.

Historia: Pauper quidam pannosa penula indutus in comitatu peregrinantium Meccam comes nobis ibat. Quidam ex Magnatibus Arabum illi centum aureos dono dedit, ut familiam (facilius) sustentare posset. Præter spem omnem prædones Chafaschani comitatum invadunt, & omnia illi bona auferunt. Mercatores flere atque plorare cœperunt, & frustra opem implorare.

Sive precibus obtuleris, sive miserabiliter exclames;

Prædo tamen aurum (ereptum) non est redditurus.

Forte religiosus ille pannosa penula indutus primam animi constantiam retinuit, & nihil quicquam mutatus fuit. Cui ego dixi: Fortassis tuam non abstulerint pecuniam? Respondit ille: Imo & meam abstulerunt: Verum enimvero ego pecuniam illam non adeo amabam, ut illa ablata ægro animo doleam.

Non decet animum ulli rei, aut homini mancipare:

*Quia animum ab illo revocare res est (impri-
mis) difficilis.*

Respondi ego: Quæ tu dixisti, meæ conditioni conveniunt: ego enim juvenili meæ ætate cum adolescentula quadam forte conversabar, verumque amorem colebam: adeo, ut Oriens ille, (quem preces fundentes aspiciamus,) oculis meis ipsius pulchritudo esset, atque pretiosæ meæ vitæ quæstus ipsius conversationis commercium.

For-

Fortassis Angeli; non vero mortalium quisquam,

Formæ præstantia pares illi in terris esse possint.

Per amicitiam illam nefas esto, illa mortua posthac amicitiam colere :

Neque enim semine humano similis illi quisquam homo gigni potest.

Præter omnem spem pes vitæ ipsius in fati-
lutum præceps ruit, atque ardentissima ob dis-
cessum illius suspiria à propinquis ejus mota
fuerunt, aliquot ego dies ipsius sepulchro as-
sedi perpetuos, (gemens:)

Utinam illo die, quo fati spina in tuum pe-
dem demersa fuit,

Cœli manus caput meum fatali gladio per-
cussisset!

Ut hoc die mundum sine te oculus meus
non aspiceret.

Heu mihi! qui capite humo, qua tu conde-
ris, incumbo: utinam illa capiti meo in-
cumberet!

Heu miseræ illi! quæ non acquiescebat, ne-
que somnum capiebat;

Nisi rosas atque flores * Nasiræos primum
subtravissent:

Fatalis cœli cursus vultus ipsius rosam de-
jecit:

Atque spinarum radices super humo ipsius
produxit.

Postquam illa consortio nostro esset erepta,
votum vovi & sacrum consilium animo meo
proposui, ut scilicet per reliquum vitæ meæ
tempus

tempus affectuum stragulum contraherem, atque omni juvenili consortio abstinerem.

Quæstus maris esset quidem egregius, modo non esset fluctuum discrimen.

Consortium rosæ suave quidem foret, modo non esset horridus spinæ aculeus :

Hesternæ nocte perinde ac pavo superbus incedebam in horto amicæ consortio (lætus)

Nunc vero, amica amissa, perinde ut serpens præ dolore in spiras collectus volutor.

Historia : Cuidam Arabum Regi retulerunt historiam Leilæ * atque Metschnuni, ejusque miserum enarrarunt vitæ statum ; qui scilicet tanta virtutis præstantia & orationis facundia deserta petierit, habenasque regiminis sui manu emiserit : Rex jussit, ut illum adducerent ; adductum ita corripere cœpit : (O Metschnune,) in nobili mortalium consortio quid damni vidiisti, quod ferarum more deserta colens, jucundum mortalium commercium deserueris ? Metschnunus gemiturus inquit :

Multi amici me corripunt, quod eam amo :

Sed an nullus eam aliquando viderit, ut tu (amoris mei) veniam comprobes ?

Utinam illi, qui vitium meum carpunt, Vultum tuum (O Leila;) animos in amorem rapientem viderent !

Ut pro aureo * malo, tui aspectu

Abrepti, (& velut obliti sui,) manus suas scinderent.

Ut

Ut res ipsa (locupletissimum) testimonium
 liti isti perhiberet, (eamque dirimeret;) Re-
 gem tandem ipsa cupido incessit, ut pulchri-
 tudinem ipsius contemplaretur quo cognosce-
 ret, qualisnam illa sit imago, quæ tantæ cala-
 mitatis causa esse possit? Imperat igitur, ut
 eam quærant: Per Arabum familias quæsitam
 tandem inveniunt, & in vitrea lectica * con-
 clusam Regi afferunt. Rex formam ipsius in-
 tuitus, videt mulierem colore fuscā, corpore
 debilem (& macilentam:) Regi satis videba-
 tur misera, adeo ut infima ancillarum ipsius
 in gynecæo eam formæ pulchritudine & cor-
 poris cultu superaret. Metschnunus sagaci-
 mente tacitum hoc Regis de Leila sua judi-
 cium perspicuens, inquit: O Rex, Metschnuni
 oculis te pulchritudinem Leilæ aspicere oport-
 tebat.

Tu meæ calamitatis haudquaquā misereris;
 Socium aliquem meum pari calamitate
 subactum esse oportet;

Ut illi historiam toto die enarrem:

Quia duo ligna una facilius (accenduntur
 &) ardent.

Illud, quod de mentione deliciæ ad aures
 meas pervenit;

Si turtur quoque campestris audiret, mihi
 congemeret.

O carissimi amici dicite illis, qui (amoris
 expertes divino quodam munere) libe-
 rati sunt:

Utinam tu intelligeres, quid sit in animo
 meo vulnerato!

(Sed);

(Sed) valentes & sani non sentiunt vulneris
dolorem ;

Neque ego, nisi pari miseria exercito, meam
miseriam dixerò.

Loqui de ape, supervacaneum fuerit,
Homini, qui per totam vitam ejus aculeum
non senserit.

Nisi tecum res sit ita comparata, ut me-
cum ;

Tum res meæ tibi fabula esse videantur.

Meum (amoris) incendium cum alterius
conferre noli ;

Perinde enim est, ac si ille salem in manu,
ego vero vulnus in corpore habeam.

Historia: Narrant, judicem sacrum * Hame-
danensem cujusdam fabri ferrarii filiam a-
masse ; adeo, ut ferreus cordis ipsius calceus
super amoris igne diu in desiderio ipsius exer-
citus tabesceret & perpetua inquietudine dis-
cruciaretur, eam magna cura observabat,
quærebat, atque suum ipsius statum ita expri-
mebat.

Oculum meum cepit illa procera & pul-
chra statura ;

Animumque meum mihi abstulit, meque
in terram prostravit :

Hic oculus petulans animum illaqueat ;

Si vis ut animum ad neminem applies,
oculos claude.

A tua memoria nulla unquam ratione ab-
stinere possum :

Sum enim serpens contuso capite, adeoque
non

non possum, quin me volutando tor-
queam.

Audivi, puellam in via venisse ad judicem,
postquam nonnulla hujus rei de judice ad
puellam delata essent, quibus puella, supra
quam dici potest, accensa, judicem audacter
contumeliis infestavit, & multa indigna ob-
jecit: lapidem, quo eum percuteret, sustulit;
nec quidquam injuriarum omisit, quo non ju-
dicem petiverit. Judex cuidam sapienti cele-
berrimo, qui ipsius sodalis erat, inquit:

Aspice hanc puellam atque ipseus furo-
rem;

Ipsas rugas super palpebris blande contra-
ctas.

(Sed) in Arabia ajunt: *Dilectæ verberatio
nra passa est.*

A tua manu pugnum ore excipere

Præstat; quam manu propria panem come-
dere.

Videtur equidem ab exigua illius verecundia
iste petulantia odor proficisci. *Reges dura &
aspera quidem verba palam dicunt; interea tamen
clam pacem expetunt.*

Uva recens & immatura saporem habet
acerbum;

Unum atque alterum diem expecta, donec
dulcescat.

Judex his dictis ad tribunal suum rediit:
Tum justī aliquot viri, qui ministerio & fami-
liaritate ipsum colebant, terram deosculati-
copiam dicendi petunt, cum quædam neces-
sario dicenda haberent; quamvis illud sit mi-
nus.

nus modestum, & magni viri dixerint :

*Non licet ob quodvis dictum controversiam
movere ;*

*Atque magnatum crimina vituperare , cri-
men est.*

Verum enimvero infinita Domini benefi-
centia servorum fidem sibi obstrinxit æter-
num, adeo ut si quid viderint, nec indicave-
rint, illud protervæ ingratitudinis sit exem-
plum. Vera virtutis & pietatis via hæc est; ne
circa hanc cupidinem oberres, quin profundæ
hujus concupiscentiæ stragulum contrahas,
quia dignitas judicialis est locus plane celsus,
quem foedo (isthoc) crimine contaminare
haud decet: puella ista est, quam vidisti, atque
nova hæc injuria quanta sit, ipse audivisti.

Ille, qui pudorem suum prostituerit ;

Quid curat pudorem alienum ?

Sæpe accidit, ut bonum nomen quinquaginta annorum,

Unum infame nomen prosterнат.

Judici hæc concors sodalium admonitio
pergrata fuit ; ipsorumque bonum consilium
& constantem in se fidem laudavit, inquiens :
Consilium Magnatum rebus-meis datum, ve-
re est pium, & exemplum, quod nullo opposi-
to argumento convelli possit. verum, enimve-
ro,

Si amor correptione tolleretur ;

Tum quidem (eam cupide) admitterem, *

et si correptores falso (mihi) imponerent.

Me corripe, quousque lubuerit ;

Sed non potest abluī Æthiopis nigror.

Hoc

Hoc dicebat atque nonnullis id negotii dedit, ut puellam conciliarent, & opes immensas effudit, (quarum beneficio desiderium) suum explevit, prout ajunt: *Quicumque aurum in libra habuerit, is vires in Lycerto habet: Qui vero opes in hoc mundo non habuerit, per totum terrarum orbem neminem (amicum) habet.*

Quicumque aurum viderit, caput submit-
tens inclinat,

Et si, ut Iulitiæ libra (ferreum scapum,) ferreum humerum habuerit ipse.

Vt paucis absolvam, quadam nocte illius puellæ consortium contigit; sed illud eadem nocte prætor rescivit: scilicet, Judicem sacrum totam noctem vinum potasse, puellamque in consortio suo habuisse; deliciis captum, somnum non cepisse, atque carmina accinentem ita dixisse:

Hac nocte gallus suo tempore non cecinerit:

Quia amator nondum satis amplexus & osculatus fuit.

Vultus amicæ ex crispatis cincinnis effulgens,

Similis est pilæ eburnæ in orbe * clavæ ex ebano factæ.

Uno illo momento, quo perfidus (inimici) oculus dormiverit,

Pervigil esto, ne vita iners transigatur.

Quamdiu non audiveris ex (summo) templo præconium vocis matutinæ;

Aut ex aula Atabeci strepitum tympani;
Labium

Labium super labio (furat,) perinde ut oculus salacis galli in amore.

Judex sacer dum his illecebris immerfus hæret, ecce quidam familiarium foribus ingressus ait: Quid desides? quin surge, & quousque pedibus possis, fugam capelle: quia inimici tibi fraudem struxerunt, imò verum dixerunt. Age igitur, illud inquietudinis incendium, dum adhuc in herba est, moderaminis & prudentiæ aqua restinguamus; ne forte eveniat, ut crastino die, cum in flammam exarserit, orbem impleat. Judex subridens terram aspicit & infit:

Unguem si prædæ immiserit Leo;

Quid moratur, si advenerit canis?

Vultum in amicæ vultum converte, & sine

Ut inimicas manûs tergum rodât

Regi eadem nocte rem indicarunt, dicentes: In regno tuo ejusmodi patratum est scelus, quid heri jubes? Rex infit: Ego illum ex præstantissimis hujus ævi sapientibus, imò hujus seculi ocellum novi, fortassis æmuli illi de industria insidias struxerint: ego equidem id minime credere possum; nisi illud evidenti ratione pate scat, quia (Sapientes) dixere:

Qui ira (percitus) temere manum gladio
admoverit

(Facti dolore) dentibus manus tergum applicuerit;

Audivi Regem circa auroram cum aliquot viris ex carissimis suis ministris (eum adiisse) & judicis pulvinari adstitisse: vidit candelam illic positam, puellam sedentem, vinum effusum,

sum, poculum vitreum fractum, iudicem vero temulentiae somno oppressum, ignarum Regem sibi adesse praesentem. Rex benevole iudicem expergefecit, inquit: Heus tu! expergiscere, quia jam Sol est ortus. Iudex rem cognovit & rogavit: Ex qua mundi plaga ortus est Sol? Rex respondit, ex Oriente. Iudex inquit: Laus Deo (immortali,) quia poenitentiae porta adhuc est aperta, argumento hujus traditionis: Non claudetur poenitentiae porta servis, nisi cum ortus fuerit Sol in Occidente. (Et addit ipse;) Deum (criminum meorum) veniam oro, ad eumque poenitens redeo.

Duae res me in crimen praecipitarunt,

Fortuna mala, & ingenium debile.

Si me comprehenderis; dignus equidem fuero:

Si vero mihi ignoveris; venia poenae praestat.

Rex inquit: Resipiscentia hoc momento, cum tibi capitis supplicium fuerit denunciatum, nihil profuerit.

Quid tum latroni profuerit à furto resipiscere;

Cum scalas superiori tabulato applicare non possit.

Procero dicas, ut fructibus manus decerpendis abstineat;

Quia parrulus per se manum in ramos protendere nequit.

Cum tu manifeste in tanto scelere sis deprehensus, nulla salutis via apparet; Rex his dictis eum supplicii praefectis commisit: Tum inquit

inquit Judex : Mihi in præsentia Regis unicum , quod dicam , superest verbum. Rex , quodnam illud sit , rogat ?

Manica dum mihi incutis desperandi dolorem ,

Noli opinari , me manum à sinu tuo contracturum.

Si liberatio nulla speranda fuerit , propter scelus mihi admissum ;

Saltem propter tuam , quam habes , benignitatem , spes aliqua erit.

Respondet Rex : Istas facetias tu attulisti non vulgares , istudque verborum pondus , quod dixisti , est admirabile : Sed nulla rationis & sani judicii via permittit ; imo & sacrum jus adversatur , ut hodie te tua eruditionis præstantia & eloquentiæ vis mei supplicii unguibus eripiat : consultum equidem duco , ut te ex castello in subjectam rupem præcipitem dent , ut alii ex te exemplum sumiant. Respondit ille : O Domine orbis terrarum , sum tuæ aulæ alumnus , neque ego solus hoc nefas commisi ; alium quendam præcipitem dato , ut ego ex illo exemplum sumam. Rex hoc verbo in risum commotus , crimen ipsi ex animo remisit , atque inimicis ipsius , qui ejus interficiendi autores fuerant , ait :

Omnes proprii dedecoris bajuli sumus ;

Proinde aliena vitia ne vituperetis.

Sed qui proprium nævum cernit ;

Aliorum nævum nunquam vituperat.

Histo-

Historia carmine conscripta :

JUvenis quidem casto amore & integris moribus erat ;

Qui honestam & formosam deperibat puellam.

Ita legi : In oceano cum essent ;

Ambos in Syrtes illapsos ; (mox perituris)

Cum adesset nauta, ut manum juvenis prehenderet ,

Ne forte ista calamitate periret :

Clamabat ille ex medijs undis :

Sine me (modo ,) & amicæ meæ manum prehende :

Hoc dictum ipsius totus terrarum orbis est miratus.

Audiverunt eum , cum animam expiraret , (ita) dicentem :

Amoris historiam ex isto infido homine ne discas ,

Qui calamitatis tempore amicitia obliviscatur.

Ita vixerunt sese mutuo amantes :

Tu ab illo, qui expertus est, discas, ut noris :

Quia Sadus ita viam & modum amandi

Novit, ut Bagdadensis * linguam Arabicam.

Si aliquam charam habueris , animum illi (soli) applicato ;

Atque oculum à cæteris omnibus in hoc orbe claudito.

Si Leila & Metschnunus jam reviviscerent ;

Amandi historiam & Artem ex hoc meo libro * discerent.

R O S A R I I

CAPUT SEXTUM

De Imbecillitate & Senectute.

H I S T O R I A

ME in templo Damasceno cum studiosis disputationem habente, ecce juvenis quidam foribus ingressus inquit: Quis vestrum linguam callet Perlicam? Me monstrarunt; egoque monstrantibus annui. Hinc juvenis inquit: Senex quidam centum quinquaginta annorum, jam ultimum vitæ spiritum redditurus, lingua Perlica aliquid loquitur, nos vero (linguæ ignari) loquentem, non intelligimus: quod si per benevolentiam, accedendi onus subieris, pietatis officium feceris: fortassis antequam abeat, aliquid monuerit. Cum prope jam ad pulvinar accessissem, hæc verba effundit:

Me aliquot spiritus ex lubitu tracturum, (id est, aliquandiu etiamnum victurum) dixeram.

Sed ah interceptus est animæ meatus!

Ah ex variæ vitæ epulis

Aliquot tantum spiritus comedimus, meque satis jam comedisse, (fata) dixerunt!

Ego senis dicta Damascenis Arabice sum interpre-

terpretatus, mirantibus longum vitæ spatium,
intemperatamque de vita mundana hominis
solicitudinem. Tum ego seni dixi: Quomodo
te habes hoc in rerum momento? Respondit
ille: Quid tibi dicam:

Nonne vides, quantam homo patiatur mise-
riam,

Cum unum tantum ori illius exemerint den-
tem?

Æstima ex eo, qualem illud possit esse mo-
mentum,

Quando ex præclaro illius corpore tota migra-
verit anima.

Ego seni dixi: Hæc mortis ludibria & opi-
niones animo expellito, ipsamque naturam
falso metu ne frangito; Philosophi enim di-
xerunt: Temperamentum perfectissimum non
fidem æternitati, sævissimumque morbum
non argumentum morti facere. Atque si ius-
seris, Medicum accersamus, qui te curet, ut
melius habeas. Respondit ille: Frustra sit.

Domus pigmentis fucisque ædes (frustra)
ornare studet;

Cum collapsum dirutumque sit ipsam fa-
bricæ fundamentum.

*Peritus medicus manuum concussu * salu-*
tem se desperare prodit:

Cum senem decrepitum ægotantem vide-
rit.

Senex agonis, ultimique spiritus esslandi
miseriam plangebat:

*Aniculaque quædam illi * sandalum affri-*
cabat.

(Sed) cum temperamenti æquilibrio declinaverit natura;

Neque amuletum, neque medicamentum eam restituere potest.

Historia: Senex quidam historiam narrabat inquiens: Virginem juvenculam mihi matrimonio junxi; thalamo proinde floribus exornato, cum illa solus confidebam, oculis animoque in illam defixis, per longas aliquot noctes nihilo dormiens, jocis facetisque illi blandiebar, ne rusticum aliquem pudorem indueret; sed consuetudini & consortio meo assuesceret. Inter cætera nocte quadam dixi: O magnam illam felicitatis sortem, tibi comitem! vigilem potentia nutum sive oculum! quod tibi senis matrimonium contigit, senis inquam, qui mundum vidit, temporis æstum frigusque gustavit, bonum malumque didicit, consortii jus fasque novit, amorisque officia præstat. mansuetus, amans, ingenii commodi, suavisque linguæ.

Si potero, animum tuum mihi devinciam; Et si me offenderis, non tamen offensus ero.

Atque si perinde, ut psittaci, alimentum tuum saccharum fuerit;

Dulcem etiam animam tibi nutriendæ impendero.

O te felicem! quod non incidisti in manus juvenis alicujus morosi, animo impotentis, iracundi, varii & mutabilis, qui identidem nova juvenilis vanitatis monstra edat, quovis momento nova consilia agitet, quavis nocte singu-

singulari loco cubet, singulisque diebus scortum aliquod habeat.

Noli aliquid boni sperare à lusciniis,

Quæ singulis momentis singulis rosis irrepantes modulantur.

Senes vero ex rectæ rationis virtutisque instituto, non ex juvenilis insanix arbitrio, vitam agunt.

Te meliorem quæras (ducem,) inventumque magno in pretio habeas:

Alioquin cum tibi simili tempus perderis.

Senex ait: Hunc in modum multa ipsi protuli, adeo ut sum opinatus, jam illius animum in casses meos perductum, & me petita præda jam potitum esse. Sed ecce præter omnem expectationem, illa alium ingemiscens insit: Omnia illa, quæ tu in medium produxisti, argumenta mei ingenii trutinæ imposita, ne unius quidem verbi, mihi ex gente mea auditi, pondus æquare possunt: Scilicet, *Puellæ lateri affixam sagittam satius esse, quam senem.*

Postquam vidit apud maritum suum

Rem, jejuni labiis molliorem,

Dixit: Hæc res cum ipso mortua est:

Oratio^b autem est propter dormientem.

Si qua femina, à mariti latere surrexerit per-tasa;

Multum mali contentionisque in ædibus illis orietur.

Senis enim, qui loco suo surgere nequit

Nisi virgâ, quomodo virga ad rem uxorian surrexerit?

Rem ut paucis absolvam, implacabilem matrimonii discordiam divortium finivit; completo divortii tempore, eam in matrimonium cuidam dederunt juveni, moribus truculento, vultu severo, paupertate presso, male morato, apud quem diram favamque experiebatur sortem, vexationes atque angustias tolerabat, nihilominus hoc modo divinæ benevolentiae grates agebat: Laus Deo, quod durum senis elapsa supplicium, hoc optatum & certum tandem obtinui beneficium.

Non obstant & animi ferocia & tua morum asperitate,

Importunitatem tuam tolero; quia tute es formā præclarus

Tecumque mihi in Tartaro exuri præstat,

Quam cum altero isto in Paradiso agere.

Odor capæ ex ore formæ præclari,

Gratior mihi est rosâ ex manu deformis.

Vultus formosus, vestis auro intertextâ,

Vinum eliquatum, aloë, color, odor, atque hilaritas;

Omnia hæc feminarum sunt ornamenta:

Vir satis ornatus est hoc ipso, quo vir est.

Historia: Errorum meorum tempore in Mesopotamia seni cuidam hospes fui, qui locupletissimus filium formæ habebat insignem. Nocte quadam mihi narrat, inquit: Præter hunc in hac vita nullum sustuli filium: Arbor quædam in hac est valle mortalium frequentationibus famosa, ego multas noctes sub arbore illa, spirans gemensque Deum fatigavi, ut hunc tandem mihi concesserit filium. Pa-

tre

tre hæc mihi narrante, filium sodalibus suis in aurem audio dicentem: Utinam hanc ego, ubi sita esset, nossem arborem, ut precibus votisque, patris obitum accelerarem!

Bonus ille senex lætabatur, se filium habere ingenio egregium:

Filius vero patrem ludificans per ludibrium decrepitum vocabat.

Sed audi, (o senex;) multi tibi labuntur anni, quibus

Patris tui tumultum * non invisis.

Tu quodnam patri tuo pietatis reddidisti officium,

Cujus tibi reddendi in filio tuo spem & expectationem ponere possis?

Historia: Quodam die roboris juvenilis fiducia citissimo pede iter feci, nocteque ipsa fessus & impotens ad montis radices restiti; debilis quidam senex viatores secutus ait: Quid jaces? surgito; hic enim non est dormiendi lotus. Respondi ego: Quomodo pergam, pedibus itinere fessis? Senex ait: *Ire & (subinde) requiescere, satius est; quam currere & deficere.*

O tu, qui hospitio procul abes, festinare noli:

Meum sequitor consilium, & patientiam disce.

Equus Arabicus duos cursus citissimo pede facit:

Mulus verò paulatim incedendo noctes diesque pergit.

Historia: Juvenis quidam alacer, facetus,

hilaris, colloquio suavis, nostræ conversationis socius fuit: talis erat juvenis, qui nullius mali genere in vita turbatus, nullas unquam labiis à risu ferias fecerat: Per aliquod tempus forte conversandi copia non fuit; posthæc juvenem vidi, uxorem duxerat, prolem tulerat, radice facetiarum ipsius incisa, rosæque jucunditatis illius emortua: rogavi, quæ causa tam subito mores ipsius mutasset? Respondit ille: *Postquam pueros sustuli, puerilibus prorsus abstinui.*

Cum senium contraxeris, puerilibus abstinere:

Jocos illecebrasque juvenibus relinque.

Adolescentium jocos a sene requirere noli: Non enim in alveum refluit aqua semel elapsa.

Sementis, cum messis tempore jam adoleverit,

Non ita ut tenera, viridisque moveri solet.

Tempus juvenile mea manu est elapsum:

Ah Tempus illud animum inflammans!

Robur leoninæ ungulæ elanguit?

Nunc temporis perinde ut pardus caseo sum contentus.

Mulier quædam decrepita capillos fecerat nigros,

Cui dixi ego: ô mater, senio confecta!

Capillos arte denigraveris, ponamus:

At certe tergum senio incurvum arte corrigi & rectum fieri nequit.

Historia: Quodam die stoliditate juvenili matrem meam acriter perstrinxi: illa animo moesta,

mœsta, in angulo quodam confidens, lacrymis per genas manantibus, dixit: *Numquid es oblitus parvitatæ tuæ, qui tantam magnitudinem nunc ostendis?*

Quam bene anicula quædam filio suo dixit;

Quando illum vidit tigris subigentem, corporeque elephantino:

Quod si in parvitatæ tuæ temporis meminisses. Quando miser impotensque in sinu meo jactasti:

Hoc quidem die nullam mihi faceres injuriam,

Cum tu es leo, ego vero anicula.

Historia: Divitis cujusdam avari filius morbo graviter confictabatur, patrem monebant amici, dicentes: Consultum est, ut Alcoranum ipsius causa cures perlegendum, aut victimam cædas, atque distribuas, fortassis Deus altissimus (tui misertus) pristinam illi valetudinem reddiderit. Ille, oculis in terram dejectis, non nihil cunctatus inquit: In præsentia quidem Alcoranum perlegere præstiterit; grex enim longinquus est. Quidam cordatus, hoc audito, ait: *Corani lectionem hac de causa prætulit, quia in linguae superficie versatur; aurum vero in animæ meditullio reconditum est:*

O quam pessime Deo servirent, precesque funderent mortales;

Si precum cultusque pars in erogando ære consisteret!

Propter unum denarium, perinde ut alinus in luto hæret:

Si vero unum Hymnum velis; centum cantat.

Historia: Viro seni dixerunt, qua de re non ducis uxorem? Respondit ille: Vetularum mihi non placet consortium. Dixerunt, adolescentulam igitur ducas, cum opes habeas. Respondit ille: *Mihi seni anicularum non placet consortium: A dolescentula vero quomodonam mecum, qui senex sum, vitæ societatem ineat;*

Robur requiritur, non aurum; quia heræ Grator est Venus, * quam Crœli opes.

Historia carmine conscripta:

AUdivi ego, hisce diebus Senem quendam decrepitum

Amore senili uxorem ducere constituisse:

Expetiit itaque virginem forma præclaram, nomine Margaritam;

Quæ, perinde ut arcula gemmarum, viris nunquam exposita erat.

Perinde ut mos fert nuptialis, magnus factus est convivii apparatus.

Primo vero certamine senis baculus collapsus procubuit:

Arcum tetendit, punctum haud tetigit: non enim fuitur,

Nisi acu chalybea, vestis holoserica.

(Nata hinc discordia) Amicis questus, senex de injuria expostulare cœpit, dicens:

Meas ades impudens illa everrit.

Inter

Inter maritum & conjugem tanta orta est
contentio & lis:

Ut tandem ad prætorem, judicemque res
devenerit; Sacerdos vero dixit:

Hujus discordiæ infamiæque causa nequa-
quam est adolescentula;

Sed tu, (ô senex) manum enim dum habes
tremulam, Margaritam quinam perso-
res.



R O S A R I I

CAPUT SEPTIMUM

De Disciplina & Bonorum
Morum Instructione.

HISTORIA.

Quidam purpuratorum filium stolidum cuidam sapientum erudiendum misit, nuncians: Hunc mihi erudias; fortassis Sapiens evaserit. Ille per aliquod temporis spatium puerum docuit; sed nihil profecit. Sapiens virum patri illius ita renunciantem mittit: Hic nunquam sapiens evadet; quin me ipsum docentem etiam stolidum jam reddidit.

Quod si naturâ aliquis * fuerit capax;
Disciplina in illo fructum edit.

Nunquam vero bonum fecerit politor

Ferrum, quod naturâ prævum fuerit.

*Canem (munditiei causa) septem² in maribus
ne eluito:*

Madidus enim cum fuerit, sordidior erit.

*Asinum * Christi etst Meccam duxerint;*

Inde reversus, asinus tamen erit.

Historia: Sapiens quidam filios suos hortabatur, inquit: O caræ patris animæ, artificium discite; in hujus mundi divitiis, potentiaque
nulla

nulla ponenda est fiducia ; Dignationes enim extra urbis portam tecum non peregrinantur. Aurum atque argentum in itinere periculosum : aut prædo illud universum semel abstulerit ; aut dominus ipse paulatim id consumerit. Ars autem fons est perennis stabilisque : atque artifex etsi divitias suas amiserit , nihil prorsus periculi est & mœroris : quia ars ipsa divitiæ sunt. Artifex præterea quocunque ierit, honorem invenit, primoque loco confidet : Iners autem ubique buccellas colligit, angustiamque subit.

Difficile miserumque est ; provinciâ motum, alterius jussis obtemperare ,

Deliciisque assuetum mortalium ludibria tolerare.

Quodam tempore Damascus motibus turbisque agitata fuit :

Quibus cives Penatibus desertis per orbem dilapsi fuere ;

Sapientes rusticorum filii

Admoti sunt consilio Regis, (regni que provinciiis.)

Filii verò proregis vecordes ,

Mendicantes per pagos oberrarunt.

Patriam hæreditatem si volueris ; patriam scientiam discere ;

Patris enim opes decem dierum spatio absumi possunt.

Historia : Quidam sapientum Regis filium docens inclementius verberabat, dirisque vexationibus præter modum exagitabat : filius verberibus fessus, præceptoris sævitiam patri

tri exponit, pertræsusque vestes ex corpore misere lacerato rejicit. Quibus pater accensus, præceptorem accersit, atque ita affatur; Nullius equidem civis filium ita inhumaniter direque tractare ausus fuisses, ut filium tractasti meum: causam mihi, velim, dicas. Respondit præceptor: *Verbum dicendum est considerare, actionesque & gustus edendi sunt grati omnibus, præcipue vero Regibus: Regum enim facta dictaque per vulgus omnino ferientur; Vulgi vero dicta factaque idem (ac Principum) pretium non habent.*

Pauper etsi centum scdās actiones admiserit, turpiaque dixerit;

Sodales ipsius ne centesimam quidem partem resciverint.

Rex vero si vocem actionemve unam ediderit turpem;

Fama illam de Regno in Regnum differt.

Proinde in excolendis Regia stirpis, Magnusque moribus, majus afferendum est studium, quam cæteris plebejis.

Quicumque in pueritia bonis moribus non fuerit imbutus;

Adultus cum fuerit, sine virtute erit.

Arborem, dum recens est, prout lubet, inflexis:

Adulta siccaque cum fuerit; non nisi igni recta erit.

Ramum (viridem) si correxeris; rectus erit.

Sed vana est opera tua, si aridum corrigere velis.

Præclarum institutum, comptaque præceptoris

ptoris oratio ingenio Regis arrisit, hinc togam & munera, virtutis scilicet præmia dedit, majorique dignitate extulit.

Historia: In Africa Magistrum quendam vidi, vultu severum: sermone asperum, moribus inconditum, humani generis hostem, ingenio mendicum, atque intemperantem. Muham-medānorum voluptas solo viri conspectu turbabatur, illiusque Corani recitatio mortalium animos lacerabat, teneri aliquot pueri, illibataque puellæ in sævam illius manum inciderant, captæque tenebantur, neque ridendi, neque colloquendi copiam habebant: modo argenteo sive splendido alterius vultui colaphum infligebat, modo crystallinum alterius brachium intorquebat. Tandem audiui, aliquam iniquitatis illius partem fuisse detectam, hominemque verberibus inde expulsum. Scholam vero ipsius, viro cuidam dederunt pio, religioso, pacifico, bonis moribus prædito, mansueto, qui ne verbum quidem, nisi re flagitante, dicebat, neque unquam inconditam aliquam vocem, humanæ discordiæ semen stimulumque proferebat: Pueri formidine prioris magistri deposita, Angelicisque hujus moribus perspectis, Furiarum naturam rabiemque induerunt. Mansuetudinis illius fiducia, scientiæ desertores, plurimum temporis ludo absumserunt, tabulasque nondum perlectas, sibi invicem capitibus infligentes, frangebant.

Præceptor peritus sine severitate si suavit;

*Pueri in foro ursum * luserint.*

Post

Post duas hebdomadas templi fores, in quo schola erat, præteriens, primum vidi Magistrum, quem conciliatum suo denuo loco restituerant. Jure accensus, Deumque testatus dixi: Dæmonem quare Angelis denuo præceptorem fecerunt? Senex quidam temporum rerumque usu doctus, verba mea audiens inquit: Nonne audivisti, quid sapientes dixere?

Rex quidam filium suum in scholam misit; Argenteamque tabulam brachio illius subdidit.

Tabulæ fronti auro inscriptum fuit:

Severitas præceptoris præstat amoris patris.

Historia: Religiosi cujusdam filius hæreditate patruorum immensis divitiis potitus, fœdæ libidinis luxurque vitia sectari, opesque profunderè cœpit. Ut breviter rem perstringam: Nihil scelerum, derestabiliumque criminum reliquum fuit, quod non fecerit; nullumque inebriantis potus genus, quod non hauserit. Ego ipsum aliquando monui, inquit: O fili mi, opes aqua sunt ruens; delicia vero molæ revolutio: Multas scilicet facere expensas, datum est illi, qui certos redditus habet.

Quod si redditus non habes; sumptus parcus facito:

Nautæ enim carmen modulari solent:

Nisi in montanis pluvia caderet;

Vno anno vel ipsum Tigris flumen siccus atque evaderet.

Sapientiæ, virtutisque viam ingreditor, litis istis cuticulæ lenociniis atque illecebris: cum enim opes istas absumseris, miseriam patieris;

tioris, luxumque sera poenitentia detestaberis.
 Filius gulæ, tibiarum, potandique dulcedine ille-
 ctus, verba benevolis auribus non accepit,
 quia consilio obnatus, inquit; *Præsentis corporis*
delicias futura miseriæ metu ludibriisque turba-
re, Sapientum iudicio repugnat.

Homines deliciis fueti, bonæque fortunæ,
 Quare miseriæ metu, miseriam tolerant?

Vade & bono animo esto, o sodalis ani-
 mum inflammans,

Non enim hodie oportet crastini dici tædia
 mororesque concoquere.

Imprimis vero dedecori foret mihi liberali-
 tatis facile principi;

Qui munificentiae nomen acquisivi, cuius-
 que benevolentiae fama orbem perva-
 lit.

Quicumque enim liberalitatis beneficen-
 tiæque nomine fuerit famosus;

Illum non decet, auro compedes vincula-
 que injicere.

Quod si beneficiæ tuæ fama latissime
 fuerit sparsa;

Non poteris tum animo tuo munificentiae
 portam claudere.

Vidi ipsum consilium meum non admittere,
 ardentissimas meas preces in frigido illius fer-
 ro fructum nullum producere, proinde mone-
 re desisti, illius consortio abstinui, & tranquil-
 litatis angulum colui, Sapientum secutus con-
 silium, qui ajunt: *Tu moneto, quod tibi monere*
incumbit, si non audierint, tua quid refert?

Etsi

Et si illos te non audire sciveris; tamen dicito,

Quicquid boni consilii, bonæque doctrinæ sciveris.

Brevi enim futurum, ut (ipsum) mente videas motum, atque confusum;

Et utroque pede in tragula captum;

Manusque ex mœrore concutientem atque ita miserantem:

Ah, me miserum, qui Sapientis consilio non obsecutus fui!

Post aliquod temporis spatium, imminentem hominis miseriam, quam pridem animo prævideram, reapse sum expertus. Vidi hominem ex inveteratis panis vestes consuisse, buccellasque hinc inde acquirere. Qua iniqua illius sorte animus mihi quam maxime turbatus; inhumanum tamen ratus, eo rerum statu, animi illius vulnera atque dolores, duris perstringentibusque verbis exacerbare, salemque ulceri aspergere, quin mecum ipse ita putavi, & dixi:

Abiectus in ebrietatis æstu,

Non considerat imminentiæ paupertatis tempora.

Arbor æstivo tempore fructus profundit;

Atque ideo hyberno tempore sine foliis nuda restat.

Historia: Rex quidam filium suum magistro commisit, inquit: Hic meus est filius, tu eum, perinde ut filios tuos, doctrina moribusque inbuas. Præceptor per integrum annum illi operam dedit; sed nihil profecit; filius interea

terea suis in sapientiæ, eloquentiæque fastigium provectis. Rex præceptorem corripiens, ait: Tu datæ fidei defuisti, promissique fas violasti. Præceptor respondit: O Rex, par fuit institutio; sed dispar ingeniorum ratio atque capacitas.

Quamvis argentum, & aurum ex lapidibus proveniat;

Non tamen in quovis saxo aurum, argentumque latet.

Historia: Senem quendam doctorem amico suo audiivi dicentem: Si mortalium animi, ut opibus, ita opum Datori essent affixi; ipsos etiam Angelos antecellerent.

Tui non est oblitus Magnus ille Deus, illo momento,

*Quando gutta * fuisti sepulta, atque sensus expers.*

Dedit tibi animam, rationem, naturam & intellectum,

Formam, linguam, iudicium, mentem atque ingenium.

Decem tibi digitos in manibus ordine digessit;

Duo brachia humeris tuis junxit:

Iamne primum opinaris, ô ignobilis ignavaque anima!

Quod vel unum diem tui immemor esse velis?

Historia: Arabem quendam yidi, qui filio suo dicebat: O filiule, tu profecto in extremo iudicio rogaberis, quid sis lucratus, (id est, quæ pietatis officia præstiteris; aut scelera admiseris?) Non rogaberis, quo sanguine ortum duxeris. Id est: Rogabunt: Opus tuum quod-

quodnam? non vero; quisnam sit pater tuus?

Tegmen bombycinum, quo templum Mæcanum operiunt,

Non ideo famosum est, quia fictorem habet bombycem:

Sed quia aliquantum temporis cum venerabili fuit:

Atque ideo tam venerabile evasit.

Historia: Proditum est in Sapientum monumentis, scorpionem non nasci modo naturæ usitato, cæterisque animantibus sueto; sed corrosis absumptisque genitricis visceribus, ventrem perumpere, sicque in lucem prodire, illaque pellicula, quæ in scorpionis nido conspicitur, locupletissimum rei hujus est vestigium. Ego exquisitissimam habere cuidam Magnati reruli sententiam, dicens: Animus meus veram esse hanc sententiam plane asserit; imo res aliter esse non potest; nisi quod parvuli cum matre patreque ita agunt: ea etiam de causa adulti ita grati scilicet atque amati esse solent.

Pater filium suum hortatus, ait:

O Juvenis hoc consilium memoriæ mandes.

Quicumque auctori vitæ suæ benevolentia non responderit;

Nunquam acceptus felixque erit.

Per ludibrium scorpioni dixere: Hyberno tempore quidni ex nido proreptas? Respondit scorpius: Æstivo tempore, quis mihi honor & veneratio, ut hyberno quoque proreptem?

Historia: Paupercula cujusdam Religiosi conjux

conjug gravidam fuit : imminente partus tempore, Religiosus, cui nullus per totam vitam natus erat filius, inquit : Si æternus ille magnusque Deus filium mihi dederit, præter hoc, quod gesto, pallium, omnia, quæ possideo, Religiosis dilargiar. Propitio Numine conjug filium est enixa, ille lætans epulum sociis voti religione apparavit. Post aliquot annos ex Damasceno itinere reversus, vicum religiosi præterii, atque quomodo se haberet, rogavi ? Respondere : Illum in prætoris carcere oclusum esse. Causam percontanti narrant : Filius ipsius vino ebrius furensque, manus conseruit, cædemque commisit, atque elapsus est. Hæc de causa patris collum numellis, pedesque gravibus onerarunt compedibus. Ego dixi ; istud equidem malum sibi anxiiis precibus votisque à Deo efflagitavit.

*Gravidæ feminae, ô cordate,
Si partus tempore serpentem fuerint enixæ ;
Illud præstat, prudentum iudicio,
Quam si degeneres filios pepererint.*

Historia : Infans quondam virum magnum pubertatis rogavi indicia : Ille mihi respondit ; librorum fide & testimonio pubertas tribus indiciis liquet. Primum est : Ætas quindecim annorum. Alterum, nocturnum ludibrium. Tertium est, pilorum circa pudenda emissio. Sed unum certum verumque habet signum, scilicet : Si quis voluntati potius divinæ, quam corporis deliciis, illecebrarumque stimulis obsecutus fuerit. Atque illum, qui hac virtute non

non polluerit, accurati scriptores puberem esse negarunt.

Forma homo facta est aquæ guttula,
Quia in utero quadraginta dies (informis)
latuit.

Atque si quis quadraginta annorum, judicio bonisque moribus caruerit;

Illum profecto hominem appellare dedecet.

Humanitas in liberalitate & benevolentia consistit:

Ne arbitreris illud corporeum simulacrum tantum hominem esse.

Virtute opus est: simulacrum enim pingi potest.

In ædium parietibus ex minio & æragine.

Quod si in homine virtus & benevolentia non fuerit;

Quid tui discriminis est inter hominem, & simulacrum parietis?

Hujus mundi opes acquirere non est virtus:

Sed alicujus animum tibi devincire, si potes, ea est virtus.

Historia: Quodam anno, inter illos, qui Meccam religionis causa pedites adierant, maxima nata sunt jurgia, egoque bene (vobis) ominans, in eodem itinere pedes fui, cum nos probe alter in alterius caput vultumque involassemus, satisque contumeliarum jurgiorumque edidissemus, quendam camelo insidentem † socio suo audiui dicentem: Mirum equidem est, eburneum peditem, cum Regii

Regii ludi campum fuerit emensus, Regiam evadere : id est, meliorem, quam antea erat, fieri. Pedites vero Meccam religionis causa invisentes, desertum * Meccanum emensos, peiores evadere.

*Meo nomine dicas peregrinatori mortalium
exagitatori,*

*Qui cuticulam mortalium offensionibus lace-
rat.*

*Tu non es peregrinator ; sed tuus hac de causa
camelus ;*

Quia miser spinis vescitur, onusque portat.

Historia: Indo cuidam ignis^e ludum discen-
ti sapiens quidam inquit : Tuus minime hic est
ludus, qui ades ex arundine habes constru-
ctas.

*Verbum nisi præclarum beneque dictum sci-
veris, ne dicito :*

*Illudque, cuius non bonum fuerit responsum, ne
rogato.*

Historia: Homuncio quidam oculorum do-
lore perculsus, mulomedicum accedit, in-
quiens : Meos sanato oculos. Equarius medi-
cus, illo, quo quadrupedum solebat, ejus quo-
que oculos inunxit unguento ; (sed miser ille)
cæcus evasit. Litem ad judicem detulerunt,
qui inquit : In medicum nullam sarciendi da-
mni actionem habetis ; hic enim nisi asinus
fuisset, equarium medicum nunquam adiiis-
set. Hoc nostrum ex dictis est studium, & do-
cumentum. Quicumque scilicet magni momenti
negotium imperito commiserit, præterquam quod
damnum

damnum pœnitentia eluit, prudentibus levis ingenui argumentum quoque præbet.

Non committit vir prudens præclaro iudicio præditus.

Homini vili atque abjecto gravia negotia.

Stragulorum ex arundinibus textor, etsi quidem sit textor;

Non tamen admovent illum officinæ, in qua serica texunt.

Historia: Vir quidam magnus præclarum habebat filium, quo defuncto, patrem rogarunt: Quodnam filii tui tumulo inscribemus monumentum? Respondet pater, Sacri Corani oracula longe sunt sanctiora & digniora, quam ut talibus inscribantur locis, ubi temporum lapsu vetustate abolentur & putrescunt, mortales ea pedibus conculcant, canesque perminunt: Si omnino aliquid inscribere lubet, hi quo versus sufficiant:

Ah quovis tempore, cum in horto viridis herba

Cresceret, quam bono animo eram!

*Hac præteriens, * amice, (tumulum meum invise) ut tempore verno*

Herbam viridentem ex mea humo nascentem videas.

Historia: Religiosus quidam virum præteriens divitem, servum suum manibus pedibusque acriter ligatum, ferocissime tractantem vidit, (hominis ferocia motus) inquit: ô fili, tibi similem creaturam incomparabilis magnusque ille Deus, tibi mancipio dedit, teque illi superiorem & dominum fecit: tu itaque divinae

divinæ benevolentiae grates reddito, tantamque ferociam & immanitatem in hominem ne exerceto: Ne quondam in extremo iudicio iste servus te melior esse appareat, teque pudor subeat.

Servo tuo ne pertinaciter irascaris;

Illum ne affligas, animumque ejus ne perstringas.

Ipsum enim decem (circiter) drachmis comparasti;

Nequaquam tua potentia formasti.

Illud iudicium, tumor, atque furor quousque tandem?

Te enim ipso major est Dominus,

Tu ô Arslani & Aguschi Domine,

Imperatoris tui ipse ne obliviscitor.

In traditione vatis extat, hanc in extremo iudicio maximam fore calamitatem, ut scilicet pium servum in Paradisum ferant; improbum vero dominum in Infernum.

Servo, qui tuo obsequatur imperio,

Ne præter modum irascaris, atque succenseas.

Absurdū quippe videbitur in extremo iudicio;

Servum esse liberum, Dominum vero (mancipium) vinculis oneratum.

Historia: Quodam anno mihi ex urbe Belcha iter Damasculum faciendum erat; viâ latronibus infestâ, juvenem quendam ære conductum, itineris ducem comitemque habui, scuto ludentem, validissimo arcu sagittas jacentem, omnia arma vibrantem, corporisque robore præstantem, adeo ut decem viri robusti, totis viribus connisi, arcum ipsius (vix)

K

tende-

tenderent, nemoque illorum, qui per orbem corporis robore erant famosi, ipsum prostertere valeret, (sed) illecebris adsuetum, domestica umbra (molliter) enutritum, rerum humanarum adhuc imperitum, itinerum ignarum, tonitrua tympani virorum fortium aures ipsius nondum perculerant, neque corusca gladiatorum equitum fulgura oculos ipsius pertrinxerant.

In hostium manus captivus non incidet ;

Neque circa ipsum sagittarum imber ruet.

Dum nos alter alterum celeri pede sequimur, juvenis ille quemvis murum vetustum nobis obvium, lacertorum robore disjecit, & quamvis arborem magna unguum virtute eruit, gloriosusque ait :

V binam est elephas, ut armos, lacertosque versantem videat ?

V binam leo, ut volam, unguesque virorum sentiat ?

Nobis ita incedentibus, duo ecce Indi, pone faxum latentes, capita efferunt, (irruentesque) nos interficere parant, unius in manu grande lignum, alterius sub axilla gravis cestra. (Quibus visis) ego juveni inquo : Quid cessas ?

Ostende illam, quam habes fortitudinem & robur :

Hostis enim suo pede in tumulum ruit.

Sagittam arcumque juvenis manu vidi elapsum, ossaque trepida.

Non

*Non quivis, qui pilum etiam sagittâ armaturæ
penetrante ferit ;
Violentum fortium bellatorum impetum susti-
net.*

Nullum aliud vidi consilium , nisi ut res , arma & vestes (ipsis) relinqueremus , animamque reportaremus incolumem.

Gravia negotia viro committas experto ,
Quî ferocissimum etiam leonem restis la-
queo subjiciat.

Juvenis etsi corpore fuerit robusto & elephantino ;

Certamen tamen hostis, pavore perculsus ,
equo incitato subterfugit.

Certamen bellatoribus ita est notum ,
Perinde ut doctis canones scholastici.

Historia : Divitis cujusdam vidi filium patris
sui tumulo insidentem , & cum pauperis filio
hunc in modum disceptantem : Patris mei tumuli
loculus est marmoreus , monumentum *
aureis literis inscriptum , tumulus marmoribus
constratus, tessellisque ærancis distinctus ;
tui vero patris tumulus cuinam rei est similis ?
duo enim congesti sunt cæspites , duoque pul-
veris pugilli ipsi inspersi. Pauperis filius , hoc
audito , inquit : Tace ; pater enim tuus , ante-
quam sub gravi illo saxo se moverit , & enisus
fuerit , pater meus Paradisum jam contigerit.
Ipsa enim traditio habet : *Mortem pauperum
facilitatem & * quietem esse.*

Asinus enim, cui levius imponunt onus ;
In via facilius iter facit.

Pauper, qui iniquæ paupertatis molem toleraverit;

Faciliori animo mortis fores accedere videtur.

Ille vero, qui in deliciis, illecebris, luxuque vixerit;

Mori in his omnibus, dubium minime est, quin acerbum sit.

Tu omnino captivum, qui vincula evasit, Feliciorem scito, viro illustri, qui in vincula incidit.

Historia: Virum quendam magnum hujus traditionis rogavi mentem: Hostium acerrimus tibi tuus est affectus, qui est intra latera tua. Respondit ille: Hæc vera traditionis mens est: *Inimicus, si beneficiis delinitus fuerit; amicus evadit: sed affectus, quanto magis illi indulseris, tanto vehementius tibi obnititur.*

Homo Angelicis moribus evadit, modicum comedendo.

Tu vero si quadrupedum instar voraveris, rabidi instar corruis.

Cujuscunque desiderium expleveris, tuo is obsequitur dicto:

E contrario affectus tum recalcitrat, & (acrius) obnititur, cum desiderium expleverit.

Historia: Quidam religiosorum specie, sed non moribus in consortio quodam confidens, impudentiori ore querelarum codicem aperire, divitesque perstringere cœpit: verba eo perrexerat, ut diceret: *Pauperibus ligata est potentia manus; divitibus vero fractus est benevolentia pes.*

Bene-

Beneficorum in manu non est aurum :

Hujus mundi vero divitibus deest beneficentia.

Mihi, magnatum munificentia enutrito, ingrata fuere hominis verba, proinde dixi: O socie, Divites pauperum sunt reditus, in angulo desidentium annona, peregrinantium desiderium, viatorum hospitium, qui grave pauperum onus suscipiunt, ut pauperes ipsi respirant, atque tum primum ad cibum sumendum manum extendunt, cum clientes, sibi que subjecti comederint, eximiaque ipsorum benignitas viduis, senibus, propinquis atque vicinis collata fuerit.

Divitum sunt legata, vota, epulae,

Quinquagesimae, strenae, servorum manumissio, munera, atque victimae.

Tu quandam istam potentiam attigeris, qui nihil aliud potes,

*Nisi bis * genua in oratione flectere, & hoc quidem centenis fastidiis?*

Sive liberalitatis facultatem, sive precum spectaveris copiam, illa ditioribus longe sunt facillima, qui opes habent illibatas, quinquagesimisque^h castigatas, vestes nitidas, mores attemperatos, animum curis defaecatum: Obsequii enim vis in bonis consistit bucellis, cultusque veritas in nitidis vestibibus. Ab inani enim ventriculo quænam vis? A manu inopi, quænam liberalitas? A pede ligato, quænam inambulatio? Atque ab homine famelico, quodnam beneficium?

Diram noctu quietem habet ille,

Cujus proximi diei reditus incerti fuerint :

Formica æstate colligit ;

Vt hyberno tempore otiosi possit.

Otium in paupertate non datur, animusque compositus in egestate consistere nequit. Si enim quis preces vespertinas fuerit orsus, alius vero de vespertino cibo sit sollicitus, num hic illi comparari potest ?

Opes qui possidet, divino cultui (animo) studet,

Ille vero, qui fortunæ angustiis laborat, animi angustias habet.

Proinde divitum cultus propior est, ut à Deo audiatur & gratus habeatur, quia animo sunt composito & præsentis, non distracto & inquieto ; res enim vitæ sustentandæ necessarias, disposuerunt, precesque ad cultum divinum pertinentes, digesserunt. Arabs inquit: Deus nos fervet à pauperie extrema, (quæ hominis oculos in terram deprimit,) atque à vicinitate illius, quem non amavero. Atque in traditione vatis est: Pauperies in utroque mundo * est vultus nigror. Respondit alter: Nonne audisti, vatem dixisse: Paupertas, mea est gloria. Dixi ego, tace mundi doctor verbis suis pauperie gentem quandam notavit, quæ benevolentiae divinæ palæstræ, fatique sagittæ lubenter subscribit, omniaque Numini remittit; non illos, qui piorum habitum gestant, victumque ab aliis datum revendunt:

O magni soni tympanum introrsus vacuum !

Sine

Sine viatico quidnam ordinaveris prælii tempore?

Avaritiæ vultum à mortalibus deflectas, si vir es;

Milleque granorum sphærulas precatorias manibus ne verses.

Pauper enim iners non acquiescit, nisi illius pauperies tandem in fidei defectionem destinat: Quia pauper proximus est, ut à Religione deficiat: nulla enim alia re, nisi opibus, nudi teguntur, atque captivi vinculis eximuntur; (At) nostri generis homines ad illorum fastigium quisnam evexerit? Atque eminens manus abjectæ manui quomodonam similis est? Nonne vides Deum maximum atque excelsum, in divino Corano de opibus illorum, qui participes sunt Paradisi, in hunc modum pronunciasse: *illis scilicet opes esse certas, easque opes fructus esse. Ipsosque opibus & beneficiis affici in Paradiso, deliciis pleno.* Ut scias vitæ sustentandæ curis diltractum, munditiæ decore destitui; opes vero, tranquillæ animi causam, sigillo quasi * signatas, & certas omnino facultates esse.

Sitibundorum oculis in somnis

Totus terrarum orbis fons esse videtur.

Ubicunque enim hominem videris, qui miseriam toleraverit, acerbitates devoraverit, compries, illum avaritiâ quævis præcipitia tentare, omnisque generis discriminibus haud abstinere, extremi iudicii supplicium non expavescere, licitum ab illicito non distinguere;

Si quis canis caput glebâ tranferit;

Lætus affilit officulum opinatus.

Si duo loculum humeris portaverint ;

Vilis apparatam mensam opinatur.

Divites vero, clementi Dei oculo respecti, licitarum opum beneficio ab illicitis suat conservati : ego his verbis meis nondum enarratis, neque dictorum argumentis in medium allatis, inquit : Te humani juris non immemorem spero : (Sed audi quæso,) nunquid proditorem aliquem revinctis manibus videris, aut inopem aliquem in carcerem conjectum, aut honorem innocentis alicujus viri prostitutum ; aut manum brachio præcisam, nisi ob paupertatem ? Viri enim fortes, egestate urgente, in perfodiendis, latrocinii causa, parietibus comprehensi, compedibusque vulnerati cernuntur : ratioque concedit, ut pauperis alicujus affectus in vetitum nitatur, ipseque, si temperare libidini nequeat, scelere polluat : *Venter enim & Venus sunt gemelli, unius scilicet corporis fratres, alter dum decumbit, altera stimulat.* Audivi ego, pauperem quendam in libidinis flagitio comprehensum fuisse, præterquam quod pudore suffusus, anxio etiam, ne lapidibus obrueretur, metu perculsus inquit : O Muhammedani ! aurum non habeo, ut uxorem ducam ; neque eam virtutem, ut continentiam colam : Quid itaque agam, dum cælibatus in Muhammedana * religione non habetur ? Atque ex omnibus tranquillæ compositique divitum animi causis, hæc una est, quod quavis nocte delictum aliquod in sinu amplectantur : singulisque diebus quasi novam

vani juventutem induant, adeo ut coruscans aurora præ nimia divitis pulchritudine eum veneretur, mobilisque cupressi * pes præ pudore se in humum demergat.

Cruore * amantium, ungulas tinxit;

Digitorumque extrema sanguineo colore * asperfit.

Fieri quippe nequit, ut divites sorte adeo benigna felices; vitiorum vestigia terant, aut sceleribus itudeant.

Aninus, qui Paradisi * virgines rapuerit atque abtulerit;

Quandonam blandietur hujus mundi formosis?

Si quis stimulante ventriculo recentes dactylos ante se habuerit;

Hoc ipsum facit, ne pendulos in palma dactylos faxis petat.

Plerumque inopes innocentem & illibatum sinum criminibus polluant, famelicique panem rapiant.

Rapax canis carnem modo invenerit;

Non rogat, utrum Salichi * camelus, an vero Dischalis sit asinus?

Multi viri vitæ temperatæ, paupertatis causa, in scelera ruerunt, suum honorem, sanctamque religionem infamiæ vento dederunt.

In fame non restat temperantiæ virtus,

Paupertasque (continentiæ) habenas pietatis manui eripit.

Hæc dum ego dixi, ecce patientiæ habenis ex pauperis tolerantia manu excussis, lin-

guæ ensem strinxit, contumeliæque equum in impudentiæ campum egit, atque in me impulit, inquiens: Tantis equidem laudibus illos extulisti, tamque inania ipsorum gratia verba fecisti, ut opinio sibi facile persuadeat, illos esse veneni paupertatis pharmacum, aut ærarii (erogandarum) opum clavem.

Sunt autem turba quædam elevata, superba, tumida, mortalium pertæsa, insatiabili auri, illecebrarumque studio flagrans, dignitati & rerum arbitrio totis viribus incumbens; verbum non fecerint, nisi vanum: neminem aspexerint, nisi vultu tristi & supercilioso. Sapientes mendicos appellant: Pauperes tanquam homines sine capite pedibusque vituperant: Solo divitiarum, quas tenent, fastu; atque dignitatis, cujus superba opinione tument, fastigio, primo omnium loco accumbunt, sibi que cæteris mortalibus longe meliores videntur; illud minime ad animum revoeant, ut scilicet alicujus gratia caput elevent: ignari Sapientum sententiæ, quæ ita habet: *Quicumque pietate est cæteris minor, opibus vero major, specie quidem dives, reapse vero pauper est.*

Iners, qui opum fastu se Sapienti prætulerit;

Illum asini nates æstimato, etsi bos * Ambraë fuerit.

Dixi ego: Illos vituperare noli, quia sunt Domini benevolentia pleni. Respondit ille: Erras longe: ipsi enim auri sunt mancipia; sed cui bono; etsi Martii mensis nubes sint; super
nemi-

neminem tamen pluviam effundunt : Et si Solis sint orbis , neminem tamen radiis suis colu-
 lustrant : potentiaëque equo infideant, cursum
 tamen non faciunt , (siue nulli benefaciunt.)
 Dei amore ne pedem quidem vestigio mo-
 vent; ne unum quidem teruncium sine expro-
 bratione & murmure dant. Opes immenso
 labore congerunt , per avaritiam defodiunt ;
 ipsique inopes, cum penuria vitam transigunt:
 Sapientes (vere) dixerunt : *Avari argentum*
temporis ex humo in lucem prodit , quando
ipse in humum abit.

Alius magno labore nisuque opes acquirit :
 Alius quispiam venit , easque sine labore
 nisuque aufert.

Respondi ego : Magnatum tenacitatem non
 cognovisti, nisi mendicando: alioquin quisquis
 avaritiam & habendi cupidinem exuerit , illi
 liberalis tenaxque pares videntur. Lapis Ly-
 dius , quid sit aurum ; mendicus vero, quis sit
 tenax , dignoscit. Respondit ille : Hoc qui-
 dem expertus dico , divites asseclas suos in fo-
 ribus suis statuere , magnisque virorum robo-
 ribus committere , ne doctis , piisque viris
 aditus copiam faciant , manuque prudentio-
 ram pectoribus injecta , dicant : Domi nemo
 homo est. Atque si verum fateri licet , verissi-
 me dixere.

In eum, qui ingenio, benevolentia , consilio at-
que prudentia destituitur ,

Verissima sunt janitoris verba , Domi nemo
est.

Respondi ego : Hoc utique divitum factum
 K 6 excusari

excusari potest, quia multitudine illorum, qui beneficia expetunt, fatigantur; mendicorumque libellis ad animi dolores usque exagitantur. Ratio hoc certo statuit: Et si solitudinis arena in uniones fuerit versa; mendicorum tamen oculos expleri non posse.

Avarorum oculi mundanis non explentur opibus;

Perinde ut puteus non oppletur rore.

Hatemtajus, qui vitam coluit campestrem, si in urbe aliqua habitasset; mendicorum multitudine fessus, ad incitasque redactus, ipse laceras vestes gestare coactus fuit.

Infit ille: Ego certe divitum vicem doleo. (Sed) respondi ego: Imo vero felicitatis illorum æmulatione stimulisque exederis. Nos dum ita loquimur, verbisque alter alterum infestamus, quemvis peditem, quem ille immittebat; ego acriter repellere studebam; & quotiescunque Regi^m fugam indicebat, ego Reginâ protegebam, ut tandem diligentia crumenam ære exhauserit, argumentorumque tela pharetra projecerit.

Caveas tu; ne clypeum in facundi certamine projicias;

Ille enim, præter tumidam eloquentiam & mutuo quidem acceptam, nihil habet.

Religioni, scientiaque omnes nervos intendas; magniloquus enim orator

Arma foribus præfixit, intra castellum vero neminem habet.

Tandem pauper argumentis exhaustus, atque
à me

à me convictus, impudentem manum protendere, (me percutere,) contumeliosisque dictis lacerare coepit, ex more rudibus recepto, qui dum arguentis hostem superare nequeunt, jurgiorum & inimicitiae catenam tendunt: periade ut Aserⁿ simulacrorum fabricator, qui cum argumentis filium convincere non posset, in certamen surrexit, quemadmodum Deus altrissimus ait: Nisi equidem abstineris, te hodie lapidibus obruam. Ille me injuriis affecit, egoque in ipsum contumelias jeci: ille collare meum laceravit, ego vero barbam ipsius in vasi.

Nos dum alter in alterum involamus,

Populus à tergo accurrens, ridet:

Digitumque consternationis præ admiratione totus orbis

Ex dictis nostris auditisque dentibus rodit.

Ut rem paucis complectar, controversiam nostram ad judicem detulimus, æquitatisque ipsius judicio nos submisimus; ut scilicet Muhammedanorum judex causam aliquam excogitaret, discrimenque inter divites pauperesque pronunciaret. Judex conspecta specie hac nostra, auditaque nostra oratione. caput meditabundus in togam demittit, postque longas meditationes, caput exerens, inquit: O tu, qui divites laudibus extulisti, pauperes vero improbare æquum duxisti; scito: *Vbiunque rosa est, esse quoque spinam: Atque in vino, capitis esse dolorem: Vbi thesaurus defossus est, latere serpentem: Vbi exquisitus unio, crocodilum hominis voratorem. Blandas hujus mun-*

*di illecebras, acerbissimum sequitur fatum: Ipsis-
que Paradisi deliciis obiectus est multorum obsta-
culorum murus.*

*Enimici injuriam ferre debet, qui amico frui
voluerit:*

*(Quia) defossus thesaurus & serpens; rosa &
spina; mæror atque lætitia conjuncta sunt.*

Nonne vides in horto extare * odoratam sa-
licem & aridum truncum? Eodem modo repe-
riuntur inter divites pii, qui beneficia à Deo
sibi collata agnoscunt, gratesque agunt: &
improbi, qui ingratum animum produnt. Sic
quoque inter pauperes, patientia insignes, im-
patientiaque turpes.

Si quævis roris gutta unio esset;

Perinde ut vilibus lapillis forum oppleretur.

Deo maximo altissimoque propiores sunt
divites, qui moribus pauperes sunt: & paupe-
res, qui moribus studiisque divites sunt. *Di-
vitum princeps est ille, qui pauperum dolores
mæroresque suscipiat: pauperumque optimus ille,
qui divitum nævos non tangat.* Deus altissimus
enim dixit: Quicumque in Deo spem atque fi-
duciam collocaverit, Deus illi satis est. Hinc
perstringendi vultu à me in pauperem conver-
so, inquit: ô tu, qui divites vitiis intentos, ille-
cebris ludisque ebrios dixisti: profecto, ut di-
xisti, ejusmodi hominum genus id est: igna-
vum, virtutisque expers, beneficia, quæ à Deo
acceperunt, (grato animo) non agnoscunt:
opes corradunt, & defodiunt; comedunt, ne-
mini vero beneficium conferunt; si verbi gra-
tia,

tiā, pluviam non plueret, aut diluvium orbem inundaret; suis subnixi opibus, pauperis miseriam nihil morarentur, Deumque altissimum non pavescerent.

Si alius egestate extinctus fuerit;

Mihi opes sunt, (inquit:) Quidnam anser diluvium metuat?

Multæ seminarum camelis in lecticis suis vectæ,

Non misertæ sunt ejus, qui arenis * submersus perit.

Abjecti si suum modo stragulum (malis salvum) eripuerint;

Quid refert, inquiunt, si torus orbis interierit.

Judex inquit: Est certe hominum genus, iis, quibus exposui, moribus; quin & aliud est, quod mensam facile apparat; promiscuamque liberalitatem præstat, oculos non nisi verecundissime aperit, boni nominis, criminumque remissionis cupidum, hujus alteriusque vitæ particeps. Periade ut sunt ministri hujus Regis orbis terrarum, stabiliti à Deo, qui ope divina adjutus hostes superat, gentium Dominator, qui aperta gentis Muhammedanæ loca ab hostibus defendit, hæres regni Salomonici, omnium hujus ævi Regum æquissimus, Muffaffer Eddirus, filius Sadi, Deus maximus vitam illius semper conservet, potentiæque ipsius signa adjuvet.

Pater filio nunquam istam benevolentiam fecerit;

Quam liberalis tua manus domesticis fecit.

Deus

*Deus quippe hujus orbis misereri voluit,
Ideoque singulari misericordia te hujus orbis
Regem constituit.*

Index cum orationem huc provexisset; nostraque opinione acrius, eloquentiæ equum impulisset, potenti fati judicio manus dedimus, interque nos acta invicem remittimus, positis itaque jurgiis, conciliandæ benevolentiae viam ingressi sumus, studioque caput alter alterius pedi imposuimus, in mutua oscula ruentes, litem duobus his versibus finivimus.

*Ne hujus orbis motum iniquitatis incuses, ô
pauper:*

Infeliciſſimus quippe eris, si hoc modo obieris.

Tu vero, ô dives, dum animus manusque rerum arbitrium tenet,

Comede & dona liberaliter; sic hujus alteriusque vitæ consors fueris.



R O S A R I I

CAPUT OCTAVUM

De Converterandi Virtutibus.

H I S T O R I A.

Divitiarum mitigandis vitæ humanæ molestiis datæ sunt; non vero vita coacervandis divitiarum cumulis. Prudentem quendam rogarunt: Felix infelixque quis sit? Prudens respondit: *Felix est ille, qui comedit & seminavit: Infelix ille, qui obiit & reliquit.*

^a Vota ne facito pro vilissimo illo, qui nulum pietatis officium præstitit:

Qui vitam suam acquirendarum opum studio consumsit, ipseque non comedit.

Divinus ille vir Moses & Carunem monuit, inquiens; Benefacito, quemadmodum tibi benefecit Deus. Non obsecutus ille, quam miserabilem habuerit interitum, satis noſti.

Quicumque auro argentoque nullum pietatis officium fecerit;

Ille, caput certe suum in auxi argentique studio perdidit.

Quod si frui volueris hujus mundi opibus;

Tum mortalibus benefacito, quemadmodum tibi benefecit Deus.

Arabs ait: *Liberaliter benefacito: beneficium*

cium ne exprobrato, ut beneficii fructus ad te certo redeat. Hoc est: muneribus donisque certa, sine exprobratione, ut beneficentiae fructum certo percipias.

Benevolentiae arbor ubicunque radices egerit,

Rami fastigiumque illius ipso cœlo altius evadunt.

Quod si speras fore, ut aliquando fructibus illius vescaris.

Exprobratione radici illius securim ne admoveas.

Grates habeto Deo, quod benigne es illustratus:

Quodque te miserum immensa beneficiorum gratia destitutum non reliquit.

Noli tu gloriari, quod ministerium præstas Regi:

Quin gloriari esse existima, quod ille te suo dignatur servitio.

Monitum: Duo mortalium genera, inanes labores subeunt, atque in vanum nituntur: *Ille, qui quæstum facit & non comedit: Atque ille, qui scientiam discit, & actiones illi consentaneas non edit.*

Scientiam, quanto magis excolueris;

Cum sine piis operibus fueris, (tanto magis) insipiens eris.

Non enim magnus sapientiae doctor, neque doctum evadit

Quadrupes, aliquot codicibus oneratum.

Illud enim rationis expers neque scit, neque cognoscit,

Utrum

Utrum ligna, an vero codices bajulet.

Monitum : *Scientia tractandæ conservandæque religioni est ; non vero absumendis hujus mundi opibus.*

Quicumque vitæ severitatem, scientiam, sanctimoniamque mortalibus vendita-
verit ;

Fruges ille quidem cumulaverit ; sed uni-
versas exussit.

Monitum : *Sapiens temperatæ piæque vitæ
expers, cæcus est, facem ferens, aliosque illustrans ;
ipse vero non illustratur.*

Quicumque sine fructu vitam consumsit,
Nihil comparavit, aurumque prodegit.

Monitum : *Regni decus & claritudo sunt Sa-
pientes. Religionis perfectio, severo vitæ genere
innocentes. Reges sapientum magis egent consilio
quam Sapientes Regum consortio.*

Hoc meum, ô Rex, si audis consilium,

In omnibus codicibus hoc nullum præ-
stantius extat.

Nulli nisi Sapienti committas negotium :

Quamvis quidem sapientes rerum moli tæ-
diisque obnoxii esse nolint.

Monitum : *Tria in hac rerum natura stabilia
constantiaque esse nequeunt: Divitiæ sine questus
Scientia sine controversia ; Regnumque sine pæ-
na. Misereri pravorum, bonus est injuriam facere.
Nefariisque crimina ignoscere, pauperes est af-
fligere.*

Ignobilem si honoraveris atque demulse-
ris ;

Sub

Sub tuæ potentia umbra crimina admittit:
tuque criminum culpam una feres.

Monitum: *Amicitia Regum nulla habenda est
fides. Neque suavi puerorum voci superbe nimis
confidendum: Illam una suspicio tollit: hanc vero
unum somnium^d mutat.*

Rei mille amicis amatae animum ne appli-
cato:

Si tamen alicui rei applicare velis, soli Deo
animum applicato.

Monitum: *Quidquid arcani habueris, amico
ne exponas: quid nosti, annon quondam fortassis
inimicus evaseris? Quodvis quoque damnum,
quod inimico dare potes, ne dato; fieri enim
potest, ut aliquando ex inimico amicus fiat.
Secretum quod volueris occultum, nemini etiam si
fidiſſimo exponas, nullus enim tuo secreto teipſo
faventior est.*

Præstat tacere, quam animi secreta

Alicui detegere, atque; nulli dicere, mone-
re.

O bone vir, aqua in fontis obſtruenda est
principio:

Cum vero mole intumuerit, tum flumen
obſtrui nequit.

Verbum aliquod in occulto dici non decet,

Quod in quovis hominum confluxu dici
non licet.

Monitum: *Impotens hostis, qui accepto tuo im-
perio, amicitiam tibi monstraverit, nihil aliud
querit: nisi ut inimicitiam pertinacius exerceat:
Adagiumque habet: Non fidendum esse amici-
tiae amicorum. Quid itaque de blanda inimico-*

rum

rum' adulatione expectandum erit? Quicumque inimicum parvum existimat invalidum, similis est illi, qui exiguum incendium securius negligit.

Hodie extinguas, dum extinguere potes:

Ignis enim cum in flammam surrexerit, mundum pervastat.

Ne permittas, ut arcum suum tendat

Hostis, dum sagitta illum transfodere possis.

Monitum: *Orationem inter duos inimicos ita instituas, ne, redintegrata forte amicitia, tibi pudori sis.*

Inter duos inimicos perinde se habet similitas, ut incendium:

Vilisque auditorum delator, similis est illi, qui ligna incendio apportat.

Inimicus uterque si deuvo amicitiam fecerint;

Ille in medio contemptus atque derisus constituitur.

Inter duos enim inimicitiae ignem excitare;

Scipsumque in medio exurere, mera dementia est.

Sermonem cum amicis habeto submissum;

Ne hostis sanguinolentus affectis auribus consilium tuum percipiat.

Quaecunque ante parietem dixeris, primum dispicito;

Ne forte pone parietem, auris aliqua attendat.

Monitum: *Quicumque cum amicorum suorum hosti-*

hostibus amicitiam facit, amicos offendere studeat.

Tu, ô prudens, manum ab ejusmodi amico eluas;

Qui cum hostibus tuis consortium atque commercium colit.

Monitum: *Quod si in perficiendo aliquo negotio ambiguus suspensusque fueris; tum illam aggredditor partem, qua (minori offensa) negotium facilius perficitur.*

Cum viro placido, sermonisque benigno; jurgia ne exerceto;

Atque cum illo, qui pacis portam pulsat, bellum ne sumiro.

Monitum: *Dum auro agitur negotium, caput periculo casibusque objectare non decet.*

Si vero manus tua arte omni destituta fuerit;

Tum quidem manum ferro admovece licet.

Monitum: *Hostis imbecillitati parcere noli; ipse enim, si potens foret; tibi non parceret.*

Hostem si impotentem videris, mystaces torquendo gloriari noli;

In quovis enim osse medulla, atque in quovis indusio vir est.

Quicumque improbum interfecerit, populum fraudibus

Illius liberat, atque ipsum divino supplicio eripit.

Ignoscere laudatum atque virtus est;

Verum vulnere illius, qui mortales vexat,
non

non inungendum est balsamum five unguentum.

An nescit ille, qui serpenti facit misericordiam;

Se mortalibus injuriam facere?

Monitum: *Consilium hostis sequi, crimen est. Verum hostem consulere fas est: ut diversum facias, atque hoc pium est.*

Caveas ab hoc, cum hostis dixerit; hoc facito.

Alioquin poenitentiae manum lugens genibus inflixeris.

Quod si hostis tibi, sagittae instar, viam rectam monstraverit;

Tu inde flectas, sinistræque manus viam ingrediaris.

Monitum: *Furor nimius parit odium; nimiaque & intempestiva benevolentia auctoritatem minuit: Tu neque tantam præ te feras severitatem, ut mortales te fastidiant: Neque tanta sis lenitate, ut tibi insultent.*

Severitatem benevolentiamque junctas esse præstat:

Perinde ut Chirurgus, qui venam incidit, unguentoque inungit.

Sapiens sibi nimiam severitatem non sumit;

Neque effeminatam lenitatem, ut auctoritatem suam minuat.

Sapiens seipsum non superbe extollit;

Neque è contrario mox seipsum abjectissime gerit.

Juvenis quidam patri suo dixit: ô Sapiens,
Unum

Unum mihi senile consilium dato.

Pater inquit : Boni viri officium facito ; sed
non adeo ,

Ut te lupus dentibus acutus superet.

Monitum : *Duo & regni & religionis sunt
hostes : Rex sine clementia , Religiosus sine scien-
tia.*

In regni fastigio ne sit Rex , mandataque
(aliis) præscribat ille ;

Qui Dei maximi mandata ipse non fece-
rit.

Monitum : *Caveat Rex , ne tantum furori suo
in hostem indulgeat , ut illi amici etiam diffidant :
quia furoris incendium primum in dominum suum
ruit , postea fieri potest , ut ejus scintilla hostem
tangat , aut non tangat.*

Non decet mortales humo natos ;

Ut animo superbiam , ferociam , atque va-
nitatem præsumant.

Te propter illam ferociam , (invictamque)
animi pertinaciam ,

Non humo , sed igni ^d natum arbitror.

In Peilacana * provincia virum quendam
primum accessi ,

Et dixi : Meam doctrinâ tuâ ignorantiam
expurges.

Respondit ille : Vade & , perinde ut humus ,
patiens esto , ô sapiens ;

Aut omnia tibi lecta humo obruito.

Morale : *Pravis moribus corruptus , in hostis
cujusdam manu captivus est : quocunque ierit ,
diritatem ungularum ipsius effugere nequit.*

Pravis

Pravis moribus imbutus, etsi supplicium fugiturus, ipsum cælum conscenderit ;

Semper tamen in malorum morum supplicio hærebit.

Consilium : *Hostis tui militem si discordem dispersumque videris ; bono animo esto. Si vero concordem atque collectum ; tibi metuito.*

Amicos adeas, lætusque confideas ;

Cum inter hostes tuos certamen videris.

Si vero illos videris concordem ;

Arcum tendas, castelloque saxa imponas.

Monitum : *Hostis tentato omnium artium frustra genere, amicitiae vinculum contrahit : atque tum sub amicitiae imagine ea agit, quæ hostis efficere non potuit.*

Consilium : *Caput serpentis hostis manu percutito : duorum enim insignium beneficiorum, alterutrum certissimo surget : nam si hic superaverit, serpentem interfeceris : si ille, ab hoste liber eris.*

Belli tempore, à debili hoste securus ne eito :

Leonis enim animum exierit, cum desperaverit.

Consilium : *Nuncium, quem alicujus animum turbare nosti, tu silentio prætereas ; aliusque illum ferat, sinas.*

O luscinia, lætum vernalis temporis nuncium affer :

Tristem vero nuncium nocturnæ relinque.

Cautio : *Ne Regi alicujus perfidiam detegas, nisi tum temporis, cum Regem te omnino auditurum certissimus fueris ; alioquin tibi ipsi perniciem festinas.*

Apparatum orationis tum facito,

Cum orationem tuam penetrare sciveris.

Morale : *Quicumque sciolo consilium dederit, ipse alterius consilio eget.*

Monitum : *Hoslis dolum ne admittas, magnique laudatoris superbiam tui prædicationem pretio ne compares ; ille enim fraudis laqueum tetendit : hic vero, avaritiæ palatum aperuit. Stolido laudes audire suas pergratum est, atque perinde, ut cadaver, à calce inflatum & pinguedinem mentitur, laudum illecebris intumescere solet.*

Caveas, blateronis laudes audias :

Qui vile laudum suarum præmium à te sperat.

Ni aliquando animum illius expleveris ;

Ducenta, ut primum laudes, de te vitia narrat.

Disciplina oratoris. *Nisi quis (oratoris) vitia perstrinxerit, oratio ejus nunquam perfecta erit.*

Inolescere noli dictorum tuorum elegantia,

Approbatione imperiti, atque opinione propriâ.

Sententia : *Unicuique suum perfectum videtur ingenium, atque proprius filius formâ præclarus.*

Quidam Hebræus atque Muhammedanus in controversiæ jurgia ita exarserant,

Ut sermone suo risum mihi moverint.

Muhammedanus ira accensus inquit : *Quod si hæc traditio mea,*

Non

Non fuerit vera ; tum tu, Magne Deus , me
Judæum mori facias.

Judæus ait ; ego legem sector Mosaicam :

Si falsum dixero ; perinde ut tu , Muham-
medanus ero.

Si ingenium ex hoc terrarum orbe esset
sublatum ;

Nemo tamen se ignarum esse autumaret.

*Decem homines in una cibum capiunt mensa :
Duo vero canes de abominabili cadavere acriter
certant. Avarus si totum habuerit mundum ,
non satiabitur : qui vero paucis est contentus , uno
pane satiatur.*

Angusta viscera fame stimolata uno im-
plentur pane :

Universi vero orbis opes angustum oculum
satiare nequeunt.

Pater meus in vitæ suæ supremis hoc unum
mihi dedit consilium & obiit.

Lascivia incendium est , abtineas ;

Teipsum ne in atrocissimum Tartari ignem
præcipites.

Illius enim incendii æstum sustinere ne-
quis :

Proinde patientiæ aquam huic incendio
hodie affundas.

Monitum : *Quicumque rebus florentibus non
benefecerit , rebus labentibus miseriam videt.*

Infelicissimus mortalium est ille , qui mor-
tales exagitat :

Tempore enim adverso neminem amicum
habet.

Monitum : *Animæ salus unus est habitus.*
*Mundusque ens est, inter duo non entia * medium:*
Religionem mundanis opibus vendentes, a sinu sunt:
Iosephum vendunt, ut nugas emant.

Nonne vos monuit Deus, ô mortales, ne
 Diabolo serviatis ?

Hostis hortatu amici foedus violasti:

Videas itaque, à quo dissociatus sis, & cui
 te junxeris.

Monitum : *Diabolus contra probos nihil potest;*
neque Rex contra pauperes.

Verf: Illi, qui preces non fundit, ne mutuum
 dederis :

Et si paupertate etiam os illius apertum
 fuerit.

Ille enim ne præceptum quidem præ-
 stat divinum ;

Quanto minus de reddendo tibi debito
 sollicitus erit ?

Audivi, quod ex humo Orientali * ;

Quadraginta annis fictilia faciunt :

Sed Bagdadi, vel centum, si velis, uno
 faciunt die :

Proinde tam abjecti sunt pretii.

Pullus postquam ex ovo proruperit, illi-
 co quæstum facit ;

Infans vero iudicii rationisque expers
 jacet.

Ille, qui subito perfectus esse videba-
 tur, ad nullam tamen justam &
 constantem perfectionem pertingit,

Hic vero paulatim virtute & præstantiâ
 superat omnes.

Vitrum

Vitrum reperitur ubique, ideoque pretium non habet.

Lalus & difficulter acquiritur, ideoque magni fit.

Monitum: Negotia quæ paulatim fiunt, citius (& certius) ad finem perducuntur.

Hiscæ meis in deserto oculis vidi:

Virum paulatim incedentem superasse properantem.

Equus velocissimis pedibus cursu deficit;

Camelarius vero paulatim incedendo ad itineris metam pertingit.

Lepidum: *Homini imperito nihil silentio est consultius: quod si sibi consultum intelligeret, imperitus non foret.*

Si nulla tibi fuerit virtus atque doctrina, hoc præstantissimum erit;

Ut linguam intra dentes contineas.

Hominis ingenium prodit lingua: necemque cassam levitas.

Alium quendam stolidus sermocinari docebat:

Semperque cum ipso tempus prodigebat.

Sapiens quidam inquit: ô stolide, quorsum niteris?

Hoc tuo (inepto) studio obtrectatoris reprehensionem metue.

Non didicerint sermonem (muta) animalia ex te,

Tu silentium discas ex mutis animalibus.

Quicumque responsum non meditatus fuerit;

Pleraque ipsius verba inania erunt.

Verbum aut dicas perinde ut homo ingenio præditus ;

Aut perinde, ut muta animalia , filens confideas.

Morale : *Quicumque cum se Sipientiori controversiam suscipit, eo fine , ut mortales se sapientem esse sciant, illum imperitum esse cognoscunt.*

Si te præstantior orationem orsus fuerit ;

Etsi tu fortassis rem melius noveris ; tamen obniti noli.

Morale : *Quicumque cum pravis confidet , bonum non videt.*

Si Angelus confederit cum infernalibus furis ;

Pravitatem , pertinaciam , fraudemque didicerit.

Ex pravis bonum non didiceris :

Perinde ut lupo pelliceam artem non (exercuerit.)

Morale : *Occulta mortalium crimine ne vulges : illos enim fædas , tuamque existimationem immittis.*

Comparatio : *Quicumque sapientiam acquisierit, ejus vero actiones non facit, similis est illi, qui aravit , nec seminavit.*

Exemplum : Corpus sine animo obsequium non præstat , caput sine cerebro negotiationi est ineptum : nux sine nucleo non venditur.

Comparatio : *Non quivis , qui in controversiis est versatus atque exercitatus , bonis quoque operibus est insignis.*

Multa sunt corpora , quæ sub tentorii (umbra)

bra) eminus conspicientibus, apparent bella,

Illud si removeris, rugosæ aniculæ erunt.

Monitum: *Omnes noctes si forent Potentiæ Nox,*

* *Potentia Nox nullo in pretio foret.*

Si quivis lapis esset Lalus Bedachschanus. ^h

Tum pretium Lali atque vilis lapidis idem esset.

Monitum: *Non omnis, qui forma est præclarus, virtutibus etiam perfectus est; virtus enim in animo, non in cuticula relucet.*

Uñō die ex viri moribus cognosci potest;

Quousque in scientiis pervenerit.

Sed intimorum sensuum & consiliorum ejus neque securus, neque contemneus esto:

Maligna enim anima per multos annos non cognoscitur.

Dehortatio: *Quicumque cum magnatibus contendit, sanguinem suum effundit.*

Te ipsum quidem vides magnum:

Sed vere dixerunt, luscus unum tanquam dūo videt.

Illico frontem tibi videris fractam;

Tu, qui per ludum capite tuo, hædo occurrere studes.

Consilium: *Luctari cum leone, pugnumque ferro injicere opus prudentum non est,*

Certamen corporisque robur cum ebrio experiri noli;

Coram robusto manum submittas & ebrio.

Impotens, qui contra potentio rem magnam fortitudinem exere re voluerit, in maturanda sibi pernici e hostis sui adjutor est.

Sub umbra nutritus quomodo poterit,

Ut cum Athletis in arenam descendat?

Debilis lacerto stolide conferit

Manus cum viro, ferreis unguibus prædito.

Quicunque bonum consilium non admittit, reprehensiones audire studet.

Quod si consilium auribus non admittas;

Si postea te perstrinxero, conticescas.

Ignavi virtute præditos oderunt, perinde ut canes (domestici,) in macello culinisque latentes, canem venaticum aspiciunt, magnoque latratu prosequuntur; sed in campum prodire non audent.

Correctio: *Abiectus, qui virtute cum alio contendere nequit, vilitate quadam vitia ipsius invadere cæpiat.*

Omnino vituperat invidus, contemptus, atque abiectus,

Cujus, cum res agitur, loquendumque est, lingua torpescit.

Accusatio: *Ni ventriculi pestis gulæ voracitas foret, avis in laqueum non rueret: imo ne aticeps quidem laqueum tenderet.*

Exemplum: *Sapientes comedunt tarde: pii ad mediâ satietatem: devoti tantum, ne inedia extinguantur: juvenes, donec patina aufertur: senes donec sudent: sed Calenderini tantum, ut ne in stomacho quidem respirandi locus relinquatur, neminique in mensa buccella remaneat.*

Cuti-

Cuticulam saginans duas noctes non dormit;

Unam, ex stomachi oppletione & gravitate, alteram, ex animi, de novo victu quaerendo, solitudine.

Consil: *Cum mulierculis consilium captare, stolidum est. Prodigisque liberalem se præbere, nefas.*

Vili si multa præstiteris, eumque evexeris;
Tua potentia (eVectus) scelera admittit, te socio.

Monit: *Quicumque inimicum suum coram se habet,*

Nisi illum interfecerit; sibi ipsi inimicus erit.

Si saxum in manu, serpentisque caput super saxo fuerit;

Nihil in festinanda ipsius cæde, vir ingenio præditus cunctabitur.

*Misereri tigris dentibus acutissimis præditæ;
Oribus est injuriam facere.*

Alii contrarium consultum esse duxerunt dicentes: In interficiendis servis cunctari satius esse: hoc argumento, quia arbitrium semper integrum est, interficias, an absolvas. Sin vero remere (quispiam) peremptus fuerit, fieri potest, ut res aliqua pereat, quæ nullo postea consilio restitui queat.

Perquam facile est, vivum animâ privare:

Interfectum vero vitæ reddere nemo potest.

Judicii lex cunctationem imperat sagittario;

Sagitta enim arcu (semel) emissa,
nunquam redit.

Morale: Sapiens, qui in omnium rerum rudes
inciderit;

Nullum honorem sperare debet.

*Si homo ignarus loquacitate Sapientem supera-
verit; ne id mirum videatur: ille enim saxum est,
quod gemmam frangit.*

Num mirum fuerit, si dulcis lusciniæ cantus
superetur,

A corvo eidem caveæ incluso?

Si artifex à perduto nebulone vexatus fue-
rit;

Ne ideo animo turbetur, mœroremque con-
trahat.

Lapis vilissimæ materiæ etsi vas aureum
comminuat;

Ideo lapis pretio non augetur, neque aurum
minuitur.

Morale: Si oratio viri Sapientis in consortio
perditorum non audiat, noli mirari, suavis
enim panduræ vox tympani strepitu obtundi-
tur. Odor Ambra (suavissimus) alii fœtore
opprimitur.

Ignarus rabula collum superbe extendit,

Cum Sapientem impudentissime proculca-
verit.

An nescis tonum Hoschasium? (suavissi-
mum,)

Obrui strepitu tympani acriter percussi?

Gemma etsi in sordes inciderit; (semper ut
fuit,) præclara manet: pulvis vero etsi ad cœ-
lum tollatur; abjectus esse, ut fuit, tamen non
definit.

definit. Præclaras ingenii dotes, iusta institutione desitui, miserum est: Instructio vero in hominem ineptum collata, vana est. Cinis etsi forte originem habeat illustrem, ignis enim res est nobilissima; ipse tamen, cum nulla præclarâ virtute polleat, terræ similis est.

Preterea sacchari non est ex arundine; sed ex seipso, ob præclaras suas virtutes. Muscus id est, quod muscum olet: non quod aromatopola dicit. Sapiens similis est patinæ aromatopolæ, (omnibus fructibus aromatibusque pulchre instructæ.) tacitus, virtutes suas exerens; pulchraque facinora edens. Inspiciens tympano magno murmure strepitanti, intus vacuo; foris pelliculis confusio.*

Sapiens inter ignaros,

Similis est, dixere cordati,

Pulchello in medio cæcorum (positos)

(Aut) sacro codici in domo Epicureorum.

Cum Canaan natura fuerit iners,

Genitore vate quod sit ortus, id minimè dignitatem illius adauxit.

Virtutem ostendè, si tu nobilis es;

Nempe rosa ex spina nata est: Abrahamus

Afero ortus.

Monitum: Amicum, quem toto vitæ tempore acquisiverint, non docet, ut uno momento offendant.

Lapis per plurimos annos sit Lali frustillum;

Cave igitur, ne uno momento illud lapide frangas.

Morale: Ingenium in manu affectus ita ca-

ptivum detinetur; ut vir uxorius in manu feminae impotentis.

Latitiae fores illi domui occludas;

In qua audiveris feminae vocem foris resonantem.

Consilium sine potentia fraus est atque dementia:

Potentia sine consilio insipientia & delirium.

Opus enim est primo iudicio, prudentia, consilio; deinde opibus:

Opes enim atque potentia insipienti sunt arma, quibus ille seipsum oppugnat.

Liberalis, qui dederit & comederit, praestat religioso;

Qui jejunaverit, & reposuerit.

Quicumque delicias fugit, ut mortalibus gravior esset,

Is concessas delicias fugiendo, in inconcessas ruit.

Religiosus, qui Dei amore in angulo quodam non confederit,

Miser in speculo & tenebris quidnam viderit?

Pauxillum pauxillo junctum, fuerit plurimum.

Granum grano additum, acervus in granario fiet.

Morale: *Sapientem non decet, scurrilitatem & levitia facta nescii plebeji, mansuetudine praeterire: utriusque enim inde damnum nascitur. Sapientis autoritas minuitur; nescii vero inscitia confirmatur.*

Si

Si vilem benignis comibusque verbis tractaveris ;

Superbia & pertinacia ipsius invalescunt.

Morale : *Scelera à quocunque patrata fuerint , detestabilia sunt. Si vero à Sapientibus patrentur ; etiam detestabiliora : quia scientia telum est , ad debellandum diabolum : atque si virum , telis (bene) armatum , in servitutem abripuerint , majori opprobrio is dignus est.*

Imperitus plebejus , moribus dissolutus ,

Præstat Sapienti , ad Catonis normam non viventi :

Quia ille cæcitate viam perdidit ;

Hic vero utroque oculo videns in puteum ruit.

Morale : Cujuscunque vivi panem non comederint ; mortui illius nomen non celebraverint. Uvæ guttum (paupercula) vidua novit , non ipse dominus fructuum. Josephus justissimus , pax sit super ipso , sicco anno in Ægypto ipse ad satietatem non comedebat , ne esurientium oblivisceretur.

Qui (semper) in rerum omnium affluentia & deliciis vixit ,

Ille quid novit ; quis sit esurientis status ?

Miserorum conditionem ipse noverit ,

Qui ipse miser fuerit.

O tu , qui celeri equo veheris , ad animum revoca ,

Egeni asinum , spinas portantem , in aqua & cœno hærete.

Ignem ex domo egeni pauperis petere noli :

Quia vapor ille , qui in ædibus * ejus versatur ,

tur, fumus cordis est (& ardentissima suspiria.)

• **Monitum :** Pauperem debilem sterili fictoque anno noli rogare : Quomodo vales ? nisi ea lege, ut vulneri ipsius unguentum illinas, ipsique necessaria præstes.

Animum si videris clitellis oneratum, in luto hærentem, (nec enim juvare possis,)

Animo ipsius miserearis ; sed ne ad eum accedas.

Si vero eo procedens eum rogaveris, quomodo ceciderit ;

Tum vestitum succingas : ut virum decet, prensaque asini caudâ, eum luto extrahas.

Duo in rerum natura nequeunt fieri, plura comedere, quam benignitas divina concesserit : & mori, antequam destinatum tempus adfuerit.

Fatum non mutatur, * etsi mille gemitus & suspiria,

Laudans vel queribundas quis ore effundat.

Angelus præfectus est venti thesauris ;

Quid vero moratur si circa lampadem pyralis moriatur ?

O tu, qui opes quæris, confide, ut comedas :

Tu vero, quem fata petunt, fugere noli ;
quia animam non liberas.

Opes sacro studio sive quænaveris, sive non quænaveris ;

Largitur eas Deus optimus maximus.

Si

Si vero fueris in ore leonis & tigris ;

Non te voraverint, nisi fatalis adlit hora.

Illud, quod (divino munere) non fuerit assignatum, manus non contingit: assignatum vero, ubicunque locorum fuerit, (cuique) pertingit.

Audivistine Alexandrum usque ad Cymenias tenebras ivisse,

Multis molestius, vitæ aquam tamen non hausisse :

Monitum : Piscator sine fatali felicitate piscem unum non ceperit : neque piscis sine fato vel in ipso sicco morietur.

Miser avarus totum terrarum orbem percurrit,

Ipsæ (sacro studio) sectatur opes, fatum vero à tergo sectatur ipsum.

Monitum : Dives moribus corruptus, auri est cæspes & manus : pauper vero, pietate præditus, ipsa pulchritudo est luto respersa: hic lacerata Moïsis toga, ille vero coronati Pharaonis ulcus est.

Paupertas bonorum animum in læticia conservat : opulentia malorum caput intra thoracem deprimit.

Notum sit tibi, quicunque dignitatem potentiamque habet,

Et tristes oppressosque animos non visitaverit ;

Illi indicato, ipsum nullam potentiam dignitatemque

In (cœlesti) palatio inventurum.

Morale : *Invidus in divinam benevolentiam libera-*

beralitateque avarus est, innocentique homini hostis.

Homuncionem * sicco cerebro præditum vidi;

Qui viri dignitate præditi vitia perstringebat.

Dixi homini: Si tu, Domine; mala sorte vexaris;

Vir ille bonæ fortis quid criminis habet?

Tu itaque invido supplicium ne votis accelleres:

Quia ob sortem illam malam ipse in supplicio vivit.

Quid itaque urget, ut tu illum hostiliter infestes,

Cum ipse (perpetuo) ejusmodi hostem à tergo habeat?

Monitum: Invitus discipulus, amator est sine auro. Peregrinator sine scientia; avis sine alis. Sapiens sine bonis operibus, arbor sine fructu. Religiosus sine doctrina, domus sine foribus.

Monitum: Hunc in finem cælo demissus est Coranus, ut scilicet mortales bonos mores discant; non vero ut ipsi Coranum splendide depingant: Religiosus indoctus, pedes est progrediens. Sapiens otiosus, eques est dormiens. Peccator, qui manum (supplicem) tollit, melior est (Religioso) Numinis cultore, qui caput extollit.

Prætor moribus benignus, ingenioque comis.

Præstat juridico mortales perstringenti.

Moni-

Monitum : *Sapiens sine (bono) opere , apis est sine melle.*

Superbæ ignavæque dicas api :

Mel cum non faciat , pungere quoque designat.

Monitum : *Vir sine humanitate femina est : Religiosus avarus ; prædo.*

Heus tu , qui magno religionis studio vestem tuam dealbasti ,

Ut vulgo pius esse videaris ; hoc ipso nomen tuum denigrasti :

Manus brevis & retracta esse debet à mundo ;

Ora vestis lata , an angusta sit , nihil refert.

Monitum : Duo hominum genera dolorem ex animo nunquam delent ; neque luctus pedem ex luto extrahunt : Mercator , qui navim fregit : & (opimus) hæres , qui cum Calendriis familiariter vixit.

Monitum : Toga regia etsi sit magnifica ; pan-nosa tamen propria veilis , magnificentior est. Epulæ magnatis quamvis sint suaves ; proprii tamen paupis frustillum multo suavius est.

Acetum ex manu proprii laboris & Carthamus

Melior est donatio magnatis pane.

Monitum : Rectæ rationi contrarium est , atque cordatorum consilio adversatur : *Medicamentum sumere anceps : atque iter ignotum sine comitatu ingredi.*

Monit : Muhammedem filium Muhammedis , Gasalensem * Antistitem sacrorum illustrem rogarunt : Hoc scientiarum fastigium
qua

qua ratione contigisti? Respondit ille: *Quæ nescivi, me rogare non puduit.*

Valeitudinis spes tum temporis homini iudicio prædito apparet;

Cum arteriæ pulsum medico, naturæ perito explorandum præbuerit.

Roga, quæ nescis: quia vilitas rogandi,

Dux & via tibi fuerit ad maiestatem scientiæ.

Monitum: *Quicquid noveris, tibi certo per se notum fore; illud rogare ne festina; quia auctoritatis fastigio damnum infertur.*

Cum Locmannus videret in manu Davidis

Ferrum singulari portento liquefcere;

Non rogavit illum: Quid facis? quia norat,

Non roganti id notum fore.

Monitum: Unum ex humanæ societatis requisitis hoc est, ut vel propriam domum & familiam cures: vel ad Dei domum sive ptochodochium te conferas.

Historiam pro ingenio & captu auditoris narra;

Si sciveris illum te amore prosequi.

Quicumque ingenio præditus, amoris infantiâ fuerit correptus;

Nil præter historiam vultus (pulcherrimæ) Leilæ loquitur.

Monitum: *Qui consortium habet cum malis, est ipsorum ingenium ipsum non corruperit; ipsorum tamen consortio corruptus audiet: perinde ut quis*

quis tabernas frequentans, non (ibi) preces facere; sed vinum potare dicitur.

Teipsum inscitiae damnasti;

Qui inscium tuo consortio allegisti.

A viro quodam Sapiente unum petii consilium:

Mihi respondit ille: Ne rudi te socium jungas:

Nam si iudicio praeclitus fueris, asinus fies:

Si imperitus sis, stupidior evades.

Monitum: Mansuetudo cameli, ut notum, est tanta, ut si infans quidam habenas ipsiusprehendat, & centum * parasangas ducat; col- lum ipsius obsequium non detrectet. Si vero via adsit ardua, cuius praecipitio mors certissima adsit, eumque infans imprudens eo deducere velit; habenas manui ipsius eripit, nec porro illi obsequitur: Quia tempore severitatem flagitante mansuetudo improbanda est. Vetus dictum est: Hostis benevolentiam amicus non fit: sed plura expetit pra avaritia.

Quicumque tibi benefecerit; tu illi obnoxius esto.

Si vero obnitatur tibi; tu duos illius oculos humo oppleto.

Verbum benevole atque benigne moribus praefracto ne dicito:

Ferrum enim ærugine exesum non molli lima politur.

Monitum: *Quicumque aliorum sermonem interpellat, ut suam scientiam alii noscant; dubio procul inscitiae illius magnitudinem cognoverint.*

Gravium virorum sententia sic habet:

Vir

Vir ingenio præditus non responderit ;
Nisi alii ipsum rogaverint.

Etli quidem vera & temperata illius fuerit oratio ;

Alii tamen, intempestivum ejus loquendi studium, mendaciorum monitrum appellant.

Monitum ? Ulcus aliquod intra vestes meas habebam ; venerabilis senex quotidie rogabat : Quomodo vales ? Nunquam rogabat : Ubinam est ulcus tuum ? Illud modeste subterfugiens , qui sciret ; Cujuslibet membri commemorationem non esse honestam. Sapientes enim dixerunt :

Qui orationem non ponderat, responso offenditur.

Nisi probe sciveris, verbum aptissime esse dictum ;

Decet, ne verbum dicturus os aperias.

Nam si verum dixeris, & in vinculis maneat ;

Præstat illud, quam si te mendacio vinculis exemeris.

Monitum : Mendacium dicere simile est vulneri inflicto : vulnus etsi quidem coiverit ; vestigium tamen relinquit. Perinde ut fratres Josephi, cum jam mendacio essent notabiles, ipsorum veritati nec habita fuit fides. Altissimus enim Deus dixit : sed affectus vestri vos seduxerint.

Cui mos fuerit verum dicere,

Etsi semel peccaverit ; connivere fas erit.

Si vero mendacitate aliquis fuerit infamis ;

Etsi

Et si verum dixerit : tu tamen mendacium dixisse censes.

Jucun : Creaturarium præstantissima, ut palam liquet, homo est; vilissima canis : Sapientum tamen judicio ; Canis fas agnoscens homini ingrato præstat.

Canis acceptæ unius buccellæ memoriam Non exuit, et si centies saxi petitem abegeris, (semper tamen redit.)

Si vero semel demulseris hominem vilem ; Levissimæ rei causa contra te bellum sumit.

Jucun : Quicumque cuticulam curat, ab eo virtus & artificium non est expectandum. Atque ut virtutis expertis aliis præsit, indignum est.

Noli misereri bovis multum edentis ; Multum enim dormit, qui multum comedit.

Si necessaria tibi est bovis pinguedo ; Asini instar corpus aliis vexandum dabis.

Morale : In Evangelio dicitur : ô hominis fili ! Opes & potentiam si tibi largiar ; à me declinans omne studium, omnemque curam in opes potentiamque convertis : si te pauperem faciam, mæstus curisque anxius languescis : ubinam igitur mei nominis dulcedinem inveneris ? & quandoquam cultum meum maturaveris ?

Modo enim opibus præditus, tumidus es atque ingratus ;

Modo in fortunæ angustiis mæstus atque afflictus.

Quandoquidem igitur rebus felicibus infelicitatibusque hic tuus est status ;

Nescio

Nescio equidem, quandonam tuâ sponte
Deo sis vacaturus.

Exempl: *Divina illa & incomparabilis volun-
tas alium regni fastigio movet, alium vero in piscis
visceribus incolumem præstat.*

Felicia ille habet tempora, qui tui semper
memoriam colit;

Etsi ipse in piscis detineatur visceribus, per-
inde ut Jonas.

Si furoris gladium strinxerit Deus, vates, san-
ctusque (trepidi) caput contrahunt. Si vero
benevolentia* suæ levissimum signum dede-
rit; improbos probis æquaverit.

Si Deus in extremo iudicio ex severitate
egerit;

Ne ipsis quidem vatibus veniæ locus erit.

Quicumque in hoc mundo afflictus, pietatis
viam ingressus non fuerit; æternis tandem
torquebitur cruciatibus. Deus enim altissi-
mus ita ait: Nos ipsis certo delibanda damus
leviora illa supplicia, antequam graviora sup-
plicia subeant.

Magnorum virorum prima correptio moni-
tio est, altera vinculum:

Si, dum monent, non obtemperaveris,
tandem vincula injiciunt.

*Felices ex majorum historiis exemplisque docu-
mentum prius sumunt, quam ut posteri sua olim
exempla circumferant.*

Nequaquam avicula circuiverit granum;

Si aliam avem in laqueo pendentem vide-
rit:

Tu ex aliorum damnis exemplum capito;

Ne

Ne alii ex te exemplum sumant.

Monitum : Ille, cujus voluntatis aurem con-
diderunt surdam, qui faciat, ut vadat? Ille ve-
ro, quem felicitatis cingulo traxerunt, qui fa-
ciat, ut non vadat?

Nox nubibus obducta amicis Dei

Fulget perinde ut splendidissimus dies.

Atque hæc felicitas lacertorum robore non
contingit;

Nisi munificentissimus ille Deus eam do-
naverit.

Cuinam, nisi tibi, exponam animi dolo-
res? præter te enim iudex est nullus;

Atque tua etiam manu nulla est cellior.

Ille, cui tu te ducem prætiteris, non pe-
rit :

Illi vero, quem tu perdideris, dux nemo
erit.

Exempl : Mendicus, cujus extrema sunt fe-
licia, præstat regi, cujus extrema sunt infeli-
cia.

Mœstitia, quam ante gaudium habes,

Præstat gaudio, post quod mœstitiam ha-
bes.

Morale : Terræ pluviam suppeditat cœlum :
cœlum vero à terra pulverem accipit. Quod-
libet vas eo, quod continet, turgescit atque
redundat.

Si mores mei tibi visi fuerint indigni;

Tu ideo mores tuos bonos amittere noli.

Deus Altissimus (scelera) aspicit, & tegit vi-
cinus vero nihil videt; & tamen (nihil, nisi
alienos nævos) crepat.

Vers :

Nescio equidem, quandonam tuâ sponte
Deo sis vacaturus.

Exempl: *Divina illa & incomparabilis voluntas alium regni fastigio movet, alium vero in piscis visceribus incolumem præstat.*

Felicia ille habet tempora, qui tui semper
memoriam colit;

Et si ipse in piscis detineatur visceribus, perinde ut Jonas.

Si furoris gladium strinxerit Deus, vates, sanctique (trepidi) caput contrahunt. Si vero benevolentia * suæ levissimum signum dedit; improbos probis æquaverit.

Si Deus in extremo iudicio ex severitate egerit;

Ne ipsis quidem vatibus veniæ locus erit.

Quicumque in hoc mundo afflictus, pietatis viam ingressus non fuerit; æternis tandem torquebitur cruciatibus. Deus enim altissimus ita ait: Nos ipsis certo delibanda damus leviora illa supplicia, antequam graviora supplicia subeant.

Magnorum virorum prima correptio monitio est, altera vinculum:

Si, dum monent, non obtemperaveris, tandem vincula injiciunt.

Felices ex majorum historiis exemplisque documentum prius sumunt, quam ut posteris sua olim exempla circumferant.

Nequaquam avicula circuiverit granum;

Si aliam avem in laqueo pendentem viderit:

Tu ex aliorum damnis exemplum capito;

Ne

Ne alii ex te exemplum sumant.

Monitum : Ille, cujus voluntatis aurem condiderunt surdam, qui faciat, ut vadat ? Ille vero, quem felicitatis cingulo traxerunt, qui faciat, ut non vadat ?

Nox nubibus obducta amicis Dei

Fulget perinde ut splendidissimus dies.

Atque hæc felicitas lacertorum robore non contingit ;

Nisi munificentissimus ille Deus eam donaverit.

Cuinam, nisi tibi, exponam animi dolores ? præter te enim iudex est nullus ;

Atque tua etiam manu nulla est cellior.

Ille, cui tu te ducem prætiteris, non perit :

Illi vero, quem tu perdideris, dux nemo erit.

Exempl : Mendicus, cujus extrema sunt felicia, præstat regi, cujus extrema sunt infelicia.

Mœstitia, quam ante gaudium habes,

Præstat gaudio, post quod mœstitiam habes.

Morale : Terræ pluviam suppeditat cœlum : cœlum vero à terra pulverem accipit. Quodlibet vas eo, quod continet, turgescit atque redundat.

Si mores mei tibi visi fuerint indigni ;

Tu ideo mores tuos bonos amittere noli.

Deus Altissimus (seclera) aspicit, & tegit ; vicinus vero nihil videt ; & tamen (nihil, nisi alienos nævos) crepat.

Vers :

Verf: *Bone Deus!* si mortales occultorum conscii
essent;

*Nemo suo otio fruens, ab alterius (linguae
&c.) manu respirare posset.*

*Aurum ex terrae visceribus, terram fodiendo,
provenit: ex manu vero avari, fodiendo animam
ipsius, eruitur.*

*Viles non fruuntur; sed magnâ curâ custo-
diunt:*

*Absumendi spes; ajunt, præstat rei absum-
tæ.*

*Quodam die vides; ex lententiâ inimici,
Aurum illius relictum, ipsum vero miserum
obiisse.*

*Monitum: Quicumque minorum non misereatur,
exagitationi majorum subjicitur.*

*Non qui vis lacertus robore pollens,
Fortitudine miserorum manum frangit.*

*Debilium animum injuriâ, aut damno ne-
uras:*

Quia potentioris injuriæ succumbes.

*Monitum: Sapiens si in medio, discordiarum
incendium tumescere viderit, (inde sese) præripit:
Si vero pacem viderit; anchoram jacet. Illic enim
salus est in litore: hic vero deliciæ sunt in medio.*

*Aleam ludenti ter sex jecit, opus erat: ve-
rum enimvero (vix) ter unum cecidit.*

*Millies pratum gratius fuerit hyppodromo;
Sed equus suas habenas minime regit.*

*Supplicatio: Religiosus quidam ardentissimis
precibus ita ingemiscebat: O Domine! miserere
malorum: bonorum enim jam ipse es miseratus,
dum eos bonos creasti.*

Mo ni-

Monitum : Qui omnium primus notam^{*} vestī, atque annulum manūi induxit, Schim-
schidus^{*} fuit. Quem hunc in modum roga-
runt : Quare omnem ornatum atque decus si-
niſtræ contulisti, cum dextræ manus dignitas
illud sibi jure vindicare videatur ? Respondit
ille : *Dextræ manui summum decus ipsa dexteri-
tas est.*

Feridunus imperavit phrygionibus Sinenſi-
bus,

Ut tentorii sui ambitum his vocibus exor-
narent :

Malos bene habe, ô vir ingenio pollens :

Boni enim per se magni sunt atque felices.

Morale : Magnatem quendam rogarunt, di-
centes : Tantâ virtute cum manus dextra præ-
ſtet ; annulo lævâ quorsum exornant ? Re-
spondit ille : *An nescis, viros virtute præſtantes
semper negligi ?*

Ille, qui sortem condidit, opesque creavit ;

Dat aut virtutem, aut fortunam.

Morale ; *Illi datum est Reges monere, qui capi-
tis periculum non vereatur, nec auri studio & spe
laboret.*

Ante pedes Deum vere noscentis aurum
profuderis ;

An Indicum acinacem capiti illius impo-
ſueris, (nihil interest.)

Ille nec spem, neque metum ullius habet :

In qua re veræ pietatis fundamentum uni-
cè consistit.

Regis est, iniquos coercere : Liſtoris, homi-
cidas plectere. Judicis, litigantium crumeni-

secarum lites dirimere. Neutiquam duo adversarii, juris divini & æquitatis memores, ad judicem adierint.

Si debitum aperte sciveris esse solvendum;
Bona cum gratia itaque exsolvere præstat,
quantum cum jurgiis & animi commotione.

Censum si quis bono animo non solverit;
Imperiose illi abstulerit (prætor) vel prætoris affecla.

Omnium dentes obtunduntur acore; Judicis verò dulcedine.

Judex qui munus quinque cucumerum acceperit;

In tui gratiam tibi decem peponum solum adjudicaverit.

Decrepita meretrix à stupris quomodo non respiscat; atque prætor munere suo dejectus, à mortalium vexatione quomodo non delistat?

Juvenis anguli latebras colens, leonis instar, divinis vestigiis insistit.

Decrepitus enim per se angulo suo moveri nequit.

Generoso opus est juvene, qui libidinis abstineat irritamentis!

Senis enim, libidine languescente, ipsum membrum per se non surgit.

Sapientem quendam rogarunt: Inter tot præclaras arbores, quas altissimus Deus creavit proceras & fructiferas, nullam præter Cypressam appellant liberam, quæ nullos tamen fructus edit: illud quodnam naturæ arcanum est?

est: Respondit sapiens: Quævis arbor assignatos sibi edit fructus, & præfixo quidem tempore: Quibus si modo instructa fuerit, recens est & juvenescit: iis rursus destituta languescit & moritur. Cui rei obnoxia minime est Cupressus, quæ tamen semper recens virescit: quæ vera hominum liberorum facies atque descriptio est.

Rei fluxæ animum ne applicato; quia Tigris multum temporis etiam

Post Imperatores (suos defunctos) Babylo-
nem perfluet.

Si potes, Palmæ * instar liberalis esto;

Sin minus, Cupressi instar liber esto.

Duo obierunt, atque animi dolorem (secum) abitulerunt. Alter, qui opibus valuit; nec iis frui (per avaritiæ vitium) potuit. Alter, qui scientiam habuit; nec eam bonis operibus asseruit.

Nemo aspexerit sapientem avarum,

Quin grave illius vitium perstringat.

Sed liberalis etsi ducenta crimina admit-
tat;

Ipsius tamen liberalitas omnia vitia tegit.

LIBRI CONCLUSIO.

AD finem perductus est ROSARIi Li-
ber, Numine feliciter aspirante: In hoc opere toto, prout scriptorum mos est, ex antiquorum Carminibus nihil aliunde depromptum insertum fuit.

Obsoletam propriam togam refarcire satius
M 2 est,

est, quam vestem (novam) aliunde mutuat petere.

Pleraque Sadi dicta suas animum mire oblectantes Veneres habent, adnixtisque suavitatibus pollent; illi vero, qui obtusa mentis acie, præcipiti iudicio fervent, audaci lingua hanc ipsam ob causam calumnias illi ita intendunt: Ingenii succum inutiliter impendere, (nocturnæque) lucernæ fumum temere devorare prudentum haud est. Verum enimvero cordatos, illustri iudicio præditos, ad quos hæc mea Oratio dirigitur, minime latet, uniones morales, bonis consiliis illustres, hoc eloquentiæ filo esse confertos, & amaram Disciplinae medicinam suavissimi mellis dulcedine temperatam, ne scilicet Lectoris ingenium tædio affectum, oblata bonorum consiliorum maiestate frustretur.

Nos bona consilia suo loco dedimus,
Et bonam vitæ partem huic (operi) impendimus:

Si quis ea pronis auribus non admiserit;
Vates officium fecit, * si monuit.

Tu vero, qui librum hunc inspicias, Dei misericordiam ora


Autori, & criminum remissionem exscriptori.

Ora tibi ipsi quoque bona, quæ desideras:
Postremo libri possessori divinam gratiam.

Finitus est liber ope REGIS omnium bonorum datoris.

F I N I S.

GEORGII GENTII
 A D
 ROSARIUM POL:
 BREVES NOTÆ
 ILLUSTRANDO AUTORI
 NECESSARIÆ.

Pag. 3. ^a  *S*piritus hic aer est, quem naturæ imperio vel inviti in viscera attrahimus, moxque reddimus. Attractus vitam producit; qui, simul ac incaluerit, redditus mire corpus reficit. Quæ duo immensa, in uno halitu sunt beneficia; alterutrum si negetur, homo certo pereat, necesse est.

Pag. 3. ^b *Cortinam honoris servorum ob turpe flagitium non rumpit.*] Occulta scilicet mortaliū flagitia, eos ludibrio expositurus, minime retegīt Deus.

Pag. 4. ^c *Ignicola*] Persis Cheber, Arabibus Meschusi, à voce Meschus appellatur: Est autem Meschus ipsis Arabibus idem ille, quem Græci Magum vocant: qui illis gentibus vates longe antiquissimus, primus Numinis arcana revelasse dicitur, ignis, que cultum Orienti induxit, cujus sacra in Perside, Chaldæa, fuere celeberrima, ignem per quater mille annos continuum foverunt, qui tandem ab Omero, tertio Muhammedis successore, Perside subacta, extinctus fuit: à cujus ignis vehe-

mentia, etiam morbus quidam ardentissimus; Perlici ignis nomen sortitus est.

Pag. 4. d Stratori Subsolano dixit:] Subsolanum ventum *stratorem* appellat; quia per Orientem aulæis, plerumque viridibus, ædes suas consternunt, & illum, qui ea sternit, *ferasch stratorem* vocant; eodem nomine subsolanum, verno æquinoctio spirantem, quo totum terrarum orbem virescentibus herbis, veluti insigni aliquo aulæo, obducit, vocare auctori placuit.

4. e Vt Smaragdinum lectum sterneret,] Smaragdinus est color viridis, à viridi smaragdi gemma multis virtutibus præstante: Nam si quis medicato potu, aut venenati animalis ictu, corruptus, duorum hordei granorum pulverem hauserit, periculum evadit. Eadem serpentes, scorpionesque fugat: alias multas hujus gemmæ dotes brevitatis studio præterimus.

4. f Nutrici vernæ nubi imperavit.] Verna nubes nutrici comparatur, quia uti hæc infantes lactis, ita illa pluvie beneficio nutrire solet.

4. g Vt herbas filias in terræ incunabulis educaret:] Filie vocantur Fossilia, Animalia, & Herbe. *Incunabula* terra, utpote in cujus gremio omnia recumbunt; Matres sunt quatuor elementa: pater vero suprema cœlorum fides, ut quæ suo calore matres fovent atque fecundant, ut tantos & tam varios filios producere possint.

4. h Arbores æquinoctiali habitu, viridiorum toga circumquaque amicit.] Jam inde
à tem-

à tempore Persarum Regis Schelal Eddin, filii Ulpii Arslani in Perside mos obtinet, ut statis æquinoctio verno novi anni auspiciis, Reges proceribus regni, patres familiarum domesticis suis, novas splendidasque togas, quisque pro modo facultatum conferant. Hinc æquinoctialem diem, quo Sol Arietem ingreditur, Neurus, *Novum diem* appellant, unde novi anni auspicia sumunt, qui dies totius anni omnium festorum est celeberrimus, ubi omnes novi anni auspiciis novis vestibus induti, cum ipsa terra, arboribusque, novâ virescentique herbarum & foliorum togâ obductis, novo splendore & incredibili celeberrimi hujus festi lætitia certare, vernare & ridere videntur: æquinoctium autumnale, cum Sol libram ingreditur, Mihirfchan appellatur.

Succus arundinis illius potentia saccharum factum est præstantissimum.] Itte locus alia pariter ratione, nec dispari autoris studio & mente, non minori saltem lectoris cum admiratione accipi potest in hunc modum: Vox Nai significat arundinem, & ob formæ similitudinem quoque gulam, quam Arabes Halcum vocant: & Schahdon, inusitatus Schuhdon, proprie mel una cum favis suis ab apibus productum notat: si itaque per Nai arundinem capiamus, tum per Schahdon metaphorice saccharum intelligitur: si vero gulam intelligamus per Nai, tum altera vox propriam significationem tenet, & sensus talis emergit non minus admirabilis; *Succus gulae (scilicet apis,) illius potentia, factum est mel præstantissimum.*

Pag. 4. i Et signiferi] (scilicet Muhammedis.) Quia gens illa, quæ Muhammedem sequitur, tergum illius nativo quodam signo notatum fuisse credit: Tradunt quoque scriptores ipsorum, qui res Muhammedis ambitiose extollunt, Buheiram Damascenum monachum, Muhammedem puerum cum patruo suo Abutalibo illuc venientem, hospitio excepisse: & cum omnia futuri vatis signa in illo deprehendisset, atque patruo ipsius, illum Dei vatem esse, indicasset, tandem Muhammedem exorasse, ut sibi resecto scapularum interstitio, nativam & plane prodigiosam notam illam, qua verus vates esse argueretur, ostendere vellet, quam ipse cum aspexisset, plenam illi tantquam vero vati à Deo misso, fidem habuisse dicitur. Alii vero notam illam in fronte ipsius collocant, cum in ea sapientiæ divinæ indicia eluxisse tradunt.

Pag. 5. k Assidui templi Majestatis illius cultores.] Summum Muhammedanæ religionis fanum Meccæ est, in quo plurimi assiduo vanæ superstitionis suæ studio Deum colunt: multi etiam recti & religiosi cultus opinione, & sacerrimi loci amore, totam vitam suis facris ibidem ultro promptissime impendunt. Loci religionem, & prima templi olim illic constructi fundamenta, ad Patriarcham Abrahamum referunt.

*Rag. 6. l Cordatorum quidam divina contempla-
turus, capite in togam demisso, oraculorum pela-
go immerfus erat.]* Per cordatorum quendam ipse hujus libri autor Sadus intelligendus est, qui

qui ad evitandam ambitionis & gloriæ calumniam, seipsum sub incerti nominis specie, modestiæ ergo sapientibus tamen satis prodidit. Per cordatos intellige viros vitæ probitate, cæteris virtutibus, integra & amica cum mortalibus conversatione insigniores, præsertim vero illos, qui contemptis hujus mundi opibus, pietatis & divinæ contemplationis studio, suæ vitæ, temporisque impendia faciunt, ipse scilicet religiosorum flos, qui per Orientem divina contemplaturus, ut mentis vela alto contemplationis pelago committit, ita capite in togam demerso, genibusque subnixo sedere & meditari divina solet.

Pag. 6. Ex horto illo, in quo fuisti, nobis quid grati muneris tulisti?] Hortus ille est amplissimus & fragrantissimus divinæ contemplationis campus, in quo inter varias Majestatis divinæ delicias & flores humanæ mentis oculus ita affici & abripi solet, quemadmodum corpus nostrum terrestribus his hortorum voluptatibus recreatur.

Pag. 6. m Mihi quidem consilium erat, rosarum fruticem cum contigero, sinum rosei implebo.] Rosarum frutex est ipsa divina Majestas, ipsius oracula, & revelationes, quarum fragrantia mens humana satiari atque expleri potest.

Pag. 6. n O lusciniæ verum amorem ex pyralide discas.] Hoc tacitum est responsum amico petenti, ut sibi Majestatis divinæ arcana, & revelationis illius usuram revelet, quasi dicat: sed ô lusciniæ! quæ cognitionis divinæ fastu

superba, post mediam etiam noctem magno strepitu & clangore divinas laudes decantas, ejusque notitiam pleno ore quasi ebuccinas, tu minime Deum vere amas, quia voce altâ, id est, compositis arte verbis, Dei notitiam & amorem jactas, reapse & factis haudquam approbas: nam si tibi moriendum esset amore illius, quem amare tantopere cantas, fugeres: Igitur rejectis verborum & gloriæ lenociniis, verum amorem ex pyralide discas, quæ lucis amore sine cantu & strepitu seipsam in facis flammam præcipitat, sine murmure exurit, & mero lucis amore perit.

Pag. 6. ° Ostentatores isti in flagrantissimo illius desiderio, sunt sine notitia.] Ostentatores isti, qui inanibus ampullationibus divinæ Majestatis notitiam & amorem sibi ambitiose arrogant, serio ineptiunt: qui enim illius notitiæ & amoris usuram habet; ille ejusmodi arcanum nemini vulgat.

Pag. 6. ° Confessus est finitus, metam tetigit: vita.] In Oriente quando colloquia instituuntur, accumbere solent: ideoque hic accubitus pro differtatione de cognitione Dei, & essentia ejus divina sumitur.

Pag. 7. ° Oraculorum illius calamus sacchari instar mortales in deliciis habent.] Illius, scilicet autoris Sadi, de cujus vita & moribus satius est tacere, quam paucâ dicere: hoc unum obiter dicam, longinquæ & variæ peregrinationis laude virum esse notabilem, quadraginta enim annos, doctos viros per orbem quærendo, ipforum consortio & variæ doctrinæ studio

dio impendit, præterea quoque vitæ longæ gloria fuisse inſignem, quidam centum viginti, alii centum, alii centum duos annos viſſe tradunt: centenarium ſuperſaſſe conſentiunt omnes. Obiit anno à fuga Muhammedis ſexcenteſimo nonageſimo primo.

Pag. 7. [Chartas dictorum illius, perinde ut aureas literas circumferunt.] Aureæ literæ ſunt in Perſide illæ, quibus aurum acquiritur: nam mos illic obtinet, ut Reges, quibus benefacere volunt, iis literas aureas vel auri, ut dicunt, in provinciam aliquam, urbem, aut pagum largiantur, quibus provinciæ præſecto traditis, ille ſingulis familiis, officiis, certam pecuniæ ſummam imperat, quam collectam Regis nomine literarum latroni confert; qui mos etiamnum per Perſidem viget.

Pag. 7. [Successori Salomonis:] Autor Regem ſuum Salomonis ſucceſſorem vocat, quia Schiras ſive Cyropolis, Salomonis quoque regia fuiſſe, illis gentibus traditur & creditur: & cum Rex Muſaffer Eddin Abubekerus eandem regiam poſt tot ſecula quoque coleret, ſucceſſorem Salomonis antori appellare lubuit; Eſt autem Schiras, urbs Perſidos longè jucundiſſima, vix ulla ſit in ea domus, quæ ſuis hortorum & aquarum deliciis careat, amœnitatibus non alliciat, item ampliſſima, populo & mercatoribus frequentiſſima, patria noſtri autoris Sadi, & aliorum præſtantium ingeniorum genitrix foecundiſſima, poſita cœlo & ſolo clementiſſimo, longitudine ſeptuaginta trium graduum, triginta quinque minu-

torum; latitudine viginti novem graduum, & triginta sex minutorum: inde Spahanam, nunc Persidos regiam, patet iter septuaginta duarum parasangarum, ipsa est, quæ cum Hura Indiæ urbe potissimum celebratur, de hac ipsa nostri auctoris patria Persæ ita canunt:

Quid est Cairum? quid Damascus? quid terra? quid ipsum mare?

(Id est, quicquid præter duas illas urbes terra marique urbium præterea extat,)

Omnes (urbes) pagi sunt, & sola Schiras urbs est.

Vocatur autem Schiras, ob similitudinem leonini ingenii, quia Schir leonem significat, & uti leo omnia devorat, sic Schiras omnia, quæ aliunde importantur, absomit. Quod auctor noster hoc loco invidendas Regi suo virtutes adscribit, multis fabulosum & vanum esse videbitur; Sed notandum est, auctoris & Orientalium mentem eam non esse, ut rem ita prorsus sese habere, & ipsi credant, & aliis persuasum velint; verum piæ mentis illud desiderium & votum est; ut Rex, Numine adspirante, ingenti hac laude stimulatus, talibus virtutibus ornatior evadat.

Pag. 7. Umbra summi Numinis in terra.]

Rex vocatur umbra Numinis in terra, hoc scilicet nomine, ut miseri & malorum iniquitate afflicti, ad Regem veluti Numinis umbram refugiant, & latibulum suum ab inimicis quærant, perinde uti viatores æstuante Solis calore fessi, umbræ refrigerium requirere solent.

Rex

Rex umbra Dei est, sub quam refugit, quicunque injuria afficitur.

Pag. 8. *Aliquantum terræ odoriferæ in balneo quodam die pertigit ex manu dilecti in manum meam.*] Per Orientem præsertim Persidem & Turciam certum terræ sive glebæ genus habent, quo terræ visceribus effosso, sineginatis loco in balneis utuntur, imprimis feminæ, quia sordes blandius tollit, & capillos emolliendo splendidiore reddidit, quod rosarum accessu odoratum redditur, atque tum magis afficit, adeo ut in Perside viris quoque in usu esse soleat.

Pag. 8. *Tu muscus es, an Ambra.*] De Ambra origine propter incertam præstantissimi & celeberrimi medicamenti sedem inter naturæ consultos varie disceptatur, & ambitiose quaeritur. Aliqui eam à balænis produci ajunt, quia incredibilis ejus vis in balæna quadam reperta quondam fuit; sed si fides hos suos non destitueret autores, tum ubi maxima balænarum vis & copia est, uberrimus quoque Ambrae proventus esse debebat; hinc Ambra in illa ipsa balæna, non quidem ipsius naturæ munus; sed iniqua alienæ virtutis per absorptionem usura, & stulta inventorum credulitas fuerit; qui suam fortunam & casum, naturam esse temere crediderunt. Alii bovem marinum Ambrae autorem esse tradunt, sed eos pari fortunæ casu, & simili simplicitatis studio abreptos fuisse atque deceptos autumo. Alii insulæ cujuspian glebam totam Ambra esse, aliis joco, an serio persuasum iyerunt. Alii vero
M 7 ipsa

ipsum mare, prout Corallium & alia multa solet, gignere Ambram opinati fuerunt, quia per maris undas eam in littora subinde ejectam viderunt. Sed vera ejus origo idoneis & gravissimis autoribus hæc est: In extremis Africæ limitibus ad Æthiopiam præalti sunt montes & alpes, qui ab incredibili apum frequentia obsidentur, quæ illic mellificant, istud mel una cum favis suis, ob calidam cœli intemperiem, Sole liquescens, in mare tum defluit, tum pluviis, imbris, aliisque tempestatibus abreptum, in mare defertur, cui mare aliam formam atque naturam confert, posteaque perfectius in littora ipsius Arabiæ Felicis rursus ejicit. Ex melle esse confirmant illorum locorum accolæ, odor in nonnullis partibus recens ejectis atque inventis, atque, quod maximum est, ipsi etiam quandoque Ambræ in hærentes apum exuviae.

Pag. 8. Alioquin ego terra sum tantum, quod sum.] Hic autor noster Sadius seipsum modestiæ causa terram appellat, sui nominis gloriam non sibi; sed Regi suo Abubekero, ut odorifero consortio attribuit, utpote à cujus fragrantia ipse odorem, à cujus splendore ipse quoque nominis sui claritatem acquisiverit.

Pag. 9. Discessi propter iniquitatem Turcarum.] Turcæ proprie non sunt gens illa, quæ hodie Græcorum Imperium tenet, ea enim Turcicæ gentis quædam tantum particula est; neque etiam illa est Turcia, quam nos vulgo nunc ita vocamus, quin ipsa gens per se est longe

longè maxima, & amplissimam quoque regionem tenet ultra mare Caspium, quam ipsi proprie Turkistan, id est, Turciam, appellant, sub qua & Chatana & Chytæa comprehenditur, nos sine discrimine per locorum istorum imperitiam, totam illam regionem borealem Scythiam nuncupamus, inde proprie gens ista, quæ nunc Græciæ & Asiæ minori dominatur, primam suam originem traxit, quæ postea ad Muhammedana obsequia à gentilismo suo conversa, primo nomine appellari detrectat, malunt enim audire Muslimani & Romani, quia nomen Turc ipsorum lingua valde ignominiosum, *latronem* denotat: quamvis Turcæ hoc nomen suum colore quodam derivatum, & sibi impositum falsò velint ab Arabico Taraca, deferere, quasi vero gentilismo deserto ad Muhammedanam sectam accesserint: gens aliòquin moribus inculta & fera, atque fœda est, adeo ut ipsum gentis ingenium, ipso quoque nomine vere fuerit expressum: quid enim gravius dici potest, quam si quem latronem appelles. Propter ipsam morum Turcicæ gentis fœditatem, summus quispiam illorum auctor hæc de ipsis pronuntiavit:

Turca etsi sit doctrina summus,

Tamen eum interficere fas est.

Aliòquin in Muhammedanis quoque sacris magnum atque sanctum doctrinæ nomen est, ut qua omnis morum emendetur asperitas: Turcas vero adeo fœdos esse, ut summum doctrina illorum virum interficere liceat, utpote quem Turcam propter innatam ingenii fœditatem,

tatem, doctrina emendare non possit: hinc ipsa Ottomannica familia, quamvis illa ortu Turcica sit, tamen gentem suam ab aulæ suæ ministeriis prorsus removeret; adeo ut neminem gente Turcam, tanquam inutilem, in satellitum suorum numerum & in aulæ ministeria adsciscat: quin omnes isti, parentibus Christianis orti, plerumque in Græcia nati, invitis parentibus impuberes eripiuntur, aut gentium jure bello capti, atque Muhammedanis sacris per ætatem adhuc omnium rerum rudes, partim vi, partim honorum spe, & splendoris specie, initiari, atque ad regios usus magna cura & severitate educari solent, atque hi soli sunt, qui regiis ministeriis digni habeantur: ex quibus postea dignissimi quique ad regni ministeria & provinciarum curas promoventur, inoptiores in equestrem ordinem rejiciuntur.

Cum ista Turcarum gens autoris patriam bello infestaret, autor peregrinationem suscepit, alibi sapientiæ lucem ducemque quærens, tandem Bagdadi magnum virum Schehab Eddinum invenit, cujus sapientiæ radiis longe illustriore valuit, prout ipse de se testatur in altero opere suo, quod Pomarium inscribitur.

Pag. 9. ¶ Quia vidi orbem tumultibus implicatum, capillitis Æthiopum instar.] Capillitium Æthiopum ob ferventissimum cœlum ita deficcatur, ut arctissime complicatum, nullo pectine explicari possit, hinc magna cura crescens barbarum lanugo oleo perungenda & explicanda sæpius, ne convolvatur, & capillitia, ne tædio sint, prorsus raduntur.

Pag. 9.

Pag. 9. ² *Tigresque tigrinos suos mores exuisse.*] Turcæ ab autore lupis & tigribus comparantur ob ferinos suos mores, imo usque adeo gentem illam incultā fuisse, & suo loco etiamnum esse tradunt, ut crudis vescantur carni- bus, nec ullum esse poterit dubium, præsertim cum nullis, tum temporis, humanis, neque divinis regerentur legibus; quia Muhammedem postea in Perside demum amplecti & sequi cœpere.

Pag. 9. *Intra urbem cives erant, ut Angeli, moribus optimi: Extra vero erat exercitus Turcarum leonum instar ferocium.*] scilicet domi & intra urbes aborigines habitabant Persidis incolæ & cives, bonis vitæ moribus excultissimi, adeo ut non homines; sed Angeli esse viderentur. Extra urbes vero, ferox grassabatur hostilis Turcarum exercitus, qui omnia crudelissime depopulabatur, adeo ut ipsi non homines, sed lupi, leones & tigres esse viderentur, feræ humano generi infestissimæ.

Pag. 10. ^a *Saxum habitaculi cordis lacrymarum* ^b *Adamantè perforavi.*] Hic autor anteaetæ juventutis ignaviam ex animo dolet atque deplorat: *lacrymas*, ob splendorem & incomparabilem durissima ingenia commo- vendi vim, adamantini comparat: hic enim uti omnes alias etiam si durissimas forat & frangit gemmas; sic lacrymæ durissimos mitigant animos, qui saxi assimilantur.

Pag. 10. ^c *Discessus tympanum percusserunt:*] tympanum discessus appellatur, immen-
sa

ſæ magnitudinis tympanum, quo per Orientem olim caſtra moturi, pulſato, diſceſſus inculcabitur militi. Viatores quoque eodem modo comitibus ſuis itineris tempus aſſeſſe indicant. Ottomannica familia nunc tubæ uſum quoque habet; hic vero per diſceſſus tympanum, fatalis neceſſitas atque abitus intelligitur.

Pag. 11. d Beatus eſt ille, qui bonitatis palmam reportavit.] autor proprie pilam reportavit dicit quia in Perfide ludum habent, ubi certum campi ſpatium certis limitibus circumſcribunt, tum pila in medio poſita, aliquot equites fuſtibus clavarum in modum incurvis, inſtructi, de pila illa extra limites præſcriptos promovenda accerrime certant, atque ille, qui eam expulerit, reliquos ſuperans, palmam reportavit, & fortitudinis laudem acquiſivit: hîc vero bonitatis nomen & palma intelligitur, prout Arabes dicere ſolent:

Beatus eſt ille, qui mundum deſeruerit, antequam mundus deſerat ipſum:

Et qui ſepulchrum ſuum conſtraverit, antequam illud ingreſſus fuerit.

Pag. 11. e Hec tu, qui manu vacua forum adiſti;

Metuo, ut plenum reſeras ſtrophium.]

Per Orientem forum adeuntes obſonia plerumque ſtrophiolis domum deſerunt, hîc vero per forum, divinum tribunal intelligitur. Atque ſerio monentur illi, qui in hac vita nullas bonorum operum impenſas faciunt, ut bene ſecum diſpiciant, an in futura viſa aliquam felici-

felicitatis usutam sperare possint; quippe auctor nretuit, ne, ut illi, qui sine ære forum frequentant, sine obsonio inanes domum redeunt; sic hi bonorum operum expertes, illic quondam inopes destituantur & miserrime pereant.

Pag. 12. [Ne caput quidem cultus divini gratia genibus innixum extuli:] Uti supra retulimus, Orientales pietatis studio divina contemplaturi, capita sua togis immergunt, iisque genibus suis innixis, cœlestia meditari solent, quod commodius fit, cum tapetibus humi stratis semper sedeant.

Pag. 12. Crastino enim die, cum fati satelles te accesserit,

Invitus linguam contrahes.

Posuit autor diem crastinum, pro instanti mortis tempore; quia quanto magis vitam producimus, tanto propiores morti sumus. Per *fati satellitem*, Angelum Asraelem intelligunt, ut qui illo, scilicet perimendi homines, munere fungatur, quæ Muhammedanorum sententia est.

Pag. 12. 3 Sacramenti quoque, si quod dixerit, piaculum facile est.] Sacramentum Muhammedanis ritibus trium dierum jejunio, aut decem homines cibus explendo, piatur.

Pag. 12. 4 Vi Ali ensis in vagina lateat reconditus.] Ensis iste primum Muhammedis fuit, fuit enim unus ex octo gladiis, quos ipse, præter unum patria hæreditate relictum, omnes vel hostium præliis, vel amicorum munificentia acceperat, quos etiam propriis nominibus distin-

distinxerat, hunc itaque Sulficar appellatum, postea Ali dono dedit, quo ipse Ali postmodum maximas inter hostiles copias longe lateque strages edidit, atque si Ali hunc gladium suum non strinxisset, nunquam tantarum victoriarum, tantæque sibi gloriæ autor fuisset.

Pag. 13. i Primus erat Ardebehishti mensis Schelaliani dies.] In Perside à Regum suorum regno æram olim instituere solebant, qui mos usque ad ultimum Persarum Regum Nuschirvani nepotem, Jisdeschirdum nomine, valuit, ipsius enim tempore, qui anno à Muhammedis fuga undecimo regnare cœpit, subacta per Saracenos Perside, Muhammedis æra inducta fuit, quæ quadringentos sexaginta quatuor annos circiter duravit: quia desiit tempore Regis Schelal Eddini, qui Ulpii Arslani filius fuit, ille vero regnare cœpit anno à Muhammedis fuga quadringentesimo septuagesimo quinto, mensis Ramasani die octavo, cum Sol ipso meridie arietem ingrederetur; tum enim sub ipsis novi regni auspiciis, cum aliqui viri sapientes Regi gratularentur, inter quos Omer Chiamus Astronomus erat, præsentem Rege de æris sermo forte habitus est: Omer Chiamus inquit: Quid necessum est, hanc æram observare, quin priscorum æram secuti, hunc auspicalem novi regni Augustissimi Regis diem æram instituimus: Quæ vox tanquam oraculum ab omnibus pronis auribus atque animis excepta est. Abrogato igitur Jisdeschirdi instituto, primum novi regni diem, venum æquino-

quinoctium inquam, prima novi anni auspicia pariter atque æram constituerunt; hinc est, quod ipsum verni æquinoctii diem, novo nomine Neurus, quasi tu Novum Diem dicas, sua lingua appellaverint: Atque primum mensium mensem Ferurdinum, pari Naturæ atque mortalium amplexu constituerint; hinc fit, ut illum Verni æquinoctii diem, inter festos toto anno omnium celeberrimos habeant, cujus celebritas ipso reguante quōtannis in majus crevit, adeo ut hunc morem Reges ipsius successores secuti ad hunc usque diem observent, atque hæc causa est, quod autor menses illos Schelalianos appellet, ac si nos eos Gregorianos, aut Julianos vocemus. Est autem Ardebehischt mensis anni ab æquinoctio verno secundus, nostro Aprili magna ex parte respondens.

Pag. 14. *⁊ Plejadumque nodulos sive tintinnabula ex arborum fastigiis suspensa.*] Suraja significat Plejades, & cum fructus pari densitate ex arboribus penderent, autor illos Plejadibus comparavit.

Pag. 15. *Vnum atque alterum caput per istos aliquot dies præter spem in chartam conjecta fuerunt.*] Caput scilicet unum de converlandi decoro & elegantia. Alterum vero de colloquendi modestia & civilitate: primum est caput septimum; alterum octavum.

Pag. 16. *Perinde ut domus picturarum Sinenfis.*] In Indiæ limitibus magna quædam urbs Sina appellatur, quæ domum continet amplissimam, ubi insigniores regni illius pictores, præ-

præclara ingenii sui monumenta, omnis generis admirandas imagines, tanquam artis suæ exempla posteritati imitanda, posuerunt.

Pag. 16. m *Effigierumque liber Ersengi*] Erseng est liber effigierum nobilissimus, quem Manus pictor divinus omnis generis imaginibus implevit, hunc egregii pictores, ut certissimum artis suæ ducem sequi solent.

Pag. 18. n *Vultus enim formosus non indiget ornatrice, aut purpurisso.*] Vox Meschate significat feminam, quæ puellas & sponfas exornat, vultus purpurisso & aliis fucis pingit, capillos pendulos egregie pectit, nam à pectere vox ipsa deducitur: quia Muschton pectinem notat: Persæ istiusmodi feminam Sen Pirajez, mulierem ornatricem appellant.

Pag. 18. o *Quod sapientes Indorum magnæ Busurschumhuri virtuti objecerunt.*] Busurschumhur compolita vox est, conflatur ea ex Busurc magnus, & Muhur amor, ac si tu magnum delictum dixeris: nam sapientissimus Rex Nuschirvanus, hoc nomen suo proregi, ob raras ingenii dotes, quas ipse amabat plurimum, proprium imposuit.

Pag. 19. p *Levisque pretii merces Principi tulero:*] Hæc verba desumpta sunt ex ipso Corano, quia fratres Josepho Ægyptiorum Principi munera ferentes, in Corano ita locuti fuisse inducuntur; Sed venimus tenuibus cum munusculis. Besaaton proprie pecuniæ sortem, hic vero merces & munera notat: Mischaton rem vilem & levis pretii.

Pag.

Pag. 19. 9 *Altissimaque turris Elvendi radici adstructa humilis cernitur.*] Mons Elvendus in Provincia Hemedana est positus, cum vero in sua patria sit summus, incolis, altiorem nunquam contemplatis, montium longe omnium altissimus celebratur: alioquin in Asia & Europa montes extant, quorum respectu ipse vix collis aut verrucæ nomen habere possit. Posita est Hemedana longitudine septuaginta quinque graduum, octo minutorum; latitudine triginta sex graduum & triginta duorum minutorum. Hemedana Spahanam usque est iter octoginta parasangarum.

Pag. 20. 1 *Formosus quoque sum, sed non in Cananea,*] Cananæa est Josephi patria, qui corporis pulchritudine reliquos mortales superasse traditur: Autoris vero mens hæc est: *Quamvis ego variæ doctrinæ nomine, & longi temporis usu sim spectabilis, in conspectu tamen præregis, ubi sapientissimorum virorum confluxus est, & ipse humanæ prudentiæ apex cernitur, vix postremus sapientiæ discipulus habear.*

C A P U T I.

Pag. 24. 2 *A* *Rcui æstivarii Regis Feriduni, ita inscriptum fuit.*] Feridunus fuit priscis temporibus Rex quidam celeberrimus, plurimorum in hoc terrarum orbe regnorum Dominus, statura corporis præcelsa, ac plane gigantea, hic est ille, qui mortales in classes & ordines primus divisit, ille est, qui asinum ad equam

equam ineundam primus admisit, unde mulus primum procreatus est. Hic est ille, qui trucidavit Regem quendam, Sahacum nomine, quod patrem suum Atabinum jugulasset, satiandis duobus serpentibus, quos natura in humeris illius produxerat, qui non alio cibo, quam humano cerebro satiari poterant, hinc quotidie binos homines pascendis his monstros jugulare mos erat, inter quos Ferudini pater quoque mactatus fuit. Ego autem minime veros istos serpentes fuisse existimo, quod tamen multis etiam doctis viris persuasum fuisse video; sed teterrima ulcera fuisse autumo, quorum maligna edacitas nisi mitigata fuisset impositis extrinsecus humani cerebri malagmatis, reliquam corporis carnem depastura protinus fuisset. Sahacus ille post diluvium anno millesimo vixisse traditur. de quo plura in *Thesauro Regum*.

Pag. 24.^b Quidam ex Regibus Chorasane Regem Machmudem filium Sebuchtegini, post excessum illius annis centum hoc modo in somnis vidit. Mahmud est Rex celeberrimus, cujus mentio fit, in eo libro, qui *Thesaurus Regum* inscribitur.

Pag. 25.^c Nuschirvanus Rex Persidis, omnium Regum post hominum memoriam longe æquissimus & benignissimus fuit, cujus rerum gestarum & beneficentiæ egregia monumenta supersunt plurima, regnavit annos quadraginta octo, atque anno regni illius quadagesimo natus est Meccæ Muhammedes, adeo ut Muhammedes licet gentilium omnium

minium acerrimus hostis, & perparcus benignioris iudicii de ipsorum virtutibus, de ipso ita tamen pronuntiaverit: Ego natus sum tempore Regis æqui: Obiit Nuschirvanus anno à Muhammede nato octavo.

Pag. 27. ^d *Nemo mortalium sub noctuæ patrocinium concesserit:*

Etsi aquila in orbe terrarum non exsisterit.]

Illud aquilæ genus Persæ Humna appellant, est vero singularis quædam & optimi ominis avis, quæ in aëre degere dicitur, & in eo ova, pullosque suos excludere. Hæc illi virtus tribuitur, ut ille, quem volans umbra sua contigerit, aut ad regium, aut ad summæ opulentiaæ fastigium evehatur: quemadmodum noctua è contrario omnia sinistra, & præcipites rerum humanarum casus portendere solet.

Pag. 30. ^e *Canis dormitorum in spelunca, aliquot dies,*

Bonorum vestigia secutus, homo evasit.]

Celeberrima est septem Speluncariorum historia, per Orientem, in Latina atque Græca Ecclesia, hi enim persecutionem & tyrannidem Decii Imperatoris propter religionem Christianam fugientes, speluncam quandam religionis suæ refugium habuere, fugientes secutus est quispiam pastoris canis, qui una cum ipsis in ipsa spelunca obdormivit, dormivisse vero traduntur secundum nonnullos perpetuos trecentos decem annos, postea vero longo hoc somno denuo soluti inter mortales versati sunt: Latina & Græca Ecclesia horum memoriæ quotannis festum diem Julii

mensis vigesimum celebrant: Muhammedes in suo Corano eorundem quoque historiam peculiari capite conscriptam habet, Christiani & Muhammedani ex hac historia magnum resurrectionis argumentum eliciunt. Muhammedani suæ superstitioni indulgentes, huic cani quoque, altum stertenti, uti & balænæ Jonæ, & aliis nonnullis animalibus, ratione carentibus, Paradisum & æternam beatitudinem adscribunt.

Pag. 32. *¶ Prætoris cujusdam in Uglumischi aula vidi filium.*] Uglumischi Rex quispiam fuit, à magno Principe Change genus ducens.

Pag. 34. *¶ Quodam die in consortio Regis in Thesauro Regum historia illa legebatur:*] Per *Thesaurum Regum* hic intelligitur præclarum opus, carmine à divino Poëta Ferduso conscriptum, quo ipse licet rusticus, nullis artibus atque disciplinis imbutus, incredibili tamen naturalis judicii atque ingenii felicitate, res gestas priscorum Regum argutissimis versibus ingeniosissime est executus; unde Orientis Regibus variæ fortunæ, atque omnis prudentiæ exempla peti solent.

Pag. 36. *Paradisi virginibus Purgatorium est Infernus:*

Contra Infernales roga; utrum illis Purgatorium non sit Paradisus.

Purgatorium Arabibus Araf appellatur, à voce Arafa, quæ scire significat, quia scilicet illi, qui sunt in Purgatorio, ut medio inter utroque

AD ROSAR. POLITICUM. 291
que loco positi, cognoscent eos, qui in Para-
diso & in Inferno sunt.

Pag. 36. ^b *Hormusum gestande corone auto-
rem rogarunt:*] Hormusus iste fuit æquissimi
Regis Nuschirvani filius, qui regnavit per an-
nos duodecim; hic primus coronam gemmis
fulgentem capite gestavit.

Pag. 37. ⁱ *Discessus tympanum fati manus pul-
savit.*] De hujus tympani magnitudine & usu,
uti & fati satellite, Asraele scilicet, superius di-
ctum est.

Pag. 38. ^k *Integrum annum in templo Damia-
sceno ad caput sepulchri vatis Iohannis:*] sepul-
chrum illud est Damasci in famosissimo illo
templo, quod Christianis templum divi Jo-
hannis hodieque appellatur, Arabibus vero
Schami bene Ummiæ dicitur.

Pa. 39. ^l *Religiosus quidam Bagdadi inclare sce-
re capit, precibus votisque mire potens apud Deū,
ab Hoschaso Iosepho vocatus, itaque compellatus
fuit.*] Hoschasus Iosephus, id est, Iosephi fi-
lius, Rex Muhammedanorum fuit, uti Nu-
schirvanus æquitatis exemplum, sic ille por-
tentosum iniquitatis monstrum fuit; ille tem-
plum Meccanum destruxit & instauravit, quæ
nunc extat Fani fabrica, ipsius opus est: Mu-
hammedanorum sexcenta millia trucidasse
dicitur, vel octodecim millia in carcere ipsius
iusti perempta fuisse traduntur, quibus captis
pro alimento lotium & iterum alinum pro-
pinabat: regnavit annos quatuor & unum
mensem.

Pag. 41. ^m *An nescit ille, sacræ adis ærarium*

buccellam esse pauperibus, non vero epulas diabolis sodalibus.] De sacro illo Muhammedanorum ærario, & ejus administratione hoc loco paulo prolixior est historia, ideoque meliori occasione eam consulto reservamus.

Pag. 44. ⁿ *Aquila ideo omnium avium censetur præstantissima, quoniam vescitur ossibus, cæteraque animantia non dilaniat.*] Hoc idem illud aquilæ genus est, cujus supra litera ^d mentionem fecimus, in ære degit, ova, & pullos in eodem excludit, nullis latrociniis dedita, ossibus solis vescitur; quæ humi jacentia seipsam demittens, rostro correpta in sublimie subducit, quia ipsa pedibus carens, terram non calcât, nec colit. fide autorum.

Pag. 44. ^o *Atram Auriculam rogarunt:*] Atra Auricula Perhis Siah Gusch appellata, est animalculum leonis assicla, quod mira sagacitate leoni, velut domino suo, prædas suas investigare & prodere solet, unde & postea prædæ reliquias, laboris scilicet sui mercedem, à leone accipit, impense vero cavet; ne propius eum accedat, metuens ne & ipsam dilaniet.

Pag. 50. ^p *Si vero manum ejus potentiae felicitatisque culmen viderint amplexam,*

Laudantes manus pectori imponunt.]

In Oriente modestiæ index est manuum pectori impositio, hinc cum inferiores superiores salutant, vel iisdem ad interrogata respondent, vel ministri suis dominis ministrant, ambabus manibus pectori impositis, idipsum facere solent.

Pag. 52.

Pag. 52. ¶ *Cum templum Meccanum mortali-
um preces audiat, ideo ex remotis provinciis
Illud visum adeunt per multa milliaria.]*

Muhammédani tradunt, preces ante nigrum, quod in templo Meccano est, saxum; item inter saxum illud ejusque templi fores; ad ipsas quoque fores; in loco, ubi Angelus Gabriel olim apparuit: in loco illo, ubi Abrahamus quondam stetit; denique ad fontem Ismaëlis vite effusas, à Deo audiri: hinc religione sacerdotum istius loci, & spe precum suarum illico audiendarum, eo mortales ex remotissimis orbis partibus quotannis undique frequentes confluunt.

Pag. 54. ¶ *Carunus interfectus est, quia quadraginta habuit domos ære plenas.]* Carunus Molis patruelis fuit, ejusque affinis, sororis conjugio devinctus. Narrant Arabum monumenta, imperatum à Deo Mosi fuisse, ut legem aureis literis describeret: ille, cum se nullum aurum habere prætenderet, à Deo Chymica scientia instructus fuit. Carunus autem valde egenus, numerosa familia oneratus, cum Deum religiose noctu coleret, & jejuniis se ipsum interdiu maceraret, misertus ejus egestatis ex animo Moses fuit, eumque Chymica illa scientia imbuit, ut familiam commodius aleret, & Deum religiosius coleret, Carunus Chymicæ artis beneficio immensam divitiarum vim confecit, adeo ut autor quadraginta domos ære plenas eum habuisse tradat. Hinc opum fiducia Dei cultum deserere, Mosemque superbe contemnere coepit.

Deus postea Mosi imperavit, ut à Caruno opum quinquagesimas exigeret, computatis igitur opibus, cum quinquagesimæ in immensum excrescerent, Carunus eas, tanquam iniquum petenti, his verbis præfracte negavit. Cras ino die convocabo urbis populum, causamque hanc coram eo disceptabimus; si tu me conviceris, eas dabo; sin minus, liber ero. Erat autem inter Israëlitas quædam pulchritudinis quidem inusitata, sed pudicitia vulgata femina; quam Carunus accessitam ira compellat: cras populus convocandus est, si tu Mosem stupri palam postulaveris, teque gravidam ex eo esse asserueris, magnum à me obsequii tui præmium feres: illa conditionem, turpissimi quæstus spe, lubens accipit. Sequenti die Carunus populum convocat, Mosemque invitat; Populus vero vatem suum ita afatur: O Moses tu orationem nobis habeas, & bona vitæ præcepta doceas: Moses cum inter alia & hæc moneret: *Quicumque stuprum commiserit, illum lapidibus obruam.* Carunus asurgens ait: Quod si ipse stuprum commiseris, quodnam tuum supplicium erit? Moses infit, si reus sum, idem supplicium feram. Instat Carunus: Nonne huic feminæ stuprum intulisti? Nonne illa asserit, ex te gravidam se esse? Illa digito monstrata tandem surgit; sed Numinis reverentia & conscientia turpitudine trepida atque victa, non quidem salum crimen, sed rem ipsam hoc modo liberrime falsa fuit: Moses innocens equidem est, Carunus autem sceleris, cuius eum arguit, ingens mihi præ-

præmium promisit, meque insidiosè intruxit, ut Mosem stupri postulare. Ego vero Deum verita, illius vati falsa crimina affingere non possum. Moses his insidiis commotus, abiit, & Deum ardentibus precibus supplex oravit, qui illi, quæ fieri vellet, integrum fecit; terram ipsam ipsius obsequi imperio ad devorandum Carunum. Hinc Moses consilii certus, ad Carunum reversus, eum aureo solio suo insidentem, & pretiosissimis pulvinaribus innixum vidit: sed Moses terra baculo suo primum pulsata, mox eo protento, solium ipsius monstravit; quod statim terra haustum fuit: Carunus vero repente exiliit, Moses tamen imperat, ut terra Carunum quoque devoraret, adeoque ille genuum tenus humi demersus, miser precibus supplex Mosem orat; sed Moses minime respiciens, eum terræ devorandum imperat, qui una cum tota familia & domo misere absorptus fuit. Tradunt Arabum monumenta, Deum Mosem oraculo monuisse; O Moses, quater tuam imploravit Carunus supplex misericordiam, & tamen illi propitius non fuisti; profecto si meam semel supplex expetivisset clementiam, ipsi equidem propitius fuisset. Tum dixerunt filii Israelis, Moses perdidit diris suis Carunum, ut ipse divitiis illius potiretur; Moses his accensus sermonibus, ipsas opes quoque diris execratus & detestatus fuit, adeo ut omnia terræ voragine hausta perierint.

Pag. 58. *Quidam mancipiorum Omeri filii Leisi, fuga elapsus, ab insectantium manu corre-*

ptus denuoque reductus fuit.] Fuit Omerus Leifi filius Munaminedaorum Rex, moribus commodis atque facetus: de quo alibi plura.

- Pag. 59. ^t *Cum funditore si prælium commiseris;*

Proprium caput recordia vulneras.]

Imperitium scilicet cum probatissimo & peritissimo funditore prælium committere, amentiam arguit; atque eum non tam hostis prudentia, quam propria socordia debellat; adeoque in omni hominum genere, autor noster arti atque virtuti nominis locique fastigium tribuendum, inertiae vero humilitatem adsignandam esse censet.

Pag. 59. ^u *Rex Susorum:*] Susa Persis Seu-sen, Chorasanæ provinciae urbs amplissima, inter Hiram & Nisaburam posita, multorum virorum in omni doctrinae genere ortu clara & nobilis; longitudine octoginta octo graduum, triginta minutorum; latitudine triginta quinque graduum, viginti minutorum.

Pag. 62. ^x *Tu aut serpens es, quemcunque enim videris, pungis:*

Aut noctua, ubicunque enim confederis, omnia vertis.]

Noctua Hebræis etiam Janschof, id est, noctua sive tenebrio appellatur à Neschef, quæ vox tenebras & noctem denotat; ita denominata, quod lucem & diem fugiens, nocturno tempore volare & gemere soleat. Est vero communi Orientalium tessera avis inauspiciatissima, quæ suo occurso quoque mortalium res & consi-

consilia turbet, confessu ruinam, cædes, incendia, & alia fatalia præfagiat: Græcis quoque & Latinis dirum ostentum & feralis habitata. Cum Pyrrhus Epirotarum Rex equo insidens Argos peteret, & hastam erectam ferret, noctuam obviam hastæ illius insedisse, & ingloriam atque ignobilem plane mortem, qua ipse occubuit, ferali præfagio suo ostendisse narrat Ælianus, lib. x. cap. xxxvi i.

Pag. 63. 7 Cosrois coronæ inscriptum fuit.]

Cosroes est filius Siauusi, Siauusus pater in Turciam profectus, matrimonium cum Ferasiabi Turcarum Principis filia contraxit, cumque nominis illius fama inclaresceret, socrer ipsius Ferasiabus generum suum metuere coepit, ne forte aliquando regnum sibi eriperet, quem ideo primum in vincula coniectum, postea clam interfici iussit; Tum Ferasiabi filia ex eo gravida, Siauusium Cosroen peperit, quem avo celatum, alibi clam educandum dedit. Qui cum optime educatus, animo & corpore maturuisset, clam inde iter suscipiens, ut sanguinarium avi materni animum effugeret, Babylonam profectus est; atque cum eodem tempore mortuus esset Ciausus, ille regnum ejus occupavit, cui Persis postea sese subjecit; regno igitur firmato, magno exercitu avum matremque Ferasiabum petiit, quem post multa proelia & clades, quod patrem suum occidisset, interfecit, indeque ex Turcia infinitum Turcarum numerum in servitutem abduxit; tum Belcham petiit, ubi regni fundamenta jecit, populum in clades suas distinxit; postquam reg-

gnasset sexaginta annos, obiit, cui Cheresab-
bus Ceicebadi filius in regno successit.

Pag. 64. ² *Iuvenis perinde ac gravis viro Ele-
phas, singulari quodam fastu & robore superbus
incessit, ut ferreum montem loco proruturus vide-
retur.*] Elephantorum potus aqua est; sed
cum eos ad bella & certamina adhibere confi-
tium est, tum inebriantibus vires ipsorum cor-
roborare, atque animos accendere solent, ut
facilius ad rabiem & furorem concitati, crude-
lius in hostes suos sæviant.

Pag. 66. ² *Quidam Purpuratorum Suelnu-
num Ægyptium adiit, ipsiusque vota & bona
omina expetiit.*] Duo sunt viri, qui hoc cogno-
mento in hoc terrarum orbe notabiles fue-
runt; alter est vates sanctissimus Jonas, à pisce
deglutitus, & post triduum in litora denuo in-
columis ejectus. Alter est Suelnun Ægyptius
quispiam, gentibus illis sanctus habitus, qui
nomine Lubanus, cognomine Abuseis; ob res
gestas vero Suelnusus appellatus fuit; quia
aliquando navi quadam iter fecit, & cum plu-
res alii vectores eadem navi veherentur, qui-
spiam illorum pretiosam quandam gemmam
forte fortuna amisit; & cum omnes, qui ade-
rant, noti essent, solus Lubanus tanquam
ignotus & externus, furti suspicionem incur-
rit; & quamvis ille furtum verbis primum,
mox sacramenti religione detestaretur, ejus-
que suspicionem à se remove conaretur, fi-
dem tamen externus invenit nullam: hinc mi-
ser furti suspitione turbatus, precibus supplex
apud Deum tantum effecit, ut piscis quidam

ex mari prodigiose emergens, gemmam illam integram retulerit, atque hanc ob causam Suelnun, id est, piscis Dominus, appellatus fuit: quia Su, dominum, atque Nan piscem notat. Haud temere uterque hoc nomine exornatus fuit, cum singulari quodam fato, alterius vitæ, alterius vero famæ, nocere piscis non potuerit. Illi sacra, huic profana historia fidem facit.

Pag. 68.^{bc} *Impostor quidam crines suos, perinde ut sacra Alis progenies, revinctos habebat, se sacrum mentiens.*] Inter Muhammedanos sacrosancta est Alis progenies, ut quæ vatem Muhammedem per femininum sexum contingat, nam cum ipse Muhammedes nullum masculum reliquerit, & Ali filiam ipsius Phatmam, uxorem habuerit, ex eaque duos masculos Husinum & Hasanum suscepit, hæc quasi vera stirps, etsi per feminam tantum vatem contingat, autoritate ipsius vatis esse censetur: hinc omnibus Muhammedanis tam feminae, quam masculi, inde originem trahentes, sacrosancti haberi & æstimari solent. Cum vero privilegiis reliquo hominum generi plurimum præferantur, hinc fit, ut multi ignaviae & ambitionis ergo, stirpem istam mentiri soleant, ut ea ratione inter mortales majori in veneratione, & quadam autoritatis licentia vivere possint. Agnoscuntur habitu à cæteris hominibus insignes, plerumque capita viridibus fasciis revincta habent.

Pag. 68.^d *Ego hominem istum in victimarum festo Basra vidi, quoniam modo Mæccana venera-*

tione insignis erit.] Basra urbs est amœnissima ad Tigridis fere ostia polita, omnibus ad vitæ sustentationem necessariis abundans, longitudine septuaginta quatuor graduum, latitudine unius & triginta.

Pag. 68.^c *Alius quidam ait: pater ipsius Melatie Christianus fuit, quomodo itaque sacre stirpis decora acquisiverit.*] Melatia est Asiæ minoris urbs, ultra Ancyram posita fertilium arborum copia, frugibus & fructibus, præsertim vero multis juglandibus & avellanis fecundissima, rivulus undarum liquore memorabilis, urbis mœnia præterfluit, qui adjacentes hortos longe frequentissimos aquis suis irrigat atque fecundat, hyberno tempore acerrimo frigore infestatur, sedes Ottomannicæ quondam familiæ, priusquam, ignota adhuc & ignobilis, grande illud Asiæ imperium moleretur; sita est longitudine graduum unius & sexaginta, latitudine triginta novem graduum, octo minutorum.

Pag. 68.^f *Carmenque ipsius in libro Divan Envari reperitur; quomodo iste illius autor erit?*] Divan propriè Tribunal significat, in quo controversiarum sententiæ, & reorum judicia ferri solent; atque hinc Orientales suos libros, præsertim carmine scriptos Divan appellunt, cum in iis de variis Poëtæ sententiam suam libere præferre consueverint. Vel quia juxta tribunalia & fora publice omnis generis merces, oculorum oblectamenta veniunt; adeo ut liber iste sit quasi omnis & variæ eruditionis officina, & memorabilium penus quispiam, quibus

quibus eruditorum animi suavissime oblectari & refici possint. *Envari* seculi sui doctissimus Poëta fuit, qui opus suum Divan appellatum carmine erudito conscripsit, quo ipso æternam nominis sui memoriam conlectutus est.

Pag. 69. *§ Ut amicorum animum tibi devincias;*

Vel patris hortum divendito.]

Autor proprie dicit, ut amicorum animum tibi devincias, patris hortum divendere præstat: sed ille loquendi mos, & Persicæ linguæ genius est, quem sensum nos eo sermone, quo debuit, Latine expressimus.

Pag. 69.^h *Quidam filiorum Haruni Reschidis, patrem suum accessit.]* Harun Reschides cognomento Abu Schefer appellatus, fuit unus ex Muhammedanorum Imperatoribus, vir corpore procero, & crasso; colore candido, animo liberalis, benignus, fortis, multis gravissimis proeliis victor; ille est, qui Imperatorum Muhammedanorum primus atque ultimus Meccam peregrinantium religione & moribus, solito tempore invisit, sepultus jacet in maxima & florentissima Chorasana urbe Neucana: quæ posita est longitudine octoginta duorum graduum, unius & quadraginta minutorum: latitudine triginta trium graduum & octo minutorum, fuit Chalifarum Abasidarum sextus Chalifa, regnare cœpit anno à Muhammedis fuga centesimo septuagesimo.

Pag. 72. *Sapientum nonnulli in Cosrois aula de quodam differebant negotio.]* Arabes Kifra & Kisra pronunciant, Persæ vero Kisra di-

cunt, est cognomentum Regum Persicorum, quemadmodum suos Romani Cæsares, quam vocem ita Arabes Keisar scribunt, Abessini Bechasch, Ægyptii Pharaones, Turcæ Chakan, atque Sinenfes Fagfur appellant, ita Persæ suos Reges Kifra, id est, Cosroes vocitant, est vero vox Kifra corrupta à Persica voce Chosrœu.

Pag. 73. ⁱ *Æthiops vultu equidem adeo erat deformis, ut ipsa etiam Sachra ad aspectum ipsius horre,ceret.*] Sachra est una ex furiis infernalibus, quæ tam prodigiosa deformitate eile traditur, uti cæteris quoque furiis ideo sit terribilis; illa est, quæ Regi Salomoni annulum surripuit.

Pag. 73. ^k *Ipsiusque axillæ perinde ut infernalis picis fons fœtebant.*] Quia Æthiopum corpora, ob flagrantissimum cœli æstus, sudori & putredini quam maxime sunt obnoxia, adeo ut singularis mundities ipsis conservandis requiratur; cui plurimum serviunt frequentissimus balneorum atque tonsorum usus, quorum beneficio superflui pili, præsertim sub axillis, & alibi raduntur, sudores fœtidi eluantur, corporumque valetudini consultum itur; quod nisi diligentissime observetur, pilosæ corporis partes, præsertim axillæ, fœtorem patri & rancido sudore teterrimum plane exhalent.

Pag. 74. ^l *Hypocrita fame Stimulatus si solus fuerit domi, quæ omnium deliciarum sit plena;*

Ratio

*Ratio minime admittit, ipsum jejunii religione
à comedendo retentum iri.]*

Hypocrita in Perlico textu vox Arabica Mulhid habetur, quæ hominem impium notat, qui licentioso vitæ genere exultans, mortuorum resurrectionem, & futuram vitam æternam negat:

Pag. 75. Historia: *Alexandrum Magnum rogarunt: Orientem & Occidentem quomodo incepisti, cum præci Reges ærarius, regnis, ætate, exercituque te longe superiores, eos subigere non potuerint?* Alexander Magnus curru, te Scender, cognomento Rumi, id est, Græcus, vel Sulcarnein, id est, bicornis appellatur: Mire disceptatur inter Orientales, quam ob causam ita vocetur, verior autem sententia hæc est, ipsum dominum orbis fuisse suo ævo potentissimum, & cum orbis ipsis propter Orientem & Occidentem duobus cornibus fuerit assimilatus, hinc ipse dominus duorum cornuum, id est, Orientis & Occidentis cognominatus fuerit, adeo ut illud cognomini Magni valde respondeat. Regnum autem cornu comparari in sacra pagina sæpe occurrit, propter singulare robur, quo regna pollent, idque fit, quia animalia potissimam suam vim in cornibus habent, quibus salutem suam ab hostibus fortiter defendere, eosque perdere possint. In sacris literis, apud Daniele capite octavo, unum ingens cornu Alexandro Magno tribuitur, quod postea frangitur, quo ipso ipsius adhuc juvenis immatura mors, atque præceps vasti imperii ruina denunciatur, cujus
loco

loco alia quatuor cornua subnata dicuntur, quibus regni illius in quatuor principatus divisio prædicta fuit.

C A P U T II.

Pag. 76. **H**istoria: *Quendam Meccæ vidi religiosum, qui capite in limine templi Meccani posito, ingemiscens dicebat:*] Notandum est limen templi Meccani venerationis causa ad humanæ staturæ modum sublimè attolli.

Pag. 77. ^a Historia: *Abd Elkadir Gilanensis in templi Meccani vestibulo, vultu minutis lapidibus imposito, ita dicebat:*] Gilan provinciæ nomen est, sunt autem ejus nominis provinciæ quatuor, celebriores sunt Gilan Reschut, & Lachschan; ejus provinciæ incolæ vescuntur pane ex oryza, quæ magna ibi feritur copia, abundant quoque piscibus: sita est longitudine septuaginta quatuor, quinque & sex graduum; latitudine triginta quinque & sex graduum.

Pag. 78. ^b *Amor Cordatorum in absentia & presentia semper est idem.*] quid per cordatos intelligat autor, superius pagina 272 & 273 patet.

Pag. 79. * *Bonis operibus certa, & quicquid lubuerit, gesta;*

Nihil interest, capiti coronam imponas, an pauper mendicitatis notam humero assuas.]

In Arabia moris est, & in Perside, ut mendici notâ humeris suis assutâ omnibus egestatem suam publice profiteantur.

Pag. 80.

Pag. 80. ^c *Ecce religiosum illum ! qui religiosi pallium gestabat, sacrum templi Meccani velamen asino tegmen fecerat.*] Muhammedani locum illum, quem sacrum opinantur, quotannis novo & sumptuoso velamine operiunt, quod velamen, anno elapso, alio denuo novo inducto, aufertur : illud vero sacrum & venerabile omnibus habetur, quia sacerrimi loci Majestas, si Diis placet, illud contactu suo sacralet : ideoque illud profanis usibus adhibere grande est nefas. Cum vero Ottomannica familia, post expugnatam Ægyptum, templi Meccani curam sustineat, quæ ad Ægypti regnum propriè spectat, illa quotannis novum velamen Constantinopoli, terrestri per Damascum itinere, magna cum ostentatione & pompa Meccam mittit, cui sese iugens peregrinantium turba comitem adungere solet, quæ Meccam & Medinam religionis causa invisit.

Pag. 81. ^d *Vereor equidem, ô erro, ut ad Meccanum templum pertingas,*

Hæc enim via, qua tu insistis, in Turciam ducit.]

Proprie textus habet vocem Arabicam Arab, quæ gentem incertis sedibus per campestria & deserta vagabundam denotat ; hic itaque vagum & vanum viatorem intellige, qui verbis quidem & religionis specie Meccam ; sed re Turciam petit.

Pag. 83. Historia : *Quidam piorum montis Libani, cujus celebre per Arabiam nomen, & miracula famosissima erant, templum Damasce-*

mascenum, (preces susurus) ingressus, in ora cisternæ calcariae, cum manus pedesque ablueret, pede forte labascente in cisternam illapsus, agerrime evasis.]

Templum illud Damascenum, jam Schami bene Ummiæ appellatur, quondam Christiana pierate per Arabiam vigente, à Christianis extructum, iisque diu proprium fuit, donec tempore Muhaviæ Muhammedanorum Principis, partem templi illius mediam, Orientem spectantem, Christianis vi eripuerint, Fanum suo Muhammedi sacrandam. Temporum vero lapsu Velidus Abdelmeleci filius Christianis alia templa construenda concedens, reliquam augustissimi templi partem, quæ Christianis olim superfuerat, quoque ademit, adeoque totum illud templum, quod Christianum fuit, Muhammedanum fecit.

Adornando vèro huc Fano proxime illius murum calcem accumularunt, quem locum Kellasa, id est, Calcarium à Kils Calce ibidem copiosissima appellarunt. Postea Nur-eddinus Mahmud Sengi filius eodem calcario loco, anno à Muhammedis fuga quingentesimo quinquagesimo quinto, Gymnasium condidit, quod etiamnum Kellasa, id est, calcarium appellatur, quingentesimo septuagesimo anno, id ipsum incendio conflagravit, quod postea Saladinus Syriæ Rex denuo intauravit, sed ejus Musæa adeo angusta struxit, ut non nisi singula singulos capiant. In media Gymnasii area est cisterna illa calcaria, sesqui hominis staturam profunda, ubi Muhammedani ritibus suis indulgentes, antequam preces

ces fundant, manus pedesque religiosissime abluunt; atque inde per Gymnasii ostiolum in ipsum Fanum ingressus patet.

Pag. 83. ^e *Aliud vero tempus, quod cum Hafasa & Sineba transigebat.*] Hafasa Muhammedis uxor, filia Omeri fuit, qui, post Abubeckerum, Muhammedi in imperio successit, quam biennio ante fugam ipse sibi matrimonio junxit, junctam poitea repudiavit, Oraculo vero monitus repudiatae conjugium repetiit, quæ præmortuo Muhammede, imperante Osmanno, Mediæ obiit, ætatis suæ anno sexagesimo sexto.

Pag. 83. ^f *Sineba,*] Notandum est Muhammedem, contra Mosaicæ Legis & Evangelii normam, imo contra sua ipsius instituta, plures uxores habuisse, quam aliis ipse in Corano suo concessit: ex Corani enim præscripto, quem divinum librum esse jactat, aliis non plures, quam quatuor uxores concedit; ipse vero exlex unam & viginti habuit, ex quarum numero, sex repudiatis, quinque defunctis, illi superfuere decem, novem domi suæ aluit, decimam vero domum nondum duxerat: atque inter novem illas, quarum singulæ suas cum vate concubitus noctes habebant, Sudam repudiare constituerat; illa vero, supplex Muhammedi facta, inquit: Ego ut viri minime appetens, noctem meam Aischæ dedi, peto ut non repudiata in resurrectionis die inter mulieres tuas susciter, precibus his admisissis, Muhammedes novenas vices subire debebat, Aischæ, Hafasæ, Em Selemæ, Em Habibæ, Se-
fia,

fiæ, Sinebæ filiæ Hasceli, Meimunæ & Schujeriæ, quarum singulæ singulas noctes, Aischa vero Abubekeri filia duas noctes, alteram suam, alteram Sudæ munere habuit; hic vero Sineba Halimæ filia intelligitur, quam anno à fuga tertio duxit, quæ postquam trimestre in conjugio exegisset, anno quarto obiit.

Pag. 84. *g* Quidam rogavit illum, qui filium amiserat:

*O clara stirpe oriunde senex sapientissime,
Ex Ægypto odorem indusii illius subodoratus es,*

Quomodo in puteo Cananæo illum non vidisti?

Hic intelligitur patriarcha Jacobus, stirpe sua vere clarissimus, qui filium suum Josephum amiserat. *In puteo Cananæo*: Cananæa fuit habitatio ipsius Jacobi atque puteus ille duabus parasangis à Cananæa vix distabat, hodie circa eum Muhammedanorum Fanum cernitur, cum aditructo quoque pago, quod Damasco iter facientibus Hierosolyma occurrit:

Pag. 84. *h* Historia: *In templo Baalbeccano pro concione verba faciebam.*] Baalbecca Syriæ urbs fuit antiqua, muris cincta, arcem habuit munitissimam & amplissimam, arboribus, fluviiis, fontibus felix, & omnibus rebus abundantissima, domos ex marmore habuit constructas, adeo ut per totum Syriæ regnum nulla fuerit urbs, cujus ædificia hisce æquari possent, distat Damasco milliaribus octodecim, longitudine sexaginta graduum, quadraginta quinque

que minutorum, latitudine triginta trium & quinquaginta minutorum.

Nunc vero vicus est valde jucundus, sesquidiei iter Damasco distans, nullus in toto Syriæ regno locus est, qui fecundissimi soli beneficio, atque aquarum copia, suos cives atque advenas viliori pretio liberalius alere possit: Templum illud, de quo autor loquitur, à Chaliido filio conditum, in ipso vici meditullio positum est.

Pag. 85. i Obrepente itaque tædio captus ingemui, quod a sinos meliora frustra docerem, speculumque cæcorum foro exponerem.] In India & Peræde mos est, ut pauperes honestius mendicaturi, speculum circumferant, quod obviis submissè exhibent, qui eo inspecto, quasi alpectræ suæ humanitatis & pulchritudinis præmiun, stipem, exhibitori largiuntur.

Pag. 4. k Dulce quidem est sub Mugilana arbore in deserti itinere decumbere,
Itineris nocte; sed vita discrimini exponenda erit.]

Mugilana, Persici magnitudinæ, spinosa est arbor, quæ in itinere Meccano ejusque deserto crescit, spinas habet longas & nigras, qua sola viatores, per deserta aliis lignis destituti, ignem alunt: sub ista arbore, tanquam unico umbræ præsidio, viatores, itineris æstusque tædio fessi, decumbere solent; sed cum Arabes latrociniis sueti, deserta & vias sæpissime infestent, nemini soli, sine vitæ discrimine decumbere, & somnum capere licet.

Pag. 88.

Pag. 88. ¹ *Tuæ rei quid confert pauperum penula, lacerae vestes, palliumque pannosum?*

Quin improbis actionibus abstineto:

Haud opus est, ut mitram gesses ex pelle ovilla;

Animo virtuteque religiosus esto, mitramque regiam gestato.]

Notum esto, in Perside Schirvanenses, Carabagenenses, & Asirbanschkanenses, imo plerisque Persas mitram ex pelle ovilla gestare; sed cum religiosi omnes eam in illis locis ubique gestent, autor eam tanquam propriam iis assignavit. Pro *mitra regia*, textus proprie Tataricam habet, quia Tatarorum Principes & magnates, ex pretiosissimis pellibus mitras suas conficiunt; sed per *Tatarorum mitram* Muhammedanam intelligas; necesse est; alioquin si Muhammedanus pileum, aut mitram Christianam, vel Christiani hominis, citra necessitatem gestaverit, aut cingulo ejus accingatur, lege sua religionis Christianæ reus, capitis damnatur. Tanta enim in Christianos per Muhammedanam legem est iniquitas, ut vix ulla per summam injuriam major esse possit.

Pag. 88. ^m *Historia: Pedes quidam capite pedibusque intectis, cum (Meccam religionis causa peregrinantium) comitatu ex urbe Cusa prodiit.]*

Cusa urbs ad unum Euphratis cornu posita, quondam nobilissima & florentissima, omnibus vitæ necessariis non tantum; sed etiam deliciis affluentissima, summi templi & plurimorum mansuætorum splendore instructissima, magnitudinæ mediam Bagdadi partem æquans,

quans, populo quoque frequentissima, unde etiam, à populi inquam frequentia, nomen habere creditur, quia Arabes de arena dicunt: Kuf Erremeli &c. quando alia alii accumulatur. Nunc temporis vero omnia disiecta sunt atque everfa, adeo ut quatuor summi templi parietum, & aliorum ædificiorum hodie nulla supersint vestigia, quia Bechfeccana gens omnia ipsius templi & mausolæorum fundamenta ex terræ visceribus quoque eruit, ut sibi domos construerent, adeo ut ne fundamentorum quidem ulla supersint vestigia, & merito excidii exemplum haberi possit; cum tamen nostri auctoris tempore, inde frequentissimus comitatus Meccam peteret, uti nunc Damasco & Cairo fieri solet, distabat quatuor dierum itinere Bagdado, posita longitudine sexaginta novem graduum, viginti sex minutorum: latitudine triginta unius, & triginta minutorum: hic sepultus jacet Ali Abutalibi filius, quartus Muhammedis successor, ad cuius sepulchrum Muhammedani undique frequentissimi confluent, propter summam viri, quam inter suos obtinuit gloriam, tum propter incredibilem eruditionem, tum propter fortitudinem incomparabilem, quibus ea gessit, quæ alii præstare non potuere: primus ille ad Muhammedana sacra accessit, impuber, ipso Muhammede hortante, quatuor annos novem menses & aliquot dies regnavit, quem Cusæ, cum populum die Veneris mane de turri templi ad sacra obeunda, rite advocasset, Abderrahman Meschemi filius percussit,

ex

ex quo vulnere ipse proximo die Dominico sub noctem obiit, ætatis suæ anno sexagesimo tertio, secundum nonnullos sexagesimo quinto. Hic est ille, cui, quo loco eum jam factorum ipsius consortem habiturus esset, roganti Muhammedes respondit: Nonne tibi satis sit, si apud me illo sis loco, quo apud Mo- sen Aron fuit: Alii fuit Muhammedis patrue- lis atque gener; quia Fathmam filiam illius in matrimonio habuit: occubuit anno à fuga Muhammedis quadragesimo.

*Pag. 89.^o Quando Mahmudis Palmam conti-
gimus, dives ille (præter omnem spem & opinio-
nem) fato concessit; religiosus morientis pulvinari
forte adflens ait:] Locus hic trium dierum iter
distat Cufæ; Subeida femina ibi Fanum, ho-
spitium egregium, atque cisternas construxit;
Meccæ peregrinatores ibidem per triduum
morati, itineris tædia loci amoenissimi illece-
bris solantur.*

*Pag. 91.^o Historia: Quamvis me infinitum
venerandus ille senex Schemes Eddin Abu Else-
retsch filius Schusi hortatus sit ut rejectis Musicæ
illecebris, vitæ solitariæ instituta amplecterer, &
in abdito viverem.] Schemes Eddin vir omni e-
ruditionis genere summus, auctoris nostri præ-
ceptor fuit.*

*Pag. 92. P Sacer præco intempestive exclama-
vit,*

Nescius quantum noctis elapsum esset.]

Quia Muhammedani, pertinacissimo Chri-
stianorum odio, campanarum usum abhor-
rent, & viva præconum voce, Muhammedis
exem-

exemplum secuti, suos ad preces & sacra peragenda, quinquies ex summis turriculis, quas fanis aditruere, quotidie convocant. *Nescius quantum noctis elapsum esset.* Quia æstivo tempore ante Solis etiam ortum, hiberno vero circiter tertiam noctis horam, omnes ad preces obeundas conclamant; adeoque per somnolentiam clepsammidio intempestive verso, nullo diei aut Solis vestigio, à præconibus facile errari potest.

*Pag. 93. * Factum istud tuum à prudentum foro alienum est, quod scilicet augustum illud seniorum pallium, ejusmodi Musico dedisti, qui per totum vitæ tempus, ne assẽm quidem in manu sua habuerit, neque teruncium tympano suo exceperit.]* Des proprie significat tympanum, quod uno latere tantum pelle obductum, altero vero vacuum est: nec malleolis; sed summis manuum digitis leviter pulsatur: neque horrido strepitu, ut tympana militaria, omnia implet, quippe vix alias usum præstat, nisi voce simul etiam accinentibus. Altero illo latere concavo atque inani, cantu finito, ab auditoribus præmium suæ artis excipere solent.

*Pag. 93. ¶ Talis erat Musicus; Deus illum ab hac beata aula procul dimoveat,
Nemo illum bis in uno loco lubens viderit;
Profecto quando vox ejus ex ore prodibat,
Mortalibus pili in corpore horrescebant;
Ipsa avis æstivario imposita, vocem illius inconditam horrens arolabat.]*

Moris olim Persarum fuit, ut æstivariis suis tornatiles aves, ventorum indices, inponerent;

rent; alii psittacos, colore virides, cæruleos, vel candidos, alii columbos, turtures, pavonies, atque aquilas: avium vero corpora intus cava, oribus ipsarum tubuli five fistulæ immissæ erant, quibus, quotiescunque ventus stationem mutaret, aves versato corpore varios sonos ederent.

Pag. 94. † Suavis vox ex palato, ore, labioque dulci profecta,

Sive Musica arte temperetur, sive non, animum demulcet,

Si vero cantica, seu soni Vschack, Sasahan, atque Haschas,

Ex absurda cantatoris gula profluxerint; ingrata erunt.]

Hi tres sunt Mulici toni, five cantica certis tonis constituta, in Persarum regno ad lætitiā inventa à Musicis, & propter dulcedinem suam mirè celebrata.

Pag. 98. † Tandem ita ad familiam Iachie filii filiorum Helalis pervecli sumus.] Nechil bene Helal, in Arabia loci nomen est, cui familia, quæ eum coluit, de nomine suo nomen dedit; distat tredecim dierum iter Cusa, atque illinc Medinam quatridui iter est.

Pag. 98. † Nossine, quid mihi dixerit matutina illa lusciniā?

Tu cujus generi homo es, quod amoris es expertus? Camelus Arabis carmine, gaudio, lætitiæque oberrat;

Tu si gaudio carueris, perversæ naturæ bestia eris.]

Familiare est in Arabia camelariis, ut camelos

los itinere fessos, pulsos ad carmina citharis ad itineris celeritatem magis excitent, quia camelis hoc natura ingenitum est, ut fidium vocisque dulcedine capti, veluti amantes, iter suum longe alacrius prosequantur. Hoc enim divinum Musica munus obtinet, ut non tantum homines; sed jumenta quoque illecebris suis exhilaret, & ad ferenda sua tædia inflamet. Proinde etiam sapientum Arabum sententia est, ut cum Rege defuncto, infantulo relicto, regnum ab interrege in spem filii sit administrandum, infantuli ingenium vocis suavissimæ cantu diligentissime explorent, nam si vocis dulcedine captus eam affectare, & lætus auscultare videatur, id certum boni ingenii indicium habent: sin minus, delirum & mentis impotem fore præfagiunt.

Gravissimus quidam scriptor tradit, se quondam per Arabiæ deserta peregrinantem, in quandam Arabum familiam incidisse, atque apud virum quendam ejusdem familiæ diversatum fuisse, cujus universi cameli recenti clade extincti essent, seque à servulo nigro compellatum hoc modo: Tu hac nocte nobis hospes, dominoque meo longe gratissimus eris; si tu apud dominum meum intercesseris pro culpa mea, tuæ deprecationi procul dubio dominus meus locum dabit. Cum nos mensæ accumberemus, ego ad dominum hoc pacto orationem meam instituo: Non prius cibum cepero, quam huic servulo culpam suam ignoveris: Tum infit dominus: sceleratissimus servus iste, omnes opes meas perdidit, meque ad

inicitas plane redegit. Quid fecerit, mihi roganti respondet: mira vocis suavitate pollet, atque camelis meis minister additus, eos oneratos vocis suæ dulcedine adeo excitavit, ut tridui iter veluti amentes, uno die confecerint, posteaque oneribus depositis deficientes exspiraverint omnes: sed in tui hospitis tamen gratiam illi culpam remisi.

Pag. 98. v Camelus cum sit amore captus, lætittaque subsultet,

Quod si homo ejus expertus fuerit, penitus asinus erit.]

Celebris asini ob extremam ignaviam atque stuporem fama est, hinc autor hominem amoris expertem, asinum vocat, scilicet, qui tot manifestis per orbem terrarum indicis in creaturis ubique extantibus, ad Dei cognitionem & amorem non accendatur, præsertim vero Musices dulcedine non excitetur, illum non hominem; sed asinum, ignavissimam atque stupidissimam belluam esse.

Pag. 100. Pauperis patientiam divitis liberalitati præstare;

Si Bihramus unum onagrum assaverit, pauperibusque totum distribuerit,

Non unum quidem locustæ pedem, quem formica tulit, æquaverit.]

In historiis geminus hujus nominis Bihramus occurrit, alter Bihramus Schubin, qui vir fortitudinis gloria clarissimus: alter Bihramus Cour, Rex Persarum audacissimus fuit: Cour enim onagrum notat, quem cum Rex frequentissime venaretur, à fera illa cognomen tulit; quippe

quippe aliis nullis feris, præterquam onagris insidiabatur: adeo ut quodam die onagrum in speluncam fugientem persecutus fuerit, quid illi ibidem porro eveniret, incertum est; cum vero Rex, quo evasisset, ignoraretur, mater ipsius armigerum atque ventiarium, regis cædis suspectos, tormentorum cruciatui subiectos peremit, uti faterentur, quid de filio suo factum esset: illum vero in spelunca illa à fera oppressum atque dilaniatum esse, communis omnium sententia est; hinc celeberrimus Poëta Chiamus de ipso ita canit:

En Bihramum, qui onagros semper captabat;

Ut ab onagro tandem captus est!

Pag. 100. * *Non locustæ pedem, quem formica tulit, æquaverit.*]

Hic non maneris dati pretium, quod pertenuè est, sed dantis animus æstimatur, qui rebus angustissimis tantus apparuit, ut ipsi potentissimo Regi in liberalitatis certamine longe præferatur: convenit res cum illa historia Evangelicâ, qua pauperculæ viduæ donum apud Deum divitum liberalitati præponitur.

Pag. 101. γ *Abu Hureira quotidie invisere per officium solebat Mustapham.*]

Abu Hureira, id est, feliculæ pater, alias paganissimi tempore Abd Elschems, id est, Solis servus, aut Abd Omer, appellatus, postquam Muhammedem sequi cœpit, novo nomine Abd Errahman, id est, servus Dei à Muhammede vocatus fuit; est unus ex familiarissimis

riſſimis Muhammedis amicis, cujuſpiam feliculæ multo antantiſſimus, adeo ut in publico etiam incedens, feliculam ſuam veſtibus teſtā circumferret; à Muhammede itaque aliquando in publico conſpectus, & quid geſtaret, rogatus, feliculam meam geſto, reſpondit: hinc Muhammedes inſit: Tu equidem ob incredibilem, quo eam proſequeris, amorem, Abu Hureira, id eſt, feliculæ pater appellari mereris, quo poſtea cognomine lætus lubensque magis, quam proprio nomine, inclaruit. Eſt eorum ſeptem, qui traditiones Muhammedis poſteritatis memoriæ prodiderunt, longe princeps: ille enim poſt Muhammedis obitum, incomparabili memoriæ felicitate polleſ, multa ex vate, ob frequens cum ipſo conſortium, audita prodidit, quæ aliorum memoriam fugiſſent: Ille reliquis ſex Traditionariis palmam præripiens, ſolus quinquies mille trecentas quadraginta traditiones ex Muhammede auditas, felicique memoria retentas, poſtea propagavit, donec tandem literarum monumentis conſignata in lucem prodierint: Obiit Medinæ anno à Muhammedis fuga quinquageſimo ſeptimo, natus annos ſeptuaginta octo, Bekiæ, quæ prope Medinam eſt, ſepultus jacet.

Pag. 101. * Per *Muſtapham*] hic ipſe Muhammedes intelligitur, qui & Abu Kaſim, & Achmed, atque aliis nominibus appellatur.

Pag. 101. * *Ex conſortio amici Damasceni natus mihi eſt animi dolor, & perturbatio; proinde Hieroſolymitana petens deſerta, cum feris ſociata-*

cietatem contraxi; donec tandem in Francorum vincula incidens in Tripolitana fossa cum Hebræis humum aggerere coactus fuit.] Omnes Europææ

gentes stricto vestitu per Orientem Franci vocantur, reliquæ laxiori per Europam habitu singulæ vel suis, vel barbaricis nominibus discernuntur; suis Mosci, Russi, Walachi, Bulgari & Servii. Barbaricis vero; Græci Rum, Poloni à Rege suo Lecho Lech, Hungari Maschar, Moldavi Bugdan, Albani Arnaut appellantur. Francorum per Orientem indicium est, præter strictum vestitum, galerus & cæsaries: reliquarum vero præter laxum habitum mitra & rasum capillitium. Inclaruit Francorum nomen per Orientem suscepta anno millesimo undecentesimo à Francica gente ad recuperandam Terram Sanctam expeditione, autore Petro Eremita Picardo, annuente Pontifice Maximo Urbano, qui sacri hujus belli classicum fortiter cecinit, ad quod utriusque sexus ex Germania, Gallia, Italia, Hispania, atque Britannia ad sexcenta peditum, centena equitum millia confluxere, qui duce & auspice Godefrido Lotharingio & aliis, Asiam petentes, capta Nicæâ, porro Palæstinam, ejusque caput Hierosolyma expugnarunt: quam, constituto primo Hierosolymorum Rege Godefrido, octoginta octo annos sub octo Regibus tenuerunt. Eodem illo victoriarum impetu Antiochiam, Edeffam, atque Tripolim ceperunt; illa & ista principatus, hæc vero comitatus nomen obtinuit: atque autor noster duodecimo illo seculo atro-

cissima Turcarum bella in Perside patria sua fugiens, hinc Damasci amici cuiusdam consortio turbatus, ut anachoreta per Palæstinæ solitudines oberrans, in Christianorum manus & vincula incidit, quem fatalis quædam felicitas servatum, procul dubio, quia gente Tersa atque præterea inermis esset, Tripolim abduxit, ubi permuniendæ urbi, una cum Judæis, egesta terra in vinculis & compedibus, fossam ducere cogebatur, donec tandem quidam primorum Haleppensium, qui cum illi familiaritas intercesserat, illac transiens, Sadum agnitum decem aureis ex Francorum vinculis liberavit; secumque Haleppum abduxit, & filia suæ, quam habebat unicam, matrimonio iunxit; quæ cum prava & procax esset, illi pauperiem suam hunc in modum exprobrat, inquiens:

Pag. 103. 2 Nonne tu ille es, quem pater meus decem aureis Francorum vinculis exemit? Respondi ego: Imo decem aureis me servitute liberavit; centum vero aureis me tibi mancipium vendidit.]

Quia in dotem sponsus ipsi sponsæ pro virginitate polliceri debet certam pecuniæ summam, quam uxori, si eam postea repudiare velit, præstare tenetur. Autor noster uxori suæ centum aureorum dote adstrictus erat; adeoque dicit, cum pauper nullam præstandæ dotis viam videret, se in servitutem illi à patre suo datum esse. Repudiare quidem eam per legem licebat; sed dos afferenda primum erat, quam ille, omnium rerum egenus, habebat nullam.

Pag. 107. * *Digitus formosæ, atque ima auricula aspicientis animum capiens, Sine inauribus, annuloque ex erano pulchra sunt.]*

Eranus gemmæ genus est, colore cæruleo, quod Persæ & Arabes Firuse & Piruse appellant, vulgo Turcois.

Pag. 109. * *Benevolus quidam amicus senecionem consulens inquit: Quid agendum mihi, mortalium crebro accessu quam maxime fesso; pretiosissima quippe mihi accessu suo turbant, eripiuntque tempora? Respondit senecio, Pauperibus, qui te accesserint, mutuum dato: à ditioribus vero aliquid petito.]* Hæc hiistoria casu, non consilio comprobata fuisse à scriptoribus traditur, per Caicum Sadi cujuspiam filium, cui, cum ille gravissime ægrotaret, atque nemo mortalium eum inviseret, ejus rei causam roganti, responsum hoc modo fuit: Pudet illos non quidem turpis facti; sed suæ egestatis, eoque te inviscere verentur: quia omnes in ære tuo sunt; neque, quod reddant, habent. Ad quam vocem respondit ille: Apage malas illas divitias, quæ nobis mortalibus bonæ tantummodo mentis impedimenta sunt, atque amicos etiam & fratres inimicos faciunt: cognita igitur vera hujus pudoris causas, statim edixit: omnium nomina; quæ in suo ære essent, liberali munificentia remissa esse: tradunt ipsum plus, quam ducenta aureorum millia debitoribus suis condonasse, atque egregio illo liberalitatis exemplo pristinam amicitiam instaurasse.

Pag. 112. * Apologus : *Hanc audias historiam, Bagdadi*

Inter vexillum & tapetum natum est jurgium.]

Bagdadum urbs longe amplissima & nobilissima ad Tigrim flumen condita, Chalifis quondam Abasidis regia fuit; qui aulam in ea habuere longe amplissimam, cujus murus à fluminis ripa surgens in Occidentem recederet, atque inde in Orientem dimidiatae lunæ in modum reflexus, in eadem fluminis ripa rursus desineret, ut spectantibus semicirculi speciem præberet: aula hæc tertiam Bagdadi urbis partem magnitudine æquabat; septem portis, magnæ alicujus urbis instar, & omnibus deliciis instructissima fuit; per quarum mediam Rēges, Principes & legati ad Chalifas admitterentur: mediam urbem Tigris flumen interluit, Occidentalis urbis pars Ekarch appellatur, quam Abu schefer Elmensur, cum urbem conderet, colebat: Orientalis urbis pars Asker Elmehdi dicitur; quia Mehdi Mensuri filius eam primus cum exercitu suo insecut: Urbs vero nomen suum invenit, ut placet nonnullis, à simulacro Bag, quod ibidem olim divinis honoribus colebatur, & à Dad, quæ à Persica voce Daden derivatur, & dedit significat, quasi tu eam, simulacri Bagi munus esse, dicas: Vel ut alii malunt, à Rege quodam Bag appellato, quasi tu illam Bagi Regis opus esse dicas: vel à Persica voce Bag, quæ Persice hortum notat, & à viro quodam Dad appellato, ac si illa Dadi cujuspiam olim hortus fuerit: posita est longitudine septuaginta graduum, qua-

quadraginta quatuor minutorum : latitudine triginta trium graduum , viginti quinque minutorum : Babylon urbs ab hac longe fuit diversa , quippe ea condita fuit ad flumen Euphratem , à quo interfluebatur media ; longitudine quidem graduum septuaginta ; alii malunt sexaginta novem : latitudine triginta duorum ; adeoque bidui itinere Bagdado distita fuerit.

Pag. 113. * *Respondit tapetum : Ego caput meum limini impono :*

Haud tuo exemplo caput ad astra levo.

In Oriente nullos conclavium parietes Europæorum more tapetis vestiunt ; sed eorum pavimenta iis consternunt , quibus & ingredi & insidere , sine ullo sordium inquinamento , mos est ; cum duplici calceo vestiti , exterior sit exutilis , quem antequam tapeta contingant , sine ulla molestia , crepidarum instar facillime exuunt : hinc tapetum , cum solo insternatur , ita loquens inducitur : Ego caput meum limini impono ; non ad astra levo.

Pag. 114. * *Respondi ego : Erras ; quinimo oraculo quam maxime suffragantur ; Altissimus enim Deus ita ait ; si tibi (parentes tui) infliterint , ut mihi socium adjungas , quem tu negas , ne illis obtemperaveris .*] Hæc verba ex ipso Corano petita potissimum Christianos notant , quia Muhammedes , ut omnes pariter infestis armis peteret , primum omnes Vatiniano odio inter suos traducere debuit ; prætexto parando sibi imperio Numinais jussu . Gentilibus itaque suo jure & lege nulla vitæ relinquitur spes , nisi

facra Muhammedana amplexi, in ipsorum verba & sensus iuraverint: Christianis atque Judæis pariter quoque infestus, illis propter Sanctissimæ Trinitatis mysterium, his propter trucidatos quondam prophetas; utrisque, quia non rejectis suis facris, quæ Muhammedes abrogasse Numinis iussu ambitiose jactat, ipsorum imperia & Coranum per omnia sequantur; aliqua tamen ratione mitius habentur gentilibus, quod scilicet persoluto vectigali vitam redimere possint quotannis.

Pag. 115.^a Jurisconsultus quidam filiam suam maxime deformem cæco cuidam matrimonio sociavit: scriptores tradunt, eodem anno ex insula Serendib Medicum quendam venisse, qui cæcis visum restituebat. Jurisconsultum rogarunt: Quidni genero tuo oculorum usum quoque reddis? Respondit ille: Metuo, ne videns, filiam meam repudiet.] Serendib Indici maris insula, urbem nomine Agnam habet, longitudine centum viginti quatuor, latitudine sesquigradus positam; Insulam totam in duas partes dividit vastissimus mons, cui Rahua nomen est, ipsi lineæ æquinoctiali suppositus. Opinantur Muhammedani, primum hominem Adamum Paradiso, quem ipsi in cælo fuisse statuunt, à Deo ejectum; in hunc montem primum descendisse: Europæi Insulam istam vulgo Zeilan appellant.

Hinc vero Sadi nostri historię gemina est illa, quam Arabes tradunt: Patrem quendam filiam habuisse valde deformem, adeo ut eam
cæco

cæco cuiuspiam in matrimonium dare coactus fuerit; hæc aliquando marito suo inquit: Mi vir, ô si tu nunc oculorum usum haberes, ut me vel semel contemplari posses! tum demum conspiceres vultum meum plenilunii instar splendidissimum, collum meum argenti instar nitidum, genas meas ut aurum coruscantes, mentum ut rosam, labia uti rubinum, dentes ut uniones, linguam uti corallium. Ad hæc maritus: Quamvis ego o mulier, non oculorum quidem; sed recti tamen iudicii usum habeo, quod equidem hoc mihi persuasum est, si tu ea pulchritudine fuisses, qua te nunc mihi non videnti jactas, non te mihi cæco nuptum dedisset pater.

Pag. 117. * *Velamen septem coloribus distinctum foribus tuis ne obtendas,*

Tu, qui intra ædes stoeas, seu vilis stragula tenes.]

Hic autor noster alludit ad Orientalium morem, quo omnes ædium suarum solum, tapetis divites, pauperes vero itoreis & vilibus stragulis consternunt, præterea contra hibernas tempestates foribus velamina diversorum colorum vel texta, vel ex vario panno scite confuta obtendunt: monet igitur pauperem, qui itorea vili conclave habet constratum, ne speciosum velamen foribus suis obtendat. Quo ipso religiosos docet, ne animo & moribus pravi, exterius religioso habitu fictam pietatis speciem hominibus ostentent.

Pag. 118. † *Moris est, ut domini, qui mancipiis libertatem reddunt,*

Senioribus ex iis libertatem præstent.]

Hic Sadus sub aliena persona causam propriam agit, argumento à dominis petito, qui cum insigni beneficium servo alicui conferre volunt, seniores servilibus tædiis per multos annos viribus exhaustum manumittunt; ut isto pacto beneficium longe acceptius esse videatur. Sic Sadus petit, ut Deus illum tanquam senem multis malis exercitum, dira infernalium poenarum servitute ereptum, æternæ beatitudinis libertate donare velit.

Pag. 118. * *Infelix est ille, qui caput suum deflexerit.*

Ab his foribus; alias enim fores non invenerit.]

Hic per fores ipsum divinæ Majestatis Numen accipitur, ad cujus scilicet limen omnes, quotquot calamitatibus premuntur, accedentes opem implorant: Monet autor has fores, ut unicum salutis portum, minime deferendas, quia nusquam aliæ inveniantur.

Pag. 119. * *Inscriptum fuit tumulo Bihrami Couri:*

Manus liberalis lacerto robusto præstat.]

Hic Bihramus Cour ille Rex est, cujus supra meminimus pag. 316.

Pag. 119. † *Non restitit Chatemtajus, verum in æternum*

Restabit magnum illius nomen, benevolentia & liberalitate famosum.]

Chatemtajus gente Arabs, vir omnium seculorum memoria dignissimus, non sui tantum; sed omnis ævi mortalium liberalissimus fuit, adeo

adeo ut insigni sua liberalitate, cujus nunc quoque recens memoria est, liberalitatis vocabulum genti suæ eripuerit, & suum illi nomen pro eo reliquerit: Chatemtajum enim vocant, si quem liberalem dicere volunt. De innumeris egregiæ ejus liberalitatis exemplis, quorum pleni sunt omnes Arabum libri, pauca tantum velut in transitu hîc attingere consilium est, unde tanquam ex ungue leonem divinam viri indolem, qua demereri omnes gaudebat, cuius facile erit æstimare.

Igitur memoriæ proditum est, Chatemtajum inter equos, quos plurimos alebat, pulcherri-
ma corporis specie equum habuisse, colore atrum, cursus celeritate, supra quam dici potest, celebratum: Chatemtajus vero & is, quem dixi, equus, late orbem impleverant, ille liberalitatis, hîc pernicitatis suæ fama, adeo ut apud ipsum etiam Græcorum Imperatorem, uterque aliquando ita laudaretur, tanquam si neuter, nec Chatemtajus liberalitate, nec equus generositate parem usquam inveniret. Tum Imperator consiliario suo illos laudanti: Rem nunquam visam, inquit, sine certissimo testimonio laudare non decet; ejus rei periculum facere mihi certum est, laudatissimum illum equum à Chatemtajo petam, si petenti donaverit, tum demum re intellexero, illum liberalitatis nomine summum virum esse; sin negaverit, tantum vana fama falsum hoc liberalitatis nomen differri. Imperator igitur ad Tajanani familiam sapientissimum virum cum decem comitibus legatum misit,
qui

qui hieme domo digressi, vere eo pervenire :
Quibus Chatemtajus quam benignissime ex-
ceptis, generosissimo illo equo mactato epu-
lam statim apparat, atque inter epulas hospi-
tibus suis, quo gratos sibi venisse eos testare-
tur, regali munificentia manipulos auri ple-
nos dilargitur. Legato postridie missum se
dicenti, quo inclytum illum equum imperato-
ri suo peteret, Chatemtajus hac voce tanquam
fulmine quodam percussus ait : utinam vero,
vir summe, maturius legationis tuæ causam
exposuisses, ut donato illo equo te & impera-
torem tuum beare potuissem? Ego enim præ-
stantissimum illum equum heri in vestram
omnium gratiam mactavi, & assum atque eli-
xum vobis epulandum apposui: Cum ob spur-
cam cœli tempestatem, & largissimos imbres,
quibus omnes viæ inviæ erant, alii equi, qui
in pascuis essent adduci non possent; nec o-
vium, boum, aut camelorum, qui longe abe-
rant, copia ulla esset, ut non aliis, quam ma-
ctati hujus equi dapibus vos excipere potue-
rim: indignum enim ingenio & moribus meis
existimabam, si hospites mei, minus liberali-
ter habiti, jure conqueri posse viderentur: ego
enim in hac vita non equi; sed nominis mei
inclytam famæ gloriam affecto: Tum Cha-
temtajus hospites suos aliis generosissimis
equis, multo auro, & magnificis vestibis do-
natos domum remisit. Imperator tum ex le-
gato, tum ex comitibus ejus quoque seorsim,
intellecto liberalissimo illius ingenio, divi-
nam viri mentem veneratus, assidue eum lau-
dibus

dibus ad cœlum ferre nunquam destitit.

Temporibus ipsius Chatemtaji, in Arabia Felici Rex quispiam fuit, qui liberalitatis & munificentiae gloria omnes sui ævi Reges superabat, eoque nomine late inclaruerat, adeo ut suae liberalitatis conscientia superbus, Chatemtaji nomen minime ferre posset: quin ad nominis ipsius memoriam graviter excandescens, laudantes eum his verbis acriter corripere: Quid mihi vanum iitum hominem memoratis, qui neque regnum, neque imperium, neque thesauros habet; sed incertis sedibus errans deserta colit? Quid eum mihi tantopere laudatis; non enim Rex aliquis est, qui de omnibus bene merendi habeat facultatem? Idem Arabiae Rex aliquando magnificum toti populo epulum præbuit; in illo epulo incredibili quadam benignitate omnes habebat, ut cuiusque dignitas & vitae conditio maxime postulare videbatur; Inter ipsas epulas aliquis forte Chatemtaji mentionem fecit; alius quispiam hoc audito, eum pleno ore celebrare & beneficentiam ejus prædicare cœpit. Quo ipso Rex invidiæ stimulis accensus, Chatemtajo irascitur, adeo ut interficiendi ejus consilium caperet, ita enim secum reputabat: Hoc quidem vivo, dignam ex liberalitate famam sperare non licet, tenet ille, tenebitque, dum vivet, hoc liberalitatis regnum, & fulgore gloriæ suae, inclarescentis famæ meæ luminibus officit. Repertus igitur ex satellitibus regis est, qui Chatemtajum se interfectorum pollicitus, ex templo Tajanam familiam peteret: Ille ubi ad
Tajanæ

Tajanæ familiæ sedes pervenit, fit ei obviam juvenis quispiam, qui ipse Chatemtajus erat, cujus incredibili humanitate, & suavissima oratione captus mire delectabatur: hic summi ingenii & divinæ benignitatis juvenis, satellitem illum hospitio suo exceptum, quam liberalissime habet, adeo ut malum hominis animum, omni officiorum genere devinctum & devictum, prorsus sibi conciliaverit. Postridie juvenis discessuri hospitis manus deosculatus, precibus obnixè obtestatur, aliquot etiam dies apud se commorari velit, ut ex animi sententia eum coleret, se enim brevitate temporis prohibitum, nulla justa beneficentia & honore hospitem suum prosequi potuisse. Hic satelles inquit: Minime commorari diutius hic licet, grave enim quoddam negotium, quod lentas moras non patitur, alio me vocat. Tum juvenis: si id mihi aperueris, & operam meam ad illud negotium quidquam conferre posse censeas, equidem omnem operam dabo libens, ut voti tui quam primum compos fias. Satelles benignissimo hoc juvenis responso lætus, ô liberalissime juvenis, admove aures, inquit; ut tibi arcanum meum detegam & consilium prodam: quia certus sum, benignos & liberales viros, ab aliis sibi credita arcana nusquam effutire, proinde & tibi hoc fidenter committo, ne illud cuiquam mortalium prodas, per Deos immortales obtestatus: Nostine in hoc loco virum aliquem nomine Chatemum, ingenio præstantem & moribus benignum? Arabiæ Felicis Rex caput ejus expetit, & me ad
inter-

interficiendum eum huc misit, graves inter illos inimicitias esse oportet, quarum quidem causa parum mihi comperta est. Tu si mihi hominem monstraveris, aut ubi habiter, demonstraveris, satis mihi officii feceris, nihil amplius expeto. Tum juvenis cognito hospitis sui arcano & atrocissimo consilio ridens inquit: Chatemtajus ille, quem quæris: en ipse ego sum! Caput hoc meum, ecce, gladio tuo ultro præbeo! præcide sane, & aufer, atque desideratum hoc munus Regi tuo offer, ut tuo & ejus animo abunde factum sit satis. Sed nunc è vestigio id auferas, moneo, dum adhuc multa nox est, ne forte, si cesses, ubi diluxerit; periculum tibi à familia mea immineat, & pulcherrimam occasionem, quæ nunc adest, cunctando corrumpas. Cum Chatemtajus intrepide & liberalissime homini caput suum amputandum offerret, ipse novo hoc rei miraculo perculsus, lacrymis ubertim per genas manantibus alta voce exclamat: Mox præ stupore collapsus, dennoque resurgens, modo solo, modo manibus, pedibusque ejus oscula figens, cum incredibilem illam animi constantiam, & liberalitatem plus quam humanam demirari satis non posset, cogitati facinoris culpam supplex deprecatur: & gladio pharetraque, victi in modum, humi projectis, manibusque in cælum admirantium more sublatis, inquit: Si medius fidius vel unum corporis tui pilum violare ausus fuero, non equidem vir, sed ignavissima mulier æterno cum opprobrio omnibus habear; dignissimus certe, quem

Dii

Dii Deæque omnes sempiternis animi corporisque suppliciis inactent: sic ille. Tum mox discessum parans, Chatemtajum quam amicissime complectitur, eumque deosculatus Arabiam suam Felicem repetit, & ad Regem suum redit. Rex conspecto viri vultu, cum eum nihil egisse cognosceret, inquit: Ehdum ad me bone vir, ut audiam ex te, quid tandem renuncies, cur caput ejus pharetræ tuæ alligatum huc non adfers? An vero congressus viro, certamine impar eras, qui re infecta redeas. Ille supplex terram facie contingens, cum Regem veneratus esset, inquit: Ego Chatemtajum virum reperi gloriæ fama celeberrimum, magnanimitate, prudentia, liberalitate præstantissimum; moribus formaque pulcherrimum, & quod fateri pudet, fortitudine meipso longe superiorem. Ille me infanda beneficiorum mole obrutum, benignitatis & liberalitatis gladio jugulavit. Hinc Regi, quæ viderat ipse, atque expertus erat, omnia enarrat ordine. Quibus auditis, Rex tantum Tajanzæ familiæ decus gratulatus, divinasque Chatemtajum animi corporisque dotes toto pectore veneratus, ingenue inquit: Merito te, Chatemtaje, tanquam præsens aliquod Numen certatim laudant & colunt omnes, quia virtus tua famæ respondet. Atque satelliti illi, cujus eum oratio mirum in modum affecerat, marisupium auro plenum, laborum virtutisque suæ præmium dari jubet, quod liberalissimi Chatemtaji nomine obsignatum atque ornatum esse voluit.

Ali-

Aliquando legatum misisse dicitur Namaro Munseri filio, ille contra ipsi duos camelos auro & argento bene oneratos remisit : Ad cuius rei famam Arabes Nomades certatim advolant, dicentes : Tibi tantæ missæ sunt divitiæ, nos vero pauperes huc adsumus, ut earum tuo beneficio participes fiamus. Tum Chatemtajus omnes illas divitias summa liberalitate ipsis distribuit, ut ipse nec hilum ex iis sibi reservavit.

Hic tantus vir, quem natura in id produxisse videtur, ut perfectæ benignitatis exemplum omni posteritati repræsentaret, jam à teneris unguiculis, atque primo adeo infantia ortu, (mirum dictu, mirum creditu,) quantus ille olim liberalitate vir futurus esset, dederat sane documenta maxima : quotiescunque enim mater infanti mammam dare vellet, nunquam eam attingere ille sustinuit, nisi simul etiam alienum infantem alteri manum suæ admovisset, ut cum per tenellam ætatem aliter non posset, saltem communicato materni lactis fructu, alios demereri inciperet, manifesto ingentis benignitatis argumento.

Matrem quoque liberalissimam habuit, adeo ut ipsa divitias, quas maximas habebat, effusa largitione plane profunderet : egestatis igitur metu, primum à sororibus frustra correpta, tandem in vincula coniecta fuit, uti deduceretur malum istum largitionis morem ; & cum annum in carcere exegisset, acquisitæ frugalitatis spe vinculis eximitur ; sed illa ad ingenium rediens, denuo semina cupiam
egenæ

egenæ marsupium auro plenum dilargitur, inquit : Tum temporis, cum in vinculis misere constricta, solitæ liberalitatis usum intermittere cogerer, votum feci, ut nullum posthac hominem pauperem indonatum à me dimitterem.

Tanta tam inusitatæ liberalitatis gloria etiam à morte viri, generi & genti ejus ad salutem profuit : cum enim Muhammedis ævo Tajana familia religionem illius amplecti nollet, hinc illam tanquam contumacem bello adortus, immisso exercitu, nonnullos ex ea capit, eosque ad se adductos interfici jubet, legem suam averfantes, ut qui per se impuri, impura quoque sacra colerent. Inter eos femina quædam forte erat, quæ supplicium sibi parari videns, inquit : Ego inclyti illius Chatemtaji filia sum, vos mihi ; ô Muhammedani, Muhammedem vestrum orate, ut mihi benefici patris filiæ libertatis beneficium præstare velit ; jussu igitur Muhammedis illam vinculis compedibusque solutam dimittunt, de reliquis supplicium sumpturi. Quod cum Chatemtaji filia videret, carnificem populares suos jamjam gladio percussurum, lacrymis genas perfusa obtestatur, inquit : Tu mihi quoque cervicem deme, malo enim cum popularibus meis una mori, quam sine iis sola superesse. Non equidem illud beneficium esse existimo, ut me solam vinculis exsolvi, populares vero meos vinculis constrictos ad supplicium rapi videam ; morte igitur illis jungi, id vero mihi longe gratissimum erit. Hanc familiæ suæ calamit-

lāmitatem lacrymis manantibus, flebilique voce miserata expressit, ut ipse Muhammedes plorantis vocem exaudiret, precibusque ejus & grata benefici quondam patris memoria permotus, totam illius gentem liberam dimitteret.

CAPUT III.

Pag. 123.^a **H**istoria: *In Annalibus Ardeschiri Babegani memoriae proditum est, illum rogasse medicum Arabem, quantum sibi capiendum sit uno die? Medicum respondisse: Centum drachmas sufficere. Cui ille oblocutus, ait: Tantillum quid roboris homini prestare potest? Medicus reddit: Illa cibi quantitas te satis bajulabit: si vero illam excefferis; tu cibi bajulus eris.*] In Thesauro Regio geminus hujus nominis Rex occurrit, alter est Ardeschirus Esfendiari filius, cujus pater Custasibus Esfendiar Rusin Ten, Esfendiar æneo corpore cognominatus fuit. Alter est Ardeschirus Sasan filius, qui Babegani filiam conjugem habuit: hinc itaque addito Babegani nomine, alter Esfendiari filius excluditur, qui Babegani tritavus fuit.

Scriptum est in libro eo, qui Keschaf appellatur, Harunem Reschidum exinium Medicum habuisse Christianum, qui cum aliquando Ali Hufini filio, nepoti Wakidi objiceret: Miror, vos in religione vestra nihil quicquam de Medicina habere, cum tamen duæ sint principes scientiæ, Altera corporum Medica, altera

altera animorum religio. Respondit Ali: Imo vero Deus in nostro Korano universam medicinam dimidio commate his verbis est complexus: *Edite, bibite; sed ne prodigite.* Tum instat Medicus; hæc Korani, id est, ut vos opinamini, Dei optimi maximi verba sunt; sed vates vester nihil quidquam de Medicina ipse prodidit. Imo, inquit alter: Vates noster paucis his verbis totam Medicinæ summam comprehendit: *Gula omnium morborum officina est, eorundemque præsens remedium abstinentia: atque cuius corpori illud præbe, cui adsuevit.* Hic Medicus Christianus inquit: Supervacua igitur omnis nostra Medicorum cura est, atque ipse omnium Medicorum Princeps Galenus operam suam perdidit.

Pag. 124. Saccharum rosatum si nimium comederis, noxam adfert:

Si vero siccum parce comederis panem, saccharum rosatum erit.]

Huc spectare videtur illud cuiuspiam veteris sapientis præceptum, cui filium suum monenti, Ne cibum nisi cum saccharo comederet, filius ita respondit: Non reliquisti mihi, ô pater, tantas opes, ut cibum cum saccharo sumere possim. Tum inquit pater: A cibo abstinere, donec stomacho fame stimulado, quilibet cibus sacchari instar tibi edenti dulcis & suavis fiat.

Pag. 124. b Apud lanionem quendam in urbe Wasita religiosi aliquantum aeris alieni contraxerant: lanio suum quotidie flagitans, miseros acerbis indignisque verbis laniabat.] Walita Arabice

bice Wasit appellatur, ab urbium medio scilicet, in quo posita esse dicitur: quia hinc Basram proficiscenti iter quinquaginta parasangarum patet: Cusa totidem distat: Ahvana quoque atque Bagdado tantundem: Uti nobis haud inepte Mesopolis sive Mediurbium dici posse videatur: utramque Tigridis ripam ædificiis ita complexa, ut ipsam flumen navali ponte junctum interluat mediam. Hinc asportatur calamus ille scriptorius, sive arundo, quæ in Oriente, uti nos in Occidente anserinis pennis, commode utuntur, quæ etiam à natali suo solo, quo nascitur, cognomen tulit, ut Calem Wasiti, id est, Calamus Wasitanus dicitur: urbs æmœna & multorum doctorum virorum gloria clara: posita est longitudine septuaginta unius graduum, triginta minutorum: latitudine triginta duorum graduum, viginti minutorum.

Pag. 125. * *Viro cuidam liberali in Tatarico certamine graviter vulntrato quidam infit:]* Per certamen Tataricum intelligitur illud, quod à Tataris Hulagu, quondam paganis, contra Muhammedanos certatum est; quibus etiam victis, Persidem atque Arabiam Tataři eripuerunt.

Pag. 126. * *Colocynthidem ex manu viri probi & benevoli si comederis,*

Præstat; quam si dulce (sive saccharum) ex manu viri virulenti & vultu torvo.]

Colocynthis Persis & Arabibus Hensal, Turcis Abu Schehel Carpusi dicitur: duo ejus genera sunt, mas & femina; fructus pomi magnitudine, insigni amarore, varias vir-

tutes in morbis curandis obtinet, præcipua vero ea est, quod potus mite advesetur serpentum, scorpionumque ictibus, adeo ut de eo referant, Arabem quendam quatuor diversis locis à scorpione ictum, hausto unius drachmæ pondere statim sanatum fuisse. Cum vero sua quoque incommoda habeat, adeo ut nisi aliis pharmacis correctus interficere possit, & insigniter amarus sit; hinc autor ait: se ex benevoli viri manu amaram colocynthidem, quam ex virulenti manu faccharum comedere malle.

Pag. 130. c O tumide; quidnav te in discrimen præcipitavit,

Vt interieris? Utinam formica non subvolaret!

Abjēctus si dignitatem, argentum, aurumque obtinuerit;

Caput ejus colaphum omnino ambit.]

In Oriente & alibi quoque formicis, adulta jam æstate, alæ succrescunt, quas tum reliquæ adhuc in volucres certatim adoriuntur, ut moribus & corporis habitu sibi dissimiles, magno impetu vexant atque expellunt. Alatæ vero, alarum fastu superbæ, cæterarum tyrannidem fugientes, in sublime subvolant, quæ tum consortio & victu destitutæ, per tempestatem pereunt. Hinc est, quod autor noster dicit: Utinam formica alas non haberet, quia illa insperata & inusitata corporis dissimilitudo, quæ reliquis odio est, animos illi facit, atque iste per sublimia volatus, ipsi uti superbis suus fastus exitium affert.

Pag. 130. d Quendam ex Arabibus, qui per avia incertis sedibus vagantur, in circulo
gem-

gemmariorum ita narrantem audiui.] Arabes in duas classes commode dividuntur: in Arabem proprie dictum, & Arabem sylvestrem. Areb, Arabs universam Arabum gentem complectitur, sive urbes, sive pagos, sive deserta incolat. Aarab vero, ejus gentis partem notat, quæ urbibus, pagisque neglectis, sola deserta & campetria inhabitat, quem Arabem sylvestrem, vel Nomadem bene dixeris; inde adjectivum Arebi, id est, Arabicus, hinc vero Aarabi, id est, ad Arabem sylvestrem pertinens.

Pag. 131. * *Desiderium meum est fluvius, cujus undæ genna mea pulsant:*

Vt ingrediens utrem meum impleam.]

In Oriente aquam fontanam vel fluvialem utribus infusam, atque jumentis impositam, per urbes & pagos venalem circumferunt; viatores quoque in itinere utres aqua impletos devehunt, qua per sicca & arida locorum sitim expleant: hic vel utrem ipsum, vel ob similitudinem sitientis hominis ventriculum intellige.

Pag. 131. *Aurum, quod tenet, etsi totum obryzum fuerit,*

Vir sine viatico, animi desiderium in deserto haud expleverit.]

In textu obryzi loco Scheferinum habetur, quia Scheferini aurei ab Imperatore Schesero sic dicti, magnitudine & auri purissimi pretio celebrantur.

Pag. 133. * *Gallina assa in conspectu viri saturi,*

Vilior est cartami folio in prandio.

*Pauperi vero & inopi, qui facultates non habet,
Coctum rapum gallina assa est.]*

Cartamus sive nasturtium, in Oriente & Occidente quoque prarudentibus pro obsonio est.

Pag. 134. ^c *Quendam vidi mercatorem, qui centum quinquaginta camelos mercibus onustos, quadraginta servos, ministrosque habebat: Quadam nocte in insula Kisch me in hospitium suum deductum, totam per noctem stolidis sermonibus fatigavit, inquiens:] Insula Kisch sive Keischha inter Basram & Indiam posita, palmis abundat, uberrimo margaritarum proventu nobilitata, uno die ab expeditissimo equite obiri potest. Jacutus tradit; insulam esse amœnam, multo plurimis hortis & palmetis frequentem, quæ ipsius temporibus, cum eam lustraret, plurium doctorum virorum gloria inclyta erat. Posita est longitudine septuaginta octo graduum, octo minutorum: latitudine viginti octo graduum & octo minutorum.*

Pag. 135. ^f *Hocne audivisti in campo Gurensi Viatorum ducem, camelo delapsum*

Dixisse? Angustum avarumque mundani hominis oculum

Aut continentia, aut sepulchri humus opplet.]

Gura est duplex, altera inter Tehamam & Arabiam Felicem; altera inter Indiam & Belcham posita, unde campus hic dictus est.

Pag. 130. ^{*} *Servo necessitate perculso, quid refert supplices manus*

Tendere ad Deum pietatis causa, benefaciendi vero tempore eas sine condere?]

Textus

Textus pro sinu vocem Bagal habet, quæ Arabice Ibton id est, axillam denotat, quasi autor dicat: Frustra est, Deum calamitatis tempore opem poscere, inanibus in cœlum sublati; benefaciendi vero tempore manus contrahere, easque sub axillas, aut sinum recondere.

Pag. 136. † *Propinqui pauperes audita clade vestes dilacerarunt, novas vero ex præstanti serico lana intertexto, & Pelusiaco varii coloris panno pararunt.*] Pelusium nunc Damietta dicitur, hinc textus Dimiati, id est, Damiaticus habet, quia hoc panni genus colore varium, ex lino & gossypio Damiatæ, in urbe Ægypti textitur, unde & nomen sortitur.

Damietta Ægypti urbs, muris cincta, mari ad Orientale Nili ostium, ubi in mediterraneum effunditur, adstructa, anno à Muhammedis fuga octingentesimo quadragesimo octavo diruta periit, crebris obsidionibus fatigata, tandem à Francis capta atque everfa fuit. latitudine unius & triginta graduum.

Pag. 138. † *Illo momento, cum hostis ingruerit densus,*

Arcus Kianous tendi nequit.

Historici Persarum Reges in quatuor familias distribuunt, prima *Pischdadiorum*, undecim Reges continet, sic dicta à Persico Pisch, quod Prius, & Dad, quod justitiam notat, ac si primos illos juris præsides, sive justitarios dicas, qui hoc cognomine ornari meruerunt propter egregiam justitiæ & æquitatis laudem, qua sylvestrem & ferinam hominum vitam ad virtutem & humanitatis mores com-

posuerunt. Horum primus Rex Kiumertus fuit, qui omnium primus urbes & civitates in terris condere aggressus est, cujus auspicia fuerunt famosissima & antiquissima illa. Perfidis urbs Istechar, quam incredibilis artis & firmissimi operis fabricam, tanquam æternum & stupendum regię opulentię monumentum omni posteritati relinquere voluit: hanc ipse, & ab eo alii Persarum Reges diu regiam coluere, a quibus etiam, præsertim vero ab Huschenscho & Schimschido mirifice aucta & ampliata fuit, ut nulla usquam urbs magnitudine & magnificentia cum ea certare unquam potuerit. Rex ille Feridunus, cujus supra mentionem fecimus, in hac Pischdadio- rum familia ordine quintus, Gerschafusus ultimus fuit. Altera *Kianeorum*, novem Reges complectitur, quorum primus Keicabadus, postremus Alexander Darabi, id est, Darii filius, per quem Alexandrum Sulcarnein, id est, Magnum intelligi volunt; quia eum non Philippi filium, sed ex filia nepotem esse contendunt Persæ: invaluit autem fama illa, ut diceretur Philippi filius, quia ab ipso educatus, tanquam in paternis laribus, nepos filii loco, ut sæpe fit, ad solandam filii orbitatem, habitus esset. Fuit autem patre penultimo Dario Persarum Rege, ex Philippi filia genitus, quam ille à nuptiis, comperto corporis vitio, ex se gravidam patri Philippo domum remiserat, unde etiam post patris Darii obitum, cum Dario fratre tanta discordiarum & bellorum semina de Persici regni hæreditate orta fuerunt. Regnante hac Kianeorum familia floruit lau-
datissi-

datissimus ille Cyrus, qui matre ortus Hebræa à sexto hujus familiæ Persarum Rege Bahmano, Esfendiari filio, Babylo ni præfectus fuit : Idem ille Bahmanus, matris conjugisque Hebrææ, quæ, ut fama est, genus ad Davidem referebat, amore in hanc mentem impulsus, ut Cyro imperaret, Judæis, duce, quem ipsi velent, præposito, redeundi in patriam, ad instaurandum templum Hierosolymitanum, potestatem faceret. Tertia *Eschganiarum* viginti quinque Reges habet, primum Schabur, id est, Saporem ; ultimum vero Bihramum, Bihrami filium. Quarta *Sasanorum* unum & triginta Reges comprehendit, primum, Ardeschirum Babeganum Sasanii filium, ultimum Jisdeschirdum Schehriari filium ; cui à Muhammedanis gravissimis bellis oppresso, Persicum regnum ereptum fuit. Autor noster ab altera illa *Kianearum* familia arcum Kianeum appellat, quia illa sagittariæ artis studio & gloria quam maxime floruit, unde etiam, ob insigne hujus artis studium, robustos & præstantes arcus semper habuit, quibus nomen suum adeo nobilitavit, ut arcus omnium fortissimi & præstantissimi à nomine ejus Kianei cognominarentur.

Pag. 138. *Similis equidem est mortalibus asinus ille ;*

Vt vitulus corpore, voceque bovina præditus.

His verbis stolidus ille obesus, pretiosa toga indutus, Arabico equo insidens intelligitur, quem Sodus ingenii stupiditate asino, inepto corporis habitu vitulo, atque incondita vocis ruditate bovi comparat ; atque pro his verbis,

ut vitulus corpore rescribe, Vitulino corpore,
voceque bovina præditus.

Pag. 139. * *Præstantia & ars inania sunt vocabula; nisi in forum producantur:*

Aloen igni imponunt, muscumque terunt.]

Hic per Aloën lignum, non vero planta, cuius quoque succus eodem nomine gaudet, intelligitur: illud enim Arabibus, Persisque Ud, hæc vero Sabber dicitur, & à locis, ubi nascitur, cognominatur, ut Sabber Sacuturi, Aloe Sacutrina, ab Insula Sacutra. Sabber Arebi, Aloe Arabica, quæ in Arabia gignitur. Sabber Semenschani, Aloe Semenschana; hæc omnium pessima, ista mediocris, illa præstantissima & est & audit. Utrumque insignes usus habet, hoc corpori, illud reficiendis sensibus nobile est remedium: hinc frequentissimus ejus in Oriente est usus, nec ejus virtus cognoscitur, nisi prunis impositum paulatim exuratur, sed nobilissimum est Mendelinum, aliis virtute longe præstantius; atque ideo autor ait: Aloën igni imponunt, ut virtutem suam exerat, alioqui nisi incendatur, quanta ejus sit virtus, vulgo ignoratur.

Pag. 141. * *Corpus viri sapientis, perinde ut aurum obryzum est;*

Quocunque ierit, momentum pretiumque ejus norunt,

Rudis vero divitis filius similis est coriacea Regis moneta,

Quæ in aliena provincia nihil valet.]

Coriaceam monetam Persæ Schehreva appellant, à voce Persica Schah, contracte Scheh, quæ Regem; & Reva, quæ alioquin licitum esse,

esse, hic vero voluntatem & arbitrium notat; ac si tu coriaceam illam monetam Regis arbitrio subditis obtrusam dicas. Fuit enim quondam in Perside Rex quispiam iniquissimus, qui subditis suis pro ære atque argento parva, numorum magnitudine, coria imagine sui signata obtrudebat, quæ in contractibus tantundem, ac ipsum aurum valebant, istaque moneta ipsis sub jugo versantibus iniquior & visa & habita fuit, hanc quoque ob causam eam etiam hoc invidiæ nomine Schehrevæ notarunt, ac si tu dicas, Rex sic vult, sic jubet. Hinc quoque illa remansit monetæ istius memoria, ut cum Regis alicujus iniquitatem notare volunt, eum coriaceam monetam subditis suis obtrudere dicant.

Pag. 141. † Formosus quocunque iverit, honorem & benevolentiam experitur;

Etsi pater materque ipsum domo exturbaverint.

Pennam pavonis inter Corani videns folia,

Dixi: dignitas hæc gradu tuo altior est.]

Pavonis pennæ ob variam pulchritudinem inter librorum folia in Oriente ponuntur, quinetiam ipsius Corani, quem gens Muhammedana divinum & credunt & venerantur. Cum vero maxima librorum inter eos veneratio sit, ut disjectas etiam chartarum quisquillas magno studio colligant & asservent, neque ullam chartam obscœnis usquam usibus adhibeant, facile paret, summum hunc esse honorem, quo prosequuntur istum pavoniæ pennæ ornatum, hinc illa autoris verba: Ita dignitas altior est gradu tuo.

Pag. 142. ^h. *Si in peregrinum orbem ex patria discesserit ;*

Inopiam miseriamque non videt cerdo :

*Si vero in peregrina loca inciderit ex regno suo ,
Famelicus jacet Nimrusi Rex.]*

Nimrusum in Turcia ultra mare Caspium urbs quædam primaria est. Pro peregrino vero loco textus habet vocem Charab , quæ solitudinem notat, hic vero regna ipsius imperio non subjecta intelliguntur.

Pag. 144. * *Donec tandem ad aquæ cujusdam ripam pervenit , quæ rapidissimo cursu continua saxaolvebat strepitumque ad milliare usque edebat.]* Pro milliari autor habet vocem Ferseng, Arabes Fersach dicunt , Latini Parasangam , complectitur duodecies mille passus.

Pag. 146. * *Quam bene monuit Bechtaschus Chiltaschum ?*

Si hostem exacerbareris ; securus ne esto ,

Bechtaschus & Chiltaschus duo nobilissimi sunt athletæ, quos celebrat Thesaurus Regius.

Pag. 147. * *Culices, si plures fuerint , elephantem pungunt ;*

Quamvis animal sit ferocissimum & violentissimum.

Parvæ formicæ si consenserint ;

† Ferocissimi leonis cutem lacerant.]

Præsentitulum elephantis periculum , imo exitium ab insectorum minimo culice imminet , qui eum agmine facto certatim invadere & acribus moribus impetere solent: Cum vero proboscidem solus animalium habeat , si eam forte culex aliquis invaserit , acerrime discruciat , unde vastum illud animalium robur,

in

in morbum conjicitur, & fere isto frequentissimorum culicum malo extinguitur. Ut autem culices elephantum, sic parvæ formicæ animalium Regem leonem adoriuntur; quem lacerata cute crebris moribus interficiunt.

CAPUT VI.

P. 155. * **H**ocne audivisti, quendam religiosum applicuisse ferramenti calcei sui aliquos clavos.] Mos Orientis populis est, ut calceorum soleis communiter cum feminae, tum viri, ad gradum certius figendum, ferramenta suppingant, quorum exemplum Mosci, Poloni & Hungari in Europa sequuntur.

Pag. 52. ^a *Sahbanum Wajelum eloquentia dixerunt incomparabilem; qui etsi per annum integrum pro concione verba faceret, verbum nullum bis dicebat.*] Sahbanus in Arabia eloquii gloria inclytus, Wajeli filius fuit, quia vox Ibn, id est, filius, ob frequentissimum usum, inter duo nomina propria brevitatis causa, ut hic, sic alibi, sæpe intelligitur.

Pag. 157. ^b *Nonnulli servorum Regis Mahmudis rogarunt Husinum Meimendinum dicentes: Hodie tibi quid Rex de hoc dixit negotio?*] Husin Meimendinus Regis Mahmudis prorex fuit.

Pag. 159. *Historia: Astrologus quidam domum suam ingressus hominem peregrinum cum uxore sua sedentemprehendit; ignominiarum flammis vomere, calumnias jacere capit; adeo ut jurgia & contentiones natae fuerint.*] Historiam huic aliam haud dissimilem Arabes scriptores

radant : Fui ille virum quendam, qui domi suæ hominem ignotum apud uxorem suam sedentem deprehenderit : maritus cum sublato clamore rem vulgare pararet, ignotus ille his verbis id impedire conatus dixit : Audi me, bone vir, tibi consilium dabo rectum, quodli rem hanc uspiam proferas, mulierem adeo formosam repudiare necesse erit, quam si repudiaveris, serio & sero te repudii poenitebit : Sin autem celaveris, nemo culpæ hujus conscius erit. Maritus his verbis ad sanio rem mentem revocatus, postquam rem omnem diligenter apud animum suum perpendidit, celandæ rei consilium admittit, sed hominem istum probrosa & minaci oratione increpitum domo sua expulit.

Pag. 159. Tu si declamantem audirisses, dixisses equidem picæ vocem vocis ipsius cantum fuisse.] Pica Arabibus Garab Elbein, id est corvus inanspicatus, sive medius dicitur, quasi vero ille interveniens obstat, quo minus voti sui compos quis fieri possit : quia opinantur Arabes, si quis peregre profecturus obviam in via habuerit picam, illum sui voti nulla ratione compotem fore, atque hinc pica conspecta, illam ut sinistræ fortunæ augurium fugientes, plerumque ex ipso itinere domum redeunt.

Pag. 159. c Quando præco ille asinorum pater rudebat,

Vocem edebat, quæ munitissimam

Perfarum arcem Istechar destruebat.]

Istechar Perficarum urbium antiquissima, jam olim ab ipsis Perfici regni primordiis diu ejusdem

ejusdem gentis regia fuit, urbis magnitudinem, ædificiorum magnificentiam vastissima ruinarum monumenta hodieque arguunt; antiquitas urbem hanc, ob incredibilem fabricæ artem & structuræ solertiam, quam ab humano ingenio ne fingi quidem, nedum opere, aut arte heri potuisse existimarunt, ab ipsis geniis, uti & Baalbeccam, & Tedmuram conditam esse posteritati persuaferunt. Schirasâ distat duodecim parasangis, posita est latitudne triginta duorum graduum, octo minutorum.

Pag. 160. *Quidam in sacrario Sincheriano gratis alta voce preces præibat, voce inquam; quæ insuauitate sua auditorum animos raderet.*] Sincheria juxta Bagdadum prope Niniven egre-
gium quondam oppidum fuit, nunc vero ever-
sum in ruderibus jacet.

C A P U T V.

Pag. 166. *Et si tu septem quidem Corani partes memoria recensere possis;*

Amore si fueris captus, ne Alphabetum quidem noveris.]

Corani Lectores, totum Coranum tempore Hoscasi in triginta duas partes. diviserunt: deinde eodem quoque tempore in septem partes distribuerunt, adeo ut per septem. partes ipse totus intelligatur.

Pag. 172. ** Hodie denuo reverteris, ut amicitiam cum illo redintegres,*

Dum Fetha & Samma apposuisti.]

Per Fetha & Samma Arabum vocales ob figurarum similitudinem barba intelligitur,

ut qui imberbis antea discesserit, nunc barbatus rediisse videatur.

Pag. 174. * *Psittacum cum corvo eadem con-*
cluserant cavea, psittacus ex horrido ipsius corvi
conspectu mire discruciatatus inquit: ô corve, utinam
inter me & te Orientis & Occidentis spatium in-
terpositum esset!] ô corve, hîc autôr voces Gurab
 Elbein, adhibet, quæ corvum inauspicatum
 significant, quo picam signant. Sed cum an-
 tea simpliciter de corvo orationem instituerit,
 ne hîc lectorem incerta varietate vocum tur-
 baremus, nos eandem vocem retinuimus; id
 modo innuentes, illis gentibus picam quoque
 corvorum generi annumerari.

Pag. 177. * *Defunctæ mulieris mater, decrepi-*
ta anus, propter rationem dotis in ædibus illius
remansit.] Quia dos illa defuncta filia ad ma-
 trem lege redibat, & cum ille non esset sol-
 vendo, mores illius ferre debëbat.

Pag. 178. * *Rosa decerpta est, spinaque remansit;*
Thesaurum abstulerunt, serpens relictus est.]

Per rosam & thesaurum formosa illius con-
 iux, quam mors abutulerat; per spinam & ser-
 pentem conjugis mater, decrepita & morosa
 anus, intelligitur.

Pag. 179. *Quodam anno Mahmudus Rex*
Chorsemæ cum Chitææ Rege proprii commodi cau-
sa pacem fecit; ingressus ego templum Caschgera-
num, quendam vidi puerum mira pulchritudine
præditum, &c.] Chaschgera urbs Chitææ am-
 plissima, muris cincta, Turcarum regia est, su-
 perstitutione Muhammedana jam olim infecta,
 longitudine nonaginta sex graduum, triginta
 minutorum; latitudine quadraginta quatuor
 graduum.

Pag.

Pag. 180.* *Ego vero ajebam: ô fili; Chorsemā atque Chitæā pacem iniverunt; num Seïdus atque Amrus bellum foveant æternum?*] Chorsemā Aliæ provinciæ, ultra mare Cæspium sita, ab Oriente Mawra Enneher, id est, Trans-Oxianam, à meridie Chorasānam, ab Occidente & Septentrione Turciam antiquam limites habet, maximo frigori est obnoxia hanc ultimam flumen Scheichū interluit cultam, quia illam emensum per inculta deinceps fertur, maximam, quam continet urbem, flumini Scheichūni à meridie adstructam Kurkenssch appellant, Arabes eam Scharschānam majorem vocant, continet & alteram quoque urbem, sibi cognominem, quæ Arabibus Scharschānia minor dicta, eidem flumini à septentrione adjacet. Chitæa Turciæ antiquæ provinciæ, cujus caput Chaschgera est. Cum vero pax illa inter Chorsemæ & Chitææ reges iniretur, autor ipse legationi, ad pacem faciendam missæ, præfuisse, aut certe interfuisse creditur, quod haud obscure arguere videntur hæc ipsa auctoris verba: *Quodam anno Mahmudes Chorsemæ Rex cum Chitææ rege pacem iniverunt: ingressus ego templum Chaschgeranum vidi puerum quendam mira pulchritudine præditum, &c.*

Pag. 183. *Heu misera illi! quæ non acquiescebat, neque somnum capiebat;*

Nisi rosas atque flores Nasiræos primum substravissent.]

Flores Nasiræi, sunt Narcissi, neque dubitem, quin Narcissi vox ex ipsa voce Nasrin deducta, aut corrupta fuerit; quia ut Oriens primus florum propter cœli clementiam cultor fuit,

fuit, ita suis quoque florum deliciis primus nomina imposuit, qui inde ad alias gentes, ad aliud solum translati, alia quoque nomina vel acceperere, vel sua corrupta retinuerere.

P. 184. * *Vtinam illi, qui vitium meum capiunt,
Vultum tuum, ô Leila, animos in amorem fle-*
Etentem viderent,

Vt pro aureo malo, tui aspectu

Abrepti, & velut obliti sui, manus suas scin-
derent.]

Locus hic lucem fœneratur ab illa Josephi historia, quam in Corano à Muhammede traditam, interpretes Arabes hunc in modum uberius exposuerunt: Nimirum Selicham Principis Ægypti conjugem, cum illa Josephi pellicibus indiciis amores expeteret, nec tamen animum ejus ad pudicitiam obstinatum expugnare posset, ad istam indignissimi facinoris famam omnes horuisse Ægyptias feminas, damnato hoc Selichæ consilio, quæ in tanto majestatis fastigio constituta, servi Cananæi, Josephi inquam, pudicitiam per degeneres blanditias tentare sustinuisset. Ipsa hoc vituperandi seminarum judicio ad se delato, eas ad epulum invitat, & cum aurea poma, addito singulis cultro, apposuisset, ipsa Josephum prodire in illarum conspectum jubet, quem cum feminæ itæ intuerentur, incredibili pulchritudinis ipsius fulgore abreptæ, & veluti obliti sui, poma incisuræ, manus suas vulnerarunt, his vocibus per stuporem editis: Proh Deum immortalem! Non homo hic; sed pulcherrimus Angelus est. Tum Selicha infit: Atqui iste est, ob quem me tantopere vituper-

perastis : Iste , inquam , servus ille est Cananæus , cujus me amantem stultitiæ damnastis , antequam pulchritudinem ipsius contemplatæ essetis . Sed si animis vestris tantam vel hominis pulchritudinem concipere potuissetis , cum temere damnaretis meum amorem , procul dubio animo meo veniam dedissetis .

Pag. 186. * *Narrant judicem sacrum Hemedanensem cujusdam fabri ferrarii filiam amasse ; &c.*] Hemedana urbs in Perlide cognominis provinciæ maxima , quatuor portas habet , hortorum & fluviorum deliciis insignis , rara agrorum fertilitate commendabilis , longitudine septuaginta graduum , octo minutorum , latitudine triginta sex graduum , octo minutorum : distat Spahana octoginta parasangis .

Pag. 189. * *Vultus amici ex crispatis cincinnis effulgens ,*

Similis est pilæ eburnæ in orbe clavæ ex ebena factæ .]

Alludit hic autor ad gentis suæ Iusum , quo illa exercendis corporis viribus , pilam eburneam clavâ , quæ una parte orbem ex ebena excipiendæ pilæ aptum habet , summis viribus quam longissime excutere contendit . Candidissimum ebur & nigerrimum ebenum , alterum alterius contrario colore quam pulcherri-me refulget ; formosissimam igitur faciem ob malarum rotunditatem , & niudissimum vultus candorem eburnæ pilæ , crispas vero cincinnos faciem blande amplexos , ob nigrorem clavæ orbi ex ebena concinne comparat .

Pag. 191. *Rex benevole judicem expergesecit , inquiens ; Hæus tu ! expergiscere , quia jam Sol est*

est ortus. Iudex rem cognovit & rogavit: *Ex qua mundi plaga ortus est Sol? Rex respondit, ex Oriente. Iudex inquit: Laus Deo (immortali,) quia pœnitentiæ porta adhuc est aperta, argumento huius traditionis:]* Non claudetur pœnitentiæ porta servis, nili cum ortus fuerit Sol in Occidente. Traditionem hanc ipse Muhammedes reliquit, atque aliis autoribus aliis paulo verbis recenseri solet. Quicumque pœnitentiam egerit, antequam Sol ex Occidente ortus fuerit, illum in gratiam clementer recipit Deus.

Pag. 191. Si me comprehenderis; dignus equidem fuero:

Si vero mihi ignoveris; venia pœnæ præstat.]

Omnes virtutes vitia habent opposita, velut scientia inscitiam, fortitudo ignaviam: sola vero Justitiæ virtus aliam virtutem oppositam tenet, clementiam, inquam, sive veniam lapsis.

*Pag. 193. * Iuvenis integris moribus honestam deperibat puellam:*

Ambo in syrtes illapsi, mox perituris cum adesset nauta,

Vt manum juvenis prehenderet; ne forte ista calamitate periret:

Clamabat ille ex mediis undis:

Sine me modo, & amica meæ manum prehende:

Hoc dictum ipsius totus terrarum orbis est miratus.

Audiverunt eum, cum animam expiraret, ita dicentem:

Amoris historiã ex infido isto homine ne discas,

Qui calamitatis tẽpore amicitie obliviscatur.]

Tradunt Arabum scriptores de Muhammede Abdullahi filio Bagdadensi, ipsum vidisse Bas-

ra,

ræ, juvenem quendam, qui summo ædium tecto conscenso his verbis populum alloquebatur: Qui moritur præ amore, sic moriatur, quia amor sine morte inanis est: Mox se ex alto præcipitem dans, ruina misere elisus periit.

*Pag. 193. * Tu ab illo, qui expertus est, discas, ut noris;*

Quia Sadus ita viam & modum amandi

Novit, ut Bagdadensis linguam Arabicam.]

Catillimo & elegantissimo linguæ Arabicæ usu celebrēs fuerunt cives urbis Bagdadi, quam medio inter Perlidem & Arabiam loco, optimo cœli & soli situ positam, Imperatores Abasidæ diu regiam habuerunt, quorum temporibus non tantum Imperii sedes; sed omnium artium & scientiarum domicilium fuit, & fecunda præstantium ingeniorum mater, unde tanquam ex equo Trojano innumeri doctrinæ & ingenii principes prodierunt, imprimis vero illuitre inter Abasidas inclyti illius Almaïmonis nomen fuit, qui summus doctorum virorum cultor, idem ac antistes, promovendis publico bono præclaris ingeniis natus, omnia sapientiæ instrumenta Græcorum atque aliarum gentium, egregia liberalitate undique conquistavit, & in Arabicam linguam verti curavit; Idem ille etiam propositis amplissimis præmiis, ad liberalium artium & Arabicæ linguæ culturam omnium animos ingenti studio inflammavit, unde non tantum artes omnes & scientiæ; sed ipsa etiam Arabica lingua per Chaldæam finitimasque terras propagata, & ab omnibus certatim exulta fuit, atque ad summam elegantiae perfectionem deducta: quare

quare etiam Bagdadeasium, lingua eo loco apud Arabes, quo Attica apud Græcos fuit, ut optime Arabice crederetur loqui, qui Bagdadum patriam haberet.

Pag. 193. Si Leila & Metschnunus reviviscerent,

Amandi historiam & Artem ex hoc meo libro discerent.]

Decantati per totum Orientem Leilæ & Metschnuni amiores prolixiores sunt, quam pro instituto nostro, quos si pro dignitate, aut amplitudine parem exponere, tempus, quam res maturius me deferret: nos, qui breves esse laboramus, cupidum ejuscemodi rerum lectorum ad illos autores remittimus, quibus unum hoc opus fuit, amores illos incredibili quadam orationis suavitate celebrare. Illorum autem historiam in altero opere nostro, quod præ manibus habemus, brevi edendum, si Deus nobis vitam & vires, uberius persequemur.

C A P U T VI.

P. 194. E Gosenis dicta Damascenis Arabice sum interpretatus, mirantibus longum vitæ spatium, intemperatamque de vita mundana hominis sollicitudinem.] Duo vitia ingravescente ætate senes haud segni pede comitantur, opum scilicet & longioris vitæ avaritia: Quod Arabes argutissima sententia, quamvis illi suo Muhammedi eam adscribant, elegantissime expresserunt: Hominum ingenium id est, quando ipsi ætate senescere paulatim incipiunt, duo vitia

vitia

vitia in illis adoleſcunt, Avaritia & longioris vitæ deſiderium.

*Pag. 195. * Peritus medicus manuum concuſſis ſalutem ſe deſperare prodiit :*

Cum ſenem decrepitum ægrotantem viderit.]

Manuum concuſſus ad magnos & ſubitos caſus, cum mentem & vocem mœror intercipit, deſperantium geſtus eſt, per quem illi dolore amentes calamitatis magnitudinem, quam voce & mente non poſſunt, miſerabili prorfus ratione exprimunt.

Pag. 195. ^a Senex agonis ultimiſque ſpiritus eſſandi miſeriam plangebatur :

Aniculaque quædam illi Sandalum affricabat.]

Sandalum arbor Orienti notiſſima, triplici genere colore ſuo diſtincta, rubro, albo & flavo: frigida ultimo gradus ſecundi eſt, ſicca ſecundo, medetur omnibus inflammationibus, qua aquæ roſacæ mixta caput, pedumque plantæ ad pellendum capitis dolorem & calorem haud inutiliter inunguntur: quod ipſum anicula illa morienti ſeni ſeciſſe hic traditur.

P. 197. ^b Poſtquam vidit apud maritum ſuum Rem, jejuni labiis molliorem,

Dixit: Hæc res cum ipſo mortua eſt :

Oratio autem eſt propter dormientem.]

Oratio hæc, quæ Arabibus Aſimaton: & Rukiaton, Perſis Affun dicitur, illa eſt, quam chartæ inſcriptam ægrotis morbo pellendo vel propinant, vel collo ut amuletum appendunt, vel religioſo conatu admurmurant. Muhammedani plerumque divina nomina, vel preces, vel integra capita ex ipſo Cora-

no deprompta habent, cui superstitioni istud hominum genus plurimum tribuit.

Pag. 898. c Rem ut paucis absolvam, implacabilem matrimonii discordiam, divortium finivit; compieto divortii tempore, eam in matrimonium dederunt cuidam juveni &c.] Post divortium Muhammedanis ritibus femina aliquot mensium spatium cœlebs agere debet, ut interea temporis certo pateat, an ex primo marito gravida sit, nec ne: ut infans suum patrem, & pater suum agnoscat infantem; ne forte, hæc si cautio absit, fœda generis humani confusio fiat, & promiscua stuprorum & incestuum licentia invalescat. Deinde etiam, ut si divortium per iræ impetum forte sit factum, dato illo deliberrandi & resipiscendi spatio, pristinus conjugii amor possit redintegrari, quod utique haud facile sit, si repudiatae alterius viri conjugium statim sit concessum.

*Pag 199. * Bonus ille senex lætabatur, se filium habere ingenio egregium:*

Filius vero patrem ludificans per ludibrium decrepitem vocabat.

Sed audi, (ô senex) multi tibi labuntur anni, quibus

Patris tui tumultum non invisis.]

In Oriente tam Christiani, quam Muhammedani vatum suorum & aliorum, vitæ sanctitate illustrium virorum, atque majorum suum sepulchra frequentius, semel vero in anno solenni ritu invisere, preces suas illic fundere, suffitum adolere, & planctum miscere solent. Adstant quoque ex Armeniis Christianorum sacerdotes, qui pro defunctis preces suas ad sepul-

sepulchra magnâ religione instituunt. Quod vero Muhammedani vatis sui sepulchrum, quod Medinæ est, tanta religione, tanta frequentia, & tantis denique laborum tædiis quotannis invisant, mirum videri minime debet, ejus enim rei geminam causam habent. Quarum altera est summa spes conciliandi sibi Muhammedis manes, quibus propitiis, in extremo quondam judicio ab omni supplicio immunes, æternæ felicitatis facilius consortes fiant. Altera sunt gravissimæ Muhammedis diræ, quibus ille sui contemtores & negligentes acerbissime prosequitur, utrumque ex sequentibus Muhammedis dictis, quæ religiosa traditione circumferuntur, satis patet.

Quicumque inviserit sepulchrum meum, pro illo intercedere mihi necesse est.

Qui venerit Medinam, sepulchrum meum invisendi causa, pro illo intercedere in resurrectionis die mihi necessum erit. Si quis in alterutro sanctissimo loco, id est, Meccæ, aut Medinæ mortuus fuerit, ille beatus sine ullo supplicii metu suscitabitur.

Qui inviserit sepulchrum meum post obitum meum, perinde est, ac si me viventem inviseret. Qui vero sepulchrum meum non inviserit, ille in me maxime contumeliosus est.

Muhammedanis vero ipsa Medina longe præstantior est Mecca, sui vatis patria, quod ipsum ex vatis traditione quoque liquet.

Vates cum Mecca egrederetur, ita orare cœpit; Deus mi, cum tu eduxeris me ex urbe longe carissima mihi, traduc me in urbem longe carissimam tibi: tum Deus eum Medinam tradu-

traduxit, quam urbem ipse Deus & vates ejus sanctam esse veluere.

Pag. 200. * *Mulier quædam decrepita capillos fecerat nigros,*

Cui dixi ego: O mater senio confecta!

Capillos arte denigraveris, ponamus:

*At certe tergum senio incurvum arte corrigi
& rectum fieri nequit.]*

Mos in Oriente obtinet, ut senectutem magnates & Principes fūco dissimulent, barba arte denigrata: quia imbecilla senectus paulatim evilescit, unde sæpe regnorum mutationes ex senescentis Principis contemptu instant. Idem quoque rusi faciunt, ut ingenii malignitatem celent, colore plerumque nigro barbam tingentes. Capillitium enim, quod illis radere inos est, alunt nullum. Aniculæ comam tingunt, ut falsa juventutis specie, callide dissimulata senectute, florentem ætatem mentiantur.

Pag. 201. *Divitis cujusdam avari filius morbo graviter conflictabatur, patrem monebant amici, dicentes: Consultum est, ut Alcoranum ipsius causa cures perlegendum, aut victimam cædas atque distribuas; fortassis Deus altissimus tui miseratus, pristinam illi valetudinem reddiderit.]*

Muhammedani non suas, ut olim Hebræi, Deo victimas adolent; sed concisas & aperi-
bus comedendas distribuunt: hinc est, quod victimam distribui jubet.

Pag. 202. * *Robur requiritur non aurum; quia
heræ*

Gratior est Venus, quam Cræsi opes.]

Pro Cræsi opibus, autor dixit decem libras pondo auri, quod monitum volui illos, quibus
voces

AD ROSAR. POLITICUM. 361
voces magis ; quam sententias discere studium
est: quia Deh decem , Men libram pondo, Ser
aurum significat.

Quo quisque senior est, eo est avarior.

CAPUT VII.

P. 204.^a **N***Unquam vero bonum fecerit politor
Ferrū, quod natura pravam fuerit.*

*Canem munditiei causa septem in maribus ne
eluito :*

Madidus enim cum fuerit, sordidior erit.]

Arabum Geographi post Oceanum ; alia se-
ptem nobiliora maria celebrant. Bachar Es-
sin : id est, Mare Sinense. Bachar Elachsar :
Mare Indicum. Bachar Faris: Mare Persicum.
Bachar Elkulsum: Mare Rubrum. Bachar Er-
rum : Mare Mediterraneum. Bachar Elchefer
Mare Caspium. Bachar Pontus, id est, Pon-
tus Euxinus.

Pag. 205. *Patriam hereditatem si volueris ,
patriam scientiam discce :*

*Patris enim opes decem dierum spatio absumi
possunt.]*

Per decem illud dierum spatium, brevissi-
mum quodque tempus intellige, quo etiam
maximæ opes per luxum disperdi possunt.

Pag. 206. *Pauper etsi centum sædas actiones
admiserit, turpiaque dixerit ;*

*Sodales ipsius ne centesimam quidem partem
resciverint.*

*Rex vero si vocem actionemve unam ediderit
turpem ;*

Fama illam de Regno in Regnum differt.]

Paupertas enim ubique fere ignota vilet , &

Q

nemo

nemo facile vilium hominum naves & vitia observat, quorum vita & vitia juxta in obscuro sunt. Quis vero nescit, Regum & Principum, qui in excelsa ætatem agunt, dicta & facta in propatulo esse, & fere homines mentem & oculos ad alta ista flectere: Nec mirum utique, si splendentis Solis radii objecta nube fœdati facilius, quam minorum siderum defectus, observentur.

Pag. 209. *Homines deliciis suæ bonæque fortune,*

Quare miseriam metu miseriam tolerant?

Vade & bono animo esto, ut sodalis animum inflammans,

Non enim hodie oportet crastini diei tædia, mœroresque concoquere.]

Eleganti carmine Persæ docent, animum instantis miseriam metu minime esse turbandum: verba sua lingua sic habent.

Miseriam, quæ nondum adest, dolere, miserrimum est.

Futuram calamitatem futuro tempore elugendam relinque.

Pag. 211. *O filiule, in extremo judicio rogaberis, quid sis lucratus, (scilicet, quæ pietatis officia præstiteris, aut scelera admisseris: id est; rogabunt opus tuum quodnam? Non vero quisnam sit pater tuus?)* Sua quisque non majorum virtute est æstimandus: Natalium splendor virtuti conjunctus, laudi; vitiis, opprobrio est: quod ipsū Persæ hoc modo eleganter expresserunt.

*Hominem non genus nobilitat,
Sed sua virtus.*

Unionis pretium à suo splendore est,

Non

Non abortu, quem ex concha ducit.

Pag. 212. *Res aliter esse non potest, nisi quod -scorpiones parvuli cum matre patreque ita agunt; ea etiam de causa adulti ita grati. & amati esse solent.*] Hinc scite Arabes dicunt:

Quicumque filius parentes suos: in pueritia non honoraverit, adultus cum fuerit, hominibus parum gratus erit.

Pag. 214. *d Mirum equidem est, eburneum peditem cum Regii ludi campum fuerit emensus, Reginam evadere.*] Ludus Regius per Christianum orbem plurimum innotuit: in Oriente omnia ejus ludi simulacra ex ebore fiunt, altera colore nigro tinguntur, altera vero candida relinquuntur, quo lutores tesseras suas facilius agnoscant. Hoc ludo isti proprium est, ut Regina semel capta, si pedes aliquis hostilem aciem fortiter perruperit, eo ille honore mactetur, ut Reginae jam captae majestatem & jura feliciter obtineat: quia per tot insidiosos hostes illi enitendum fuit, ut cum hostilia castra victor incolumis pervaserit, hac egregiae virtutis laurea merito donandus esse videatur.

Pag. 215. * *Meo nomine dicas peregrinatori mortalium exagitatori;*

Qui cuticulam mortaliū offensionibus lacerat.

Tu non es peregrinator; sed tuus hac de causa camelus;

Quia miser spinis rescitur, anusque pontat.]

Peregrinatorem sacrum intellige, qui pietatis ergo, ut sacrorum suorum satagat, Meccam Medinamque invisit: illam Abrahami atque Adami memoriā, positisque primum ibidem sacrorum fundamentis celebratam: hanc Mu-

hammedis, quem superstitioſe nimis venerantur, ſepulchro nobilem:

P. 217.^e *Tu ô Arſlani & Agulſchi Domine, Imperatoris tui ipſe ne obliſciſcor.*]

Arſlanus & Agulſchus ſunt nomina mancipiorum, quæ alieno dominio ſubſunt. Per Imperatorem Deus Optimus Maximus intelligitur, cujus nos omnes ſervi ſumus: Monentur domini, qui ſub imperio ſuo ſervos habent, ne eos immitius tractent, id ſemper ſecum cogitantes, omne ſub regno graviore regnum eſſe, atque idem illud, quod minores ab iſſis extimeſcunt, majorem iſſis Dominum minari.

Pag. 217. *[Quodam anno mihi ex urbe Belcha iter Damascum faciendum erat, via latronibus infeſta.]* Belcha Choraſanæ live Tranſoxianæ provinciæ urbs celeberrima, clementiſſimo cœlo, & ſœcundiffimo ſolo poſita, ſacchari arundine & aliis plurimis rebus abundat: longitudine ſexaginta ſex graduum: latitudine triginta ſex.

§ Damascus hic non Syriæ; ſed juxta Indiam provinciæ & urbis minus nobilis nomen eſt, quæ illis gentibus Schamiāna appellatur.

Pag. 22. *h* *Sive liberalitatis facultatem, ſive pecuniam ſpectaveris copiam, illa ditioribus longe ſunt facillima, qui opes habent illibatas, quinquageſimisque caſtigatas.]* Muhammedani lege ſua non tantum facultatum ſuarum decimas; ſed quinquageſimas inſuper ſuſtentandis pauperibus quotannis erogant. Atque opum domini nec legi, nec animo ſuo exultant factum ſatis.

tis, nisi illas erogaverint. Alioquin opes, nisi ista decimarum erogatione sacratas, impuras atque Dominis suis infaultas credunt.

Pag. 222. * *Pauperies in utraque mundo est vultus nigror: Respondit alter: Nonne audivisti, natem dixisse: paupertas mea est gloria. Dixi ego, tace: mundi Doctor verbis suis pauperie gentem quandam notavit, quæ benevolentia divina palestra, fatique sagitta libenter subscribit, omniaque Numini remittit: non illos, qui piorum habitum gestant, victumque ab aliis datum reverdunt.] Multa eaque acris inter mortales lis est, utra hominis conditio, divitis, an pauperis Deo gratior sit? plerique paupertatem Deo acceptiorem prædicant, & divites Cœlitum sedibus excludunt, nulla virtutum aut vitiorum ratione habita, hinc multi neglectis aliis virtutibus, divitiis rejectis, tanquam unico bonæ mentis & virtutis impedimento, paupertatem amplectuntur, sacrarum literarum auctoritate scilicet permoti. Cum tamen ea Dei Optimi Maximi mens minime sit, quia multos pauperes vitiis turpes & esse & fuisse constat: multos contra divites virtutibus illustres: eleganter & acute rem ipsam Arabes explicuerunt.*

Accepti Deo divites, qui in divitum fortuna pauperum animum gerunt.

Accepti Deo pauperes, qui in pauperum fortuna divitum proprias virtutes, liberalitatem & beneficentiam colunt: qui adeo paupertatem suam aliis non produnt, ut etiam eleemosynas egenis largiantur, re probantes illud, quod vetus verbum habet: *Liberalitatem etiam de paupere esse.*

Pag. 225. * *Adeo ut coruscans aurora præ nimia divitis pulchritudine eum veneretur: Mobilisque Cupressi pes præ pudore se in humum demergat.*] Cupressus pulcherrima ob proceritatem eximiam, ramos arte & apte compositos, atque virorem perennem arbor est. Hæc adeo procera, nec ramos late diffusos, nec in longum projectos, sed breves & trunco proxime inhærentes habet; qui ab ima fere arbore venustissima serie surgendo, paulatim coeuntes in longum acumen desinunt, ut eminus nulla trunci pars nuda, sed tota perpetuo virore, tanquam sinaragdino habitu vestita, pulcherrima naturæ facie conspiciatur: Ipsa vero ob gracilem proceritatem, qua mali nautici instar in æthera protenditur, levibus ventorum flabris facile huc atque illuc impellitur. Pes ejus radix est.

Pag. 225. * *Cruore amantium ungulas tinxit, Digitorumque extrema sanguineo colore aspersit.*]

Hic ad morem alluditur, quo feminae per Orientem rubro colore manuum pedumque extrema, digitos inquam, ornatus gratia tingere solent; quod & viri, sed rarius tamen faciunt.

Pag. 225. * *Animus, qui Paradisi virgines rapuerit, atque abstulerit;*

Quomodonam blandietur hujus mundi formosiss?]

Muhammedani, ut alia multa religionis suæ portenta habent, sic quoque hujus vitæ delicias in futura vita æterna quondam fruendas, magnis animis ex putido religionis suæ fonte concipiunt: ubi virgines incredibilis pulchritudi-

tudinis, non singulis singulæ; sed uni viro plures ob summam voluptatem addentur. Cum igitur Paradisi virgo summam pulchritudinem habeat, qua major nec dici, nec fingi possit, autor eam, ut pulchritudinis exemplum, hic proposuit.

P. 225. * *Rapax canis carnem modo invenerit,*

Non rogat utrum Salichi camelus, an vero Dischalis sit asinus.]

Salichus Muhammedanis vates habitus, filius Arphacadi, nepos Schemi, pronepos Noæhi, Hebræis Schelach dicitur. Dischales est falsus Messias, sive Antichristus, qui ante extremum iudicium asino insidens venturus est.

Pag. 226. * *Inertem, qui opum fastu se sapientii prætulerit,*

Asini nates aestimato, etsi bos Ambræ fuerit.]

Hic locus à superiori, quo de Ambræ origine differuimus, lucem foeneratur, scilicet multos fortunæ ludibrio delusos, Ambram in bove marino nasci, falso credidisse.

Pag. 228. ^m *Quemvis peditem, quem ille immittebat, ego acriter repellere studebam: & quotiescunque Regi fugam indicebat, ego Regina protegebam.]* In ludo regio illud est familiare, ut quando Regi periculum imminet, illi id ipsum hostes voce quoque indicent: Ut Rex ita ratione vel fugâ, vel objecto militum præsidio servari possit. Cum vero Regina in hoc ludo primas facile teneat, illa sæpe sola ipsam Regem, egregia virtute defensum, discrimini eripit.

Pag. 229. ⁿ *Perinde ut Aser simulacrorum fabricator, qui cum argumentis filium convincere*

non posset, in certamen surrexit.] Abrahami pater Terachus, gentilibus Afer cognominatus, quo cognomento alibi cum inclaruisset, in ipso quoque Corano ita appellatus fuit: Ille vero simulacrorum cultum à Nimrodo acceptum pertinaciter cum sectaretur, nec dehortantem ab eo filium Abrahamum audiret, minime minus abfuit, quin à verbis ad verbera deveniretur: hinc est, quod autor dicat; Aferum idoneis argumentis destitutum, contra filium in certamen surrexisse.

Pag. 231. * *Multa seminarum camelis in le-
llicis suis vecta,*

*Non miserta sunt ejus, qui arenis submersus
perit.*]

Per deserta Arabiae & Abessinorum loca im-
mensa est arenarum copia, quæ ventorum tur-
bine interdum impulsæ, profundis æquoris in-
star, undas agit, unde quandoque tota viato-
rum agmina, qui per vastos arenarum campos
& invias solitudines maximo cum vitæ peri-
culo iter faciunt, coertis subito arenarum pro-
cellis, viva obruuntur. Nulla hîc manifesta
viarum vestigia, nec aberrare à via, propter
obsessos utrumque à serpentibus campos, im-
pune viatori licet. Locorum igitur peritissimis
opus ducibus est, qui singulari cura publicis
stipendiis aluntur, ut viatores per vastas & in-
vias arenarum solitudines tuto deducant, qui
nec ipsi, turbatis vento vestigiis, ulla certa via-
rum indicia habent, nisi quod incredibili qua-
dam peritia & frequentissimo commeandi usu,
stationes suas agnoscant: quas, si forte aberraverint, tanquam odorisequi canes, mira sagacitate

citrate odoratu investigant, odorem lotii, quo stationes perfudere cameli, patulis naribus captantes.

C A P U T V I I I.

P. 233. **F**elix est ille, qui comedit & seminavit:
Infelix ille, qui obiit, & reliquit.]

Docet autor verum divitiarum usum, quas mortalibus largitus Deus immortalis est, ut & ipsi iis fruantur, & pauperibus, unde utantur, liberalissime impertiant: ignoravit ergo earum fructum, qui iis ipse vix usus, invidit, dum vixit, pauperibus earum usum.

Pag. 133. ^a *Vota ne facito pro vilissimo illo, qui nullum pietatis officium prestitit:*

Qui vitam suam acquirendarum opum studio consumpsit, ipseque non comedit.]

Muhammedani pro defunctorum manibus quoque vota faciunt; & qui aliqua in re sunt, legata bona bonorum suorum parte, quotidie vota pro se fieri, & aliquot Corani capita legi curant.

Pag. 233. ^b *Divinus ille vir Moses Carunum monuit, inquiens: Benefacito, quemadmodum tibi benefecit Deus.]* De Caruno, prodigiosis ejus divitiis, profunda avaritia, & miserabili ejus interitu supra abunde est dictum.

Pag. 234. *Benevolentiae arbor ubicunque radices egerit;*

Rami, fastigiumque illius ipso caelo altius evadunt.]

Quia bonorum operum vestigia ad ipsum cecelum usque pertingunt.

Pag.

Pag. 240. ^d *Te propter illam animi ferociam,
inviſtamque animi pertinaciam,
Non humo; ſed igni natum arbitror.]*

Ut homo ex humo, molli & apta ingenio ejus materia, ſic furias omnes & malos genios igni, acerrimo elemento, natos eſſe & ipſi Arabes credunt; & ab aliis credi volunt.

Pag. 240. * *In Peilacana provincia virum
quendam pium acceſſi,
Et dixi, meam tua doctrina ignorantiam ex-
purges.]*

Peilacana regionis Aranae, quæ Armeniæ pars eſt, cujuſpiam tractus & urbis nomen, hæc omni rerum copia affluens, à Peilacano Armenii filio, qui eam primus condidit & coluiſſe dicitur, nomen hoc traxit.

Pag. 242. ^c *Stolidæ laudes audire ſuas pergra-
tum eſt; atque perinde ut cadaver à calce inflatum
pinguedinem mentitur, laudum illecebris intume-
ſcere ſolet.]* Alludit ad lanionum morem, quo ipſi ad excoriandas facilius oves, eas à calci- bus inflant, & cutem acri flatu diſtentam à carne diducunt.

Pag. 244. * *Audivi, quod ex humo Orientali
Quadraginta annis ſiſtilia faciunt.]*

ſinenſia ſiſtilia cape, quæ vulgus Porcellanea vocat: materia, ex qua nobile hoc vaſo- rum genus ſubtili arte fingitur, humo deſoſſa, quadraginta amplius annos macerata vix ma- tureſcit, ut ſæpe parentes hanc filiis & nepoti- bus tanquam abſtruſos latentſque theſauros, pro luculenta hæreditate relinquunt.

P. 244. ^f *Ille, qui ſubito, perfectus eſſe videba-
tur, ad nullam tamen juſtam & conſtantem
perfectionem pertingit.* Hic

Hic vero paulatim virtute & præstantia superat omnes.]

Pullus scilicet gallinaceus, simulac ovo est exclusus, adultus & ad omnia vitæ munia habilis esse videtur, qui statim sibi ipsi victum quærat, nullo materni lactis, aut alius rei præsidio egens. Contra homo, cum primum partu editus in lucem est, omnis rationis expertus jacet, & totus impos sui, ab alieno arbitrio pendet, qui roboris & ætatis maturitatem, quam paulatim & veluti per numeros gradusque suos acquirit, diutius etiam retinet: cum pullus gallinaceus, ut subito natus & adultus, ita & subito senescat ac pereat.

Pag. 245. s Lalus difficulter acquiritur, ideoque magni fit.]

Lalus geminæ genus, colore rubro, rarum & magni pretii est, optimum in Bedachschana provincia nascitur.

*Pag. 247. * Omnes noctes si forent Potentiæ Nox, Potentiæ Nox nullo in pretio esset.]* Potentiæ nox illa est, quæ in Muhammedanorum mentruo jejunio, quod Ramasan appellant, certo septem dierum spatio, incerta tamen hora occurrit: credunt vero, ea nocte omnia vitæ crimina sibi certo remitti, & quidquid à Deo petierint, impetrari; sed præcipitem hanc & incertam horam observare, certe parum certum.

Pag. 254. k Fatum non mutatur, etsi mille gemitus & suspiria


Laudans vel queribundus quis ore effundat.]


De fato quæ subtiliter scribant & sentiant Arabum & Persarum gens, longum sit & operosum hic exponere, alias erit de his commodior dicendi locus.

Pag.

*Pag. 255. * Qui omnium primus notam vestì, atque annulum manui induxit, Schimschidus fuit.] Schimschidus Anuschano patre natus, quartus Persarum Rex, ex prima Pischdadianorum familia oriundus, fratrem habuit Thauratum, tertium Persarum Regem, cui sine prole defuncto, ipse in Imperio successit, pulcherrima corporis specie, maximo ingenio, & incomparabili doctrina summus fuisse memoratur, ut fratre præmortuo, ipsi Persarum proceres illi regnum ultro detulerint: hic ille est, cujus in maximæ urbis Istecharæ origine mentionem supra fecimus: Septingentos circiter annos, diluvii temporibus proximus, regnasse traditur, tandem ingenio superbus, & humanæ sortis nimium oblitus, divinos affectavit honores, sui simulacra, ut Numina, colenda per omnia regni loca dimisit & imperavit: sed à Schedado Adi filio, bello petitus; is fratris sui Elvani filium Sehacum cum exercitu misit, qui, Schimschido bello oppresso, Persarum regnum occupavit.*







~~41~~

41:

XXVI,
16